


6

40-f

32



Bibliotheca
i Coll. Rom..
Societ. Jesu



~~23-e-27~~

052122


23

e

52

6-40.7.32





NARRATIO


DE H. EO B A N O

H E S S O, C O M P R E H E N
dens mentionem de compluribus

illius ætatis doctis & eruditis ui-

ris, composita à Ioachimo

Camerario Pabebergensi



EPISTOLÆ EO-

BANI HESSI AD CAME-

varium & alios quosdam, familiari in genere,

cum lepide ac faceta, tum erudite & lite-

rate: Cum quibusdam Camerarij &

aliorum scriptis.

QVORVM NIHIL ANTE


hunc diem ad hunc modum editum fuit.



Exprimebantur hæc Norimbergæ à Ioanne Mon-

tano & Vlrico Neubero, Anno salutiferi

Christi lesa partus M. D. LIII.



SIGNVM EOBA-
NICVM CVM ELO-
GIO IPSIVS.



Nubila scandentem Lauri de stipite cygnum;
Hecq̃o stemma suum libera Musa dedit:

DE H. EOBA- NO HESSO NAR.

RATIO IOACHIMI CAME-
rarij Pabebergensis, ad CL. V. Adamum Crato-
nem Fuldensem, amicum suumum.

BIBLIOTHECA NAZ.
ROMA
VITERGIO. EMANUELE



RECORDANTI MIHI,
Adame, studia iuuentutis nostra, quæ
nos singulari usu coniunctos tenuerunt, multæ suauæ cogitationes exci-
tantur animo meo, in quibus tristissi-
mis rebus & durissimis his temporibus, interdum so-
leo acquiescere. Vt autem qui in febre frigidam bibe-
runt, se nonnihil in præsentia subleuari sentiunt, mox
uero grauius affliguntur: ita mihi quoq; sæpenumero
usu uenit, ut iucunditatem illam maiores molestiæ exci-
piant. Non modo cum hanc ætatem & superiorem no-
stram confero, & egre fero tantam contentionem tam
celeriter repressam, & ardorem istum extinctum esse:
Sed cum, ut necesse est, de ijs, quæ ante oculos, interq;
manus sunt, ut Poëta ait, coniecturam facio, quæ deinceps
consecutura esse uideantur. Atq; sunt priora illa
quidem eiusmodi, ut morsus habeant sane acerbos, hoc
uero posterius non solum maximos dolores, sed ingen-
tem etiam metum commouet, de quo quidem neq; pos-



NARRATIO DE

sum in acerrima aegritudine, neq; in tanta hominum improbitate plura scribere debeat.

De altero si tecum disputem, & offensione ad plerumq; hoc cariturum esse spero, & ita aberrauerit aliquantulum mens à curis & anxietatibus, quibus cum conflictatur quoties uel in præsentis miseriæ quasi tempestatem intuetur, uel futuræ calamitatis naufragia prospicit. Quæ quidem sola uia est declinandi impetum perturbationis: Cui si ueluti directâ fronte, & ut Græci aiunt, ἀντιπρόσωπος occurrere uelis, celeriter perculsus & euersus prosternaris. Iam de studiis nostris differere, ut nobis dulce, ita ad alios neutiquam inuidiosum esse potest. Quis enim illa uel colit, uel admiratur, uel iam omnino respicit atq; curat? Nugæ hæc esse ducuntur, et in uita communi ἀβύρροτος tanquam lusum pueriliū. Habent enim iam homines, quod expectauerunt, summam statuendi & agendi licentiam. Nihil tam absurdum est, quin animus concipere, & lingua proferre: Nihil tam audax, quin aggredi cupiditas & manus conari ausint. Non ratio, non modus, non lex, non mos, non officium ualeat, non iudicium, non existimatio ciuium, non posteritatis uerecundia, ut ait Cicero. Aperuerunt autem studia nostra iter eruditæ & liberalis uitæ, errorum quasi uepribus excisis, & bonis artibus atq; literis consuetudine humana perculsa. In hos, tanquam amiceniissimos hortos, temeritas & petulantia uastatrix subito irruit. Et sunt Musarum secum

secundum Poëtam, floribus austri sane procellosi, & liquidis immissi fontibus apri. Sed nescio quo pacto etiam dum fugit tristitia animus, nihilominus ad horum conspectum refertur. Sit igitur hic istorum finis. Ac aspiciamus iam ad illa, in quibus & laticiae aliquid & quietis me reperire dixi, id quod & te facere mihi persuado, ut libenter memineris tam assiduitatis atq; diligentiae discipulorum, quam Magistrorum attentionis atq; sedulitatis, quam nos sumus experti, & cuius participes quoq; fuimus, uel potius, quo tempore ac loco, nos etiam aliquam laudemq; decusq; gessimus. Sunt enim anni ferme XXXIII. cum ego me Erphordiam contuli, ibiq; te florentem etate & ingenio & fama eruditionis atq; doctrinae reperi, quasiq; natura alter alteri conciliaretur, ita factum tum est, ut celeriter inter ignotos prius iucundibilis animorum benevolentia existeret, nosq; in studiorum similitudine amicitia coniungeremur, & ex usu mutuae familiaritatis uterq; aliquid fructus perciperet. Colebamus eas literas, sine quibus persuasum nobis erat nullam doctrinam sapientiae professionem suam tueri posse, & autores Graecae & Latinae linguae legere studebamus. In qua parte ego quanquam admodum adolescens, tamen ferebar in oculis, quia audiueram Ricardum Crocum Britannum, qui primus putabatur ita docuisse Graecam linguam in Germania, ut plane perdisci illam posse, & quid momenti ad omnem doctrinae eruditionem atq; cultum,

NARRATIO DE

huius cognitio allatura esse uideretur, nostri homines sese intelligere arbitrarentur. Nos quidem certe ita statuebamus, hanc esse uiam uirtutis atq; sapientiae, & iter directum cum pietatis & religionis, tum humanitatis & laudis in hac uita & in terris. Vere ne an falso non exquiram in praesentia, nos scilicet ita censebamus. Neq; spem quae concipiebatur de his rationibus quantius tum uanire passi fuissimus. Fuerit hoc erratum, mihi tamen profecto etiam opinio illa iucunda est, neq; possum uel hodierno die animum inducere, ut aliter sentiam. Τὸ δὲ δοκοῦν καὶ τὸ αὐθιγὲν βιάσασθαι, aiunt. Et fuerit profecto hic error, si error sit, neq; turpior neq; nocentior, quam est multiplex & uariis error inter homines, ut non debeat nos huius nimium pudere, si quis illum exprobet, & impedimento fuisse perhibeat, quo minus opes, dignitatem, honores consequeremur.

Cum autem illius sanctissimae & optimae uiae consuetudinem animo meo repeto, imprimis ante oculos est EO BANVS Hessus, ad quem tu quidem me primum adduxisti. Sed ille tam cupide me complexus fuit, ut neq; dulcius, neq; constantius fieri quicquam potuerit. Non & fauebat ardori, quo flagrare cernebat animū meum studiorū bonorū, & diligebat penē puerilem simplicitatem audaciae, in ijs profitendis, quae tenere me crederem. Et probabat interdum iudicium me discris considerationis, de ijs quae forte differebantur, etiam

etiam firmitatem animi in similitudinibus negligendis, & contemnendis obrectationibus. Meminisse enim te arbitror, quorum inuidia me tum impetuerit, cum tu me acerrime defenderes, & innocentiam meam tuereris. Erant autem emulationes illæ neq; capitales, neq; omnino culpandæ. Alius alio uideri doctior uolebat. Dum igitur se præferri studet cæteris, fieri non poterat, quin minus commode interdum de ijs loqueretur, quorum existimatione suam famam præmi suspicabatur. *εὐχαρὴ δ' ἐ' ἔ'σ'τ' ἡ δὲ ἑποτοῖσι*, secundum Hesiodum. Absit modo acerbitas contumeliæ, & odij crudelitas. Sed hæc oblivioni, quasi uentis dissipanda præbeantur.

Cum autem annis fermè quinq; postea quàm ego Erphordiam reliqui, prospera fortuna me denuo cum Eobano coniunxisset, & augescentibus annis in mea uita aliquid mutationis accidisset, & mihi nonnihil tristitiæ oblatum fuisset, ita sum hoc amico usus, ut & consilijs & consolatione ab eo sæpenumero adiuuarer. Sed præcipua erat suauitas & oblectatio in studiorum communium cultura, cum uterq; alteri aliquid à se in hoc opere semper conferret. Nam ego nunquam dissimulaui quantopere mihi profuerit Eobani familiaritas, & ipse quo erat candore, non dubitabat interdum prædicare quid commoditatis perciperet de mea.

Cum autem uidissem ante annos aliquot epistolas huius scriptas ad diuersos, editasq; magis studiose quàm prudenter, uel ne studiose quidem satis, nam exem

pla incorrecta & mendosa diuulgata sunt, & te non fugit, qualis Eobanus scriptor fuerit, qui non modo quicquid in buccam uenisset, ut dicitur, efferre, & τὸ ἔπος cartis committere, sed saepe admodum in festinatione negligenter exarare literas soleret. Huius igitur epistolarum librum cum uidissem, ut non probabam talem editionem: ita factum illa occasione fuit, ut respicerem ad cartas meas, inter quas scirem Eobani epistolas ad me iacere. Inueniꝑ; tunc plures quàm omnino putaram, & inter relegendum mirifice fui recollectione illorum temporum & consuetudinis nostræ delectatus. Fuit enim tum mos profecto optimus & humanissimus, & huic quo nunc uiuitur, dissimillimus: candor eximius in tribuendo cuiq; quod illi deberetur: summa reuerentia eorum, qui uirtute & doctrina præstare crederentur: Mira facilitas ad reconciliationem gratiæ, si quid forte simultatum incidisset: In consuetudinis & familiaritatis usu nihil fucatum aut exulceratum: Discendi quod ignoraretur, inflammatis studio animi, & nullus in confitendo pudor, nullum persequendi occasiones tœdium, neq; fastidium audiendi: Inprimis autem parata bene meritis grati animi memoria.

Sed 'ut ad rem redeam, coeperam iam consilium & has epistolas adhuc delitescentes apud me edendi, de quo statim ad te perscripsi, Verum ea tempora inciderunt, quæ non hoc modo turbarent, sed alias multas
 præ

praeclaras res pessundarent . Veni tum forte ad nostram
Sturciadem Erphordiam, qui & ipse de editione epis-
tolarum Eobani nonnihil conquerebatur, & cum ex-
pressarum tum alia autographa scripta Eobani mihi
dedit. Sumsi tum & à Groningo nostro complura.
Quæ quominus hætenus, ut uolucram, in lucem pro-
dierint, multa impedimenta fuerunt .

Etsi autem rursus is horror tempestatis se ostens-
dit, ut quid omnino de studijs bonarum artium futurum
sit ualde metuendum esse uideatur: Tamen cum nuper
incidissem & in hanc congeriem epistolarum Eobani,
& ea quæ tu de hoc composita ad me miseras, cupido
me cepit, & conscribendi de illo quæ comperissem, &
mihi nota essent, & emittendi in publicum epistolas
EOBanicas nondum editas, cum ad me, tum alios ab
illo uere familiariter scriptas . Sperabamq; hoc opus,
si absolueretur, & uoluptatem legentibus allaturum,
& nō expers etiam utilitatis futurum esse. Multa enim
merunt & liberalibus iocis quasi condita, & utilibus
disputationibus de bonis literis aucta, & grauibus
etiam sententijs referta . Tibi certe scio, ut mihi descriptio
& elaboratio fuit iucundissima: ita lectionem gra-
tam, & hanc operam studij mei acceptam fore .

Scripturus autem de Eobano nostro, ordiar de
tuis indicationibus, ut narratio ordine quodā procedat.
Fuit igitur, ut significatur, cum tuis tum aliorum,
quorum opera in his perquirendis usus fuisti literis,

NARRATIO DE

Eobani patria ea pars Caltorum, quæ spectat ueteres Angriuarios ad Visurgin, in finibus ditionis Hesiace. Parentibus natus est nō illis quidē opulenti, sed honestis, & integritatis ac pudoris laude inter omnes conspicuis. Mater ciuis fuit oppidi Gemundini, Pater in montibus quibus territorium Hesiacum concluditur, operam suam dedit Conuentui Heinensi. Qui religione iampridem neglecta, & disciplina corrupta, dissipatus nunc est, & mutata res, ut illo loco pauperes aliquot alantur. Quo loco uim quandam admirabilem naturæ considerandam esse puto, quæ in temporum, locorum, hominum, euentuum, maxima dissimilitudine, similitudinem tamen semper aliquam exprimit, ut in ærietate maxima, congruentia summa animaduertatur a diligentibus & attentis. Nam cum Eobanus eam nostra ætate & his rebus præstantiam attigerit, quam olim rebus alijs Homerus, quasi diuinam & suspiciendam omnibus absoluisse, fuerunt inter hos similia per multa.

Quemadmodum enim Herodotus tradit, in ripa fluminis Meletis partu editum fuisse Homerum: Ita sub arbore in gramine mater recubans, Eobanum enixa fuit. Et ut patria Homeri ignoratur: Sic non potuit certo cognosci, quo loco in lucem editus esset Eobanus. In pago quidem uno ex eorum numero, qui attributi essent conuentui Heinensi natum illum esse satis constat, sed non eundem omnes nominant. Non
abhor

abhorret à uero, in pago natum esse, cui est nomē Teu-
tonicum deductum ab hirco. Nam ille aliquando io-
cans Tragocomensem se appellabat. Fuere & fortunæ
origini pares, ac toto uita tempore non admodum ille
in parte aucta, aut luculenta re uixit. Peregrinator
etiam atq; oculis hebetibus, hoc uno Homero foelicioꝝ,
quòd uisum penitus non amisit.

Sed quamuis parentes haberet pauperculos, cu-
ra tamen illis fuit, ut Eobanus liberaliter educaretur.
Nam fratrem huius natu minorem officina statim dele-
garunt. Accepimus autem natum cum fuisse, & ita
credi ipse postulabat, Anno Iesu Christi 1488. Non. Ias-
nuarij, hora post illius diei meridiem 17. id est, mane
hora quinta diei Dominici, quo adscriberentur in sacris
Epiphania. Ad quam si describatur thema genethlias-
cum, animaduertetur non pauca congruere cum thema-
te Homérico, exposito à Firmico.

Puer didicit à quodam Diltmaro, qui in illo con-
uentu primas tum esset Ecclesiasticus, prima elementa
litterarum. Verisimile est, quòd celeriter omnia per-
ciperet, & fideliter retineret, Placuisse ut litterarum
studia sequeretur. Missus igitur fuit ad propinquos
Gemundam, inter quos præcipuo loco & nomine unus
Hartomanus Arnoldus paulo natu grandior, qui pos-
tea in sua ciuitate Magistratus præcipuos gessit, unà
cum illo audiuit Ludimagistrum cognatum suum, ut ille
grauem & satis doctum Iohannem Mebesium, qui hoc
studia

NARRATIO DE

studeret, ut pueri in primis Grammaticas praeceptiones cognoscerent & intelligerent.

Hi duo postea Francopergam profecti fuerunt, ad spem doctrinae uberioris. Quod ibi ludum aperiret cruditione literarum tum celebris Iacobus Horlaeus, cum ageret Eobanus annum decimum quartum. Hic uero magna beneuolentia complexus Eobanum, quod eluceret in eo indoles eximia, una cum paucis quibusdam alijs, impendit illi extraordinarias operas doctrinae, & tradidit praecepta Versuum faciendorum. Cumque alijs quantulum temporis de hac institutione consumsisset, iussit eos experiri in componendis uersibus uires suas. Et proposuit sententiam illis Euangelicae narrationis, ita ut tum ferè commemorabatur hanc: Ego sum lux mundi, qui sequitur me, non ambulat in tenebris. In qua statim notasse ferunt Eobanum, quod una pars numerosae caderet, ita ut Pentameter Elegiacus concluderetur. Sic autem accepimus expressisse uersibus propositam sententiam, ut iam tum statim Magister admiraretur uim prompti ingenij, & se profectus spem singularem de eo diceret concipere, ac arbitrari diuinitus sibi in mentem uenisse, ut illam sententiam tum proponeret, ominisque boni id loco accipere: Sapeque hortari Eobanum, pergeret quo Deus & natura ipsius eum ducerent: Non enim sibi dubium esse, quin uir magnus esset futurus.

Ardui ipse ex Eobano, aliquando sibi dormien-

EOBANO HESSO.

¶ Et iacenti in quiete profunda, oblatam speciem quasi nauigij ad cursum omnibus rebus instructi, quod staret religatum ad littus. Cumq; accederet, et inlueretur illud solícite, inceſſiſſe ſe cupiditatem nauigandi, et uiſum fuiſſe ſibi, quòd funem ſolueret, et conſenſa nauē prouheretur: ita precatus repente uerſu còpoſito:

Da tandem fortuna uiam, iuuat ire per altum.

Fuiſſe Horleum uirum optimum traditur, qui mirificam uoluptatem caperet de diſcipulorum profeſſu. Isq; ſæpe poſtea, cum Eobani iam nomen celebrari inciperet, huius exemplo alijs ad diſcendum calcar cohortatione ſua admouere ſolitus fuit. Inprimis autem placuerat illi, et ſpem ſingularis excellentiæ confirmarat in Eobano aſſiduum ſtudium ſcribendi, et cura ac ſollicitudo, ut ſcripta ſua emendarentur. Cum enim eſſet ingenio acri et uehemente, quoties forte uerſus feciſſet, ſi minus potestas daretur conueniendi Maſiſtrũ, conſtat eum tum quæſuiſſe alios, à quibus errata corrigi poſſe ſperaret, neq; repelli ſe paſſum fuiſſe ullis occupationibus horum, quin operam ſibi dari peteret. Sæpe in cœtu exhibuit frequente uerſus ſuos, aut attulit ad conuiuium, et precibus contendit, ut illi ſtatim recitarentur, et ſi quid uitij in his eſſet, ut demonſtraretur: Negare rem moram ferre poſſe, ſibi alios uerſus mox eſſe faciendos. Hac puerili et libera li importunitate multi tum delectati, et iſtum ardorem ſtudij exoſculati in puero Eobano fuerunt, et dicere inter

NARRATIO DE

inter se, fieri non posse quin illa incitatio & tam feruens studium, admirabile nomen pariuorum illi pueros esset, si uita ei concederetur: Vereri enim se, ne præcox ingenium ad fructum proferendum non perueniret. Quem metum, ut Deus inane esse uoluit: ita opinio- nem ominis illos nequiquam fefellisse exitus probauit.

Cum in illo ludo mansisset Eobanus triennium, annos deinde natus sedecim, Erphordiam, quasi ad aberiorem mercatum bonarum artium profectus fuit: Operam studij sui illi nauante Magistro artium bona- rum, patria Francopergensi, qui nominaretur Ludouis- cus cognomento Christianus, uir pius & innocens ac doctus. Habuisse etiam aliunde adiumenta putatur ad studiorum cultum, & ut in hoc ocio perdurare posset, popularium quorundam, qui facultatum copia abun- darent. Erphordie admodum tum iuuenis carmen com- posuit de infœlicitate amantium, & alterum Bucolicū.

Cum Erphordie eos honores esset consecutus, qui in scholasticis communitatibus tribui solent ijs, qui doctrina alijs præstare iudicantur, uisum illi fuit per- regrinationi operam dare, non tam, ut ipse aiebat, consideratione, quàm impetu quodam animi. Erat il- lis temporibus in Borussia ad Vistulam Præsul Rife- bergen- sis, gente nobili Nariscorum Iobus, uir aman- tissimus omnium studiosorum bonarum literarum & artium. Huic conciliatus Eobanus, qui sibi cognomen- tum patriæ sumserat, & ante Eobani nomen Græcum
ponere

ponere uoluerat, quo sol significaretur, ut esset appellatio tota: Helius Eobanus Hessus (reddidit autem causam, cur Helij nomen asciuiisset, carmine quod edidit Erphordie) Præsuli igitur Iobo conciliatus Eobanus, fuit mirum in modum gratus. Admirabatur in adolescente uir prudens uim ingenij, & simplicitatem amabat, & perpetuam sibi illius familiaritatem policebatur. Ideoq; beneficijs uarijs obnoxii sibi reddere eum studebat. Scripsit tū Eobanus & alia quædam, & ad imitationem Ouidianam Heroidas, quas postea retexuit, & nimis futiles inde fabulas exemit, ac multo meliora & grauiora fecit omnia. Est autem & primum opus memorabile, & eo etiam nomine spectandum, quod initia complectitur facultatis Poëticæ, & spectamen Eobanici ingenij: Præsertim cum non incubuerit ille in compositionem, Sed, ut mihi sepe retulit, maximam partem animo suo composuerit, & absoluerit eques, dum comitaretur forte præsulē, aut ad uenationem prouheretur, aut mandata itinera faceret.

Erat consilium Præsulis, ut Eobani opera ad Scripturas uteretur, & negotia ea quæ requirunt ciuilem prudentiam, & ad obeundas legationes, si quando aliquis ad uicinos Principes mittendus esset. Curauit igitur Lipsiæ comparari libros, quibus descriptum ius comprehenditur studio primum Imperatorum, deinde imitatione Pontificum Romanorum, ideoq; coepit Ius ciuile & Pontificium appellari. Sumtibus etiam liberalia

NARRATIO DE

liberaliter instructum Eobanum ad hoc studium Lipsi-
am misit. Quo uenit cum ego in prima pueritia ibidem
discipulus essem optimi & integerrimi uiri Georgij
Helti Vorhemij, cum uestitu aulico, ea erat talaris uestis,
ut tum consuetudo ferebat, Punicea. Ipsum eo tem-
pore fuisse Eobanū oportet natū annos uiginti quinque.
Nam incidit hoc in annum Christi Iesu M. D. XIII.
Erat iuuenis ille pulcherrimus, corpore firmo & pro-
cero, & membris elegantibus, facie plane uirili & ore
seuero, barbaq; conspicua ac profunda genæ totæ ue-
stiebantur.

Neq; ego facile existimo fuisse quenquam à pri-
mo ortu, cuius habitus atq; constitutio ac species cum
Eobanico corpore conferri, nedum huic ut illa præferri
possent. Omnia etiam quibus exercendo corpus reddi
solet cum agilius tum robustius, studio sibi habuerat,
ut luctaretur, ut illos gestus dimicationum & chirono-
mias disceret, ut saltaret, ut nataret. Neq; in ullo ge-
nere facile alteri æqualium cedebat.

Est ad Rusepurgum piscina spaciōsa, neq; ulla
parte sui non distat ripa una huius ab altera ter M.
paß., quam etiam propter hoc quod narraturus sum,
ipse cum in Borußiam aliquando uenissem, & illo in
oppido pernoctassem, diligenter fui contemplatus.
Solebat in ea interdum natare Eobanus, & natando
etiam certare cum æqualibus.

Quodam die cum uestes reposuisset ad ripam
que

quæ oppidum spectaret, & demississet se in piscinam, quod ad alteram illius ripam posse se natando procedere gloriatus inter suos fuisset, illò quidem perrexit, sed tum demum considerauit animo suo, quàm longo ambitu sibi nudo ad uestes redeundum, & quod pagi etiam transeundi aliquot essent: Itaq; pudore nuditatis, demersit se denuo in aquas, & continuata natatione confecit ad sexies M. passus, potius quàm se ullius hominis oculis in uia nudum offerret. Erat autem in hoc ingens uerecundia, quæ etiam senescentem prosecuta, ita ingenium hominis temperabat, ut moderatio illa ad augendam rem ei, ita ut sit, noceret. Cum autem non posset non sentire quantum & ingenij & corporis uiribus ualeret, & esset in eo animus excelsus, quo fieret ne alijs inferior haberi facile pateretur: non ut se ullis præponeret, aut sua bona ostentaret, id quod ab eius summa humanitate longissime absuit: Sed ne, non præstando quod posset, sibi ipsi contemptus autor existeret: Vnum uercor he nimis iuueniliter & incoagitanter tum non deliberauerit, Sed ausus fuerit facere, quo & ingenium debilitaretur diuinum, & excellentis corporis quasi soliditas labeficeret. Putauit enim se etiam inter poculorum certamina, quæ maxime tum in aulis certabantur, & à nobilitate frequentabantur, nõ uinci ab altero oportere. Adueruntur in illa loca etiam uina plenissima. Sed potus coquitur cum alibi, tum maxime Gedani, is qui cerebro infestior sit fumis suis,

quàm uini cuiuscunq; inurgitatio. Accessit ille quidem hoc quoq; consecutus, ut de palma in isto genere cum Eobano contendere uellet nemo. Sed breui tempore repletionem nimia iuuenile corpus grauitè affluxit, & uires nonnihil eneruauit.

Narrabo hoc loco, & si mihi res non placet, & sæpe indignatus fui animo meo, hoc etiam malum corripuisse Eobanum, & communem cladem nostrorum hominum deploraui. Cum illi dicerem, ita eum seipsum oppugnasse, ut castella & arces solerent tormentis: Sed quamuis iucunda mihi mentio non sit, tamen quia scitum est, narrabo quid inter eum & gloriosum alterum potorem acciderit. Aderat forte Eobanus in conuiuio. Eodem uenit ille quoq;. Et iussit intro ferri uas grande ligneum, quo apportari de puteis aqua solet, (nos situlam aut urnam, possumus, ut opinor, nominare) cuius generis minimum capit ad conagios duos. Id posuit in medio repletum Gedanensi ceruisia. Ac præfatus quædam, quæ comperisse se diceret de strenua potatione Eobani, petijt ut ebiberet illud uas, sibiq; propinaret. Hoc si fecisset, præmium se iam ei tribuere annulum cum gemma preciosâ, quem de tractum de digito in uas illud abiecit. Eobanus nihil cunctatus, neq; multa locutus, non enim solebat, arripit uas, & non longo tempore assumpto euacuat bibendo, & cum cuerteret, sicut fert mos compotantium, decideretq; annulus in mensam, Applaudere illi omnes

nes, & inprimis prouocator, & annulum donare, ac incredibile se factum cognouisse dicere. Tum Eobanus toruiore uultu, ut consueuerat in commotione, cum intuitus, Quid tu, inquit, me mercede potare censes? Ac reiecto ad illum annulo, Tuum, inquit, annulum tibi habeto, & idem quod ego feci in uase isto euacuando, ut promisti, facito. Tum ille ostentator inchoatam rem cum perficere non posset, ab omnibus derisus, & in conuiuio obrutus somno relictus fuit. Hoc igitur illi incommodi uel infelicitatis, potius, ab axe Boreo inflictum fuit.

Et si autem me non fugiebat hæc futilia uisum iri quibusdam, non etiam nullis frugalioribus externorum hominum inepta, tamen ad narrandum hoc me de iuvene Eobano, cum Socratis senis exemplum, qui illum in Platonis cōuiuio Psyctera pœne congelatam exhaurit propinatū ab Alcibiade, inuitauit: Tum prompta simplicitas ad omnia, & in experiundo quiduis strenua Eobani cupiditas, hac etiam in parte declarare uisa fuit ingenij uim & corporis robur, quo utroque cum non fuisse ad ullas res malas & turpes abusum, equidem & memorabile, & ipsi gloriosum esse iudico. Sed de his statuatur quisque, quod uoluerit, ac nostra peragat oratio ad alia incundiora.

Erat Gedanensis quidam æqualis fere ætate Eobano, neque corporis specie longe inferior, inferior tamen, pariter & ingenio minor, qui patria appellatus

NARRATIO DE

tione se Dantiscanum nominaret. Inter hos præclaræ
 contentio extitit ingenij & eruditionis, cum alter ala-
 terum operibus Musicis, initio sanè, ut accepimus, alia
 quanto infestius prouocaret. Sed Dantiscanus uir pru-
 dens celeriter sensit, quàm longè in hoc spacio ab Eo-
 bano relinqueretur, & ingenua confessione primas Eo-
 bano concessit, & ipse aliam laudis ac præstantiæ uiam
 ingressus fuit. Nam Sarmatico Regi se adiunxit. Cuius
 nomine legationibus ad alios Reges & Principes fun-
 ctus, ad dignitatem & opulentiam maximā peruenit.
 Habuitq; semper postea animo suo carum Eobanum,
 & nonnihil etiam fortune suæ commoditatis ad eum
 transtulit, cum interdum munusculis eum augetet. Eo-
 umq; uicissim Eobanus coluit & ornauit scriptis suis.
 Hic est Dantiscanus, qui constantissimè dilexit omnes
 bonarum artium studiosos, & ipse ad extremum usq;
 senium easdem coluit, factus benignitate Regis Polo-
 niæ præsul Varmiënsis. Erat autem homo festiuus &
 persacetus. De quo aliquando mihi clarissimus uir uir-
 tute & doctrina præstans, summus noster, Georgius
 Sabinus retulit, cum Regiomöte ad eum fortè uenisset,
 fuisse se ab eo acceptū perquàm humaniter & benignè.

Postquàm abierant dies aliquot, & significasset, se
 Sabinus uelle discedere & reuerti domum, petijt Præ-
 sul, ut pranderet prius. Cœperat tum fama spargi, in
 pagis, qui redeunti transeundi erant, seuire pestilentis-
 am. Tum Præsul, Ecquod haberet contra morborum
contra

E O B A N O S E S S Ò .

rotationē alexipharmacō, interrogauit. Sabinus habere se nescio quid respondit. Tum Præsul: Nihil, inquit nocuerit, à me aliquid etiam te accipere. Habeo enim præsens remedium ad permulta, quæ iter facienti accidere possunt. Cumq; diuitteret Sabinum, tradidit ei ita compositum quiddam, ut speciem uasculi haberet, in quo solent medicati pulueres asseruari. Ac prædicare coepit usum mirabilem, & dicere, se esse sapissime beneficium illius medicamenti expertum. Cum in manus accepisset Sabinus, statim sensit, quid medicamenti esset, pondere. Nam arte compegerat Præsul complures argenteos, qui de ualle ubi primum percussi fuerunt, Ioachimici uocantur, quos ne magnificare ipse donum suum uideretur, cum hac illi festiuitate obtulit. Sed exeuendum nobis è Borussia est.

Lipsiæ igitur ego puer & primum uidi Eobanum, & de fama admiratus fui, atq; uenerans suspexi. Habebat tum Academia Lipsica doctos uiros multos. Vnum maleuolentia & odium quorundam paulo ante expulerat, qui in uicinia ad Albin postea consenuit, & obiit diem suum, uir omnibus bonis carus Ioannes Aesticampianus. Sed aderant tum eruditionis & humanitatis principes, Io. Sturnus, Vitus Berlerus & Georgius Aubanus Franci ambo. In meo autem magistro Georgio Helto, cum neq; esset ingenium infelicius, quàm in quouis alio, studium uero & industria haud scio an admirabilior quàm in ullo, Tamen &

NARRATIO DE

moderatione animi & metu quorundam quibus eum obnoxium reddebat institutum uitæ genus, cohercebat, ne familiariter cum ijs se coniungeret, qui politi & exculti litteris tantum uideri uolebant. Nam quod aliquando hi etiam liberius exultarent, ut fit, grandiores natu qui aliam rem & doctrinam illam esse animaduertent, quàm de qua ad dignitatem & emolumenta ipsi peruenissent, offendi, & ex his nonnulli irasci atq; repugnare nouitati, quidam etiam inuenti, qui inuidia & odio extimularètur, & studijs essent iniquiores. Id quod omnibus mutationum temporibus antea accidit, & post hæc euenturum est. Sed illi quos nominaui, minus curare ueluti censurâ senû, ac sua studia colere, & doctrinam horum profiteri alacriter, & tum sese cû Eobano cupidissime coniungere. Ibi ille, quem natura etiam à Musis aberrare non pateretur, & horror tractationis à studio Iuris repelleret, oblitus uoluntatis ac mandatorum Præsulis sui, pecuniam confecit, & libros grandes istos Legum atq; Constitutionum diuen didit, & mox Erphordiam ad incunabula doctrinæ suæ se retulit. Paulo post uenit Lipsiam Euricius Cordus, patria & ipse Hessiacus, natus in uiculo, cui nomen Simus, vnde & Simusij cognomentum aliquando assumebat: Attulitq; secû Bucolica sua, quæ Lipsiæ uolentibus audire explicuit. Eum primum uidi apud meum Magistrum Georgium Heltum. Cumq; caperetur animus puerilis sermonibus eruditis illius, egregiam

giam rem esse suspicari coepi Poeticam: Nam hos Poetas nominari audiebam. Hic Cordus postea Medicus factus, cum à se tum liberis egregiam laudem doctrinae posteris reliquit. Quae esset immensa, si filio huius Valerio, id absolueret, quod uterq; instituerat, licuisset: Qui Romae est cum omnium luctu mortuus, & reliquit ingens desiderium non modo peritiae & doctrinae, sed etiam uirtutis & humanitatis suae. Cum patre autem mihi singularis usus necessitudinis intercessit Erphordia. Neq; illo ego quenquam cognoui magis uel uehementius potius studiosum ueritatis, & qui peius odisset mendacia & uanitatem. Erat autem natura asperior, & paulo impatientior, quaeq; dissimulare, nihil ferè quo offenderetur, ac ferre posset. Quod in causa fuit ut in aliquorum interdum indignationem incurreret, à quibus potuisset subleuari, si fauorē ipsorum ambiret ac retineret. Declaratur id Epigrammatis quae edidit, & hoc ipsum studium, quale dixi, tale hominis fuisse ingenium ostendit. Cordum nominat ille se, nam editus fuerat extremo partu matris suae. Euricius autem de Henrico fecerat Cunradus Mutianus Ruffus, qui in sodalitie Ecclesiastico Gothae degebat. Et cum esset nobili familia ortus, neq; non offerrentur occasiones illi amplissimorum honorum, quod & fratrem haberet in principis Cattorū aula primo loco, & ipse non modo animi ac corporis donis, sed Italica etiam disciplina commendaretur, splendori & opulentiae fortis

NARRATIO DE

nau exilem, & infra mediocritatem positam Gothanū
 collegij prætulit. Abest autem Gotha Erphordia Mil-
 paß. non multo amplius XII. Ad hunc primum à te
 Adame adductus, sepe prædicaui, ut scis, me illum co-
 gnouisse optimum & sapientia ac uirtute præstantissi-
 mum uirum. Dignitas in hoc erat summa, grauitas au-
 tem ea, quæ ætatem & locum quem tenebat, deceret,
 commissa illa quidem cum comitate incredibili. Miri-
 fice autem lætabatur, cum audiret sedulo operam dare
 literis iuuentutem, & quibus rebus poterat in hoc spa-
 cio solebat incitare currentes: Superstitionibus inimi-
 cus, & hospitalis in re tenui admodum: Sed erga stu-
 diosos litterarum tantum. Nam aliorum ferè omnium
 consuetudinem fugiebat, adeo ut nimis fuisse appetens
 ocij studiorum & tranquillitatis hac in parte uideri ali-
 cui possit, quàm beatam præscripto ædibus titulo, se
 arbitrari significabat, ubi & hoc uiscebatur elogium:
 Bonis cuncta pateant. Sed turbarunt hanc tranquillis-
 tatem ea tempora, quorum difficultas ac miseria iam
 inchoata, ad eam perducta est tristitiam & calamitas
 tem, quam experitur, & cum qua conflictatur ætas
 nostra. Qui autem finis futurus sit, nulla coniectura hu-
 mana potest prospicere. Solebat Mutianus, tum quis-
 dem canus, nam annis grauis erat, cum ad eum pri-
 mum ueni, adolescentibus studiosis litterarum, qui ad se
 uisendum accessissent, proponere materiam quam scri-
 bendo elaborarent, & scripta postea emendare, & se-
 pe non

pe non admodum digna collaudare, ut hoc pacto ad diligentiam & curam studiorum excitarentur animi illorum. Erat autem festiuiss. ingenio, & liberalibus iocis admodum delectabatur. Epistolas ad amicos scribebat libenter. Genus autem erat sententiosum orationis & incisum: Quale est Politianicum, ad quod in Italia erat assuefactus. Rhythmis etiam ludebat interdū, cum quidem uersus faceret sat bonos. Diuulgati quidam fuerunt de improbitate simulantum religionem. Sed ipse neq; edidit suorum quicquam neq; reliquit (assirmante etiā hoc optimo et doctiss. uiro Io. Marcello Regiomontano, qui affuit cum moreretur, & in sua omnia illius potestate habuit) quod edi recte posset, & omnino se sua publicari nolle aiebat. Ac mihi percontanti aliquando causam, quamobrem tam pertinaciter premeret scripta sua, cum omnes arbitrarentur, & ego quoq; putarem eū scriptionibus operam dare, ita fieri respondit: Quia sua sibi nunquam satis placerent, ideoq; malle se frui aliorum stultitia. Erat nimirum ei persuasum, non facere sapienter illos qui sua scripta facile emitterent in lucem. Præsertim cum illis temporibus non emitterentur, sed euolarent undiq; omnis generis libri. Mortuus est Mutianus Gothæ rebus turbulentis in Germania, in dolore, ut apparebat, amissæ dignitatis & diminutæ rei familiaris, Anno Christi Iesu M. D. XXVI. tertio Calen. Aprilis Vir magnus, & probitate, integritate, uirtute, sapientia, humanitate ex

NARRATIO DE

cellens, Decus & ornamentum eorum quibus cum uixit, & patriæ, immò Germaniæ totius & seculi sui.

Sed ut ad Eobanum reuertar, redijt ille Erphordiam, & tum etiam Mutiano, qui antea quoq; adolescentem illum fauore prosecutus fuisset, quemq; ipse in quodam carmine Eobanus formatorem studiorum suorum nominat, & de quo fecerat uersum, qui in ore erat tum plurimis:

Hesse puer sacri gloria fontis eris.

Huic igitur Erphordiam ille reuersus, non modo carus, sed admirationi quoq; fuit. Sæpe igitur ad eū scribebat, sæpe ab eo litteras accipiebat, sæpe excurrebat Gotham Eobanus, ut cum Mutiano uersaretur. Audiui tamen de Mutiano, offensum se aliquando fuisse Eobani moribus in potu, tum enim erat interdum in hilaritate ferocior: Non ut lederet quenquam, sed ut esset paulo sæpe incogitantior, & minus circumspectus, atq; animo remissiore. Neq; quisquam tamen unquam comperit dedecus cum etiam in ista laticia admisisse, uel dicto uel facto. Verum senescentis illius grauitas iuuenilem huius exultationem interdum non moleste quidam tulit, sed improbauit tamen. Præsertim cum in flore Eobanus ætatis & uita liberiore etiam amare cœpisset. Amauit autem caste uirginem Erphordensem Catharinam, quam postea uxorem duxit, & cum qua multis annis maritus uixit, & ex qua utriusq; sexus numerosam sobolem suscepit. Ea habebat patrem honestum

EOBANO HESSO:

nestam in ciuitate sua hominem (illarum ædium domi-
num, quas postea Georgius Sturciades emit, & Eoba-
nus suis scriptis exornauit ac celebrauit) qui moribus
aliquanto erat durior, & senectâ ætate amarior. Acci-
dit ut de hoc apud Mutianũ quæreretur Eobanus: Tum
ille hoc modo respondit :

Si tibi nata placet, fer patris imperium.

Postea & socerum ille æquo animo tulit, & cum con-
iuge amanter uixit. Et docuit bonas literas Erphordie
admodum tenui stipendio. Cum neq; tum rebus oma-
nibus, quæ ad uictum & cultum sunt necessaria, uilis-
bus opus esset multo, neq; ipse partem uel minimam
curæ impenderet faciendæ rei. Non ita multo post,
ego annos natus octodecim, qui Iesu Christi annus
fuit M.D. XVIII. Erphordiam & ipse me contuli,
cum Lipsiæ uixissem annis quinq;, & duobus operam
dedissem Ricardo Croco Britano, qui primus explicauit
doctrinam Græcarum litterarum in Germania, Fuis-
semq; etiam Mezeleri & Petri Moselani auditor.
Hanc famam cum attulissem mecum Erphordiam, qui
concursum ad me adolescentum optimorum compluria
um factus, quaq; beneuolentia me pleriq; omnes com-
plexi sint, tu optime nosti Adame, omnium studiosissi-
mus nominis mei. Sed in meum aduentum incidit disces-
sus Eobani, qui tum adiuncto sibi comite uno Iuene,
egregio bonarum artium Magistro Bertero, rebus
etq; temporibus non admodum expeditis & secundis

NARRATIO DE

iter ingressus fuit, ut Erasmus uideret, ac conueniret
in Belgico tunc degentem. De scriptis enim illius, quæ
tum crebra prodibant, mirifica cupiditas erga hunc &
ingens fauor extiterat omnium. Applaudebatur quasi
in scena studiorum actori scito & artificioso. Cumq;
eum admirabantur & magnificiebant & collauda-
bant omnes, qui à Musis alienos esse se perhiberi
nolent. Tum congratulabantur sibi eam felicitatem
seculi, in quam delata esset uita ipsorum. Quod si
quis ab Erasmo epistolam ad se elicere fortè posset, illa
uero ingens haberi gloria, & hic præclarus triumphus
agi. Si autem accideret ueluti cumulus colloquij &
congressus Erasmi, & ut ad eum alicui aditus pater-
ret: Tum demum sibi in terris, is cui hoc contigerat,
beatus uideri. Credebatur enim, ut erat, politioris do-
ctrinæ ille esse princeps. Et in uno omnes contra aduer-
sationem barbariæ satis opis præsidijq; esse statuebant.
Itaq; interpellationes aduentantium nonnihil tædij &
molestiæ illi obijciebant, præsertim scriptionibus diuer-
sis occupato: Quæ tum à librarijs magnopere expec-
tebantur, cum nulli libri libris Erasmicis magis essent
uendibiles. Venit igitur ad Erasmus Eobanus apud
Grudios tunc commorantem, & uersibus compositam
elegantissimam epistolam ad ipsum ex diuersorio misit.
Quæ cum Hodæporico quo describeretur iter illud &
alijs quibusdam postea edita fuit. Erasmus quidem
siue occupationibus alijs abstractus, seu propter hu-
milia

multitatem aduentus Eobanici, qui cum uno comite pedes accessisset, siue in tanta Salutantium frequentia : Non ille quidem despectit Eobanum, Sed neque tribuisse ei tantum iudicio suo, neque tam officiosus in ipsum fuisse existimabatur, quam pro sua humanitate, & Eobani studio esse debuisset. Etiam postea laudauit Erasmus Eobanum remissius. Non quod iniquior illius fama esset, sed quod non arbitraretur, ut opinor, cum indigere predicatione sua, qui per se magnus esset, atque illos potius extollendos ornandosque, qui uel nullam, uel non magnam dignitatem parare possent ipsi sibi.

Eobanus quidem & Erasmo diligenter & prolixè gratias egit, & nomen illius postea maximopere defendit, & cum à Leo Erasmus carperetur, autor fuit, ut pro illo Erphordiani cruditi contra Leum scriptis suis propugnarent.

Ad Eobanum de Erasmico itinere reuersum, tu me Adame, ut recordari potes, cum adduxisses, & pro me contra illum nescio quid libere tunc dicentem, de iis quæ ad eum fuerant falso delata, multa aliquanto etiam quam ipse, liberius locutus esses: Tum quidem aditum ad amicitiam ipsius, apud quem plurimum ualeres, & cui unice esses carus, mihi patefecisti, Sed cum postea meum ingenium certius perspexisset Eobanus, sua sponte me asciiuit in gregem suum, & pro captu & ætate mea plus honoris habuit mihi initio statim quam deberetur, & quo diuturnior consuetudo & familiaritatis
usus

usus frequentior inter nos intercedebat, eò coniunctio
 et fortior & maior necessitudo extitit, donec uera & de
 inceptis inuiolata amicitiae societas in consensione &
 concordia & similitudine perpetua studiorum cum
 maxima caritate consummata fuit atq; perfecta. Tam
 autem honorifici tunc fuisse sermones Eobani de Erasmo,
 tam plena prædicatio, tanta amplificatio uirtutis
 illius, ut nullius non animus cupiditate uisendi Erasmi
 incenderetur. Quidam etiam ut commouerentur ad
 idem iter statim ingrediendum, & proficiscendum eo
 usq; ubi conuenire possent Erasmus, qui in Belgico
 non uno loco maneret. Inter hos præcipui fuisse iuue-
 nes egregij & multis rebus ornati, Iustus Ionas &
Caspar Schalbus. Quorum alter annis aliquot post
 mortuus fuit, tum etiam etate grandior. Ionas autem
 ingenij bonitate & assiduitate studij, uirtute doctrinae
 quæ & humanitate excellens, ea quam sibi peperit, cla-
 ritate nominis nunc etiam uiuus fruitur, ita ut indies
 ab illius pietate & sapientia existimationi amplissimæ
 aliquid accedat. De quo minus dicendum nobis est, ne
 assentationis aliquam suspensionem incurramus. Etiam
 Ioannes Draco Francus ad Erasmus tum profectus
 fuit. Qui & ipse multis & uarijs difficultatibus exer-
 citatus, pietate & constantia celebre nomen consecu-
 tus est, cum litterarum & artium bonarum scientia iam
 tum cederet nemini. Vterq; horum summus amicus fuit
 Eobani. Sed Ionas facile inter omnes amicos Eoba-

ni principem locum tenebat. Itaq; uiuebant cōiunctissimē familiarissimēq; : Unā crebro deambulabant, crebro domi confabulabantur, crebro etiam cœnitabant. Erat familiæ cuiusdam religiosæ (Georgiana nuncupabatur) curator Erphordia uir humanissimus & ualde prudens neq; illiteratus, cui Henrico Urbano nomen : Is in Eobanico grege non ferebat postremas, asæpe illum cum suis accipiebat, ut res erant ac tempora, satis prolixè : Augustiniane autem Iohannes Langus Theologus, non modo amicum habebat Eobanum, sed doctrinæ atq; ingenij etiam admiratorem. Huic cum more scolastico autoritas publice docendi solemniter conferretur, inuitatus ad eam festiuitatem Lipsia aduenit. Petrus Mosellanus, & secum adduxit adolescentem tum suauissimis moribus, & litterarum eruditione eximia præditum, Petrum Suaucium : Apud hos perpetuo Eobanus fuit, quàm diu Erphordia manserunt, & cum de communibus studijs differendo, tum hilariter unā uiuendo, hoc est consecutus, ut ab his ad opinionem iam de ipsius excellenti ingenio & doctrina præstante conceptam, summæ humanitatis & singularis uirtutis persuasio adiungeretur. Quorum alter is uir fuit, ut nemini ferè est obscurum, qui sanctitate uite & cognitione & scientia bonarum artium & litterarum non facile ulli cederet, alter adolescens genere nobili, & quem natura sua ad magnificos conatus duceret, difficile & arduum uirtutis iter ingressus ad dignitatem

NARRATIO DE

uitam & opulentiam maximam peruenit. Cum Ge-
 orgio Spalatinos sanctissimo & politissimo uiro uete-
 ris necessitudinis singularis, Eobano usus intercede-
 bat, ut & cum alijs quibusdam, de quibus mihi igno-
 tis quæ narrarem non habui. Habebat inter suos &
 popularem, quem ualde diligebat, Io. Ortum, integre-
 rinum & spectatissimæ fidei hominem, & perquam
 eruditum & festiuum iuuenem Nosenum Silesium, cum
 quibus libenter & multum uersabatur. Christophorus
 Hacus, qui Melicis carminibus faciendis præstabat æ-
 qualibus omnibus, & Valentinus Capella iuuenis inge-
 niosissimus & eruditiss. unà cum Groningo & Eccilia
 affectæ erant Eobanici, & ad se sæpenumero eum ab-
 ducebant. Sed ex omnibus familiariss. complectebatur
 Martinum Hunum, ad quem medicinæ encomium in uer-
 sus de Erasmica oratione translatum, conscripsit, &
 affectione præcipua in prima adolescentia cognitum,
 constantiss. diligebat Petreium Aperbachum Erphora-
 diensem, iuuenem ingenij cultu & eruditione doctri-
 næ excellentem, sed ægrū pedibus & ualitudine aduer-
 sa perpetuo laborantem, qua impeditus eò quo natura
 studioq; impellebatur, progredi non potuit. Hunc cum
 per locum apud suos se regem faceret, Ducem ipse so-
 lebat appellare: Significans proximum locum à se qua-
 si in gubernatione regni Musici illi deberi. Sed hoc
 unde natum sit, ut Regem se nominaret, & ipse ostenda-
 dit carmine quodam, & ego breuiter exponam. Opti-

mus & doctissimus uir Ioannes Capnio, in quadam ad
ipsum Epistola, alludens ad Hēssi nomen ἑσσην cum
appellauerat, & uersum adduxerat Callimachi de Io-
ue, quem hic negat Hessena Deorum sorte esse factum,
sed uirtute & praestantia sua. Ex eo in sodalitijs cum
Rex Hesus uocitaretur, hoc ioco postea utebatur, ut
se Regem, & alios regni procures faceret. Nullo enim
non modo cruento, sed ne dentato quidem dicto ludere
Eobanus solebat. Neq; reperietur inter omnia scripta
ipsius, ullum quod ledatur fama, aut nomen proscinda-
tur alterius. Nisi quod nescio quid in Laeum indigna-
tionis euomuit suae, & quendam poëticantem Theolo-
gum aliquanto immanusuetius retudit elegia quadam.
Cum enim Martinus Lutherus accersitus in Vangio-
nas (ubi se coram Imperatore Carolo V. qui primum ibi
conuentum habere instituisset, sistere deberet) Erphor-
diam illo itinere forte transiret: Eobanus, & ei cum
Croto Rubiano, qui tum administrationi Academicæ
præerat, alijsq; compluribus honoratis uiris ac iuueni-
bus eruditjs, obuiam processit, & biduo quo Erphor-
dia Lutherus mansit, cum eo suauissime uersatus fuit.
Cumq; placuisset illas res & actiones describi, interq;
elaborationem incidisset in manus ipsius libellus editus
ab Emsero, quo Lutherum ille maledictis incesse-
ret, & prepositi essent uersus scripto perridiculi & mali,
commotus fuit iam incitatus Musico impetu animus Eo-
bani, ut cum qui poëta esse uellet, theologum tum pau-
C lo gra

NARRATIO DE

lo grauius acciperet & tractaret inclementius. Hæc sunt ac præterea nihil quæ uel ioco uel serio ad alterum exagitandum scripsit aut dixit. Etiam à Philippo Meo Lanchthone aliquando rogatus ut opt. uersuū pulcerr. opera elaboraret & componeret rem deterrimam & turpissimam, & sibi hanc operam daret, Primum miratus & requirens quidnam rei res illa esset: Cum audiisset calumniæ descriptionem à Philippo expeti, se quidem facere non posse dixit, quin ei gratificaretur. Itaq; hunc laborem se esse suscepturum, quamuis argumentum esset alienum à moribus & ingenio suo, qui neq; ioco neq; serio, neq; monendi aut præcipiendi etiā causa soleret insectationes aut reprehensiones usurpare. Usq; adeo à toto hoc genere inquirendi in alios quos, & uitia aliorum notandi ac exagitandi animus & uoluntas Eobani abhorrebat. Nam post multos annos cum unà Norimbergæ uiueremus, quid consilij agitare cœperit, cum ad se tum me defendendum, quod uterq; indigne tractari uideretur à quo minime deberet, quoniam repressus conatus fuit: silentio tegam, cum nostra tum eorum ad quos illa res pertinet, causa. Sed ut redeam ad institutum: Eobanus in hoc sodalicio quod augebant Iustus Moenius, cui neq; studio ueritatis & bonarum artium, neq; laude officij facile reperires quem posses anteponere: Et is cū quo ego fraterno animo coniungebar, contubernalis meus Ioannes Francus, qui Potius à nobis cognominabatur, & Megobachus

EOBANO HESSO.

Megobachus, neq; corpore neq; ingenio admodū dissimilis Eobano, Item Iacobus Mycillus, & Antonius cui Musæ Eobanus cognomentum fecit, uir postea in re Ecclesiastica illustris, & pueri adhuc Valentinus Paceus, cuius nunc etiam pietas, doctrina, eruditio celebris est, & D. Stibarus, quo neminem cognoui unquam flagrantiorē cupiditate discendi, cum innumera bilia ad perseuerandum illi impedimenta obijcerentur, quicq; longius dignitate progressus, uoluntatem tamen erga studia & studiosos bonarum artium constantiss. seruat, & alij complures, quibus incensis optimarum artium studijs referta erat Erphordiana Academia: In hoc igitur coetū ille tum, uirtute, eruditione, facultate, scientia litterarum, dignitate excellens optimos autores linguae Latine explicando operam nauabat discere uolentibus. Alliciebat autem fama nominis Eobanici inuitabatq; permultos, ut in Academiam Erphordianam, uel discendi causa migrarent, uel ad uiscendum saltem Eobanum excurrerent. Inter quos uenit eo anno, quo post congressum celebrem illum Lipsicum M. Luteri & Io. Eccij (qui autore Illustriss. Principe Georgio, ad cōtrouersandum publice Lipsiam uenerant) pestilentie contagio Lipsiæ infesta fuit) tum igitur ad nos uenit equalis, & qui fuisset aliquando condiscipulus & contubernalis meus Sebaldus Munsterus Noricus, qui postea summos honores studiorum consecutus, Iuris publici doctrinæ præfuit Vuitebergæ. Cumq; pietate

NARRATIO DE

& integritate & probitate, fide, uirtuteq; excelleret,
 saepe nominis Eobanici memoriam renouare honorifica
 mentione, & prædicare solebat, se unū omnium illum
 cognouisse cum eruditione litterarum præstantiss. tum
 minime opinionis aliorum cupidum, tum uero ab omni
 fūco & simulatione remotissimum, & eum qui nemis
 nem ab usu humanitatis suæ excluderet. Sed Eobani,
 quo tempore quasi decurrens spaciū suū ætas uige-
 bat, & incitabatur studium, eo hæc studia, bonarum
 inquam litterarum & humanitatis malignius auge-
 bantur, horumq; Magistri atq; doctores negligentius
 subleuabantur, ab ijs quibus solis ea res tum in mani-
 bus erat. Ac Maternus quidem insignis illa tempesta-
 te Erphordiæ Theologus nonnihil contulit ad cultu-
 ram harum. Sed ad quem Erphordiā me primum con-
 tuli, Georgius Pætus Vorhemius, uir is de cuius pietate
 & præstantia si commemorare uellem, quæ utriq; no-
 strum Adame nota sunt, iam nouum argumentum ori-
 retur, & aliud scriptum texendum esset: Ille uero tum
 quicquid potuit clam palamq; suis & aliorum uiribus
 facultatibus, gratia, autoritate facere & moliri, in eo
 neq; labori & studio pepercit, neq; inuidiam fugit, ne-
 que odium pertimuit, quo minus ea ageret, consuleret,
 reperiret, institueret, quibus professio optimarum litem-
 rarum atq; artium undiq; fulciretur, atq; sustentaretur.
 Qui si diutius uitam conseruare potuisset (dicam for-
 tasse beneuolentia erga illum copiosius, sed uere me
dicturum

dicturum esse existimo) & staret illa schola, & digni-
tatem ac nomen retineret, quæ quam ruinam fecerit non
possum sine maximo dolore cogitare. Erat Crotus cu-
ius paulo ante feci mentionē, ab antiquo notus Eoba-
no, uir doctus & egregius : Sed cū ingenio uario tum
mutabili sententia. Is Magistratu functus regendi Aca-
demiam, Fuldam primum concessit, & in Boruſſiam
postea disceſſit. Indeq; reuersus alienauit à se multo-
rum studia, nescio qua de causa, uel nolo potius perscri-
bere, ne quem uiuentem colui, ei mortuo obrectare uia-
dear. Degebat tū (ut significauimus) in familia Augu-
stiniana cognitione utriusq; linguæ instructus, & uar-
ia ac multiplice doctrina præditus, Iohannes Langus,
cui Eobanus fuit amicissimus . Hic postea in confusio-
ne omniū solus sua diligentia, studio, industria & Ec-
clesiasticam rem & scholasticam sustinuit Erphordie,
unā cum Georgio Sturciade, usq; ad annum fatalem,
non modo ipsis, sed Germaniæ, quo uterq; sibi quidem
neq; præmature neq; infelicitè, sed Reipub. intempe-
stiue & luctuose deceſſit. Hic Georgius Sturciades sin-
gulari me amore cum primum Erphordiam ex Italia
reuersus uenisset, complexus fuit, ut à natura ipsa nos
quasi copulari appareret, meq; recepit in ædes suas,
quas de soceri Eobani hæredibus emerat . Et multis
postea beneficijs auxit, ornauitq; iudicio suo, cum tan-
tum tribueret tam ijs quæ à me disputabantur, quàm
commendationibus & testimonijs, ut me nō uereretur

NARRATIO DE

sepe grauissimarum rerum autorem nominare, & nihil unquam de altero petenti negauerit, neq; si quid à me affirmaretur dubitando reddiderit incertum. Cum hoc designatus fui, & mox renunciatus decimus nonus secundo loco, ut opinor, Magister opt.artium, declarante iudicium de nobis eorum qui suffragia tulerant, Eobano Hesso: Qui tum luculentā habuit orationem, ut fert mos Academicarum. In renunciatione Sturciades non affuit, reuocatus in patriam ijs negotijs, quæ in aliud tempus differri, aut negligi non deberent, neq; posset. Petiuerat unā hunc honorem Antonius Niger laudatiss. iuuenis, cuius nunc splendor nominis & famæ claritas multis nationibus innotuit. Sed huic quorundam tum ieiuna maleuolentia cum maxima ipsius gloria obstitit, neq; quicquā causæ reperiabatur, quā quod bonarum artium & studiorum humanitatis auditor, & in his colendis fuisset liberior. Aliam igitur ingressus uiam, nos petitores antecertit, & frementibus inuidis consecutus id fuit quod hi negarāt, aliquanto quidem, ut ita dicam, pomposius & splendidius, quā ipsi conferre potuissent. Hic annus fuit Christi Iesu M.D. XXI. incipiens. Iunxit autē amicitia cum Eobano Sturciades cū Erphordia uenisset, quā postea sanctissime & fidelissime conseruauit atq; coluit. Sed tum in Italiam redijt, et abduxit secum Euriciū Coradum, qui adiutus à Sturciade autoritate publica ibidem Doctor Medicinæ renunciatus fuit. Eo anno & nos

Erphor.

Erphordiam reliquimus, iam disidijs & tumultatione
quatefactam, & pestilentiae lue infectam. Reuersus
autem ex Italia denuo Sturciades, quem se erga Eoba-
num gesserit, de Eobanicis scriptis potest cognosci. Is
enimerat Eobanus, qui merita aliorum non modo tes-
gendo non obliterare, sed praedicando etiam amplifica-
re soleret. Quamuis autem haec res fortasse exiles &
paruae esse uideantur, tamen de Eobani & Sturciade
usu cum caritatis singularis, tum fidei, liberalitatis, me-
moriae, exempla pulcerrima relictas esse statuo.

Et si autem multis de causis abhorret animus
ab indicatione fortunae Eobanicae, quae ingenio, doctri-
na, uirtute, studio illius, reuocanti forte ad humanae rena-
intelligentiae rationes, indigna fuisse uideatur, tamen
postulat fides mea, ut non praetercatur silentio, id quod
cum uerum sit, tum apud prudentes diminueret existima-
tionem uiri nequeat. Vt enim alia innumerabilia cum
disputata sapienter, tum gesta praclare, ad paupertatis
gloriam & ignominiam diuitiarum, taceam: Quid So-
lonis (cui in proclui esset principatu ciuitatis florentis
opibus ac uiris potiri, si uellet) elegia canat uideamus,
de nostra quidem, si placet, conuersione. Sic igitur ille:

Diuitijs auget multos fortuna scelestos,

Atq; bonos nulla commoditate leuat.

Nos tamen haud ducemus opes uirtute priores,

Haec est certa, illos fors regit instabilis.

Cum igitur Eobani eo ferme tempore admodum in ana-

gustum cogerentur copia, ut ait Terentius, & publicus respectus penitus illi subtraheretur, priuati pauci (inter quos principem locum tenebat Sturciades) subleuarent hominem doctum probumq; & innocentem, & quod erat caput amicum, deliberantibus his de salute propemodum, cū ipsius tum liberum, placuit quaestuosae cum arti cuiuspiam operam dare, non iam famae amplificandae causa, sed ne fame laborare mox cogeretur. Atq; auctores illi fuere amici, ut medicinam disceret, quoniam priores conatus forenses parum successissent. Hoc, ille fretus potiss. ope & adiumentis à Sturciade, cupidissime amplexus fuit, & statim libros comparauit, & illas res studio maximo coepit cognoscere. Et si autem ad faciendam artem progressus non fuit, hoc tamen studium, quam diu uixit, coluit, & librorum de illa compositorum lectione admodum fuit delectatus. Tum igitur Eobanus cū propemodū à solo Sturciade retineretur Erphordia, ibi haesit ut potuit, conflictatus cum multis aduersis, ad annū usq; Iesu Christi 1526. Quo, autore & cōciliatore Philippo Melanchthone, qui & amabat & admirabatur & magnificabat & uenerabatur Eobanum eximium in modū, Norimbergam uenit, ab illa ciuitate accersitus perquam benigne. In qua unā cum illo ego & Micaelus Rotlingus uiuimus annis circiter septem, & eas litteras atq; artes quas didiceramus, docuimus, sine specie quidem dignitatis, sed cum aliquo certe nō uulgaris commoditatis fructu. Id quod

ab alijs

ab alijs iam statui & dici par fuerit . Prasertim cum rationes nostræ quasi gestæ prouinciæ relatæ sint, & extent . Præerant tum Noricis ludis, omnes optimi & doctissimi uiri, sed duo duobus primis, Ioannes Chezi manus natus ad puerilem institutionem, qui illi ciuitati moriens ingens sui desiderium reliquit, & Sebaldu Heidena, qui cum hæc scriberemus, suo adhuc loco laudabiliter curabat . Cum his uniuersis Eobano & nobis iucundus consuetudinis usus intercedebat . Hoc tempore quo Norimbergæ Eobanus mansit, multa quæ ante edita fuerant, recognouit & iterum edidit, multa noua fecit carmina, quæ omnia sunt in medio . Attentius etiam tum quàm ante Græcos autores legere coepit . Cumq; ei imprimis Theocriti Bucolica arriderent, in illa conuertenda Latine incubuit . Quem conatum omnibus ego rebus adiuuare studebam . Nam initio multa obijciebantur illi, quibus impetus animi retunderentur : Ipse uero, si quid non celeriter procedebat, haud consueuerat urgere . Nihil faciebat omnino anxie aut solacite, sed tantum sequebatur ductum naturæ & ingenij incitationem . Itaq; abiecta semel non ferè solebat resumere, neq; interrupta contexere . Neq; non animaduerti à lectore attento hoc facile potest, quòd continuo cursu æquabiliter defluant Eobanica omnia, neq; uspiam quasi ad considerationis sollicitæ obijces refringantur . Itaq; noster Milichius dicere solebat, Eobanum solum omnium quos nouisset, simul facere uersus &

scribere. Cum alij prius commentando modo has, modo illas partes absoluerent, & ita tandem scriberent alia quid, alij prius scriberent, et fingendo atq; corrigendo demum facerent aliquid qualiumcunq; uersuum. Quæ cum ita se habere experirer, nonnihil negotij fiebat mihi, etiam calliditatis aliquid usurpandum erat, ne Eobanus uoluntatem perseuerandi in translatione Theophrasti deponeret, neque ardor animi illius restingueretur, ita enim profecto opus illud luculentiss. intercidisset, quod absolutum & celebrat ingenium atq; facultatem Eobani, & studiosis bonarum artium ad fructum eruditionis percipiendum propositum est. In quo perficiendo & cohortationem & operam meam aliquid præstitisse lator. Cum autem ita peractum sit illud prope septem annorum tempus, quod consumpsit Norimbergæ Eobanus, ut me ille ualde diligeret, & ego eum, ut par erat obseruarem: Quasi perpetuo unâ nos futuros esse certum esset, ita in securitate quadam postea sensi fastidium tacite obrepisse mihi eius boni, quod haberem in manibus. Ac nunc quoq; intelligo in ætatis iuuenilis leuitate, uel fuisse sensum præsentis felicitatis meum hebetiorem, uel hanc certe minoris me fecisse quàm debuerim. Itaq; cum iam carendum esset consuetudine Eobani, tum magis cognoui quantum iucunditatis mihi esset creptum, quam copiam oblatae commoditatis animaduerteam, dum frui illa concedebatur. Etsi autem non ea qua par fuit cupiditate uideam

or mihi persecutus esse occasiones familiaritatis & assidui usus amicitiae Eobani, & multis in partibus fuisse negligentior: Tamen quamdiu in illa urbe simus, niximus, nihil ego sine illo in studijs conandum molientum uē, aut edendum duxi, nihil ipse suscepit, de quo non mecum communicaret, magis quod coniunctionis nostrae suauitate delectaretur, quam quod opera ei nostra esset opus. Et si ille quidem mihi tantum tribuebat, quantum ipsius epistolae & alia scripta loquuntur. Inter quae unus totus liber carminum mihi ab illo dictus, & relatus in Siluas eius, ostendit, & quantum me (utinam meo merito) dilexerit, & quam honorifice de me senserit, & quanti fecerit necessitudinem nostram. Habebat autem complures alios à quibus colebatur, & cum quibus hilariter uiuere, & apud quos libenter esse consueuerat. Ex quibus unus uicinus ipsius Wilhelmus Musicus assiduus comes erat Eobani, quotiescunq; hoc agebat, ut uel prodeambulando, uel ad sodalitiū se conferendo curis animum relaxaret, & studiorum defatigationi repararet. Thomae Venatorij consortium erat Eobano pergratum. Nam & simplex in homine libertas huic probabatur, & communitas studiorum placebat. Thomas enim & ingenio acri erat, & industria studij sui opera doctrinae edebat luculenta. Ex ceteris qui doctrinae sacrae praerant, & uenerabatur & diligebat maxime Vincilaum Lincum, quoniam propter pietatem & studium ueritatis, tum humanitatis

nitentem

NARRATIO DE

uitatem atq; candorē, quæ in illo uiro omnia erant ex-
imia. Vincentius autem Obsopæus non diu postquam
nos uenissemus Norimbergam, discessit in uiciniam ubi
munificentia Marchionis Georgij illustriss. Principis
& ipse ocium in studio litterarum traducendū nactus
fuit. Bilibaldo Pircamero ualeatudo obstabat, quo mi-
nus crebro ad se accerseret & inuitaret Eobanum.

Hieronymus autem Bamgertnerus ex Senatoris
bus, ut in studijs optimarum disciplinarum & artium
educatus, quam humanitatem (quæ erat summa) cum
natura ei contulerat tum addiderat institutio, ea Eoba-
num complectebatur, omnium cura & respectu dignis-
simum, & cui subleuatione & auxilio esset interdum
opus, quod neq; peritus gubernationis domesticæ, neq;
impedens ullam cogitationem rei familiari uel stabili-
endæ uel augendæ, neq; sollicitus de patrimonio consti-
tuendo, sæpenumero plagam acciperet, uel ab ijs qui-
bus fidem temere habuerat, uel interdum incircumspec-
te cum cautis & attentis contrahendo negotia, uel
etiam debitis inconsiderate sese implicando. Sed amis-
corum studio fiebat, ut publica liberalitate, quoties he-
rebat, explicaretur. Quam ipsum sæpe deinde magni-
fice prædicasse, & nonnunquam in alijs desiderauisse
comperimus. Dabat tum operam Norimbergensi ciui-
tati Iohan. Mylius Iurisconsultus uir iusticia & pru-
dentia nemini secundus, doctrina & uirtute, cultuq;
religionis multis prior. Apud hunc sæpe conuenieba-

mus, & de illius sententia institutum sodalitiū fuit. In quo præcipui erant ipse Mylius, Michaelus Rotin-
gus collega noster, Georgius Hopellus scriba prima-
rius Senatus, & summi uiri Lazari Spengeleri colle-
ga, ego. In orbem autem conuertebatur acceptio, quæ
erat potus ad uesperam cum bellarijs. Proponere au-
tem materiam oportebat eum, cuius partes erant, ut ac-
ciperet alios, de qua tum quæreretur & disputaretur,
de hac ubi uerborum satis fecisse uidebamur, tum reli-
quum tempus iocis & familiaribus colloctionibus,
atq; interdum ludicris impendebatur, dum discedere-
mus quisq; ad se. Prodeambulationes autem erant cū
alijs uicinis locis, tum ad unum in Silua Norica fontic-
ulum, ad lapidem unum fermè urbe distantem, qui Eo-
bani uersibus non minus perenni aqua manabit, quàm
Athenis quondam sempiternā in arce olea uiriditatem
tenere, aut palma in Delo non exarescere potuit.

Hac ferè ratione, eos annos quibus Norimber-
gæ durauit coniunctio nostra, absimsimus, præbente
illa ciuitate sedem & hospitium Musis Eobanicis per-
benigne & comiter: ut quamuis illius extent & pie-
tatis præclara opera, & beneficentiæ in alios larga
munera, Tamen uel hoc nomine, quæ uim & atrocita-
tem grassationis & populationis, & seuitiam hostia-
um experiri tam immanem in modum debuerit, indig-
nissima esse uideatur. De quo impediore dolore & la-
crimis, ne plura scribam. Etiam hoc magis agendum
esse

esse intelligo, ut quoniam ætas nostra in hunc fatalium mutationum articulum incidit, ad ea quæ acciderint ferenda potius nos paremus, quàm ut tristitiam euentuum, reddere uelimus acerbiorum querelis nostris. Et si profecto rabies sæculi huius, & mundi furor, qui indies ingrauescit, non potest non commouere indignationem uel moderatissimorum hominum. Sed hæc quamuis moerentes, et animis conturbati omittamus, & ad Eobani mentionem reducamus narrationem.

Cum ferè septennium confecisset Norimbergæ, sollicitatus crebris litteris & magnis politationibus Eobanus ab Erphordiensibus amicis, illo reuerti decreuit, quo retrahebatur desiderio puerilis & iuuenilis uitæ, & recordatione laudis quoq; ac decoris, quod ætate constantiore in illa Academia gesserat. Mores etiam ciuitatis illius admodum ei placebant. Sed haud scio an nihil impulerit illum magis ad reuersionem hanc, quàm Langi & Sturciadæ semper expetita cõiunctio, etsi Groningo maxime & ipso delectabatur. Rediit igitur Erphordiam anno Iesu Christi M.D.XXXIII. quo postea ætas pestilens fuit, quam in uicino uico cū familia nos unà cum secuta hieme transegimus. Venit autem illo cum spe eiusmodi, cui euentus non respondit: Et tamen factum est amicorum studio, & cura et diligentia, ut satis commode ibi degeret annis ferè quatuor. Et ut ad illam scholam collapsam, non modo instaurandam monstraret, sed rationem etiam inchoa-

ret, quam tamen sequi uel noluerunt, uel non potuerunt
 ij, penes quos administratio esset scholæ illius. Docuit
 illic publice priuatimq; cum utilitate aliorum, & sua
 laude multa. Multa etiam scripsit, & de Græcis uera
 sibus quosdam præclare fecit Latinos. Post quadriena
 nium inuitatus clementiss. à Philippo illustriss. Hesso
 rum Principe, Marpurgū commigrauit, cum neq; eum
 schola Erphordiana amplius liberaliter acciperet, &
 anni ingrauesceret, & liberi crescerent ætate & nume
 ro, & patria quoq; dulcedine quadam sui insita omni
 bus ad sese reuocaret occultis blanditijs ciuem suum.
 Perfecerat autem Princeps Philippus (quod tu melius
 nosti Adame, non minima pars rerum illarum, quàm
 ego) ut omni genere doctrinæ celebres & spectati
 Marpurgi congregarentur, quo in loco consecrato pijs
 Musis, munificentiaq; sua stipendijs nō spernendis con
 stitutis, honeste & non incommode uitam ducere pos
 sent, in studiorum bonorum cultu, & uirtutis ac sapie
 ntia doctrina. Ibi Eobanus & reliquum ætatis bre
 ue tempus peregit, & præclara opera multa elabora
 uit ingenij bonitate, & industria ingenij sui, inq; pri
 mis totam Homeri Iliada conuertit in uersus Latinos.
 Opus autem egregium atq; præclarum autore & hor
 tatore Philippo Melanchihone incoare cœperat, ut ad
 Christianum ritum Fastorum libros conscriberet, cuius
 uix paucos initij uersus absoluit, & hanc decedens pal
 mam reliquit in medio eruditis sequente ætatis, quam
 qui

NARRATIO DE

qui amico nostro Ioanni Stigelio præcipiat, persuasum
 mihi est, futurum esse neminem: A quo hi libri iam
 pridem expectantur, exituri propediem, ut speratur in
 lucem, & nostris temporibus & auctoris famæ gloria
 am & claritatem conciliaturi sempiternam. Sed nihil
 est quod in tota uita sua præstiterit maius aut melius,
 quam quod Psalmos Dauidicos, religiose & erudite
 in Latinas elegias transtulit: Primum quidem Erphora
 dia, sed denuo & maiore cū cura & assiduitate Mara
 purgi, ubi & præclara argumenta quaternis uersibus
 comprehensa præposuit singulis Psalmis, ut prodierit
 tum uere sacrosanctum opus, omnibus, ut dicitur, nume
 ris absolutum. Quo uir pietate insignis & casto pe
 ctore & religioso studio celebravit æternum Deum,
 & omnibus nō prophanis neq; uerboribus, occasio
 nem de rebus diuinis cupide & ardentem commentandi
 præbuit. Qui est ad Deum cultus summus, & maxi
 mus ad homines fructus. Hoc igitur opus & hic labor
 est, quo Eobanus sibi spem singularem gratiæ ac bene
 uolentiæ diuinæ cōparauit, & admirationē sui, ac caris
 tatem reliquit posteris. Quorum nemo est nisi impro
 bus & malus, aut imperitus & barbarus, qui non il
 lum hoc potissimum nomine amet & ueneretur. Fuit
 autem non minus Principi gratus præsens Eobanus,
 quam studio ille habuerat, ut sibi hunc adiungeret,
 locos & seria cum ipso miscere non dubitabat. In pri
 mis de simplicitate & candore & studio ueritatis,
amans

EOBANO HESSO.

mans Eobanum quod iudicium ipse possit facere, cum de eruditione doctrina alijs affirmantibus crederet.

Magnopere delectabatur Eobanus latrunculorum ludendo, quo ferunt sæpe Principem suauiter cum Eobano lusisse, cum iracundiam illius commoueret, circumuenti & inclusi, dum in celeritate minus caute producere illas calculorum copiolas. Vere enim ludebat Eobanus, neq; considerationi aliquid diligentia impendebat, neq; tempus terere cogitando sustinebat. Itaq; nihil erat facilius, quàm si quis calliditatis aliquid usurparet, insidijs cum vincere. Tum igitur cum cernebat se hærere, commoueri uehementer, Sed ita ut simul cum amissa uictoria illa perturbatio resideret, uel potius abiret. Sed à locis ad seria redcamus. Erat Eobanus magnus osor superstitionũ, & ueritatem cum propter naturæ simplicitatem, tum liberalitatem institutionis amabat. Itaq; uenerabatur & colebat eos, qui illis temporibus Monachorum potentia & barbaria opponere audebant confessionem & assertionem ueritatis atq; bonarum artium. Cum autem his negotijs, quæ admodum sit, Principum quoq; studia admixta essent (nam hoc omnibus temporibus obseruatum est, Ecclesiæ & Reipub. quasi fluctuationes aut commotas simul, aut non longo interuallo sese mutuo cõsecutas esse) Tum igitur Principibus quoq; eam rem curantibus conuentus interdum habiti, & necessarie deliberationes susceptæ fuerunt. Cum autem Princeps Cattorum

D. Philippus

NARRATIO DE

Philippus, illo tempore operam diligentiae impenderet
 stabiliendae doctrinae religiosae singularem, conuentum
 aliquoties harum rerum causa fuit in oppido quod in
 siluis Dyringiatis situm, propter crebras illis in locis
 aeris ac ferri fodinas, & huius generis officinas Chalcie
 dem solebat nominare Philippus Melanchthon. Eo igitur,
 anno Christi M.D.XXXVII. cum celebre concilium
 indictum fuisset, Eobanus quoque se cum Heßiacis
 contulit. Atque ibi Ioannem Stigelium, cuius paulo ante
 mentionem fecimus, tum admodum adolescentem, honesta
 familia gentis Dyringiatae natum, primum familiariter
 cognouit, & statim incredibili amore complexus,
 neque obscure, neque falso uaticinatus fuit, quam ille
 facultatem Latini carminis consecuturus esset. Eam nimis
 rum, ut tanquam Germana soboles, laudem ac nomen,
 quod Eobanus sibi ingenio & industria ac studio peperisset,
 Stigelius quasi hereditatem legitimam ab illo relictam,
 paulo post adiret atque cerneret. Itaque iam tum
 Eobanus non aliter quam filij appellatione uocare Stigelium,
 iocari cum eo suauiter. complecti illum amantiorem
 materiam & argumenta interdum illi uersuum faciendorum
 proponere: Denique ita se gerere erga adolescentem,
 ut diuinitus animum Scholis commoueri & fauorem
 excitari, & dirigi iudicium appareret. Stigelius quidem
 quam non sefellerit praesensiones Eobanicas. Quodque
 ueluti soboles ingenua paternum genus reuerens,
 in nomen quoque illius atque decus successerit.

scripta

Scripta ipsius facile declarant, neq; me plura de his in
præsentia uerba facere decet, uel ne amico uiuenti atq;
florenti assentati fuisse, uel ne ad augendam hanc nar-
rationem omnia undiq; collegisse uideamur.

Hoc neq; Silentio est prætereundum, neq; alicu-
num uideri poterit, eam à Stigelio gratiam relata[m] sua-
isse amor[i] Eobani, ut impense cum ille obseruaret, &
reuerentia debita patri prosequeretur, & omnibus offi-
cijs uiuo studiosiss. inseruiret, & memoriam fato suo
defuncti in terris posteritati elegantissimis suis uersis-
bus commendaret, ornatam cū Epitaphijs carminibus,
ut fieri consuevit, tum accurata mentione alijs in argu-
mentis, ubi locus esset, occasioq; sese offerret honorifi-
cæ commemorationis de illo, aut speciosæ appellationis
nominis Eobanici. De his igitur hætenus.

Ac nunc deinceps ad tristissimam narrationem
ita re poscente, procedat expositio, ut ijs quæ retulimus
quasi Colophon addatur exitus ex hac uita, & migra-
tio in meliorem locum Eobani, Qui suo tempore mise-
ras & afflictas multiplici clade terras reliquit, Cum ta-
men adhuc rei aliquid quo ille delectaretur, & spei
nonnihil quo sustentaretur esset reliquum. Eobanus
itaq; in patriam reuersus, cum omnibus ijs in locis in
quibus fuerat, memoriam præclaram nominis sui reli-
quisset, & quodam tamen, ut ita dicam, Homeric[o] fato
migrationibus exagitatus fuisset, quatuor annis & in
re meliore & spe luculenta Marpurgi uixit, annoq; il-

NARRATIO DE

lo qui mortem anteceſſit, correptus fuit interdum podagricis & arthricis morbis. Quibus cum ſentiret ſe tentari initio tulit hunc caſum moleſtius. Sed ægritudinem ſimul ac cruciatus die mitigante, deſijt queri de hoc malo, ac incidit in diuturnum ac tabificum morbum, præter opinionem omnium, qui ſerè alios metuebant. Prope modum igitur anno toto magis languoribus, quàm ægrotatione cōfectus, tandem tertio Nonas Octobris, cum diu tacuiſſet, de improuiſo uoce emiſſa, ſe uelle ad Dominum ſuum aſcendere dixit. Idq; ijs qui aderant approbantibus, quòd arbitrarentur in animo ipſi eſſe congreſſum cum Principe, & affirmantibus principi id gratum fore: Eobanus nihil ad hæc, ſed paulo poſt placido ſine conſuſit uitam in terris ſuam, & in cœlū ut ſignificarat, hinc commigrauit ad æternum Deum Dominum ſuum, cui fideliter ſeruierat, & cuius miniſteria ſedulo obierat, ea gnauitate & ſolertia, quam ille idem ipſi fuerat largitus.

Morte Eobani nunciata, afflicti omnes triſtitia fuerunt, ſed Princeps inprimis indoluiſſe huic fertur. Qui præbuit ſe permuniſicum erga relictam coxiuſgem Eobani ſceminam lectiſſimam, & utriuſq; ſexus liberos, quibus etiam locum ſecum eſſe uoluit, & muſnera aulica demanduit filijs, uirgines & matrem commendauit illuſtriſſ. principi coniugi ſue. Itaq; illi marito & patre amiſſo, tamen ſic poſtea uixerunt, ut orbitatis quidem & deſiderij, ſed nullo alio incommendo
afficeo

EOBANO HESSO.

afficerentur. Reliquerat autem Eobanus, ut hoc genus solet, nihil ferè suis nisi famam excellentem & nomen celebre, & laudem ingenij doctrine, uirtutis. Quæ in dies ad uictum & cultum huius uitæ minus adiumenti afferre incipiebat heredibus, nunc etiam aliquando nocere deprehenditur.

Hic est cursus quem nos cognouimus peregisse in terris Eobanum, & quem exponendū esse descriptione nostra duximus. Vixit autem annos LIII. M. VIII. D. XXVII. Statura corporis erat procera & robusta, pectus latum, facies aliquanto toruior. Vt Albertus Durerus dicere soleret: Si illum non nosset, & imaginem expressam aspiceret, suspicaturum se, illam esse bellatoris. Et erat profecto animus in homine magnus, & qui metuere nesciret. Sed uoluntas minime dimicatrix aut contentiosa. Ipse neq; in cibo neq; potu delicatus, aut lautitiarū appetens, neq; scires quo maxime præ ceteris caperetur aut alliceretur. Salsis tamen pisciculis ac acido olerè delectabatur, & in autumnno iuglandes recentes incisas superfuso uino ita comedebat, & mustum sic bibebat, ut inde aliquid uoluptatis se percipere non dissimularet.

Signo quo utebatur erat olor per ramum Lauri ascendens, & attingens capite nubes. Quod cum depictum fixisset super ianua ædicularum quas conductas Norimbergæ incolebat, addidit elogium horum uerbum suum duorum:

D - ij Nubila

NARRATIO DE

Nubila scandentem Lauri de stipite cygnum,
Hesso stemma suum libera Musa dedit.

In aduersis uel quicquid forte accideret quod mole-
stiam afferret, pronunciare solebat, nomen patientiæ.
Quo se ad ferenda tristia confirmabat. Nihil minus fere
re poterat, neq; pœius oderat, quàm obreſtationes aut
eximinationes aliorum, quas obortas quocunq; loco
aut tempore etiam iracunde refutabat & cohercebat.
Mendacium neq; ipse dicebat, & dicto grauiter offensa
debatur. Insidias calliditatis neq; norat neq; cauebat,
itaq; iniquissime patiebatur se ludibrio haberi, & fi-
dem atq; simplicitatē suam malitiæ deridendam exponi
indignabatur. Inter iocos hunc libèter exercebat, ut pro
positum uersum aliqua parte sui mutari iuberet. Veluti
in hoc: Vitam quæ faciunt beatiorem, quid pro ultimo
nomine numerose posset reponi, ut quæreretur. Ac me-
mini sæpe unam aut alteram horam talibus permutatio-
nibus inter epulas nos absumsisse. Sed in his paruis
exercitatiunculis immensa uis ingenij Eobanici inno-
tescebat. Versus etiam tum facere & ad faciendos alios
os inuitare statim & sine ulla animi cogitationisq; ad-
miniculo, neq; cura inueniendi quid diceretur adhi-
bita. In quo genere proferebantur ab ipso sæpe com-
plures uersus numeris & uerbis ita concinni, ut nihil
fieri posse uideretur elegantius, sed sensus nullus ex-
primebatur. Itaq; memini aliquando quosdam qui si-
bi arrogarent aliquid facultatis Poëticiæ deceptos fuisse.

se, cum argumentum quoppiam explicatum esse putarent, & quid rei significaretur quærent. Solebat & inuertere in conuiuio uoces, non enim poterat quæscere, & nihil illi, nisi quod & læderet neminem, & esset ingeniosum, placebat, et seria tamen tum non partiebatur admisceri, & ostentatoribus ingenij, siue quis sapientiæ tum disputationes explicare, seu recitare aliquid scriptorum suorum, seu quocunq; modo doctrinæ & eruditionis suæ specimen edere conaretur, admodum irascebatur, eorumq; ineptias interdum repudiabat asperius. Inuertere igitur solebat uoces teutonicæ in primis linguæ, quod erat factu ideo facilius, quia in hac omnia ferè sunt primæ originis uocabula, unius syllabæ. Ad hanc usurpationem ita nos usu assuesceramus, ut ignari negotij arbitrarentur externa lingua nos colloqui.

Hæc habui Adame, quæ ducerem narranda esse de Eobano nostro, cui serius quidem quam tu uoluisti, & ego debui, Sed fide & diligentia maxima hoc officium præstiti, & quasi iusta funeris persolui. Cum profecto inter præcipua bona numerem amicitie & familiaritatis usum & uinculum, quo cum Eobano Deus me coniunctum esse uoluit. Qui quidem breue curriculum uite suæ laudabiliter & feliciter confecit, & si molestijs non caruit, præsertim rei familiaris. Et hanc uitam in terris eo momento reliquit, quo quasi de conuiuio tempestiue discedens, ita impendentem

NARRATIO DE

fusionem & turbas, deniq; ea ad quæ nostra produ-
citur, declinando uitauit. De quibus plura nunc scri-
benda, & dolori perturbationiq; indulgendum esse
non putauimus. Eodem anno multi ingenio, dignita-
te, uirtute, sapientia,, doctrina præstantes uiri diem su-
um obierunt, ut hunc studijs bonarum artium & excela-
lentia humanæ fatalem fuisse credi posse uideatur.
E' quorum numero Guilielmum Budeum hoc loco
nominasse satis habuimus.

Composuit autem, ut scis, Mycillus noster ele-
gantissimum carmen de Eobano, quo ipso pertexuit
historiolam quandam uitæ fortunæq; & mortis illius.
Quod est in manibus omnium. Nos etiam hoc loco
apponere uoluimus nostros uersus quos conscripsimus,
quasi ad sepulcrum Eobani apponendos, id est, ἔπι τῷ
ταφίῳ.

HELIO EO BANO

HESSO, VIRO OPTIMO, PRIN-
cipi Poëtarum, amico suauissimo, Ioachimus
Camerarius Pabebergensis F.


HIC situs est Hessus, patria tellure receptus,
Quo redijt Domino se reuocante soli.
Dum circum huc illucq; uagus fert seq; domumq;,
Querit & Aonio præmia digna choro.

Nonnis

ROBANO HESSO.

Nonnulli ille quidem reperit. Sed premia Mustis
 Huius nulla satis digna fuere uiri.
 Nec potuere dari, neq; secula nostra tulerunt
 Tantum, ætas Hessum nosset ut illa, boni.
 Gloria scra uenit meritis, post fata superstes,
 Inq; dies melior fama sepulta redit.
 Et tamen ipse suæ cognouit nomina laudis,
 Audiit & tempus se celebrare suum,
 Capit & ingenij de fructu commoda uiuus.
 Virtutisq; suæ crescere uidit opus.
 Sed maiora ferunt insignia scilicet anni,
 Viuentis eadens quos abit ante decus.
 Illi etiam eximia famæ præconia, mundus
 Hesso, donec erit, splendidiora ferent.
 Hoc satis est. Hessi busto sepelitur in isto
 Corpus, in ætheria spiritus arce manet.
 Per terras bona fama uolat, speciosaq; laudis
 Nomina Piciæ testificata manu.

D 5



Ἡλίου ἑωβανῶ ἔσσῳ, ἀνδρὶ βελτίστῳ
καὶ ποιητῇ ἐμμελεσάτῳ.

Ἀσέραμυσάῳ, χαρίτωρ ἔρηνθ', ὁμα φοίβῃ,
ποιητῷ λιγυρῷ ἡδυθρόῳ μέλεω,
κῆρυκ' ἀθανάτῃ τε θεῷ θνητῶν τε δικαίῳ,
ἔσσον ἑωβανὸν τῇδε κέκευθε κόνι
Διζαμνίῃ πατρὶς αὐθις ἐοῖς κόλποισι θανόντα,
ἢ μετ' ἐν' ἐκ πολλῶν ναῖερ ἀναστάσιν,
ἐνθα μαραινόμενος τε φθινώδεσιν ἡρέμα νύσσοις
ἡσυχῶν ἐλογίζετο τέρμα λέλογχε βίῃ.
ὄλβιθ', ὅς κλέθ' ἐσθλὸν ἐν ἀνθρώποισι λελοί-
κθην ἐς ὕψανίης εὐθὺν βέβηκε δόμοις. (πῶς,
ἦδέ ποτ' ἐν τῇ γῇ πολυπλαγῆτος ὕνησιν κέκμηκεν,
ἔχ' ἀφ' ὀμνήσ καὶ τόδε δῆτα Τύχης.

ἀπὸ Ἰωαχείμ καμε-
ραϊάδου μνημόσυνο
σεβάσμιου.

IOACHIMVS CAMERA-

R'IVS PABEPERGENSIS

Amplissimo V. Petro Suauenio Equ. ord. gen-
tis Pomeranicae &c. uirtute, sapientia,
dignitate praestanti, amico obser-
uando S. S. D.



PISTOLAS EOBANI
Hessi ad me et alios quosdam scriptas,
cū emittere in lucem decreuissim, ad-
iunctas illas quidem ad narrationem
de autore nostram, de his ipsis nunc
etiam aliquid uerborum à me putauì fieri oportere.
Tu uero Petre Suauenì, mihi idoneus es uisus, ad quem
oratio ista dirigeretur: Itaq; placuit includere mentio-
nem hanc Epistolae ad te publice scriptae, tuæq; excelsa-
lenti uirtuti ac humanitati gratū hoc studium à me futu-
rum, et istud officiū studiij mei uoluptatē tibi allaturum
esse cōfido. Iucūda etiam spes quasi ἀτὶ τῶ ἁλλοιοῖα, se-
cundum Pindarum, et fouens cupiditatē meam sentieba-
tur animo meo, te non inuitum in ueteris nostrae necessi-
tudinis memoriam rediturum esse, & recordaturum li-
benter iuuenilem communium studiorum cursum, quo
ut te, uirtutem et sapientiam tuam, ad altissimum digni-
tatis & honorum gradum euexisse letor: ita non dua-
bito

PRAEFATIO IN EPIST.

bito, quin non modo non despicias quasi humilitatem
 litterarum atq; artium nostrarum, sed has nunc quoq;
 colere & exercere non desistas. De quibus quidem
 aliàs saepe cum nostras quasi rationes retulimus, tum
 querelas etiam non potuimus reprimere, neq; iam ad
 hæc relabi rectum esse existimamus. Secutus aut per
 suasionem de humanitate tua & singulari beneuo
 lentia erga me, hanc ad te Epistolam Epistolis Eoba
 ni præponere, & quædam quæ silentio prætereunda
 non putaram differere uolui. Quæ, si minus forte iam
 te delectarent, in optimam certe partem accepturus esses.
 Etsi igitur in his Epistolis quædam erunt, quæ for
 tasse ad talem modum edi non oportuisse aliquis arbi
 tretur, nos tamen, ut opinor, ita temperauimus iudi
 cium nostrum, & eam adhibuimus moderationem, ut
 prudentes, neq; diligentiam desideraturi, ueq; omnino
 consilium editionis talis, improbaturi, & cautionem
 nonnullam laudaturi esse uideantur. Nam quasi dele
 ctu habito, aliquas nimis familiariter scriptas epistolas
 quasi ignava nomina induximus: Rectius nos factu
 ros esse statuentes, si aliquid omitteremus, cum honori
 fico de Eobano sensu, quàm si omnia cū periculo opi
 nionis alienæ exularentur. Cum autem uniuersa, ut
 spero, sententiæ bonorum & cordatorum condemna
 tionem effugerint, partes deinde singulæ, facile, nisi fal
 lor, defendentur. Nam pleraq; omnia cum expressa
 sunt de archetypis fideliter, tum id efficiunt, quod ma
xime

EOBANI HESSI.

xime uolumus, ut Eobani natura atq; ingenium cuius-
 modi fuerit, declarent, & prædicent hac quoq; ætas
 te illius merita in rem litterariam, & celebrent no-
 men optimi atq; præstantissimi tam uiri quàm Poëtæ
 dignum memoria sempiterna. In Eobano uero quonia-
 am erat ea simplicitas & is candor, quem de immocena-
 tia maxima & summa bonitate elucere par esset, neq;
 consulebat ille quiquàm astute, neq; eloquebatur solicia-
 te, neq; agebat nimis accurate, ac potius tam de animo
 fide & uirtute pleno sermo confidenter procedebat,
 quàm omnia comiter & cum facilitate ab ipso gereban-
 tur. Itaq; & Epistolæ scribebantur consentaneum in
 modum, iucundæ ac suaues, neutiquam anxie composi-
 tæ, & quod esset ingenij quasi flumen quoddam abun-
 dans, incitatum huius impetum, securus quicquid hic
 ueheret, minime reprimere, aut huic cōsiderationis mo-
 lestiam obsistere pati solebat. Quanquam autem sunt
 multi sane anni cum tu, Petre, iterum illum Erphordia
 uidisti, reuertens de Vangionico itinere, tamen non dua-
 bito, quin plane reminiscaris naturæ & morum huius.
 Neq; non existimo pulcerrimam & maxime utilem
 esse in hac uitacuram, attentionem, circumspeditionem,
 & ut dicam uno uerbo, diligentiam. Sed remissio qua-
 dam & incuria quoq; naturæ & iñstinctu atq; liberalis
 qualis Eobanica erat, non minus laudabilis mihi uidea-
 tur, quàm contentio & uis mentis, & acres motus, &
 his respondentes actiones, in hoc maxime genere scho-
 lastico

PRAEFATIO IN EPIST.

lastico, cuius ea plerumq; est ἀφελος τε καὶ ἐνυθία,
ut derideatur illud à plurimis, qui intelligunt hoc &
facultate & uoluntate defici, quo minus magnas ac
memorabiles res suscipere & exequi uel ualeat uel aus
sit. Itaq; Reipub. non magnopere prodesse scholasticos
suspiciuntur, quia non uident neq; degustant alios
fructus, qui de eruditionis litterarum & bonarum ar
tium ocio percipiuntur. Sed de his nimis fortasse mula
ta, quapropter ad Epistolas redeamus. Has igitur ita
spero opera et nonnulla industria studij mei esse elabo
ratas, ut neq; prudentiam ullius offensus hoc opuscu
lum, et multorum animos oblectaturum, nullius aut ex
pectationem frustraturum esse uideatur. Tua certe opi
nioni quam scio esse præclaram de Eobano, satis esse
facturum mihi persuadeo. A quo si iste qualiscunq;
ueluti partus non excogitationis meae, neq; ingenij,
sed curæ & laboris, non repudiatus neq; abiectus fu
erit, fiet ut à cæteris etiam, qui legerint, fauorem mihi
polliceri non sim dubitaturus: Vel etiam ut negligam
successus curam, neq; laborem quid alij sensuri dictu
riue sint, si modo accesserit ad iudicium meum sen
tentia tua. De quo iam mihi promittens cætera, te ad
lectionem Eobanicarum Epistolarum dimittam.

Ad mea autem scripta quod attinet, placuit
ista quoq; fortuito conseruata emitte in publicum,
uel ut testarentur mediocre studium bonarum artium &
humanitatis, meum; uel ut alij exemplo hoc ad similes
sive

siue conatus seu publicationes excitarentur atq; inul-
tarentur: uel quia (ut nulla esset grauis causa editionis)
statuebam epistolarū Eobanicarum uolumen, & hanc
acceptionem libenter admissurum, & istam illud quasi
appendicem non deformaturum esse. Sed hoc aliorum
suffragijs decidetur. Tu si perfectam humanitatem
mihi tuam, & retentam opinionem beneuolentiæ erga
me, significatione litterarum tuarum non tam declarare
atq; fulcire, quàm usurpare ac conseruare studueris,
feceris dignam rem sapientia & uirtute tua, &
qua non modo memoria renouetur necessitudinis no-
stræ, sed cura etiam quacunq; in re aut parte gratifi-
candi tibi mea prouocetur. Id quanti fieri mereatur,
aut quanti faciendum tu ipse credas, ipse & statues
& ostendes. Vale, & ut facis me dilige.

Iterum uale. Norimbergæ

XV. Calen. Februarij.

EPISTOLÆ DIVERSIS TEM- PORIBVS AC LOCIS AD IOA-

*chimum Camerarium, familiariter ab
Eobano Hesso perscriptæ.*

*Ioachimo Camerario suo Eobanus
Hessus S. D.*

QVI nunc Mercurio similis uultuq; togaq;
Maior eras titulis quos Ioachime petis.
Quod mihi Lucifero nomen deducis ab ortu,
Accipe quaq; probem, quaq; ego parte negē
Vox Græca egregiam nostri uim nominis explet,
In uersu dubito sit ne habitura locum.
Nam quis ἐωβανόν non dixerit haud ἐοβανόν,
Ut subeat prima, syllaba longa breui.
Quod nisi me ratio Matutæ fallit ὀϊστής,
Ista breuis fieri syllaba longa potest.
Namq; quod ad primam spectat discrimine nullo,
Romani uates illud ἔθ' illud habent.
Docte Latinorum componere Græca figuris,
Mole sub hac pressum me Ioachime leua.

Ioachim

Ioachimo candidissimo candidato suo S.

Non consentit mea ratio cum eorum rationibus, quos ad memorabile facinus audendum te significas instigare cohortando. Quamvis diu nullam rem tam moleste, imò agrè atq; impatienter tulerim, quàm casum amici istum nostri. Sed inuenietur aliqua isti malo medicina, uel consilio opeq; amicorum, uel ipsius adeo uirtute. Respice te tuosq;. Non enim omnium eadem est sententia. Et talia alij aliter accipiunt ac interpretantur. Nostrium etiam Patum respice, qui nunc abest, & aliam spem primum ipse concipit ac fouet, deinde alijs de te ostendit. Vt autem ille etiam probaret quod fecisses, doleret certe factò. Quare, ut dixi, non suadeo, ut obtemperes ijs, qui inducere eò te uolunt, unde uel reditus nullus, uel perdifficilis futurus sit. Habes meam sententiam, quam cupio aliquid ponderis habere apud te. Mihi etiam parce, obsecro, ac noli te eripere mea scena. Nam, si nescis, ego isti fabulae extremum actum impositurus sum. Ac scio te non arbitrari contemnendum aut negligendum tibi esse, quin tuum quoq; nomen memoretur in hoc theatro nostro. Vale, & πῶς δὲ βραδέως.
E Regia Epiphanijs, Anno XXI.

Eobanus Ἰωάννης, Ioachimo ἐπὶ χρονίῳ S.

HEVS tu Mercuri, si petasum deposuisti, & reamponisti salaria, & manus non amplius grauat caduceo

caduceus, siq; an mulas tuas collocasti suo quaq; loco. Deniq; munere si tuo perfunctus es, fac quamprimum te ad nos conferas. Hoc satis est, iam enim non rogare, sed iubere nos decet. Aderis igitur, uel resumis talariibus aduolabis dicto citius. Dictum satis, adeo.

IOACHIMO CAMERARIO VIRO
doctiss. & strenuo Censori suo amiciss. S.

Dupliciter offendisti simplicitatem meam hesternae confabulatione, quamuis leuiter, sed offendisti tamen, quod & pecuniam in mensa me insciente reliquisti, & meum de Plinio iudicium indigne interpretatus multo peius quam oportuit, calumniabare. Verum de illo facilis iactura, facilior compensatio, de hoc non perinde. Nam rerum istarum leuium obtrudi aliquid etiam inscio possum pati fortasse. Iudicium de Latinis literis in totum adimi mihi non fero. Et quoniam tu inuictis rationibus agis omnia, peruelim scire, qua ratione non liceat mihi sentire per te, quod & sentio, & uerum esse scio, & sentio cum te doctioribus. Feres autem tu, quae tua est uirtus, dici esse aliquos te doctiores, tametsi uirtus tua eruditionis uel partem aliquam mihi liceat assequi, qui in ista mea perpetuo studiorum solitudine penè consenui. Quae igitur causa tibi fuit calumniandi luculentissimum scriptorem? Nulla, si uerum fateri potes, nisi quod ego parce & modice laudaram. Quae res ali-

quo

quo modo conturbabat animum meum. Videbam enim futurum, ut ea ratione quicquid ego probarem, tu statim improbares. Futurumq; ut pudere me inciperet huius meae qualiscunq; scolasticae professionis, quando metu tuae censurae nihil auderem, nisi munitus centum rationibus ut Briareus manibus. Sed quid agam? Saepeccatum est, penes illos culpa est, qui me huc corrogant. Sic natura sum. Istis acribus, & quidem iniustis dissensionibus non acuis, non excitas, sed obtundis, sed terres hoc ingenium alioqui ut simplex, ita irritabile. Et mihi uidebatur, nostra mutua amicitia ac tua eruditione non indignum, si quibus in rebus, ut in plurimis solco, cecutissem, admonere erroris amice, non agnoscentem uerò errorem contemnere, non ita statim in symposijs concitare turbulas. Nam & tu uidebas adesse, quorum ego crederem in disputationibus rationem habendam fuisse, Michaelem & Georgium, quia docti uiri sunt, nihil moror. Sicut nec tu Erasmi, cuius tamen flores, Plinianis, si dijs placet, amoenitatibus praefers. Volui duntaxat pro amicitia nostra exposulare tecum, non certare rationibus (quae certè mihi deesse non possunt, si agamus serio) quod tuas ad omnes syllabas statim paratas, inuictas rationes metuam. Quae malum ista demum ratio est, nihil audere mutire, cuius non statim, quare uel dictum uel factum sit, rationem adferas? At ille apud Gellium nimis superstitiosè rationibus insistentem contemnit & exhibilat. Ego uerò

EPISTOLAE

noties deinceps congressurus tecum sum, abacum aliquem & calculos ad manum habebo, ut si ita ferat ratio, rationibus tecum agam, Etsi ratiocinari parum didici, numerare multò minus. Carmine scribere non sum ausus, ne himo effugeres. Nam huiusmodi nihil te expectaturum dicebas. Miserrum me si ne Epistolas quidem feres. Itaque nec ego responsum aliud expecto, quàm ut scribas uel dicas potius iocatum esse te. Nam ego libentius iocor ad tuas illas seueras rationes rudis & indotus. Vale domi nostrae, amo aduentus in hanc urbem nostri, id est, XXVI.

Istouero modo praestas, quod toties polliceris. Et quando οὐκ ἔστιν ἄνθρωπος? Nam libenter artificem tuo ducam sub pollice uultum. Utinam non hesternam fabulam absterrendi mei causa susceperis.

Tuus Hecilius.

ERUDITISSIMO VIRO IO-
achimio Camerario polyhistori suo S.

Pulchrè mihi satis facis per omnes partes facetissime Epistola. Quarum uni tamen ex omnibus potestremissima respondeo, ubi petis si ego capiar, musto, ut permittam tibi uina uetera cordi esse. Rectè hoc quidem, nec ego uolebam excludi prorsus ab amphoribus, natis Manlio Cons. etsi properabam noua musta bibens.

bibens. Nam uices muto, nec semper idem sum, non
nunquam tribulos mando, cum asinus sum, id ubi esse
perlesum est, rosas uescor: à frugibus plerumq; ad
glandes redeo, rursus ab his ad illas. Quid periculi
cum non minus mihi constem? Ac multò etiam magis
quàm Cytharedus, qui chorda semper oberret eadem.
Tu si agre fers, somno te per meum Statium, quem tu
Lucium uocas, excussum, cogitabis, et me ne prandere
quidem tuarum literarum importunitate quietum pos-
tuisse. Itaq; quod unum potui prandere oblitus, risi. Sic
me capiebant Argumenta, quibus magis iustis quàm
fortibus tuam causam defendis. Et ego nolebam alia,
quod recte prœuidisse te quadam ingenij non perinde
cum corpore obdormientis laus est. Tu uero cum oia
nia male, ut scribis, facias, hoc unum facis rectissime,
quòd nobis secundum nostram sapientiam respondes.
Quæ uero inseris τὸ ἐμὲ καὶ τὸν Εὐκλείην, nisi tu doceas
id quod facturum polliceris, iubesq; diem tibi ego
& horam constituam ad rem eam adgrediendam, uti-
nam non anno sit opus, & utinam tantum uno. Si nihil
prohibet te hoc uesperis necum esse, uel, si ita uideatur,
tecum me, fac ut intelligam non uenturum sed uenisse
te, neq; affuturum domi, sed adesse. Vel, si hodie non ua-
cat, cras forte licebit. Vale, & iacturam iuris negle-
aliunde sarciri, et carne opus est, si satur esse uelis. Parum
enim sæpenumero in iure præsidij, etsi hoc in armis est.
Scripsi à prædio et ipse dormitabundus. Reliqua coram.
Tuus Hæssus.

EPISTOLAE

Ioachimo nostro S.

SI ipse alijs negotijs occupatus uenire ad nos non potes, mitte nobis oro carmen, quod nuper ostendisti de latrunculis, ut legens hoc saltem dum nihil ago, agam. Tametsi liberet expatiari, uel in lucum aliquem, uel quoduis suburbanum, nisi sic me hæc solitudo deprahendisset, ut nolit dimittere. Et cum sint omnia muta circum me, quos maxime mutos mihi adesse uellem, eos non habeo. Vale, & saluta Longidormium tuum.

Tuus Hecsus.

Ioachimo uiro doctiss. suo S.

ESt omnino, ut ais, Ioachime, labor molestus, et eo molestior est ille labor, quo me occupas, quo minus ego hunc possum uincere. Hæsi & ego aliquando in his nominibus, & ne nihil agerem, adscripsi tum coedici meo Horatianum hoc :

Quem sors dicrum cumq; dabit, lucro

Appone. &c.

De Eriphylo item Rhodio nihil, nisi quod meus liber habet Emphylum. Si hic non est inter Oratores nobis cognitos, apud ὁῦσι ποδὺς quæras censeo. Mihi tallium librorum nunc ad manum nihil est, è quibus huiusmodi uenari solemus, alioqui nullum laborem ommissuri

in tuam gratiam. Cur uero torquent te tantopere isti
 loci? quamuis priorem & ipse uehementer requiram.
 De Emphylo, quoniam notus esse non uult, ne cura qui
 dem est ulla mihi. Quid si consulas delicias Ludima-
 gistrorum Volaterrani commentarios? rides an sto-
 macharis? Ego uero tuo exemplo καὶ τὸν πλωϊὸν
 loquor, cui tamen nunc, si dijs placet, asuescis. Verum
 uide etiam aq; etiam qualem tum uirum deriseris. Ego,
 si Plinius essem, forsitan istos tuos nodos dissoluissim,
 quos nunc inexplicatos remitto. Tu, si solutos omnino
 uis, ense dissecabis, etsi Gordij non sunt, nec tu Ale-
 xander. Si quid tamen inuenero (sed quid inueniam, cui
 quærendi campus & syluæ desunt?) ad te mittam.
 Te hortarer, ut Plinio æquior esses, nisi & de hoc &
 de meis suspicionibus præclare satisfactum mihi esset
 proxima Epistola tua. Si tamen non cessas κατὰ τὸ
 πλωϊὸν sentire, sic agēs, ne offendas Ciceronem, nam
 cum habet ille patronum, tot annis post hunc natus.
 Te per Musas & Gratias, immo quàm magis colis, per
 amicitiam nostram precor, si habes emendatius Exem-
 plar Theocriti meo, quod cuiusmodi sit nosti, ut illud
 mihi des utendum. Hinc enim adoriri stat sententia, sed
 non sine Thesco, id est, Ioachimo meo. His autem die-
 bus τὰ ἱερὰ μὲν προsequar. Sed uereor admodum,
 ne, quodcunq; tibi uacabit à studijs literarum, id totum
 temporis alienis uel negotijs uel ocijis daturus sis, quod
 ne facias, mea plus quàm tua interest, tametsi aliqua

EPISTOLAE

etiam ex parte tua. Vale. Impedierat me à prælectione
quidam Erphordianus, domum meam mecum profectus,
serius itaq; respondemus. Quo uero uesperis? ego
hora quarta adesse iussus sum, & eadem, tu, ut opinor,
in ludo eris. Vale.

Tuus Hæffus.

Ioachimo suo Eobanus Hæffus.

Franciscum lyricus coctum mandebat Iesus,
Tempore quo uitulis libera mensa fuit.
Longa ferè fatuus nunc somnia potat Hæffus,
Tempore quo lyricis piscibus unda decet.

Nunc Sphinga consulendam
Verrem roges licebit,
Sis Oedipo uel ipso
Aenigmatum perito,
(Illo quem matri concubuisse ferunt.)
Priorq; doctiorq; :
Non hoc mihi explicabis
Aenigma tortuosum.
Sed tamen & uerum. Quid facies igitur?
Crepidinem præaltam
Scopuli petes marini,
Et inde præcipitem te
Dabis equor in profundum.

Sed

EOBANI HESSH

Sed hoc abominaris,
 Ut res abominanda est,
 Quid restat ergo agendum?
 Appollinem rogabis
 Aenigmatum peritum,
 Ut explicet tibi illud
 Aenigma tortuosum.

Sed nunc in uacuum puerum uocat hora palastram,
 Nec licet ut libuit scribere plura, uale.
 Hos nocturna tamen si dices somnia uersus,
 Pars fuerit sirpi maxima nota tibi.

Ioachimo Camerario Βασιλεως Φερης suo S.

NON tam aperte noueram istam fabulam, cuius
 heri omnia ferme arcana patefeciſti nobis Ioa-
 chime. In qua, quantum Philippi nostri integritatem, ſi-
 dem, probitatem, equitatem, deniq; cum eruditiss. ſim-
 plicitate mixtum candorem, omnia admirabilia, admi-
 ror, ueneror, exosculor: tantum illius Thraſonis im-
 probitatem, perfidiam, furorem detestor. Et nunc uero
 odiſſe incipio, ubi uideo, ferox ingenium, quo magis
 mansuete tractes, eò magis efferari ac inſoleſcere. Utis
 nam mihi liceat libere, non pro me tantum, ſed multo
 magis etiam pro Philippo, teq; cum isto monſtro des-
 certare, proſecto furori ſuo dignum aliquem inuenerit
 Herculem. Non quòd ualde id ego cupiam, ſed quia ues

EPISTOLAE

hementer doleo, illi sic impune cedere tant improbam
temeritatem, ut qui, interim dum tacemus nos, eius opis
tionis quasi fructum præcerpat, posse uno quouis ictu
se quemuis nostrum prosternere. Etsi, ut intelligo, tu mi-
nime taciisti ausus etiam laceßere Cyclopem illum. Sed
quid agemus Ioachime? Recte quidem tu & sapienter
consulis, & me nunc decet, quamuis natura contumelia-
rum sum impatientiss. sanioribus consilijs tuis acquiesce-
re, & ferre iniuriam potius, quàm in libera & quieta
ciuitate tumultuari. Sed tamen ille mordebit interim, &
obliquis nos stimulis configet. Quid tacemus uero?

Consulite in medium proceres Aganippidos undæ

Tam fera quo fuerint monstra ferenda modo?

Vides ne eum minari pluræ etiam Homero uulne-
ra? O miserrum Homerum qui in tam malum fabrum in-
ciderit. Quis non doleat optimi Poetæ uicem? quem ma-
ximi terrarum principes olim fecerunt maximi, eum igi-
tur eo recidisse nunc fortunæ uel ludibrij potius, ut ab
uno fuliginoso sacro uelut captiuum mancipium in furo-
nem rapiatur.

Huc huc picrides date flumina cuncta sorores,

Expirent ignes, non sit faber ullus Homeri.

Vtinam uero Ioachime, uel tu meum animū uel ego
tuam eruditionem haberem. Profecto palam fieret,
quam male ille faber tam pulchra opera pertundat.
Sed tua perpetua modestia finem nullum habet. Et
mea ignorantia quando tamen assequetur? id quod uis

hemera

EOBANI HESSI.

hementer cupio. Hoc uero in te est situm. Sed de fabro
coram plura. Heri ego domi non fui; alioqui misissem
quedam. Nam facere nequeo, quoniam aperte non li-
cet, quin secreto tamē in istam petulantia garram, nam
et ranae garrulae sunt, et uicunq; coaxant, quid pro-
hibet uero nos cicadas esse, ὅ παλαιοῖς ἐνταῖς εἶσας. Ho-
die ut credo, ueniet ad me necessarius noster, Verden-
sis, cui tuas nondum dedi, sed daturum esse heri dixi.
Rogo ut interea illud quod petij μέλος mihi expedias.
Omnino cogita quid faciendum uideatur de Cyclope il-
lo, quamuis sciam te uix aliud cogitaturū, quā quod
heri dixeras. Utinam uero mutes sententiam de tuo illo
plusquam Pythagorico silentio. O miseros homines qui
ex frontibus iudicant. Non pudet uero discerpi à Cyclo-
pe Homerum, cum tu assis et uideas Musarum Vlysa-
ses? Sed uale, et ad nos si quando potes aduola, more
Draconis nostri. Sed quid hoc malum miserie est?
Iam et in culinaria Homeri peruersione incidi, de qua
non potui mihi temperare quin tibi mitterem, quod qua-
si in cocum iocatus sum, sed tuo exemplo. Iterum uale.

Restituit quondam cupido Pisistratus orbi,

Amissum longo tempore Mæoniden.

Iussit Aristarchus peregrinas ponere plumas

Quas misero audaces imposuere manus.

Sic tandem propria redimitus corpora palla,

Iam notus domui solis utriq; fuit.

Videtur

EPISTOLAE.

Viderat hunc patriæ perfusus iure culinae,
 Et dixit uestem non habet iste, Cocus.
 Protinus Argivi detraxit pallia cultus,
 Posse putans Latiae se dare iura togæ.
 Vesic noua cultum populus spectare Poëm
 Dum properat uestis non fuit, offa fuit.

Item.

Iure Cocus miserum latio perfudit Homerum,
 Dum de carne nihil quod dare possit, habet

EOBANO S HESS. IOACHIMO
 uiro summo, nostro S.

Falsus hodie fui Ioachime, cum scriberem hodie
 non exiturum me in aucupium. Sed id tum quidem
 constitueram, nunc oblata occasione muto sententiam.
 Ex eo quo uocant nostri aucupes, non illi quidem ci-
 mixιδαι, qui te uulturem faciunt et aquilam. Hoc si gni-
 ficare tibi uisum est, ne et nunc frustra accedas τοῦ βο-
 σίλεια. Sed quid ille de quo heri consulimus, quo nam
 opus facto esset, Quid igitur? constanter negat se istam
 cantilenam cecinisse, audisse tamen concinentes, quod
 ipsum quidem dignum alicui uideretur tragedia quapi-
 am. Nobis nō perinde qui natura sumus faciliores, adeo
 ut etiam delinquentibus ignoscere facile soleamus, si ue-
 niant supplices. Videmur nobis sapienter fecisse, qui
 tale scriptum præmisimus, quod omnem illi in nos stoma-
 chandi ansam præripuit. Quod si tu quoq; iam laudas,
 uicimus omnia quæ obstatura existimabamus. Verumne
 heus

heus tu mi Ioachime, dam beri per ocium fasciculum
 quendam epistolarum tuarum ad me recensco, uideo à
 tam blandis omnino & auspiciis initijs progressam
 huc usq; nostram amicitiam, ut putem eam non augere
 quotidianis officijs sacrilegium esse, Quæ tamen omo-
 nia tametsi non omnia, bona tamen istarum pars dum
 hijs temporibus aliquando longius distrahimur mihi,
 ut uicium meum simpliciter fatear, exciderant. Solus se
 debam ad sesquihoram in cubiculo inter tuas literas
 & risi mirum in modum effuse, & nequaquam solus,
 sed tecum adsistente etiamnum nobis suauiss. Mycillo
 nostro cuius carmen inueni, simul & tuum adeò blan-
 dum & amabile, ut laudare tibi non ausim. Per Musas
 Ioachime, quæ tu uocare soles propitia mihi numina,
 peream, si non amant istæ te puellæ gratiosæ, & haud
 quaquam steriles, ne in arenis quidem his. Ac propte-
 rea quoties istæ cogito, irascor tibi, qui tam animo pa-
 rum fortis sis in emittendis tuis, cum uideas nos de plebe
 quosdam sic gestire, prodire in publicum, ut etiam ini-
 tijs nostris fauorem ambire non uereamur. Verum hæc
 aliàs tecum. Cupio uidere Philippi ad te. Item. Numquid
 cras in suburbanum? Vide ne obliuiscaris imminentium
 Iduum. sacrorum magno Genio, quem nisi celebras alia
 quo extemporali elogio, Musis te deferemus, ut in gra-
 titudinis reus fias apud Apollinem. Ego mox de aucu-
 pio reuersus ad uesperam, lauabo, sed non inter nocen-
 tes, tu si mecum his ueni sed scio non uenturum, ne ad

EPISTOLAE

tes, tu si mecum uis ueni, sed scio non uenturum, ne ad
coenam quidem. Itaque fac quod facis, maneto domi,
donec exire tibi erit libitum. Ego hodie magnam pera-
mutationem regiarum diuitiarum feci.

Tuus Hestus.

Ioachimo Camerario suo S.

VTcunq; tibi molesta fuerint, uel etiam uoluptati
mea enigmata, ego uehementer risi ad tuam res-
pensionem, nequaquam, quia malè mihi respondisse
uideare, sic enim non riderem, sed quia supra modum
delectatus sum extemporalitate ingenij tui tam multipli-
citer, & in quamuis occasionem paratissimi, uel autem
me fallunt omnia, uel tuas solutiones non intelligo par-
tim, partim recte assequutus es. Sed quid hoc noui nego-
cij, an nō satis mihi cū Theocrito? tu in causa fuisti qui
principium introduxisti ab enigmatis. Examinabo ta-
men diligenti opera tua carmina, etsi uidebitur, et uaca-
bit, respondebo, uerum quis non rideat, unum tantum
te ex sirpis nostris adsequutum, alios tamen ingenio-
sissime persequi. Sed uenies ne ad nos? Spenglerus ho-
die mihi molestum negotium imposuit elaborandi quid-
dam. Vnde sanè adhuc quidem abhorreo. Sed mos ge-
rendus talibus est uiris. Iam respexi ad tuas λύσεις,
quas quia despero me posse intelligere. Idcirco uenias
oportet, mihiq; aperias. Vale.

Tuus Hestus.

Ioachimo

IOACHIMO CAMERARIO

suo Eob. H.

AD nos cum caro uenturum nuper Hopello
Que res diuersum te Ioachime tulit?

An quia magnificæ preciosa tragemata mensæ

Circumfusa mero non habiturus eras?

An quia colloquij non est ea gratia nostri,

Vt tristes animos ex hilarare queat?

Siue has siue alias causas fateare fuisse,

Aspice quam nulla sint ratione probæ.

Nam si uerus, ut est, amor est tuus, omnia debent

Talia uix minimæ partis habere locum.

Non tamen hæc dico quia te nescire putemus

Quo sit amicitia sine colenda fides:

Sed ut ineffecti quadam te ex parte monerem,

Quod simul emendes dum potes, officij.

IOACHIMO CAMERARIO

suo Eob. H.

INuictos toties oppugnature latrones

Scachidibus nymphis concubiture, ueni.

Inuenture domi ructantem carminare gem,

Martem conspicuum non habiture, ueni.

Atq; idè citius calidas aditure patellas:

O facture diu plurima, nil faciens.

Ioachimo

EPISTOLAE.

IOACHIMO.

Quam mihi scribebas hesternae nocte salutem,
 Membra, pedes, oculos, adsumus ecce tibi.
 Quodq; melos tibi Musa recens generosa profudit,
 Hunc iuuenem Nympha nostra uidere cupit.
 Quod si uobiscum nunc est & de grege uestro,
 Antra cicuticines in sua panes agant.
 Non cur spreuerimus fatui conuiuia turbi?
 Praelegt casco Menalis ore mihi.
 Sic tamen ut uolucrem mittas Ioachime libellum,
 Nam tua per nebulas charta supina uolat.

Eob. R. A. O.

IOACHIMO CAMERARIO QVAE
 stori Regio ac praetorio praefecto, uiro
 Illustri suo. Eob. H.

Bideo nobis opus est, hunc ergo remittas,
 Plutarchum retine quamlibet usq; diu.
 Pars nobis bona pinguis est serinae
 Quam nec debeo nec uorare possum.
 Solus, uos decet esse & esse mecum.
 Sed uos conditione iam uocamus
 Ista, ut per breue ferre quisq; secum
 Velit Symbolon & simul luamus
 Quicquid perdiderit pater Lyaeus.
 Cras hoc fiet, ut ergo sis uocatus.

EOBANI HESSI.

Et nostro comitatus huc Stibero
Mature uenias uide, nec ullo
Ausis spernere nostra iussa pacto,
Mandamus tibi, nam simul futuri,
Nobiscum quoq; sunt probi improbiq;
Hoepellus Myliusq; Mycalusq;
Et Lucas bonus & bonus, quis autem?
Quis nobis bonus ille sit futurus,
Si tu constituas, probabimus rem.

Quod si te nostros iuuat irritare latrones,
Pransus & armatus non nisi ad arma ueni.
Nam tibi campestri standum est in puluere, contra
Inuictos Reges Martigenasq; uiros.

OEDIPODIONIO SOLVENTI

anigmata more, σφίγγος τέχνη Ioachis,
mo, hæc littera detur Ioachimo
suo Eob.

Solutor eia gloriose anigmatum
Maiorq; quouis Oedipo,
Et ipsa tortuosa Sphinge doctior,
Vt eunq; sese res habet.
Siue inepta Quintia
Mensis apposuit suis
Nos, atq; liberaliter

Instruxit

EPISTOLAE

Instruxit uitulans mirificis epulis,

Siue nos cupedijs

Suis ditauit somniorum ciuitas.

Bene cessit ista nobis expeditio,

Dum tu pro talibus offers

Nec quintiana fercula

Nec tortuosa anigmata,

Sed gratas mensæ liberioris opes.

Quas nisi misissem fatuæ tibi somnianoctis,

Te rogo per Musas an ne daturus eras?

Quando igitur numeris constant tua carmina miris

Si non mirarer, θαῦμα μέγ' ἂν γέγοεν.

Sed neq; te miror campos peragrasse pelasgum,

Quasq; tenes lectas inde tulisse rosas,

Hoc magis admiror nostræ te anigmata Musæ

Ceu nodos facili dissoluisse manu.

Scilicet hoc mea monstra uolebant

Et intricatæ somniorum fabulæ,

Et Musæ fatuæ & tenuia carmina,

Et cupidi uersus, mea cura,

Consuetudinis ò Ioachime tuæ.

Cras igitur uenimus

Quando ita tu iubes,

Cui nec debeo, nec negare possum

Quicquid iusseris, interim ualeto.

Hæc tibi scribebam posita iam lance latronum,

Nabat adhuc madido pinguis in ore Ceres.

Dofe

E O B A N I H E S S I .

Docte per totas uigilare noctes,
Et mero dulcem stabilisse ludum,
Serion scribis magis, an faceta
Mente iocaris?

Ioachimo Camerario S. Eobanus.

Testa bonus largum pluat in tua Iuppiter aurum,
Non quali Inachiam polluit imbres domum,
Sed quali solet ipse, tuo si credis Homero,
Aëre pauimenti stare, sedere throni.
Vtile cuncta tibi phœbeus conuertat in aurum,
Non quali stolidum perdidit arte Midam,
Sed quibus auriferæ radijs coquit intima terræ
Viscera, quas uel Arabs uel niger Indus arat.
In tua tecta precor Tagus & Pactolus & Hermus
Flumina, sed qua sunt aurea parte, fluant.
Quod Ioachime mihi pluti terrestris egenti,
Contuleris uallis munera grata tuæ.

Ioachimo suo peregrinanti, S. D.

Mitto tibi uersus meos de itinere tuo, quod est in
manibus. Quod legens ita existimes, ueluti ex
animo me scripsisse omnia. Nunc igitur ita, ut uides
dimittimus te nostrum uel quæstorem uel pratorē, uel si
maius ὑπαρχον. Neq; aliud iam mihi cordi est, quàm

F ij carmen

EPISTOLAE

carmen ἀπαυτητικόν, quo tibi (id quod fieri quā
 primum optamus) reuertenti occurramus, teq; redcun-
 tem complectamur, & redintegratam esse coniunctio-
 nem nostram nobis congratulemur. Sed crastino ne die
 iter ingredimini ? Si manes fac resciscam. Sed siue ma-
 nes siue proficisceris, prater ea quæ iam sum preca-
 tus, precor ut propitius Deus te rebus bene gestis, sala-
 uum & incolumem nobis restituat. A me quæ fieri uis
 fient sedulo, & opere aliquid, ut spero te absente naua-
 bitur, sed ut scias, spe maturi reditus tui. Vale, uade, ui-
 ue, ueni.

Tuus Eobanus.

IOACHIMO CAMERARIO SVO
 in Hispanias abeunti Eobanus Hessus Memo-
 ria gratia ὑποπεμπτικόν

Littoris Hesperij populos aditure, propinquis
 Qua coit Herculei Gadibus unda freti
 Vade bonis auibus, quoniam sic ire necesse est,
 Non leuis ò animi pars Ioachime mei.
 Non licuit sacras tecum coluisse sorores
 Nuper is exigui temporis usus erat.
 Sed quæ nunc rapiunt eadem te fata reducent,
 Dij faciant subito sed meliore gradu.
 Nobis interea mora longa uidebitur omnis,
 Tristis & inuisos exiget hora dies.

Sicut

EOBANI HESSI.

Sicut enim Aonidum comes unicus inter amores
 Contigeras, nobis te caruisse graue est.
 Fauerat hoc meritis forsán fortuna, sed ipsum
 Cur non perpetuum, quod dedit, esse tulit
 Tam pulchre coeptum cur interrupit: & ausa est
 Iniecta cursum detinuisse manu?
 Vade tamen Tártesiáci pete littus Iberi,
 Et quod oliuiferi Betidos unda rigat.
 Inclita non tantum ueteris loca nomine famæ,
 Quam quia presentes illa tulere Deos.
 Præcipue qui nunc Romanum Carolus orbem
 Adserit, & Reges Cæsar in arma uocat.
 Alter at Imperium repetit Fernandus auitum,
 Quas illi poenas proditor Hunne dabis.
 Regia progenies, & sanguinis Aemiliani
 Optima pars, magni regna tenetis aui.
 Vade igitur pete consilijs loca sacra Deorum,
 Cæsar ubi est quosdam quis negasse Deos?
 Vade per occidui scopulos a uolumina Rheni,
 Et pete foelici Gallica rura pede.
 Littora contigeris Rhodani felicia magni
 Perge, locus faciles non habet ille Deos
 Protinus Alpinas à leua liqueris arces,
 Alta Pyrenæi culmina scande iugi
 Vltiora leges feliciter omnia, donec
 Constiteris magni Cæsaris ante pedes.

EPISTOLAE.

Hic mihi dum supplex Augustum numen adorat,
 Aut hos aut similes concipe mente sonos.
 Salue animo maior Regnis inuictæ paternis,
 Et quod habes uere Carole nomen habe.
 Plura daturus eram tepidum mandata sub axem
 Sed fugis, & mecum posse manere negas.
 Vade animo læta, iuuenum decus, auspice sortis,
 Sollicitæ uirtus est tibi causa uiae
 Vade tuum comitentur iter seruentq; frequentes,
 Quicquid adhuc charitum maximus orbis habet.
 Tu peregrinantes tecum Ioachime cantenas
 Sic studeas nobis reddere, sicut abis,

Ioachimo Camerario Eobanus S.

Siquid agant nostri sine te Ioachime latrones,
 Quæris, operta situ deside regna colunt.
 Nunc animis solitas dediscit inertibus artes,
 Inuictus nuper qui tibi miles erat.
 Languit errantis neglecta potentia regni,
 Cassaq; consilij regia tota iacet.
 Regem carcer habet, sinibus Regina reiectis
 Prostat, & à proprio est milite tuta parum.
 Scilicet in dominam miles lasciuit inermis,
 Ocia regibus hoc desidiaq; ferunt.
 Marcet auara senum prudentia, non eques audet,
 Ut priua, effreni uerrere prata fuga.

Nulla

E O B A N I H E S S I .

Nulla cohors peditum sternendum prodit in hostem.
 Opprimit inuisa praelia pacis amor.
 Atq; ita Marte satum praedaq; libidine regnum
 Pacis inops pacem donec habebit, erit.
 Nunc age tu nobis tantorum causa malorum
 Lapsuris regni suffice rebus opem.
 Quod nisi quam primum facis, At non esse memento.
 Versificis regis lignea regna tui.

Ioachimo suo cariss. Eobanus. S.

Quid meditaris obsecro? Quid igitur quæso mor-
 liris? Aut cur ad me cū tali petitione uenis, cur
 ue hinc sumere mauis quod domi babes, & à te luculen-
 te potes promere. Sed uideo quid agas, Rursum igno-
 ranti decus aliquod addere paras. Non enim ego tua tes-
 timonia contemno, mi Ioachime. Sed quicquid est, age
 mos geratur amico. Subscripsi uersui tuo Græco aliquo-
 ties conuersam illius sententiam. Tu eliges quæ pla-
 cuerit, si nulla forte placebit, indicabis mihi inertiam
 meam, ut tua causa denuo experiar quid possim.
 Vale.

καὶ κε καὶ τῷ γράτῳ γελοῖσας ἐπιμέτρους θέσται
 Testem adhibe fratri arridens quæcunq; loqueris.

F iij

Aliter

EPISTOLAE

Aliter.

Quicquid ages sine teste nihil cum fratre loqueris,
Quamquam ridenti rideat ille tibi.

Aliter.

Quicquid ages cum fratre etiam ne teste careto,
Et blanda ridens accipe fronte uirum.

Aliter.

Sic fratri confide, ut testibus omnia firmes,
Fidere enim simul & nunquā confidere damno est.

Aliter.

Arridens sine teste loqui cum fratre cauto.

πίστις ὁμῶς καὶ ἀπιστία ὠλεσάρι ἦδ' ἔστιν

Sæpe quidem nocuit multis confidere, rursum
Attulit exitium non habuisse fidem.

Ioachimo nostro.

Site Musarum comes unice nostra momordit
Littera, quod ludos obijcere ansa tibi est.

Non alia credas factum ratione, uelimus,

Quam quia nil aliud quod loqueretur erat.

Et tam non acidis salibus perstringere amicos,

Aurículasq; iocis uellere sæpe iuuat.

Nunc tamē hoc gratū est, quod magni carmen Homeri

Instituis uiua tradere uoce tuis,

Sed quoniam, ut scribis, non faustum est μῦθον ἀείδειν,

Non adero μῦθον ne tibi commoueam.

Cur etenim ueniam si pergas μῦθον ἀείδειν.

Ni dicas fictam μῦθον ἀείδειν θεῶν.

Hess.

Ioachia

EOBANI HESSI.

Ioachimo Camerario S.

Rogo te mi Ioachime doctrinae tuae negotium quam breuissime queas, ut absoluas, nam nos ad solem non Vulcanum coenabimus, habet enim exustos ignibus oculos hic, ille uidet omnia, cum sit ὁφθαλμὸς δι' ὅς. Aderunt Mica Aepolus, Mylius, Venator, omnes calibes & omnes coniuges. Viue cessa, & curre. μὴ σπᾶς δὲ βραδέως, sed curre uelociter, Vale.

T. Hesus.

MYCALO ROTINGO THEO
logo suo dulcissimo animalculo S.

Ex officio fecisti, opti. Mycale, qui nostrum Pindarum abiturum esse, mihi significaris, ne uirum doctiss. ad literatiss. sine litteris omnino dimitteremus, quamuis necdum ego quicquam amicis scripserim. Ipsi tamen, si cras omnino decedit, breue hoc ὑπὸ μνημὸς da re te uelim, ad salutandos amicos, si non dabis tu, curabis tamen ut accipiat. Quod si cras non abierit, & Philippo scribam & fortasse alijs, Vale.

Tuus Hesus.

Ioachimo Camerario suo S.

Vt moleste nuper ferebam abire te, ita nunc redire
E s tum

EPISTOLAE

tum hunc tibi gratulor. Patris uero, quē scribis non multum abesse à morte, uicem propter te doleo, quia doleat te existimo. Sed prudentior es, quàm ut admonitione rerum talium egeas. Hoc age, si me amas, ad uesperam, sicut te facturum scribis, nos adito, unà cum nostro Micalo. Sum enim tui cupidiss. & expectant te lignea nostra regna, & cartacea praelia.

Et tibi felicem Ianus pater inchoet annum,
Ad nos si cupide mi Ioachime uenis.

Socio uenire sed memento Mycalo,
Nobiscum ut hic sit tertius.

Nos hispana tibi ponemus uina rubentes
Inter coacta pampinos.
Sed mihi pro sancto nunc spirat Apolline Ianus,
Quem si uidere uis ueni.

Tuus Eoban.

Ioachimo Camerario amico summo
suo S.


HAbes mi Ioachime quod petijsti iamdudum, minime tamen elaboratum carmen. Hoc officium non tam sero praestaretur, nisi fuisset oblitus pollicitum me fuisse hoc tibi. Itaq; tua culpa factum censebis, qui non
admo

EOBANI HESSI.

admonueris alioqui in hoc genere lassum, & procrasti-
natorem maximum. Quem cum tam raro nunc adeas,
ecquid metuis ne hunc tui quoq; ipsius capiat obliuio.
Non inquis: Et recte. Sui enim cum poterit obliuisci po-
terit, & tui. Si placet extemporalitas hæc, bene est. Sin-
minus, præscribe argumentum, non grauabor tua causa
uel milies retractare.

Si uitam redimit uirtus post fata superstes,
Si mortem uicijs obruta uita facit,
Vixit Ioannes Schuartzpergæ gloria gentis,
Cuius in hoc tumultu corporis umbra iacet.
Ille renascenti fauit pietatis honori,
Consilio atq; armis maximus ille fuit.
Exiit alta senex diuturnæ tadia uitæ,
Cælo animam moriens, ossa remisit humo.

Ego mi Ioachime de tuis maxime sermoni-
bus honorifica memoria prosequor hunc herosa nostræ
gentis. Sed cessat ne filius ipsius in ornando patre?
An probabitur hoc illi studium nostrum. Nunquam huc
uenisse audio eum ad decumbentem patrem, si non po-
tuit, ueniam meretur. Si noluit, nihil dicam amplius,
ipse uiderit. Quid uero noster Simichides, o Ioachime
noster. Ecquid placent postrema ista, Dioscuri, et Era-
stes. xj ouerys.



EPISTOLAE

O mibi Simichides fatalia carmina Musa,
 Quando ego præcipites uos in Alenta dabo?
 Quando ego uos miseras in Norica flumina mergam?
 Consule nunc miseris, qui Ioachime potes.
 Sed consulere te & consuluisse ais, admota ut
 inuocem Dei auxilium manu. Ita igitur faciam, nam et
 meorum pastorum iunus hoc subiicit dægo *ſv xpi* Vale.
 Tuus Hæſſus.

IOBANVS HESS. IOACHIMO
 Camerario amico cariſſ. S. D.

Non homo eſſem mi Ioachime, ſi non tuo iuſtiſſi-
 mo dolori ignoſcerem, non amicus etiã, ſi non
 unã tecum triſticia afficerer. Quo autem maior eſt inno-
 centia fratris tui opt. & integerrimi, eo caſus hic graui-
 or & indignior exiſtimandus. Neq; ego nunc hoc ad
 te conſolandum aſſeram, non illi iſtud ſoli. Sed fatebor
 potius nullo exemplo iuris aut humanitatis circumuen-
 tum et euerſum eſſe eum ab ijs, à quibus minime opor-
 tuit. Sed tu tamen nihilo minus, deſine non mollium, ſed
 nimis fortium tandem querelarum, nec te & nos amis-
 cos querelis ex anima tuis. Nihil enim hoc illi proſuerit.
 Erit, crede mihi exitus multo lætior, quã tu metuere
 uideris. Quod ſi aduerſa fortuna etiã uos præmere
 pergat, Quantum in hoc eſſe cenſes? quod & ille in-
ſons

Sons fidelitatis suæ hoc præmium fert, uim et iniuriam,
 & qui ita crudeles in eum sunt ac fuerunt, maiora tor-
 menta comparant suis animis, conscientie stimulos,
 quàm ille patitur corpore & fortunis suis, quibus atro-
 cissima certe plaga inflicta est. Nescio quid scribam præ-
 terea, & omnino plura scribenda esse non arbitror. Eti-
 am iudico spacium relinquendum tibi, quo decurso ista
 perturbatio aliquantulum acquiescat. Dies enim dicitur
 adimere aegritudinem. Impetret hoc ratio inquit Cicero
 tuus, immò noster. Sed ego tantum oneris tibi non im-
 pono, & molliore brachio tractare uolo tuum uulnus,
 & concedere tibi tempus quo dedoleas, & te confir-
 mes, etsi spero potius id futurum esse, ut dolendi omnis
 occasio tibi eripiat:

Hoc precor, hunc illum nobis aurora nitentem

Luciferum roseis candida portet equis.

Velim, si uideatur, ad me uenias, aut ego ad te. Ibimus
 prodeambulatum, ut inter gradiendum & confabulan-
 dum aberrent aliquantulum dolorificæ cogitationes, ne-
 que perpetuo premant cor tuum. Sed permitto omnia
 arbitrio tuo. Sunt quidem de quibus tecum loqui cu-
 pio, sed me tibi parcere certum est, Vale & bonum ha-
 be animum. Nullum est neq; bonum neq; malum perpe-
 tuum. Iterum uale.

Ioachis

EPISTOLAE

Ioachimo Camerario amico suo caris-
simo S.

ET te dolere, & nimis magnas ac iustas habere do-
lendi causas, mi Ioachime, uehementer do-
leo, atq; utinam possem prestare aliquid præter do-
loris societatem. Quod autem neq; te ita esse fractum
animo scribis, quin studijs nostris nunc etiam incum-
bas, & si quid uelim quod tu possis perficere, iubes au-
daacter me petere, primum lætor, & tibi gratulor hanc
firmitatem animi, deinde gratias habeo, cum mihi hoc
tuo durissimo tempore tamen te uacare uelle ostendis.
Neque tu ad leniendum dolorem tuum quicquam res-
peries efficacius quàm occupationes litteratas, siue legas
seu scribas aliquid, seu etiam cum altero de communia-
bus studijs colloquaris. Sed hæc moneo minime igna-
rum te. Nunc igitur hoc restat, ut mittam ad tuam re-
cognitionem operas studij & laboris triduani. Tu fa-
cies quod expecto, ut moneas libere, subijcias fidelis-
ter, & adiuues amanter, me ingressum hunc cursum,
Ioachimo uno duce & auspice nostro, Vale.

Eobanus tuus.

Ioachimo Camerario amicis. amico suo. S. D.

Modo mihi indicatum fuit, te esse ad nos reuer-
sum, & nobis omnia de te,

Quæ

EOBANI HESSI.

Querere si nescis, maxima cura fuit.

Vtinam uero ita de illo conuentu sociorum defendæ Reip. redieris, ut ea perfecta sint, quæ maxime cupis. Hoc me igitur scire oportet. Ego ne igitur istuc accurro, uel aduolo quamuis uesperis? Ad cœnam uis. inquis? Siquidem iubes. Vide quantum permittam tibi, ut potestatem faciam iubendi, immo licet imperes, facile autē est imperium in bonis, ut ait tuus Plautus. Quod si tu huc mauis ad nos in regiam uenire:

Pulpa tibi dabitur teneri de carminibus idrut,

Pectora & accedent loripedis Sitana.

Vinaq; uicino fundam caupone petita.

Quæ tibi si sordent, tu meliora feres.

Sed puto de equo modo qui descenderis, te ne que ad me uenturum esse, neq; ualde expetere meam salutationem. Valebis igitur in hanc uesperam, & cum tuis te oblectabis. Nos tamen cras recte te, ut opinor, conuenerimus. Vale.

T. Hessus.

H. EOBANVS HESSVS, AONIVS.

Piërius, Bachicus Po. Max. Consß. innumera
rabiliter, Ioachimo quæstori suo S.

AUctum me titulo letari debes. Et ut hoc facere te
sciam uenire statim in regiã, ad confessum honesti
ß. consilij præsidũ et comitum nostrorũ. Bacho enim
sumus

EPISTOLAE.

sumus potiti tandem, & hunc in nostrum carcerem con-
icimus, quod tu uix nunquam futurum esse audebas
metuere. Sed tibi ignoscimus, & participem nihilo mi-
nus successus nostri esse cupimus. Quibus autem auxilia
us, & qua arte quaq; uirtute hunc in potestatem
meam redegerim, coram audies. Nunc scire te hoc tan-
tum uolo, In tua patria totum ἑταίρημα natum, &
ibi à nostris ducibus rem gestam esse. Non uolui trium-
phare, non enim hostem sed ciuem uiceram. Sed ioco-
rum in literis satis, cetera igitur coram, Vale.

Eobanus Hess. Ioachimo suo S.

Magnopere mirabiliterq; & incredibilem in mo-
dum mihi placuerunt uersus, quorum nudius ter-
tius mentionem in conuiuio fecisti. Ideoq; heri nihil ali-
ud in animo fuit, nisi istorum uersuum sententia. Præser-
tim cum sentirem ueram esse. Quare & tu peraman-
ter fecisti cum descriptos hos ad me misisti, et ego nunc
quoq; derideo illum sobrietatis ostentatorem, qui to-
ties aquam petebat, ut misceret nō miscenda. Quantum
aut illi mihi uersus, uel id potius quod commemorant,
arriserit, ex eo conijcere poteris quod epigramma secun-
dum hos statim lusimus, quod tibi mitto, non ut te dele-
et elegantia, sed ut intelligas quam uehementer excita-
rit stadium meum tuus festiuissimus iocus, & uenustas
Græcorum uersuum.

Nulla

E O B A N I H E S S I .

Nulla merum ponunt conuiuia, quid petis undas?

Quam daret hæc caupo miscuit ante tibi.

Et cauponem etiam uector tibi micuit ante,

Fundis aquam tamen, hæc iam mera fiet aqua.

At mihi prospiciens caupo tenuiꝑ; cerebro,

Crapula ne lædat debile crebra caput,

Non cupidus lucri, uinum sic uendit, ut omni

Perpetuo carcam suspitione meri.

Et est ut ascribis Græcorum uersuum autor Alexis.

Iam istum Alexin plus amo, quam quondam ille

Formosum pastor Corydon ardebat Alexin.

Sed heus tu ista tibi benignitas damno futura est.

Non enim desinam flagitare, ut plura talia de tuo Athe-

næo nobis promas. Quem iam animaduerto ab ijs uar-

rio modo compilatum esse, qui paulo ante in maxima

opinionе fuerunt doctrinæ, cœlios istos & his similes

dico. Habeo autem iuxta uersiones meas, quas quia tu

tanti facis, uel certe simulas facere, ego affatim tibi ob-

trudam, ut tu studiosior sis in ijs communicandis quæ

uertere possim, & quæ cupide uertere soleo. Sed de his

satis. Relinquendum enim aliquid est etiam colloquijs

nostris. Quando uenies autem? Hodie ne immò iamne

statim? Domi sum, & ero, hoc igitur satis. Vale.

I perge, uade, curre,

Ioachimo dic salutem

Iocosa charta nostro

Statimꝑ; læta flammis

EPISTOLAE

Peri, necesse cura

Diutius superstes.

In foribus stantes Musarum quid sit amantes,

Scribere dic nobis commemorabiliter.

Infantes nantes, titubantes ante gigantes,

Peste laborantes inmedicabiliter.

Quid sit regnantes Corybantes esse rogantes

Sed non plorantes irreparabiliter

Errantes, flantes, balantes luxuriantes,

Somnia narrantes sollicitabiliter.

In sinibus nantes, tractantes monstra fricantes,

Fulmina spirantes ossiculabiliter.

Quid faciant dantes, Incendia tanta parantes,

In te bachantes inmedicabiliter?

An quia luctantes conantes belligerantes,

Sunt cauponantes insociabiliter?

Commensurantes perarantes conduplicantes.

Sunt tibi sudantes insuperabiliter

Desere nigrantes petulanter uisculantes,

Gaudia furantes illachrimabiliter.

Incipe uictorem mirari semper amorem.

Spargit enim rorem quem populanter apes.

Incipe ne ctareos confundere cum sue ceruos,

Iam sedet in uiridi blanda Megara lacu.

Saltat ab hydropica recutitus arundine Mentor,

Quis mihi det cultros doctor Homere tuos?

Non

Non ego cum Phrygijs pereuntia Scamna phaselis.
 Non ego degeneri pro Ioue fulmen edam.
 Ah pereat crassum quicumq; comedit Osirim.
 Non erat in nobis tam metuendus olor
 Quid si Piërides Papam populentur arena,
 Nesciat Argolicas Roma supina dapes.
 Desine lactiuomis mea serra perungere lanas.
 Est satis in curuos edita flamma boues.
 Iamq; uale uolucris Ioachime Poëta Cylandri.
 Et manda catulis somnia nostra tuis.

Ioachimo Camerario suo Eobanus Hessus 3.

Sic tibi sint faciles, ut sunt in carmina Musæ,
 Sic Cytharæ neruis cædat Apollo tuæ.
 Sic habeant, ut habent, Charites tuæ pectora nudæ.
 Sic tibi perpetuo constet amica Venus.
 Sic tibi quicquid habet locuples fortuna bonorum,
 Tandem non uaria conferat omne manu.
 Si Ioachime meas non ire graueris ad ædes,
 Hoc tibi & arripias quando uacabit iter.
 Nec proprijs studijs mea te curare relictis,
 Sed peto quod uacui temporis esse potes.
 Nec tam sæpe domi te conuenisse decebat,
 Curarum præstat iam satis illa tibi.
 Et cupio & nequeo te conuenisse frequenter,
 Hic animus extra fluctuat ambigua.

ΕΠΙΣΤΟΛΑΕ

Ἐωβανὸς ὁ ἐσσηνὶ ὠχέῳ μελίσσῳ.

Ἀμβροτομ ἔρανόμκηες ἄγωρ ἔξαγμα λυκέργῃ
 ν' ψιβρεμῆς σκαλμῶ κατιδῶρ μένθ' ἄλλοπρὸς
 σαλλομ

νῶτ' ἄρα μοιρχίδ' αὖ ποτῶμενθ' ἔνθα κ' ἔνθα
 υἱὸς ἐπ' εἰαρινοῦ μεγαλῶνυμῶν ἄνδρος ἰδ' αὖλου

Si tu potes uenito,

Si non potes maneto,

Immo uenito, siue

Potes uenire, seu non.

Nulla ἔ modo maneto.

Quod si non sapiat muliebria sceptrā Michæel,

Disceat cum fatuis currere Theologis

Sed uenit, ἔ caneros rapit ipsa Minerva disertos,

Dic mihi quid faciant cum Cicerone sues?

Premia sic currunt capientes flaua Gigantes

Quid faciunt asini, quando Menechmus arat:

Testibus Muscis omnibus in regia.

Ioachimo suo Eobanus S.

Tibi placere nostra scripta non miror,

Quamuis inepta nec sat elaborata

Sicut tui testes fuerē Scazontes,

Heri mihi quos Ioachime misisti

Tibi cum ἔ ipse displicere non possim.

Quamuis

EOBANI HESSI.

Quamuis ineptus & parum elaboratus,
 Vitaq; & eruditione quæ possit
 Existimationibus tuis de me
 Vlla satis quidem ratione fecisse.
 Nunc ergo postquam cuncta nostra sic laudas,
 Ut penè mireris, quid esse tu credas?
 Et esse quanti rere, si quod est usquam
 Ad te meorum uersuum, tuorum ad me.
 Huc adde quicquid hac in urbe perscriptum
 Nobis utrisq; sed nec est euulgatum
 Nunc colligamus atq; tandem euulgemus.
 Ne crescat ingens interim domi nobis
 Aceruus ille, & illa turba nugarum,
 Non comprehendi possit amplius, nec nos
 Decet silere Seriphias uti ranas,
 Et esse mutos, atq; non ineptire
 In hijs ineptis temporum cataclysmis.
 Nunc est parata nostra mens in hoc ergo,
 Labori ut instet huic, ut hocq; conetur,
 Quando parum expedire Simichidas Musas
 Licet, quid ipse sentias, uel ascriberes,
 Vel nos uti deliberemus, accedes.

Ioachimo suo Eobanus S.

L Ignea sculptilium lufurus præliaregum
 Regibus ut ueris congregiare ueni.

G iij

Sed

EPISTOLAE

Sed ne forte graui non sit satis una duello
Hora, satur nondum uel modo pastus ades.

Ioachimo Camerario nostro S.

Quod heri non rogatus offerebas, hodie rogatus
dabis, id autem sponte oblatum recusavi, ideo ut
rogato plus deberem. Vale.

Tuus Hefsus.

Ioachimo Camerario nostro S.

Ecce somniator uenit. Hæc uerba scribuntur origi-
naliter Genes. 37. cap. mysticè uerò & intellectu-
aliter ad te referri possunt, qui somnias nihil nisi aurea
somnia, quia totus es aureus, & omnia facis aurea, qui
me quoq; facis aureum, Nam & Saturnus pater est au-
rei seculi, à cuius filio tuum somnium est, τὸ γὰρ τ' ὄρα
ὡς ἐκ δ' ἰός ἐστι. Deliberabam extra iocum, heri tuo
somnia gratulari carmine aliquo, ita arrisit modis om-
nibus. Sed rapiebar aliò, et nunc impediòr. Sed uere mi
somnia somniū quod uidisti, simile est illi quod uidit
Philippus de Olympiade uxore, cū iam haberet Alexā-
ndrum intra uiscera, tu dedisti aureū torquem uxori, an
hic dubitare potes, quid hoc sibi uelit somnium, quare
nunc ariolos, consule tuum Aristotelem, ut aliquam tibi
ἀριολογίαν afferat, nihil restare uideo, nisi ut hoc aureū
somnia

IOBANI HESSI.

Somnium post nos quoque; in auretur. Itaque iam nihil amplius de somnio. Quid hoc sibi uult quod scribis nihil à te minus quam tales meas literas expectasse: Quales fuerunt igitur? an non satis amice? Credo fuisse molestas tibi, nam et tales amici quoque sumus nonnunquam, tibi tamen esse nos non debemus, praesertim tam amice scribentes, sed haec abducunt nos, unde minime uolo, de quibus quare nihil somnias? Sanè ego quò magis dormio, eò minus illa intelligo. Et quò magis te consulo, eò plus tu somniorum mihi obijcis. Recte igitur dicebā. Ecce somniator uenit, quamuis non eram occisurus te aut uenditurus in Aegyptum mi somniator. Spero enim de illis nostris rebus te mihi breui somniaturum esse, quod possim melius, quam aliquem torquem aureum interpretari. Vale cum tua aurea coniuge, et somnia multos aureos torques, an uerò oblitus es quod nos praediximus contingant uobis Pythij praediuitis umbrae? quantum abest tamen aureus torques ab aurea Platano? Sed et haec aliàs.

Tuus Ioseph.

Ioachimo nostro S.

Credo te urbano parum indigere Ioachime, quo neque ego ualde indigeo quia minus utor. Sed tamen si uidetur tibi e repub. regni, remitte Regi nunc etiam grammatica ἀρχαῖα καὶ μέγιστα, in ciuilem istum urbanum, Hec tu quanti putes emi posse nunc τοῦ ἀρχαίου

EPISTOLAE.

τὰ Φαί νόμειν cum Nicandri Theriacis? Illum librum
ego emi heri, etsi ab alio id pecuniae mutuare me o-
portuit. In hac regni nostri opulentia, uideor ne tibi in-
sanire qui sic emam. Piscis nostri ne obliuiscaris, sed fac
ut conditum remittas uale.

T. Rex.

Ioachimo Camerario amico charissimo
suo. Eobanus Hess.

Fercula non magni uisurus magna Poëta,
Huc satar à cœna mi Ioachime ueni.
Nam nisi uentre uenis lato, non latus abibis,
Ni saturum faciant carmina, uerba, ioci,
Sed sicut pepulisse uelim ieiunia uentris,
Sic te aliquam nolim non habuisse sitim.

Ioachimo suo Eobanus.

Nondum constituo quid esse dicam,
Aut quid suspicer accidisse causæ:
Quod nostras minus aduolas in aedes,
O non inter aues inauspicatas,
Aut inter numerande nidulantes
In terra, sed ad astra porrigentum
Sedes et capita arborum colentes,
An postquam tibi coniugis pudicæ

Amplea

EOBANI HESSI.

Amplexus rediere delibati
 Nudarum sale, melle gratiarum,
 Nos contemnis? & incipis tuarum
 Obluiscier institutionum,
 Et morum quibus ante præualebas
 Ipsarum charitum suauitati?

Ioachimo Camerario suo Eobanus S.

Saturnalijs quid agam Ioachime diebus,
 Te uere digna simplicitate rogas.
 Dum totis plebea sonant spectacula theatris,
 Dum Bromius tota regnat in urbe pater.
 Mutua dum celebrant læti conuiuia amici,
 Dum minimum tota quisquis in urbe sapit,
 Cum me nemo uocet, nemo me accedat amicus,
 Cum spernant omnes, quos ego semper amo.
 Quid faciam potius quàm solus inertia tractem
 Quæ studia in uacua sunt mihi sola domo?
 Nam quis ut in tali populo dignetur amicum,
 Qui nimis istarum non sit amicus opum?
 Quis nam tali inopem dignetur honore Poëtam,
 Qui nisi Musarum commoda nulla ferat?
 Atq; ea Musarum quis amet iam commoda quando,
 Contemnunt etiam quos adamasse putes?
 Hæc mihi causa fuit lætis Ioachime diebus,
 In uacua miæstum me tenuisse domo.

EPISTOLAE.

Qui scis quàm soleam gaudere sodalibus illis
 Qui mea non agere libera uerba ferant.
 Quamquam hæc ipsa suos nouit sibi ponere fines,
 Si qua mihi est animi, libera simplicitas.
 Nunc tamen hoc mirum poterat Ioachime uideri,
 In tanto populo posse latere aliquem.
 Præcipue dum nemo latet, dum lata laborum
 Pectora latuita concutiente strepunt.
 Hoc urbs tam populosa uiris mihi tempore facta,
 Desolata uiris sicut Eremus erat.

Dicerem hoc carmen ex tempore scriptum, nisi
 puderet me Erasmicum fieri, sed cito succedit quicquid
 ex animo succedit.

Ioachimo Camerario Melico suauissimo
 suo S.

TAnquam ego somniorum interpretes sim, ita ad me
 decurritur, ab his quibus quicquid in mentem ue-
 nit, statim uidetur exulgandum typis publicis. Mihi ue-
 ro nauseam fecit eius rei nuper tuus *σάβδος* *Ἰδὴς*, ut
 inepte appellem scriptorem profecto ineptum, & hic
 quis est depilator, & fucus semilatinus? an tu nosti?
 Mitto ad te eius miscellanea, ut uideas, nisi mauis iudi-
 care. Nam ego quidem hic caput sine lingua agere con-
 stitui, & tamen quo molestum interpellatorem execu-
 tiam, hic mihi, da consilium mi Ioachime. Mihi uenit in
 mentem illius nostri.

Quis

IOBANI HESSI.

Quis ferat? utq; ferat, quis iam non rideat omnes.
Grammaticis plenas uilibus esse scholas?

Atqui nos nihil docemus, neq; grammaticæ neq;
rhetoricæ neq; poëticæ, neq; historicæ, neq; theologicæ,
neq; dialcticæ: In summa neq; latine neq; græcè, ubi
istis tam præclare cedunt sua somnia, & quid opus
erat accersere nos?

Cum tam præsentibus habeant hæc mœnia diuos,
Ut queat his credi nata Minerva locis.

Non tamen hæc ideo scribo, ut damnem ullo pacto
diligentiam studiosi huius quisquis est. Sed quod mihi
minime uideatur necesse esse iterum ac toties edi, quæ
iam partim uulgata sunt, partim ridicula. Tuum tamen
consilium expecto,

Nunquid & hic triuijs possit nouus author haberi,
Quo sine sint nostræ somnia uana scholæ
Vbi uerò sarcimina & λῶβῆρες? Sed uale.

Ioachimo Qu. Viro doctiss. amico summo
suo S.

Consilium à te peto Ioachime, quod ut simplicia
ter peto, sic rogo ut des, quia missurus Idyllia
mea sum Secerio, consulas mihi, dedicè ne ea alicui, an
potius nulli. Si tibi uideantur alicui dedicanda, cur?
ego præter consuetudinem horum temporum nulli uel
icm, si hoc simpliciter quod sentio faciendum sit. Sed
quoniam dandum & nonnihil est consuetudini, scribo
roga

rogo consulas, cui ex bonis inscribantur, Bilibaldo ne
 en Philippo, an tibi? Horum enim uni certo stat senten-
 tia, uel nulli inscribere, idq; non epistolio ut nunc sit,
 sed carmine. Nihil est uerò quod principem mihi hunc
 uel illum commemorares, cum in aula nihil fere sit Mus-
 sis odiosius, & Morionibus ac parasitis quibusuis
 multo pateant facilius principum plerorumq; regie
 quam Poëtis. Vides quid abs te petam, quod si expedis
 tuo consilio contentus, non ero deinceps molestus tibi
 consultator, in hac potiss. re quæ non mediocriter me
 sollicitum tenet. Vale ex arce nostra.

Tuus Hæssus.

Ioachimo uiro doctissimo suo S.

SI tu non ignoras Ioachime, quo in loco sint res fra-
 tris tui, cur heri roganti mihi quod egisses non indi-
 cabas? Fui enim certe toto hoc iniquo tuo tempore, non
 minus quam ipse tu de fratris tui salute propter te an-
 xius. Si uerò ignoras en tibi certum nuncium apud me
 domi, quo nomine sanè sic ego sum gauisus, ut totus
 gestiam, & si conditiones & iniquas & recisandas
 obrufas illi audio. Ut ut est melior est hæc fortuna
 quam illa altera, & ego gaudeo eo te leuatum onere,
 ut possis tandem liberius nobiscum agere. Nunc enim
 ego te exercebo, non tam latrocinando, quam, si dijs
 placet, græcando, atq; etiam ne ista nobis uita pereat,
 utq;

EOBANI HESSI.

utq; studium ἐλπίσιν δ nostrum appareat peregrinatio.
do. Sed alias iocabimur. Si potes oro hodie nos conue-
nito, opus est nobis consilio tuo in re ardua, hoc est
plane Regia. Vale βασιλικὸ τάτῳς ἐκ τῶν βασι-
λείων.

Elegantissimis tuis Hendecasyllabis aliàs responde-
bimus. Tuus Hessus.

Ioachimo Camerario amico charissimo
suo. S.

Non sum nescius charissime Ioachime, nouo te do-
lore ex morte Chariss. patris his diebus affici,
quem equidem ut ego scribendo in memoriam reuo-
care tibi nolim, ita cogites uelim, hæc omnia quæ hoc se-
rè biennio toto parum prospera tibi acciderunt, talia
esse, ut homini, quemadmodum possunt plura & peiora
accidere, ita ferenda sint, præsertim erudito & mul-
ta humanarum calamitatum miseriarumq; exempla te-
nenti. Itaq; consolatione te non egere certo scio, cum
ipse tibi pulcherrima sis consolatio, si modo tua bona
noris, & ista mala quæ nonnihil te premunt, ad Cri-
stolai libram expendas. Tamen ut ad nostra studia te re-
uocem, ista res in causa fuit, quo minus his diebus in-
eptias meas ad te mittere uoluërim, ueritus ne impor-
tuna diligentia aliqui propensum in me tuum animum
offenderem. Nunc cum credam dolorem tibi illum non
nihil

EPISTOLAE

nihil emollitum esse, mitto quod uides, quod quamais tu qua moderatione es, uix fassurus esse uideare, tamen mecum tibi commune esse dicam. Id rogo, si quando uacabit, peruideas. Non enim urgeo ut statim remittas. Ego enim interim aliud quiddam agam. Vale, & memineris uirum esse te, qui ad alia omnia animum habeas inuictum.

Tuus Hestus.

Ioachimo Camerario amicissimo
suo S.

EGO uerò mi Ioachime frequenter tibi molestus sum, in re tamen opinor non undiquaq; pudenda, tu uerò rarius mecū uersaris, quàm uel sperarim ego, uel utriusq; conducat studijs, qui & à mea qualicunq; facultate, nihil enim dicam amplius, & doctrina medio eri tibi, & tua ope, tuq; in me incomparabili benignitate multum fructus accessurum mihi promiseram, nec id omnino falsò, Sed mihi nequaquam satis fit, alterum iam annum in amicitia tua hærenti. Atq; ut opinor in commoda multa sunt, quæ utrunq; impediunt. Te præter fortunæ fratris aduersum casum, res etiam & curæ domesticæ, me ista quoq; quæ tibi ad me diuertenti parum idonea studijs uideri possunt, cōclaue angustum, et numerosiores quàm pro re familia circumstrepentes in angulis liberi. Esto uero hæc ita se habeant, non sum,

tam

tam impudens, qui uel cum tuarum rerum iactura mihi
 inferuire, uel ad meas sordes dimittere te cupiā, aliquan-
 tulum saltem temporis suffurari poteramus, quod com-
 muniū studijs destinaretur. Nec hoc postulabo, ut
 ipse me adeas (uide in hac cupiditate mea quo me demit-
 tam) modo integrum sit mihi, et liceat in tuas ades inge-
 nij cultum petentem ingredi, quamuis licere nihil dubi-
 to, sed uideo circa te nonnunquam amicorū greges, cum
 quibus parū mihi conueniat, quod ad mores attinet &
 studia. Quid multa? pudet me, tantum iam temporis ta-
 li pacto nos unā uersari. Qua fronte, si aliquando id
 contingat, Philippum aspiciemus, qui serio mandauit,
 ut non modo uterq; nostrum alterius familiaritate, sed
 opera, studio, ope deniq; omni ueretur. Non, ut credo,
 te iuuenem à me pudeat discere aliquid. Me quidem mi-
 nime pudebit, te habere autorem & magistrum Græca-
 rum litterarum. Memini enim puer cum esses, quanta
 cum laude & admiratione senum in huius linguae non
 modo studio, sed etiam doctrina uersatus sis. Mihi si ad
 perdiscendum occasionem ocium, tempus defuisse dicā,
 quis cū uera dicere cognouerit, non ueniā mihi det. Nul-
 la est ætas ad discendū non idonea, neq; ego tamen ad-
 huc ea sum ætate, qua Catonem easdem literas didicisse
 legimus. Hæc cura dies noctesq; angit animum me-
 um Ioachime, ne existimes hæc nunc à me animi quodā
 uitio aut leuitate ad te scribi, ex quibus paucis. intelli-
gere te uolo inmensam esse hanc in me cupiditatem,
 quam

EPISTOLAE

quam tu tamen admodum breui indulgentia queas ex-
plere. Vale.

Tuus Hecſſus.

Ioachimo Camerario amico Chariffimo
ſuo S.

CRedere non poteſ Ioachime, quàm mihi gratum
feceris de ijs, quæ tu utinam uere uoces meas deli-
cias. Cum alia tamen conſenſio iudicij noſtri, tum ſimili-
tudo rationum ac cogitationum noſtrarum, ualde me
delectauit. Ego nunc hoc me facturum conſtitui, ut hu-
ius Poëtæ ποικιλότης, uel ut alij appellare maluerunt,
εὐδύμια in Latinos uerſus trasferam, in hoc nulli ſtu-
dio, nulli diligentiae parſurus ſum. Ad quem conatum
& laborem te ſocium & adiutorem aſſumam. Quan-
tum enim communicatio ſententiarum et iudicij addam
etiam operæ ac ſtudij, ad laudem eruditionis momenti
afferat, te non fugit. Quod & ſapientiſſimi ueteres ui-
derunt, cum tantum tribuerunt recitationibus. Et no-
ſter Cicero præclare & hoc ſcripſit, quæ literis manden-
tur, ea omnium eruditorum lectione commendari deces-
ſe. Cum igitur fortuna uel Deus propitiuſ nos coniunxe-
rit, cur ego non uterer optatiſſ, illa mihi & pulcherri-
ma occaſione.

Ne ſine riuali meq; & mea ſolus amarem.

Nihil moror quorumcunq; ſermones. Tu modo, ut ſa-
ris, te præſta conſtanter ad omne

Inde

EOBANI HESSI.

Indeclinata munus amicitiae.

Ego tibi uicissim totis regni nostri opibus, quas te non contemnere scio, inferuire sum paratissimus. Atque etiam, si hoc expectas, siq; me posse perficere eximas, meis monumentis ad posteros testata relinquam coniunctionis nostrae & amoris exempla. Vale.

Tuus Hessus.

IOACHIMO CAMERARIO AMICO
charissimo suo S.

INstar libelli mihi est tuum epistolium, eritq; incitabulum hoc non mediocre ad prosequendum quod eo quo possum studio nuper coepi facere. Sed caue putes te statim iam quasi pronunciata sententia functum esse partibus in iudicando de nobis studijsq; nostris, tuis. Nam etsi aliena te nunc abripiunt negotia, exercebimus tamen & nos, sed non omnino intempestiuiter, ut intelligas errasse te cum talem amicum legisti. Sed haec alias, quid enim attinet ad te haec latius, cui, intus quod dicitur & extra, satis notus sum. Ne hoc uespere ociosus sis, mitto tibi negotium bidui inter me & Obsopaei ob Homerum conflatum, sed amicum & quod ridere possis. Quid autem ego dico ob Homerum? Sed quia mitto literas, & quas ego primum scripsi, nam studiose quod alioqui non soleo earum exemplum retinui, & quibus ipse respondit, & quae ego adhuc missurus bre

ues quidem. Nolo enim illi ad omnia, uideor commouisse hominem, sed facilius erit placatio αἰεὶ αὖ τοι φέρωνες ἐὼς λῶν. Tibi autē quae dico, mihi ipsi dico, ideoq; scripsi neminem praeter me scire ea quae scripseram, idque ut tum fuit, sic nunc quoq; uerum est. Non possum uerò pati, te nescire quid egerim, quem antequam scriberem, consulere uolebam, si conuenire potuissem. Habes itaq; pro tuo officio erga me immortalī, fabulā hanc heri mihi domi meae natam, ut ea interim, cū Morione utaris hoc uesperī. Cras uelim, si queas, me conuenias, non iubeo tamen. Video enim parere te, etiam si tibi sit incommodum, nolim uerò incommodare tibi. Casu accidisse credo, quòd eam epistolam quae adhuc mittenda est, non transmiserim, quia puerum non habebam, ut prius tu legeres. Verum & de hoc satis. De Theocrito ante ad te scripsi. Bene preceris nobis, soluimus enim admodum confidenter, idq; quo longius prouehimur studio nostro, eò magis experimur. Literas quas obsignatas mitto, resignato. Vale.

Tuus Hestus.

IOACHIMO CAMERARIO

amico charissimo suo S.

ME uerò multum poenitet abiisse heri in aucupium, in quo praeter crurū lassitudinem nihil aucupatus sum, meliores omnino cepissem auiculas, si domi me inuenissem, quibus ego etsi toto oetiduo diligenter sum in
fidiā

fidiatuſ, nondum tamen potior, exceptis paucis plumua-
lis, quas auolantes quaſi relinquūt iſtæ ciuici dec, alio
qui auſpicatiſſimæ uolucres. Interim uerò dum in iſto
aucupio ego ſum, tu uelut miſertuſ non poterat capere
tam delicatas auiculas? Galloſ & Menippoſ & oma-
neſ Lucianicaſ aueſ nobis obijciſ, ut uidelicet (n. ſi non
hic quoq; ueruſ ſum animi tui, ac nuper in ſomnio in-
terpreſ) quia minutuſ iſtaſ, ac ſemper fugitanteſ capere
non poſſum, haſ interim grandiuſcuſaſ, & tardiuſ uo-
lanteſ conſectet, ſi quo modo quid iſtarum deprahen-
dam. Parebo igitur officioſe & utiliter monenti, &
iſtaſ Lucianicaſ aueſ aggrediar, ex quibuſ ſi nullam ali-
am certe illum noſtrum, cum βοοιλιχὼς Φαμέρ, ὁ-
μῶνυμπον capia, qui & ipſe tametiſ iamduſdum Sophia
ſtarū beneficio habet pennuſ & uolat, tamen quia quuſ
drupeſ eſt, & frequētiuſ in terra uerſatur, quā in aē-
re, alicubi me ſpero deprahenſurū uel incautū. Seceſ-
ſio magnuſ gratiaſ & habeo et agam, cuiuſ liberalita-
te hoc aucupiū nobiſ eſt oblatū, per quod tota hac hye-
me pinguiſſimiuſ auiculuſ uſcemur. Habet de aucupio
noſtro, quo ut nobiſcū utare, terogo, ſine te enim aueſ
iſtæ inſipide ſunt, et non ita multiū faciunt ad palatuſ,
etiſi ualde famelicuſ ſum, ſed non Femeliuſ, qui tamē ſi
eſſem, etiam iſtaſ auiculaſ ſine te eſſem, ego uerò malo
• voc, ἐναε, etiam ſi non aureuſ. Heſternam tuam pluſ-
quam ſemigræcam Epistoſam, αἰνυγμοſτῶν dicam
an περοτῶν, non intelligo, cui ſi reſpōderi uiſ, mitte

ΕΠΙΣΤΟΛΑΕ

per tuum Aristotelem τὸ ἐμπνεῖαι aliquam, sed latine scriptam. Sed opinor responderi tibi non uis, alioqui scriberes uel uernaculo nostro regio ὅς ἐστι ποφιδόρ sed οὐλαβησποφιδόρ, & ego rescribere ne omnino nihil ἐλπίζοντα me posse existimares. Sed satis ineptiarum. Hodie non erimus in aucupio, & quia uxorem, ut existimo domi nō habes, fieri ne posse putas, ut conueniamus, dicturi de hesterno aucupio, in quo plus multo cepi, quā deorare mille canis possim. Itaque quoniam istarum auicularum tu uultur es & aquila, uenies & uorabis quantum uoles, tantum uerō uelle debebis, quantum quo totum me conspuas, satis esse putabis. Vale mi uultur & salue. Ex area nostri aucupij mane, cum nullam adhuc auiculam cepissem. Vigilia ac ificatoris Genij. M. D. XXVII.

Tuus Hessus aucups.

IOACHIMO CAMERARIO, Q. V.
amicorum summo suo S.

AGo tibi pro officio tuo gratias mi Ioachime. Sed nunquid nuper tibi dixi ne talibus persuasus uterere? Nihil tibi mea opera opus. Et potes ipse omnia. Nam sit ita sanè, quod haud scio an aliter se habeat, tamen quid in communicatione iudiciorū atque rationum boni sit te non fugit, quare, neque te pudeat de tuis ad me referre, neque me pudebit de meis ad te τὰ ἑαυτοῦ

E O B A N I H E S S I .

ᾠτερος ἄλλου ὀνασῆ ut ait Theocritus noster, de quo uersionis meae foeturam tibi mitto. Ad priora quae res spondisti mihi gratissima fuerunt, quo loco autem culinae meminisse iubes, statim animaduerti iterum me in illud incidisse quod anno superiore uix deprecatus fueram. Deum immortalem si iterum aliquo tali deprehendar, quantas ille nobis effuderit offas. Sed nihil est periculi, quando non tam sumus impudētes, ut ista iam cogitemus adere quae nunc in hoc genere adhuc temere magis quam feliciter tentamus, magis quam perficiamus. Ego octiduū penè totum, sic uagor, ut nusquam consistam, & uere.

Rem peragit nullam tuus Helius incipit omnes,

Verum haec satis. Quando uerò transmittitur Idylliorū dedicatio? quamuis cui inscribantur, nondum constet. Quid si sic scribamus? Cum tua non uno uirtus Bilibalde feratur, aut Spenglere, aut Ioachime, aut (sed ceptam praestat concludere chartam) Vale.

Tuus Hessus.

I O A C H I M O N O S T R O .

Mitto carmen hoc tibi mi Ioachime, de quo heri dicebam, hoc tu uideas & legas, indicesq; quid uel probes in eo uel improbes. Interim tamen diuina hoc nomen, quod tamen adhuc incertum mihi est, in quam partem maxime te mihi uelim consulere. Cras

H iij ipse

EPISTOLAE

ipse ad te ueniam, si domi eris ante prandium. Itaq; cogita hac nocte de ista tam solenni dedicatione. Credo suadebis ut alicui episcopo, nempe pastori, pastores istos dedicem. Facerem, fortasse nisi istos plerosq; tam lupos esse quidam dicerent. Sed si nihil certi statuere poterimus, optimæ matronæ posteritati istas uigilias inscribamus, facile enim hoc carmen immutabimus. Vale.

Tuus Hestius.

IOACHIMO CAMERARIO

amico suo, Eob. S.

AD desueta tuo monitu Ioachime reuersum
 Ne studia auxilio deseruisse uelis.
 Nam pungens equiti quid erat dare calcar, & ipsum
 Subtrahere ostensum quo ucheretur equum?
 Rectius ignaui fouisses ocia, quàm si
 Te duce currentis nunc remouere pedes.
 Nam qui deseritur, citius desperat in acto
 Quàm qui non aliqua parte peregit opus.

Nulla nunctibi re molestus essem;
 Si scirem fieri tibi molestum,
 Quem nunc mando tibi breuem laborem,
 Breuem sed tibi, sed mihi laborem
 Immensum sine te & laboriosum.

Quare

Quare mi Ioahime, ne laborem
 Dum subterfugis hunc, mihi laborem
 Iniungas nimium laboriosum.
 Vel, quod sit potius statim futurum,
 Tollas quem male coepimus laborem.

IOACHIMO CAMERARIO

Philosopho amico suo S.

Non miror iam in Aristotele esse te, qui toto hoc be-
 nennio uix unquam fuisti in teipso, itaq; & aie-
 vi quæ hoc in gerere scribere ad eum qui uix simpli-
 cia & plana intelligeret, nullo minus mirum, cum &
 illud genus habeas plusquam domesticum & nos late-
 re uelis, nisi forte teipsum nobis, commendas, ob idq;
 usus es nouo, ut ait Cicero, literarum genere, quamuis
 hoc iam non est nouum, nec mihi legenti nec scribenti
 tibi, quanquam, si tam feliciter ego legerem quam scri-
 bis tu: Sed nos aliud agimus. In quo possim me

Tollere humo uictorq; uirum uolitare per ora.
 & autò δεῖξαι sed non sine te teste. Accipio ue-
 rò uelut obuijs manibus excusationem tuam, ratum
 habiturus, si ipse ut facturum scribis, ueneris. Quid
 uero hoc de legibus ciuilibus? & ipse uocatus per
 Viatorem, non ueni, nihil existimans ad me pertine-
 re quid in ea Ciuitate ageretur, in quam nondum
 essem adscriptus, neq; enim puto hic aliquem somnians

do ciuem fieri. Quod si tu omnium nostrum nomine le-
ges accipis, uide ut illud quod scribis fesi. C. communi
quoq; nomine soluas, nos enim quas leges, & cuius Ci-
uitatis accipiamus? qui dare solemus alijs, sed rogo te
quantum hic fesi. C. metuo ne si recte aestimo, nimis
magno nobis constet hæc ciuitas, quamuis ego nondum
in istas leges iurem, ne per panem quidem, nec per Io-
uem lapidem. Hæc ferè sunt quæ ex tua Epistola intelli-
gere potui, nec enim laborabam ualde ut reliqua intelli-
gerem, suspiciens frustra laboraturum me, cum scriberes
in Aristotele esse te, quem penitus cognoscere ego nun-
quam studui, ne à Sophistis quidem, & si minime So-
phistice loquantur de Aristotele. Ego uerò existimo te
ex Aristotelis patria ad me scripsisse, non enim domi
scripsisti, ut ipse testaris. Igitur ô mi Stagirita quando
μεγαλας uenies, uel potius quando tuum Alexan-
dram uidebis, nunc Baciris colligentem exercitum, hic
enim iam cum Curtio diuersamur. O miserum Theocri-
tum qui in talem Ptolemæum incidere, sub quo non una
morte pereundum sit. Venies igitur, & tua somnia no-
bis explicabis, si modo curæ te istæ, quibus uehemen-
ter iratus sum, non impediunt. Quid autem curas istas
quasi muscas inanes nō abigis? an flagellum tibi decet?
an tuus non habet Aristoteles? Sed ô mi Imperator, do-
name ciuitate, non hæc sed Sicula, sic nos donaueris om-
ni, neq; enim hanc ambio, istam utinam emere liceat,
uel iactura sanguinis. Non ego enim tam stulte in hæc

ROBANI HESSI.

consequenda laboro, quàm tu incognoscenda Comico-
rum uanitate circa uersus ualde uersatiles, & penè nul-
lis legibus obstrictos. Etsi Plautum amo uehementer, et
amaui semper Terentium, sed satis iocorum, de scrijs ue-
ro coram.

Tuus Rex.

IOACHIMO CAMERARIO
amico charissimo suo S.

Mitto mi Ioachime τῶν φαρμακεύτην à me
uersam his diebus, quam rogo pro tua in me fide
& beneuolentia summa excutias, mihiq; de hoc meo
opere quid uideatur, postmodũ ubi tibi bene uacabit,
indices. Impudentiss. enim sim, si urgeam tam beneuo-
lum, & ad omnia quæ cupiam paratissimum. Nolo au-
tem hoc pulchre, bene, recte. Nam Quintilius me dele-
ctat. Cui si quid recitares, corrige sodes. Hoc aiebat
& hoc. Cur enim minus tibi in mea ueris permittam,
quàm tu mihi in tua esse uis, iubes, postulando cogis?
sed de his satis. Mitto autẽ literas istas tibi, quas effudi-
mus ea fidutia, qua scio te uel signa manus nostræ cog-
noscere, & possum ego quoq; nullius quàm tuas lite-
ras melius legere, etiam ualde negligenter exaratas,
hoc quoq; te in meis posse nihil dubito. De Lecyitho
erratum meum oportune deprehendi. Itaq; dupliciter
mutauì uersum eum. Tu indicabis uter arideat magis

G 5

tuq

EPISTOLAE

tuo iudicio, quia utrunq; in margine adscripsi, & si-
ceat ne mihi in latino carmine dicere *Lecython dorida*,
& possit ne ferri, scribi hoc latinis literis, cum totum
sit graecum, sed ineptio forsitan; Etenim exempla multa
uideo. Sed tamen aliud esse puto interpretem quàm
conditorem agere. Rideatur fortasse interpres, qui mul-
ta quae latine dicit possint, Graeca tamen relinquat. Qui
noua ipse scribat, non rideatur, si Graeci uel uerbis
uel figuris utatur. Verum ego recte an perperam sen-
tiam, tibi mi Ioachime iudicandum relinquo, staturus
perpetuo tuo iudicio, quod ut equum & exactissimum
esse uideo, ita ab animo cum mei amantissimo, tum
nihil plus amicitiae quàm ueritati tribuenti, certo scio,
proficisci. Vale ex Museo nostro.

Remitto tibi tuum *Lucretium*, non enim inuenio,
quod certe putabam me inuenturum. Mulier quae in ob-
liquo apud cum Poëtam legeretur. Sed fefellit me quod
legeram in IIII. saepe muliebres, muliebria &c. Ego
putabam mulierum aut huius modi legisse, uide quàm
delectet hoc te dixisse mihi, quod prius nunquam ani-
ma aduerteram.

Tuus Hessus.

IOACHIMO CAMERARIO

amico charissimo suo S.

Simul heri mihi bina reddebantur, tua et Spalatina,
vigne

nunc diuina, quoniam omnia sic potes, ultra mihi fuerit
iucundior epistola. A Spalatino raras accipio, à te fre-
quentes & ferè quotidianas, sed diuina, nihil enim dis-
cam. Quod tibi tribuo Ioachime iudicio facio, & me-
rito facio, quod mihi tu, non libet dubitare, quin etiam
aliquo modo uerum sit, quia nefas est credere, posse
aliquod à te falsum proficisci. Sed hæc uiderit νεφέλη
γεγενετα ἰεύς. Non dicam omnia quæ sentio, ne tibi fiam
suspectus. Nimum uerò Carmen nostrum laudas, quo
dedicamus τὸ ἐὶ δ' Ὀμήρου, sed cui recte quidem tu con-
sulis & amice, sed hoc ego consilium iam reieceram, sic
tamē, ut possim resumere, si amicis uideatur, nam antea
mihi nemo consulebat. Sed tamē etiā ibi est quod impe-
diat alioqui propensam meā & bonam uoluntatem. Vt
nam uerò ille regulus, quē tu multis nominibus clarum
esse dicis, etiā hoc sit clarius, quod amet literas, et intel-
ligat, neq; enim amare posse credo, qui non intelligat.
Malim uero ego multo magis placere cuius eruditio uel
pauperrimo quam indocto etiā ditissimo, et aliis claris-
simo principi. Nunquā fui, per omnia iuro quæ possunt
esse sanctissima, supra famā literarum ambitiosus, etsi
gloriæ semper fuerim Cupidus, cuius quis bonus nō est,
ut ait Cicero, sed eam uolui semper paucorum, sed opti-
morum iudicio mihi contingere, non à multitudine pro-
bati. Nunc si dicā in amplissimo heri theatro me iusto-
rem declaratum non credes, at ego interim nihilominus
fructū illum meorum studiorum ferā à te probari, à quo
fatig

EPISTOLAE.

satis erat uel tantum non improbari. Sed quid agemus? Comaste, ut scribis, lege, et nobis candide, ut soles, indica quid displiceat, fateor sanè mihi displicere nonnulla, ut primū statim uersum, sed hæc potcrunt emendari, περι τῶν περιφροσέων meum iudicium cum tuo congruere gaudeo. Itaq; his sum ut uides usus ἐν τοῦ, θαυμάζω θυμῷ αὐτοῦ ἐμὸν ἄχος, & in hoc τὸν δέ μιν λόγον οὐδέν τι ποιεῖ. & in multis alijs, itaq; post hæc maxime te approbante faciam, quem mihi gratulor te tale esse, non dicā enim contigisse, quia uereor ne superbi sit. Si potes, ut scribis, hodie ad nos accede. Salutat te Neuius non Meuius nec Bauius, cui si uoles scribere facies omnino hodie, cras enim tabellarius est abiturus. Salutant te nostri Latrones cum suo Regulo, Ego uero ἀλλήλω τὰν κεφαλαίων ex hesternæ cœna, quæ mihi non procul à tua domo data est.

Tuus Hesus.

EOBANVS HESSVS, IOACHIMO S.

Omnia qui certa ratione Aenigmata soluis,

Hæc præcor artifice pollice solue tricas.

Habes quod agas, si nihil est quod agas, immò ut nihil agas hoc ages, uel hoc etiā ages, ne nihil agas. Sed illud πύγισμα male me aliquantisper habuit. Nec adhuc sane reperio, quomodo uelari satis honeste possit.

EOBANI HESSI.

possit. Sed quæremus ea uela, per quæ oculato tamen
res appareat, quenadmodum quædā muliercula sic cor-
poris quasdā partes tegunt, ut uideri illas cupiant. Ad-
uerte nunc animum, mi Aristarche, & non solum amia-
cum, sed iustum etiam censorem age.

Iudicio res hæ stantq; caduntq; tuo.

Venit inter hæc mihi in mentem, ut luderem aliquid
de his studijs nostris, quod adscripsi.

Simichides magno merito concedat Homero,

Dardana nec Sicula Troia moretur oues.

Tu Ioachime tamen poteras in utrunq; paratus

Armare & reges, & numerare boues.

IOACHIMO CAMERARIO AML
co charissimo suo S.

Fvstuario dignus sum, qui quod sancte tibi erā pol-
licitus, toto ferè octiduo facere sum oblitus. Itaq;
etsi sero, tamen mitto literas ad Petreium, quas mi Ioa-
chime quàm primum poteris ipse transmittes. Nunc ro-
go ut de ijs quæ annotauimus sententiam nobiscum tuā
communices. Non audiam illud tuum, quid opus est?
Nā quo magis nobis et rei literariæ alio opus sit? quā
nostra summa atq; arctiss. coniunctione, ne quicquā si-
ne altero alter inueniat, cogitet, proferat, dicat, scribat.
Sed ecce ἔκτετρα, quod si explicueris,

Phæbus eris nobis, & Phyllida solus habebis.

Ego



EPISTOLAE

Ego nuper diu requirebam tuum carmē de moribus elegantiſſ. ſcriptū, neſcius illud te abſtuliffe, de quo rogo te, quid ſtatuis, editurus ne eſ? ut adas uerò uehementè rogo. Cur enim ſcripſeris, ſi non ſis editurus in communem utilitatem, non tuorum tantum domesticorum? Pulchre quidē hoc conuenire uidetur, ut dum ego nunc corporū ualitudinis conſeruandæ præcepta trado diſcipulis noſtris, tu animorum Medicus, illius quoq; ualitudinis rationē præſcribas, & maximè morum, ſine quibus ille non uidetur eſſe ſanus. Vale ex Timone noſtro.

Taus Heſſus.

IOACHIMO AMICO

chariſſimo ſuo S.

Calamitro Cicinnatis ac proſum undequaq; uorſum defecatis tuis modulis aliàs reſponſitabimas. Nunc gratiā habeo pro nauata opera, & ſi in hac mihi danda liberalior fuiſti, quàm uolui ego eſſe te. Mihi heri minus quàm oportuit numeratum eſt uno ſlore no et octo duodenarijs, et neceſſe eſt hodie totū remittere in arariū, niſi tu aliter faciendū conſulas, nā ob hoc heri quaſi tū te non inueni domi tuæ, itaq; quid ſentis rogo? quid faceres tu? graue eſt mihi id damni ferre à diſtiſſ. Repub. cui alioqui egre id tantulum ſufficit. Pſalmum tuum legam. Miror autem te, qui nihil ut uideo relina

ROBANI HESSI.

relinquis intentatum, nuper Comicus, paulo post Meli-
cus, Lyricus inde, nunc Psalmographus. Quis te ferat à
Protheu? Vale.

Tuus Hesus.

IOACHIMO SVO

charissimo S.

MEum quidem erratum statim ut puer tuus abiit,
intellexi, uerum nunc uide, num tu peius multo
erres, qui arbitraris iocos tuos me adeò non intelligere,
ut quasi parum auspicato scripto etiam exagitem, quod
in hos mores meos non posse cadere ipsum te testem ap-
pello, cum presentiore non possim, an uero & ego io-
catus non sum, cum rescripsi de cicimatis et defecalis
modulis? quod enim est hoc aliud, nisi delectatum uehe-
menter me fuisse nouo isto tuo genere scribendi? quia u-
debam ioco scribi. Verum ego uolebam, si liber ad ma-
num fuisset, ex Visiculanti respondere, uel certe ex
Quintiano. Verum hæc coram. Psalmum iam describis
puer mihi, ego legi, lectum ut iubes remittam, placet mi-
rum in modum. De consulendo Hieronymo quod scri-
bis faciam. Ioci tui nullo non tempore mihi sunt gratissi-
mi, quocirca nihil est quod uereare fuisse te non meo
tempore hilariusculum. Bene uale. Quod iubes faciam
de schedula concionatori Yerdensi tradenda.

Tuus Hesus.

Ioach

EPISTOLAE
IOACHIMO CAMERARIO.
suo S.

Opportune se mihi puer tuus heri obtulit, à quo accepisse te existimo, quæ cupiebam quàm primum ad te afferri. Nunc mitto quod & ipsum heri missurus fueram, nisi oblitus essem, nescio quid rerum agens. Vides tentasse me magis hæc, quàm perfecisse. Id ad lucernam factum est nudiustertius. Sed mihi ad multas res opus est te presente. Res duræ & nouitas non regni, sed eorum quæ tibi notæ sunt, cogunt me te aduocare, Venies igitur ad cœnam talem omnino qualis nos maxime decere possit. Mittam breui alia, uel potius tibi tradam, de quibus appareat quid ego per te, & tu per me profeceris. Etenim sic existimo tibi nequaquam decedere, quod mihi per te adstruitur. Mea uerò quæ ut scribis te augent, id ego me uel in primis ornare existimo. Vale.

Tuus Hæssus.

IOACHIMO CAMERARIO
ἐν τοῖς κωτάτω suo S.

Capita eorum de quibus in Symposio querereamus, ut conuenit, ad te misi, quæ fortasse ideo etiam tibi placebunt, quod magis Ciceronianas, quàm Plinianas partes teneantur. Ego quo diligētius his de rebus cogito

cogito, eo tuæ mihi rationes magis probantur. Sed non
ideò hæc scribo, ut quemadmodum ille apud Plautum
ait, Palpum tibi obtrudam, quo minus contra hæc quæ
proponimus disputes. Nam quamuis quid tu sentias non
ignorem, tamen ceteris omnia certius atq; me-
lius explicabunt. Vale & adesto in tempore, uel etiam
ante tempus.

Tuus Hessus.

OMnis ætas tulit magna ingenia, uerum ea cum
inter se differant plurimum, fit tamen, nescio
qua ratione, ut eiusdem ætatis, ac ut ita dicā, sæculi, ita
conueniant, ut eandē quasi *Φρόνη* eloquentiæ ac dicte-
onis habere uideātur, quale id fuit quo uixit Cicero sub
Augusto ac paulo ante, deinde huic diuersum et quana-
quam non inelegans sub Traiano & Hadriano alijsq;
principibus paucis, nam statim ad barbariem deinceps
flexit hoc sæculum, donec Gothorum illuies foedauit
omnia, & serè usq; ad nostra tempora pudendam bar-
bariem inuexit. Quam tamen quoniam aliqua ex parte
exuere uidemur stultum esse existimo nouum aliquem,
ut ita dicam, mollis ac delicatæ et serè Asiaticæ eloquen-
tiæ authorem potius, quàm optimum quemq; ueterum
proponere imitandum.

EPISTOLAE

IOACHIMO CAMERARIO

amico charissimo suo S.

Quid uerò de meis annotationibus mi Ioachime? nō dubito quin quod sentias libere, ut nos deceat, dicturus sis, id quod ut facias te rogo. Id quod malim ex te coram, quàm per epistolam cognoscere. Quomni epistola etsi sunt liberiores quàm uiuæ uoces, tamē uelis nolis aliquādo adulatorices sunt. Quam uellē uero si quoquo modo fieri posset, libellum penitus inspiceres, non audeo molestior esse tibi, qui iam plus sum quàm debeam, sed tamē credo posse uox à me hunc te et per ocium cum intermissione, citra negotium magnū facere. Verbum non addam de hoc. Syracusias utcumque absolui. Sed hoc utcumque magnū relinquit in animo meo scrupulum, quē nisi tu eximas, quo abiciam? conficiet me opinor, et tu minus uoles fortassis isto modo perire tibi charum socium, quàm eo malo, de quo nuper languentem quoniam officiose inuisti, quid ni adijciam?

Nuper ut abstulerat tibi me punita uoluptas,

Languentem fuerat deseruisse pudor.

Nunc cum reddiderit tibi me reparata uoluptas,

Sit rogo sanatum deseruisse pudor.

Sicenim ludere non dedecet, opinor, nostram simplicitatem, quæ in te et Mycalo quoniam est candidissima (feres hoc interim laudatiuncula à Poëta scilicet)

ROBANI HESSI.

non sic amplector, ut Arcani superbiam ne pili quida-
dem faciam. De adnotationibus, in expedito est con-
siliū, premere, si lucem non mereantur. Et si in hoc ge-
nere ego nunquam statui quicquam operis facere publi-
ci tamen quoniam eo adegit me fortuna, ut hoc à me spe-
rari possit, & nescio an etiam requiri, uide num nulla
ratione faciam quod facio? Vale.

Tuus Rex.

IOACHIMO CAMERARIO

amico charissimo suo S.

HABES ὁ δὲ νῦν ῥῶσας, cum quibus sum sanè relu-
ctantibus aliquantulum colluctatus, sed hoc prae-
iudicamus. Pudet uero fateri me etiam fuisse interdum
ab his mulierculis male mulctatum. Sed apud te quid
me pudeat, si hodie poteris me accedere, monstrabo ti-
bi poemata pulcherrima poëtae, cum pictura etiam Du-
reriana certantis. Hoc te scire uolo, quamuis existimem
iam scire te, esse nunc hic Secerij sororem, cras abitura-
m, petereq; ad Secerium ut scribamus cum hac tu &
ego. Itaq; si quid uoles, hodie scribes, & dabis Abbati
uel mihi, ut illi dem. Nam sic ille iussit. Quid si cum
hac Basilicam quoq; ? Vale.

Tuus Hesus?

I. H.

Ioachim

EPISTOLAE

IOACHIMO CAMERARIO

ex animo amico charissimo suo S.

EGo eodem laboro uitio planè quo tu te laborare scribis, si uitium tamen est non libenter scribere. Etiam non putabam necesse esse describere quod primum in chartam eieceram. Mitto igitur libellum hunc, mi Ioachime, in quem et alia perscripsi primi laboris, non arbitrabar opus esse tibi pingere exquisite, cui nota essent omnes picturarum lineæ, sed si omnino laborem me uitasse credes, decesserit sanè labori aliquid, modo hoc ocio accedat. Cras tibi

Nos alacri dabimus perfectæ Thalissia cursu.

Graiaq; Romanis reddita scripta notis.

Sed de Bione quid fiet? Explebis ne etiam uel complebis tu illa de quibus nuper tecum egi? Profecto nihil est, quod tu uereris, ne quis ausit hæc reprehendere. Quid enim horum reprehensor reprehenderit, nisi diligentis et studij nequaquam inhonesti operas? Si nihil aliud autem τὰ δὲ τῶν τῶν τῶν τῶν liberalis profecto lusus καὶ παῖδες τῶν τῶν τῶν facile defenderit, deniq; si quis carpere temerario ausu uoluerit, is sentiet non solum longas, sed etiam fortes et uindicatrices atq; ἀμύττας, regibus esse manus. Ad illam autem plane motariam fabulam quod attinet, acquiesco, mi Ioachime saltari consilio tuo, et damnum hoc mihi in hac necessitate satis magnū potius fero, quā inter urbem iterum

hitorum

IOBANI HESSI.

uirorum arario praefectorum rationes. Quibus autem debetur, ijs alicunde ut satisfiat, uidebimus. Etsi enim satis anguste in hoc theatro sedemus, tamen in officio erimus. Tu quoq; idem facies, ut facis. Ne quis nostra fiderem tenes. Vale mi Ioachime.

Tuus Hessus.

IOACHIMO CAMERARIO

amico summo suo S.

VTcumq; Ioachime heri uelut impetu quodam in Theocritum relapsus, piscatores absolui. Nunc te admonendum duxi promissi, qui omnino aliquid rationis iniuros nos aiebas, quo reliquias istas uel fragmenta uerius Theocriti aliquatenus adsequeremur. Itaq; rogo te ut hunc $\tau\omicron\pi\chi\epsilon\nu\sigma\epsilon\omicron\pi\iota\chi\theta\omega$ diligenter inspicias, quem ego pro sua preciositate minus belle decoctum ad te mitto, ut recoquas iterum atq; iterum, uel etiam torreas ad ingenij tui caminum luculentiss. Tum si iure tuo perfusus, dignus uidebitur qui hospitibus proponatur, Rogo ut in parte Coena me esse patiaris, nisi enim hunc condimento tuo asperseris piscem, metus omnino est, ne uenenum habeat, et esitantem perimat. Itaq; constitutum mihi est, huiusmodi edulij sine tua auctoritate et iudicio non uesci, atq; adeo odisse praesertim pisces, quos ego tam in syluestribus et ignotis lacubus ceperim. Vale, si potes, rogo, ut hodie remittas hos

I in piscas

EPISTOLAE

piscatores, mihi cum suo aureo pisce, utriusq; periculo fiet, quicquid factum fuerit. Sis igitur animo presente. Quid autem nos contra temporum iniuriam possumus quam & hoc εἰς ὕμνον sensit, & alia multa? Sed Vale.

Tuus Hefsus

IOACHIMO CAMERARIO

suo. S.

SI iam aliquid statuisti de Idyllijs, rogo ut remittas, uel ipse potius adferas. Cupio enim & piscatores illos non minus capere, quam ipsorum qui spiam piscem aureum. Prope quidem uidetur iniecisse manum, & tamen nescio quo modo non teneo, credo quia lubrici sunt ab ipsis piscibus. Quod nisi tu doces, quibus hij Proætei uinculis capiendi sint, metus est nō paruus, ne elabantur, & eludant iam expedientem uincula & carceres. Quid uelim, uides. Si non est molestum, & uacat, hodie rogo ad me ut uenias. Si uero domi tuae tibi uacabit, melius ipse ad te ueniam, modo illud significes. Vale.

Tuus Hefsus

Ioachimo

IOBANI HESSI.
IOACHIMO CAMERARIO
suo S.

Non ignoro optime Ioachime quantum tibi facessam negotij, cum Herculisoc non modo deformato, sed planè lancinato, & uelut ab ipsa Hydra discerpto. Verum tu qui seruatores hominum Dioscuros seruas, qui aurcos è mari pisces trahis, qui ex solidis lignis fistulas excauas, & alia magnifica opera facis, etiam hunc Herculisocum anguibus ereptum, uelut Iupiter nobis restitues. Nec uero me ioco hæc scribere existimes uelim. Nam uero agitur hoc à me serio, de his conatibus autè emendationum necessariarum in penuria meliorum librorum, quid adhuc metuis, quid te præsentire, quid præagire animum mihi narras, Me specta uel Regem, uel [Herculis ipsius uictorem. Nostra instar illa quidem Herculanæ clauæ penna tucabitur ambos. Aude igitur, fortes enim fortuna, sed & ratio inquit, Cicero, quæ ne ipsa quidem nobis deest. Hæc autem quicquid dicant, dicturi sint Critici suæ cessibus aliorum fere inuidentes,

Quæ bona Simichide uertunt mea scripta Poëta
Carmina, iudicio stantq; caduntq; tue.

Tuus Hessus

EPISTOLAE

IOACHIMO NOSTRO.

Petrus abiit, & ego ut scis, ab nupera afflictione adhuc languéo, nihil est solatij Ioachime, nisi tu uenias, ac mecum latrocinare, nam insidias tibi iam etiam animo concipio, Si potes, fac possis, ego te expecto. Homerum propter te amo, et si hoc est satis, facio bene, qui non oderim quem tu ames. Sed quid? Draco uolat, tu non uolas, sed curre, & tecum cura adferri latronum culos.

Tuus Hesus.

IOACHIMO CAMERARIO

suo S.

Veni, si uacare potes tibi, cui nunquam quicquam rogato uacat. Veni igitur si non uacat, nec enim mihi uacat rogare te nunc, sed interminari uacat ne uenias, Ne ueni igitur, sed tamen ueni, immò non ueni, & ueni. Sed intelligis quis hic affectus uincat. Fac igitur quod faciendum esse uides, ut placatum & beneuolentem Regem habeas. Iam aderit Iacobus, et si quem alium uis, dabimus operam ut habeas, dignus qui ex animi tui sententia habeas omnia. Vale à prandio Regio. Audies mira de quadam, & ut audias tua intercessi. Nunc hoc dicam.

Cuius in hoc uersu pudet edere facta puellæ

Vis uerum nomen dicere dic ararab.

Tuus Hesus.

Ioachime

IOBANI HESSI.

IOACHIMO SVO.

Nunquid es ad cœnam Ioachime rogatus eandem,
Quam nos? & quoniam es, uisq; uenire, ueni.
Sed quid ago? uides ut non succedat quod institueram,
tantum est alienis animum occupasse. Totum diem le-
gendis nescio quibus Medicorum παρὰ γὰρ ἁμαρτίαν
perdidi, atq; ob id à Mûsis alienior factus, propositum
scribendi genus non expedio. Sed nec opus ualde nunc
erat. Futurus ne es in cœna illa nobis etiam inter solem-
nes numeranda? credo futurum. Itaq; rogo ad me pri-
mum cum Micalo si placet, et si hac ituri estis, uenias.
Vale.

Tuus Hessus.

IOACHIMO VIRO

doctiss. nostro.

ORO te mi Ioachime, si tibi uidetur fieri posse, scri-
be uel unum τέτρας ἱχθῶν in libellum quem his
diebus editurus sum de ratione conscribendorum
Carminum, in quam tu uoles sententiam. Nihil autem
est quod nos laudes à magnifico materiae apparatu. Pu-
eris ualde puerilia scripsimus, fructum & utilitatem
magis eorum, quibus scripsimus quàm nostram aliquā
laudem qui scripsimus, aucupantes. Item si potes hoc
uesperi rogo ad nos tu, ut rationem absentiae tuae tuo
Regi cui debes, reddas. Nam aiunt in Pegaso quodam

I s euolasse

EPISTOLAE

duolasse ac reuolasse te. Ostendam tibi Minoris Brasiliae
eant ad me literas hodie mihi redditas. Vale.

Tuus Hefsius.

IOACHIMO CAMERARIO

Qu. amico summo suo S.

CArmen quod dedisti, uehementer placet. Itaq; si
permittis nostro adscribam, & hos duos uersicu-
los tua uenia sic mutabimus:

Multaq; cum praeclara tuae sint scripta Thalia,

Hoc & in ijs aliquod nomen habere puta.

Propterea quia dictio, hoc, corripi mihi non recte
uidetur, quamuis quibusdam diuersum uideri me non la-
teat. Sed tu nostro etiam iudicio stabis, quia nos stare
tuo solemus, alioqui tuo carmine nihil elegantius, non
tam quia me laudas, quam quia ex animo nostra pro-
bas. Quo tuo iudicio. Quid enim dissimulemus. Sic de-
lector unice, ut beatum me existimē, qui à tam laudato
laudor, cuiq; contigerit, tam exacto iudicio probari.
Vale.

Tuus Hefsius.

IOACHIMO SVO

Eobanus

PRO bene uestito Fabio, Ioachime Poëtam
Mitimus inuestem nos tibi Simichidam.

Non

Non male uestitum tamen illum Doride palla,
Sed Latia lacerum semiferumq; toga.
Qui tamen hoc etiam quod de Sybaritide terra
Venerit in syluas Romule Tybri tuas.
Parte bona debere tibi Ioachime fatetur.
Non ita nullius, cornua frontis habet
Iure igitur peregrinatus per pascua mecum
Romula, Sicaniam te duce rursus adit.

IOACHIMO SVQ

Eobanus S.

ANte solis ortum diei crastini carmen ad Bachium
exscribendum est mihi Ioachime, rogo quia non
uenis, ut remittas, nam exemplar quod habeo non re-
spondet, aliter enim semper exscribo quam scribo. Et
rogo te per fidem tuam uel unico uerbo rescribe, quid
tibi uideatur, & de carmine nostro & instituto. Vale.
Tuus. Hessius

IOACHIMO CAMERARIO

suo amicissimo S.

Adsurgit Musæ nostra Camæna tuæ
Digna sunt Apolline quæ concinis Poëta.
Quos mihi mittebas uates Ioachime relegi.
Versiculos dignos hic & ubiq; legi.

EPISTOLAE.

Et si satis hic quoq; poetatum est, ne me putes ludere, digna prorsus mihi uidetur ista tua poemata, quæ quam primum legantur, non tantum studia & ingenium multiplex, uerum etiam singularem pietatem & præsentibus hominibus, & posteris testatura. Quare si me audis, scis puto quid cupiam, non fallo, multo minus blandior, ede bonis aurbus quod tam feliciter tibi domi tuæ natum est. Et cur non ædas, cum uideas passim implumes et iã uolare, & nihil non conari inauspicatissimas uolucres? Carminis fluxum tibi nõ laudo, dignus qui parum fidei sim habiturus, si tibi laudem, mihi si quis laudet, nihil fortasse præter hoc respondeam dignum immortalitate quicquid in hoc scriptum sit, esse opus. Veram hæc alas. Nunc oro, si uacat, ad nos uenias cū Micælo nostro, uel si ille nolit solus, hoc est cum tuis Musis. Latrones nostri indignantur se insidijs heri à te circumuentos. Itaq; diem tibi dicunt, et nisi pareas bellum denunciant.

Tuus Hefsus.

IOACHIMO CAMERARIO VI
ro doctiss. amico summo suo S,

Ergo mihi uenit pro te tua littera, sed qua
Non etiam moriens blandior esset olor.

Nam quod primum conabar scribere uersus erat,
Sic huic generi totū hunc diē insumpsi, sic me immis-
cui, ut ne uolens quidem possim discutere, quod nõ qui-
dem

EOBANI HESSI.

dem nouū nunc est ad te, ut tuum heri ad nos, & Cicero-
ronis ad Casa. scribendi genus, sed familiare ferè nobis
& congenitum. Quid igitur scripserim queris, per A-
pollinem, supra centum uersus hodie, sed utinam non
Lucianos, id est, Luculètos, quia non secus ac ille stans
pede in uno, sed & secus quàm ille de uno pede scripsi.
Iam opinor intelligis. Nam omnino male habet me ma-
solentia cuiusdam siue falsi uictoris, siue infelicitè ui-
centis & ex insidijs plus quàm hostiliter laceffentis,
sed & passim traducentis quod in uno pede carminis
deliquerim, quod tu pro candore tuo amice admones
bas, & erat ridiculum magis & uenia quàm odiosa
insectatione dignius. Dissimulaui diu satis, si homo is
finem faceret insectandi leui momento apprehensum,
quod cum non fieret quid mirum si exarsi & memini
non semper oportere leonem esse sine unguibus, & il-
lud nostrum, regem sine manibus. Cupio uerò ut carmen
ipsum uideas, si quando tibi liceat, sine cuius iudicio es
consilio nihil hic edere constitui. Vale.

Tuus HESSUS.

IOACHIMO AMICO
charissi. suo S.

Nihil est chariss. Ioachime quod sollicitus sis uel
de fide uel officio nostro, Nam tu uix potes ul-
lis literis diligentius commendare mihi, quàm ego sim
exequenda

EPISTOLAE

exequuturus omnia quæ intelligam ad te pertinere. Lusa-
 dum mihi commendas, facis quod te decet scilicet, utinā
 sim is, cui & possit, & debeat commendari, faciam tas-
 men omnia quæ facerem presente te. Abi fœliciter, ut fa-
 cis, mi Ioachime, tui Eobani memor, hoc erit mihi non
 solum pro aureis omnibus platanis & uitibus, sed etia-
 ar, montibus. Vale. Tuus Hæssus,

IOACHIMO CAMERARIO

amico fidiss. suo S.

Rhetor maxime maximum Poëtam
 (Magno iudice si libet fateri
 Quod non tam sumus esse quam uelimus)
 Cur sic deseris, ut uenire nolis
 Neglecti amplius in domum poëtae,
 Postquam te semel improbus Poëta,
 Sed non fraude mala, tamen sefellit.
 Quod te maxime Rhetor obsecramus
 Per Manes Ciceronis eloquentis,
 Per Demosthenis ossa gloriosi,
 Velis uisere maximum Poëtam,
 Et non sic fugere, ut solent Poëtas
 Indocti rabulæq; garruliq;
 Sed citra sapientiam Sophistæ.
 Rhetor maxime maximo Poëta
 Si das hanc ueniam, tibi Dei dent.

Nē

IOHANNI HESSI.

Ne de Rhetore maximo & beato

Fias pauper & opulmus poeta.

IOACHIMO CAMERARIO

amico charissimo S.

Celtis scribit Salisburgum olim fuisse uocatum Iu-
uaniam, quod ego quia nusquam alibi legi existi-
mo sine periculo credi non posse, nec enim opinor sic
apud ullum uetustum Scriptorem legi, quamuis gentis
ego uocabulum quam urbis scire malim. Credo quidem
Boios esse uel fortasse Rhetos, sed hi utriq; patent la-
tius, quam ut alterum huic tantum genti tribui posse uideatur.
Item suspicor & ipsos partem esse e Noricis.
Scio rem hanc satis & uetustate & recentium me-
moriam intricatam esse, & me in uersu latino uehement-
er offendunt ista barbara nomina, maxime si nullum
flexum uel Latinum uel Græcum admittunt. Itaq; ut
scias non frustra quæsisse me prius, ridiculum est quod
scripsi.

Quiq; alias habitant partes Francinidos ora.

Sed ut scis nihil apud te pudendum mihi duco,
opinor autem posse Francidos dici, quamuis Francus
per se satis sit nomen tractabile, & in sua natura nul-
lum flexum refugiens. Itaq; de hoc facile uiderimus. Si
potes rogo, ut isto qui nunc torquet scrupulo me leues.
Vale.

Tuus HESSUS.

Ioachim

EPISTOLAE
IOACHIMO VIRO FOR-
tissimo Eobanus Hessus S.

Insidiosorum lusus bella latronum,
Si iam coenasti mi Ioachime ueni.
Interea licet ipse bonus Dormitet Homerus,
Nos exire domo iam quia religio est.
Nam uenient nobis Athesini regna Tyrolis
Tu tua de forti scripta gigante leges,
Quod melius faciat nil Ioachimus habet.
Quod si non facies, quid Ioachime facis?
Sed ne non uenias, mi Ioachime ueni.
Saltibus in Francis fortes numerare caballos,
Par labor & uersus quos Ioachime facis.
Rex eris, ad Regem si Ioachime uenis.

IOACHIMO SVO S.

Scire uelim sis ne hodie hoc quod destinabas, auspi-
caturus? Deinde si hoc nolis, pati ne queatis ueni-
re me in uestrum contubernium. Nam & Baumgartne-
rus ibi est futurus, quem ego conuētum uelim ea de re,
quam heri copiosius exposuissem, si audire uoluisses,
sed quando uos coenatis? si non grauaris fac me certior
rem. Vale.

Tuus Hessus.

Ioachi-

EOBANI HESSI.

IOACHIMO CHARIS

simo suo S.

Quod cum adesses præterieram, nisi uenias hoc
uesperi, carebis ea uoluptate oculorum, quam
nunquam deinceps consequere. Quid sit non dico. Sed
ut uenias, etsi possis Micalum tecum adducas, uel si
hoc molestum est attrahas oro, non enim iam iubere
audeo, Regem esse me oblitus, dum isti regno detura
bant, qui à pedibus potius quàm à manibus nos metia
ntur. Vale.

Tuus Rex.

IOACHIMO SVO S.

Rogo te mi Charis. Ioachime, literas Croti no
stri remittas ad me si potes, ut earum lectione
quântum possum hoc uesperi me satiem, satiari enim
omnino istis legendis non possum. Cras recipies, cum
reliquis quæ iussisti fieri. Vale. Sequor consilium tuum
in prælegendis τὰς ἡμέρας καὶ τοὺς ἔργους Hesio
di. Sed hæc & alia coram uale.

Tuus Hessus.

IOACHIMO CAMERARIO

uir doctiss. amico summo suo S.

K

Cam

EPISTOLAE

CArmen tuum uerè mihi arridet, nisi quod uno à
que altero loco forsàn negligentius à te scriptum
à me non intelligitur, qua de re coram ubi uoles, ad ar-
gumentum risi, mirum in modum gauisus, hoc genere argu-
menti te quoq; gaudere. Itaq; statim cōieci in chartulā,
ut uides uersus super ea re aliquot, quos uelim, sic ut no-
stram amicitiam decet accipias, nam si tu ludis, cur non
uicissim ego ludenti alludam. Quamuis quid ludas? uel
potius cur non ludas: cum iste ludus te uelis nolis mane-
at, uel senem si inuenis contempseris? Multo uero erat
copiosissimū tibi respondendi argumentum natum ē tua
sylua. Sed praecidere me oportuit quod alias tractatus
rū me esse latius cōstitui. Nā de huiusmodi rebus scri-
bendi semper mihi fuit infinita copia, quam tamen haec
aetas potest ut spero praecidere. Vade, & lude feliciter.
Omnino nolo me ut aliquē te maiorem appelles. Quot
sum enim huiusmodi ineptiae? sed socium esse patiari,
id libenter feram. De Philippo libens accipio quod in
calce apostolae ad te est adscriptum. Sed de his coram.
Tuus Hefsus.

IOACHIMO VIRO DISER-

tiss. Romuli nepotum nostro Sr

Verius hodie fuisti qui praedicebas futuram pluui-
am, & miror sic ueracē fuisse, qui libenter & in
eūde nugari soles, etsi sic ferat ratio fallere quoq;. Ergo

IOBANI HESSI.

Si bonus es pluuia Græculus author aquæ.

Si quid habes ueri magne propheta, ueni.

Campus discolor ille te latronum

Exspectat, uenias Propheta magne.

Et iam pransus es, & uacat uenire.

Et cur non uenias Propheta noster?

Sed ueni sic te pluuia suauis

Obruant, sic te bona copiosi

Dulcibus mersum Cyathis inundent.

Pocula Bachi.

Tuus Hessus.

IOACHIMO VIRO

doctiss. suo S

O Dulcem errorem meum, nunquam errauī libentius Ioachime, putaram in schola confessorum me inter communes auditores. Verū inter tales uiros Deum immortalē me ne pudeat? me non potius delectet? Quare nihil addam amplius, quia rem ex sententia, id quod ne somniarā quidem, cedere uideo. Sed quis exemplar nunc expediet cupido nocturna uersare manu, uersare diurna. Utinam queamus expiscari aliquod uel tota urbe uenale Homeri exemplar, pluris libenter etiam quam ualeat, agam ego cum Baumgartnero, si possit ille forsan ea quoque in re nobis commodare. Vix uale.

Tuus Hessus.

K 4

Ioachim

EPISTOLAE.

Ioachimo πατριάρχῃ καὶ ὁμολογῶν S. Hefsus.

Obuius à coena Plutarchus uenit eunti
 A Plini tenebris ad Ciceronis opes.
 Dum cupio iniecta properantem uoce morari,
 Inceptum fallax alea rupit opus.
 I nunc nostra tuis αὐτὶ γράμματα confer ὁμολογῶν
 Qui tamen hoc casu ne moriantur, ades.
 Quos capitella uoco, capitum capita esse uolebam
 Sed si non ueniant uix reat esse pedes.
 Huc Patriarchæ nobiles
 Huc properate Archangeli,
 Huc scribæ ueniant graues.
 Reges omnia possident
 Ludos, uin a, sed aleas
 In primis tibi non graues
 Iucundissime Anastasi.

IOACHIMO CAMERARIO

nostro S.

Quia cras Calendæ sunt Februarij, constituo mittere qui ferant partim meriti stipendij quod significandū tibi & Micalo nostro duxi, ut quoniam in eisdem nobiscum castris militatis uestros quoniamque Oratores nostris legatis, si forte placeat, adiungas. Deinde Ioashime quæ annotata uides, ea nobis expedi

EOBANI HESSI.

expedi, & Phyllida solus habeto. Vale.

Tuus Hesus.

IOACHIMO CAMERARIO

Regni Musarum Qu. suo S.

Ecquid mittimus hodie in Curiam pro accipiendo stipendio, qui strenue adeo militamus? dari nō est dubium, cum & iussi simus in hunc diem petere. Pulchrum uidetur, ut hoc simul agamus, ut si mittas tuum Vitum, ego illi addam unum ex meis, nam & hoc commodissimum est, ne Quæstoribus istis laborem numerandi duplicemus, & nobis honestum communiter accipere, quod communiter debetur. Quod ubi erit factum, tum de Musis cogitabimus, nam mire nunc quidem frigent, quoniam ligna ad calefaciendum hypocaustum desunt, calefcent uerò ubi ad ignem accesserint plus satis. Vale.

Tuus Hesus.

IOACHIMO NOSTRO

charissimo S.

Mittimus hic inclusas literas tibi Ioabhim cuiusdam ex Heluetijs, nomen excidit nobis, tibi fortasse non ignoti uiri, ut uidetur, & boni & eruditi, nam & nobis scripsit olim mihi, cum Rex essem, ut ait

K iij

ipse,

EPISTOLAE

ipse, familiariter notus. Tu si quid est quod scire uel oporteat me, uel tu uoles, rogo uti ad nos nunc uenias. Nam & alia quaedam mandata nobis ad te sunt. Vale & has literas ubi perlegeris, quaeso ut earum nos participes esse permittas. Videntur enim habere fructus aliquid ad nostram sterilitatem redundaturi, cum tantum in fronte floris promittant. Vale.

Tuus Hestus.

IOACHIMO CHARISIMO suo S.

EGO uero risi, cum tu scriberes sperare satisfacere te posse indignanti mihi quia non ueneris, scilicet, ego possum indignari tibi Ioachime? sed ad rem: Chalcographo hac hora tradidi ista omnia quae uidisti, si modo quod optabam, hoc postremum per occupationes tuas tibi licuit perlegere. Cur uero non edam? an patiar istos tam libere ac friuole mihi insultare, quod nihil in ipsos quidem, sed in me magis deliquerim. Quamuis quid deliquerim, & tu sic soles excusare, quod utinam posses tollere, erratum nostrum. Quod si illi quicunque demum sunt, quicquam haberent tui simile, haudquaquam mihi facerent hoc negotij. In fronte libelli si uidetur sic scribemus:

Hic oculis opus est iterum tibi linide, si qua
Dentibus occurrat praeda parata tuis.

Sed

IOBANI HESSI.

Sed puto ni rodas tua pectora, ut ante solebas,

Hic miser extrema conficere fame.

Non audeo abs te petere, ut in partes uenias, nec
nelim inuidia grauari te, uel apud ipsam, inuidiam, &
ego ab istiusmodi contentionibus natura semper abhor
rui.

Tuus Hessus.

IOACHIMO CAMERARIO.
nostro S.

EThoc nunc tē^μνον^ν deoratū es Ioachime. Mit
temus igitur centum oratores augusta ad moenia
regum. Quorū principes erunt Cynceas tuus & noster
Diogenes. Mihi quidem ut scis, ualde molestum est aca
cusari apud ^ἐΦόβ^{ος} istos. Causam enim nunquam dia
xi. Idcirco committes inter cetera legatos, ut actionis
statum habeāt. Nec posse, nec consuesse Poētas causam
dicere, esse q̃; etiamnum Iudicibus formidabiles coram
quibus accusentur. Itaq; satius esse uel toto arario redi
mere unam talem etiam leuissimam causam. Hæc tu il
lis sic scripta consignabis, sunt enim Oratores nostri ob
liuiosi, & præterea capita sine linguis. Vale & uola
eum tuo Cupidine fortiter & feliciter. Ex Regia.

IOACHIMO CAMERARIO,
uiro summo charissimo amico S.

Dixi nuper tibi Ioachime, si forte meministi, de
K iiij quodam

EPISTOLAE

quodam edimine, quod absente te luseram, statimq;
missurus eram, si mature, & quod optabamus argumē
tum, immò occasionē tuus aduentus intercepisset. De
scripsi tamen & impleui hodie, nam ultimi uersus 14. de
erant, tibiq; misi, ut & uideas absentem te nobiscum
fuisse, etsi uidetur adhuc transmitti posse, id tuo consi
lio fiat, ut quod aduentus tuus de argumento detraxit,
consilium rursus adstruat. Sed obtestor & adiuro per
Musas te, ut omnino me scripssisse sentias, mihi quidem
satis testium est, mea conscientia. Vale.

Tuus Hefsus.

Eob. Heß. Ioachimo S.

Ne desit quod agas, quod rideat Angur Apollo,
Ludendi præbes tu mihi materiam.

Sed quid agam? uersus peruersos ordine uerso.

Dum lego nil facio, & multa simul facio.

Nunc ut tu uenias pono Ioachime tabellam,

Siue iterum uinces, seu mihi uictus eris.

Patriarchis & Angelis nostris S.

Ecquid uacat uobis amici, ut uel uos huc, uel nos
isto. Nam

Festa luce domi tota qui desidet illi

An ne aliquid uiui sanguinis esse putas?

Veto

IOBANI HESSI.

Veto te contristari Ioachime. Nam in Angelos nul-
lum cadit πᾶ' Δος, quanquam ò, sed
Viuít adhuc nobis uicturus longa Philippus
Tempora, tam seuos quis putet esse Deos,
Vitalem rapiant iuuenem, qui uiuere uita
Nunc primum potuit commodiore tibi?
Sed charta plena est.

Ioachimo Camerario nostro S.

Remitto quidem tibi ut iubes, & ut tu uocas, nuga-
gas uerè si nugæ sunt, Pulcherrimas. Sed uide no-
dum has tam diligenter repetis minime accipias. Nam
ego quidem descriptas habeo, ne putes hic indiligen-
tem fuisse me. Vale.

Tuus Hessus.

Ioachimo nostro S.

Si nihil est quod agas Ioachime, hoc age si potes,
uenito ad nos, ut simul fortunam amici ut iubes, de-
ploremus. Sed quid deploremus? immò ut consolemur
nos mutuo de bona fortuna quam aduersam nos inter-
pretamur fortasse maligne satis. Sed iam si potes, ueni.
Ego redij ex aucupio, cui hunc diem dedi. Idem Micæ
lo. quod tibi scribimus.

Tuus Hessus.

K 5

Etiam

EPISTOLAE

Etiam Epithaphia mitto, de quibus eligetis quod
maxime probaueritis, cetera, si uidebitur, abijcietis.

IOANNI SEILERO PABER
bergenſi uiro opti.

Quo tumulto Seilerc iaces rariſſima tecum
Hoc iacet & probitas & generoſa fides.
Aliud.

Non prius occubuit fato Seilerus acerbo,
Quam foret ille annis & pietate grauis.
Aliud.

Qui plenam graubus uirtutem miſcuit annis,
Seilerci reliquum continet urna breuis.
Aliud.

Si uirtus ſpectanda foret poſt fata ſuperſtes,
Seilerci caperet tam breuis urna nihil.
Aliud.

Fallitur anguſta qui te Seilerc ſub urna,
Qua tegeris, totum poſſe latere putat.
Aliud.

Vnde animum corpusq; datum Seylerus habebat,
Hanc cælo moriens reddidit, illud humo.

Sed qui poſſum uirtutem, pietatem, ſapientiam,
fidem notam nobis uno diſticho pro dignitate celebra-
re, & tam paucis uerſibus comprehendere?

EOBANI HESSI.

Hec iam culpa igitur nostro debetur Hopello.
Disticha qui tantum scribere nos uoluit.

EOBANVS HESSVS IOA.
chimo Quaestori Regio.
S. D.

Ego quidem quantum in aerario sit nescio, & acci-
piendi sunt hospites, non ad illā cotidianam nostrā
consuetudinem, sed singularē et magnificū in modum.
Tu uero, ut audio Quaestor noster, domi iam reptas uel
potius decumbis, neq; prodis extra aedes. At nunc uel
max. opus erat praesentia & opera tua. Videbis ut ara-
gentum nobis ad coenam quo una mensa instruat,ur,
praesto sit, purum celatumūc, nil moror. Vasa modo
sint quibus potemus nos. Iam enim coci occuparunt
culinam. Omnia attulerunt illi quae coquant. Vasa
tantum à meis petunt. Apparatur conuiuium opipas-
re iubente & curante Satrapa Regni. Aduenit enim
modo, si nescis, Dantiscus, qui mecum esse uult, & de-
ponere interea praesulis personam. Ille igitur tantus
hospes intrare angustas non dedignabitur aedes, Regae
lemq; hilari fronte subire casam. Etiam uinum missum
est, quantum conuiuii Tricongijs omnibus satis esse
possit. Nihil igitur iam aerariū moror, Vasa modo pro-
mi uolo. Hae igitur à te afferat tuus Scirtus, quibus uti
puit, et quae reponantur apud te, postquā usi fuerimus.

EPISTOLAE

Sed te non esse nobiscum posse malum est. Et requiritur profecto praesentia tua. Hoc uero est necessitudinis ueteris non obliuisci, cum ille tanto splendore nominis, tanto dignitatis gradu, hac opulentia, ultro ad me accedere potius uult, quam accersere me ad se. Vtrum uero tu doctrinam hanc illi humanitatem, an consuetudinem externorum addidisse existimas? Hoc *προβλημα* dignum est consideratione tua. Sed de his coram. Nunc, ut dixi, scyphos mittes non *κισσῶσαι*. Quicquid erit gratum erit, sed grandiora pocula mallet. Bibemus enim ut opinor, homines elegantes & docti Graeco more. Vale conualescens quam primum, & te nobis confirmatum siste. Ex Regia.

IOACHIMO CAMERARIO

nostro S.

Oro, perscribe mihi ex tuo Herodoto, quod nuper ostendebas, quot *μύρια δ' ας* in Graciam duxerit ille Xerxes. Nam mihi tuas rationes cognoscere & considerare libet. Vale.

Tuus Hestus.

IOACHIMO CAMERARIO

suo charissimo S.

EOBANI HESSI.

Si ullo modo potes maxime te rogo Ioachime, ut accipias ad nos, simulq; uti roges nostro nomine illam mirabilem & satyricum Mycalum, ut & ipse accipiat hospes cum uxore sua peruenusta. Simul Ioachime sunt quæ te uelim, & quæ scire te oporteat. Vale. Adducetis unâ uestras, si uidebitur, nam nobiscum est hospes coniunx.

Tuus Eob. Hessus.

IOACHIMO CAMERARIO

uiro doctiss. amico summo suo S.

Hoc uulgare est, sicut tu soles dicere Ioachime, tabellarius properabat, non uacabat, eram occupatus, Et si quid est taliū. Sed hoc plane regiū, scribebā à prandio statim, imò in ipso adhuc prandio nostri Sturciadae, et tu non ignoras quid ego soleā in prandijs Mi Ioachime, quod tu potissimū à me exigis, ego prestare nunc minimè possum, non quia non possim omnino peruertere istum Clypeū, sed quia uacare nunquam potest, ita obruor penè Erphurdienſibus delicijs fermè quoti die, & tamen non eò usq; ut tui obliuiscar. Mi Ioachime uelim mihi significes, sicut etiam proximis ad te literis scribebam, num patiare tecum agi de conditione aliqua, qua huc possis pertrahi? D. Sturciades iussit asserti bere me, ut si oleum χαλκάνθου iam habere possis patatum, ad se quam primum transmittas: Et ob eam rem transmitto

EPISTOLAE

transmittit duos tibi cognomines, si quid præterea ex-
posueris, libentissime & hoc transmissurus. Qui tu-
uales anime nū? Quid tuum crus? Quid Norinber-
ga de nobis? nihil? nihil amo hoc tempore magis
quàm tuas literas, quæ sunt mihi instar omnium alia-
rum. Si me amas, ut certè facis, scribe ad me sæpius.
Habes enim, & potes habere frequenter ad nos tabel-
larios, & haud dubie frequentiores multò, quàm nos
hinc ad te. Emitte obsecro librum tuum sine Clipeo,
haud dubie defensum satis suo ipsius gladio, sic ut
Clipeo non indigeat. Sed heus tu, iam & alij mihi oc-
currunt Clipei, Eurypyli uidelicet apud Calabrum, ut
uideo ex quorundam Commentarijs. Cuius descriptio-
nem habeo quidem, sed uerum archetypum, id est, ip-
sum Calabrum non habeo, nec habere hic possum, ta-
men constitui uertere, et Agamemnonis apud illum, no-
strum, & quæram alios quoq;.

Te rogo, ut si quos noris, qui in hoc genere no-
sti omnia, mihi indices, Salutat te ualde reuerenter
D. Sturciades cum tota domo. Saluto & ego te qui
scripsi epistolam, in Domino. Saluta chariss. nostrum
D. Georgium Hopellum & Micaëllum unicè carum
& Mylium & alios omnes subortum Canicula.

M. D. XXXIII.

Tuus Hæssus.

Erka

ERUDITISSIMO VIRO DOMINO
 IOACHIMO CAMERARIO amico chariss. suo S.

Fateor mi Ioachime, iam diu nihil ad te scribo, non
 quia non semper cupierim, sed quia uel cum maxi-
 mē uellem, defuit oportunitas, uel cum ea etiam adesset,
 ipse aliò distrahebar. Quorum tamen si nihil accipis,
 sapere si ut culpam agnoscam, & peccatum fatear tibi,
 quocunq; modo uoles plectendi fontem iure relicto. Et
 tu non ignoras meam inscribendo negligentiam, quae ut
 natura est mihi insita, ita in colenda amicitia multo
 quam scribendis literis semper uideri uolui esse diligen-
 tior, quod haud dubie tu quoq; ipse iudicabis, si ante
 actam nostram utriusq; consuetudinē rectē animo per-
 penderis. Sed quorsum haec nunc argutari attinet mi Io-
 achime amicorū omniū longē charissime, uix credis quā-
 tum me nuntius Hoepelli mortis perturbauerit, quē ex
 tuis literis accepi peregre mortuum, sed non libet re-
 fricare cicatricem istā, quid enim profuerit? Quod ad
 nostras res attinet, ego quidem uideor non temere condi-
 tionē mutasse, nec dum enim penituit, quanq̃ dulce erat
 Noribergae uiuere, & praesertim propter te & nostrū
 chariss. Baumgartnerū scis qualem amicū. Tuum Clype-
 um toto hoc firmē anno quo absūm perdiderā, nuper
 casu reperit uxor in scrinio, quo piā inter mundū mu-
 liebrem, nam scilicet & illū exornant Clypei. Itaq; da-
 bo operā, ut si us utiq; his, ut quā primū absoluantur.
 Sed

Sed quis erit hic Aristarchus mihi te absente? ego enim, ut istius linguae sum tuo quidem iudicio magis quam meo non prorsus rudis, ita natura in audendo aliquid tale meticulosus. In Macrone ut uideo, nihil prorsus est praesidij, de quo ante hoc tempus longe fuit praeclarius existimatio mea, sed & nunc egregia est, uerum ille alias res agit. Nuper uerti, o facinus audax, Coluthi raptum Helenes Poetae non admodum obscuri, nisi quod uereor aliquot locis deprauati. De quo mi Ioachime tuum iudicium expectabo, missurus etiam breui ad te meam uersionem, & misissem cum hoc Verdensi tabulario, nisi tempus mihi ad describendum defuisset. Interim te rogo mihi explices, quomodo mihi locus quem inserit de sepulcro Phyllidis sit accipienus, cum tempora non conueniant, & profectio in Graciam Paridis ante Troianum bellum facta sit. Phyllis demum bello perfecto se suspendcrit. Hac rogo mi Ioachime mea causa facere ne graue. Et quam primum possis ad has literas mihi respondeas. Deinde item de tuis rebus omnibus, de quibus tuis consilijs plane & aperte omnia significes. Ego bona spe sum, fore ut honesto premio huc, si modo uoles, perducaris. Nam ea nunc parumper, quae escentibus alijs negotijs & tumultibus, causa agi potest, & agi nuper etiam, sed lenius quam uellem, coepta est. Scis morem nostrorum hominum. Consilia nobis non desunt, animi ad consilia exequenda desunt. Ita fit ut lente, & quasi personam agantur in hac ciuitate omnia.

nia. Sed nos erimus eō diligentiores in urgendo, quod sunt illi tardiores in perficiendo. Ausi sunt quidam nuper querere à me, posses ne huc perducì salario annuo octuaginta aureorum? ego constanter adserui non posse minoris te, quàm ego conductus essem conducì. Et cum ostendissem quantus esses in Latinis & Græcis literis, facile omnes in meam sententiam perduxì. Itaque nunc tantum est deliberatio, unde tantum pecuniæ sine detrimento fisci publici contrahant, quod tibi pendatur. Quare mi Ioachime rescribe quam primum potes, possis ne annuis centum contentus esse, & cum tuis omnibus in hanc ciuitatem demigrare. Quod utinam uelis Ioachime, posse enim nihil dubito, & forte ne tu quidem dubitas, qui & mores huius populi & ciuitatis conditionem satis nosti. Saluta mihi uxorem tuam, saluta dominos & amicos chariss. nostros. Et Baumgartnerum, Ioannem Mylium, Vincelaum Lincum, Ioannem Magebucchium, & in primis optimum uiram D. Georgium Genderum, qui me argenteo donauit poculo, & ego pro illius in me liberalitate ingratus non ero, D. Sebastianum Magnum, & quos nosti reliquos amicos. Penè exciderat mihi optime de me semper meritis singulari uir pietate, Dominus Lazarus Spenglerus, hunc ut reuerenter meo nomine salutes te rogo. Quàm dolet Ioachime inter tot salutandos Hopellum non posse ascribere. Hæc scribēti testis mihi est Deus, penè exciderant Lachrimæ. Vale mi chariss. Ioachime,

EPISTOLÆ

Et mihi quàm primum potes rescribe, et si quas in me uirtutes esse unquam iudicasti, rogo ut hoc uitium meum in scribendis literis ne imiteris, sed mihi potius ignoscēs, à naturæ tuæ bonitate nō discedas. Salutat te et uxorem tuam mea Regina amanter quidem, sed ut solet, Thuringice. Nos ualeamus perbellè omnes, cura ut ualeas. Erphurdie Id. Martij M. D. XXXIIII.

Non licuit relegere, siquid requires in eo sequeris coniecturas tuas.

Tuus Eob. Hessus.

IOACHIMO CAMERARIO

uiro doctissimo amico summo suo S.

Quod ad tot meas ad te literas Ioachime, nihil respondeas, neq; serò molestè, neq; miror ualde, cùm sciam in scribendo tardam, in amicitia tamen colenda diligentem esse et fuisse semper. Quod uerò cum hoc nuntio nihil omnino literarum, cum præsertim Sturtiadae nostro scriberes, ad me dederis, mecum tacitus indignor. Atq; etiam penè tibi fuisssem subiras, nisi leuiter mei in literis ad Sturtiadem meminisses, ubi iubes ut Coluthum tibi mittā, quem ut uides, mitto qualemcunq; neq; enim alium uel potui uel habui, nisi eum, quē tu talē effecisses. Hactenus hæc. De alijs nūc. Ego si nūc Poëta essem, dicerem omnino in Seripho habitare uos Ranas Noribergeses. Ita sunt omnia muta

et à uobis et apud uos, ut audio, qui etiā prohibeatis de
 presentibus rebus uoces esse liberas. Quid istuc? quia
 scilicet, ut suspicamur, uos estis in partibus. Scis quib.
 de rebus loquar, et nisi me fallunt omnia, sciet breui et
 tua patria & aliorum fortassis, quod tamen auertant
 superi. Quod ad nos attinet & nostra studia, magna
 hic cōtentione agitur, de recipiendis in hanc (ut uocāt)
 facultatem duobus Vittenbergensibus uiris doctis, bo-
 nis tamē multo magis, qua in re nostri quidē pauci sed
 pessimi homines summa uiruntur contra. Verentur ea-
 nim sicut nō dissimulant uereri se, ne si hos receperint,
 alios deinde plures Vuitenbergenses recipere cogantur,
 & totam scholam Vuitenbergensem ad nos demigratu-
 ram palam fremunt, quod utinam fiat breui. Ego quan-
 tum priuatim, et ut ita dicā, furtim facere potui, eo rem
 adiuui & promoui, ut iā pro cōfecto habeatur, nisi in-
 felicissimus ille Fulgurius optimæ nostræ uoluntati ua-
 nus obstitit. Spero tamē fore, ut res pro nostra senten-
 tia breui sortiatur exitū, ego in quorundā ob eam rem
 inuidia sum, sed dissimulant, et fateri nō audent, metuē-
 tes uidelicet Maiestatem Regiā. O quā te cupiūt, quia
 bus te uotis optant, mi Ioachime, et tamen nihil earum
 rerum præstant. Cum hæc scriberem superuenit tabella
 rius, & impedierat me Papa noster, qui mecum garrie-
 bat, alioqui plura scripsissem. Rogo te ut diligenter
 de omnibus tuis rebus ad me perscribas. De Colu-
 tho rescribere oro quid sentias. Vale, Saluta nomine meo

EPISTOLAE

Et Regina uxorem, Et totam domum tuam. Vale iterum Erphurdia.

Tuus Eobanus Hessius.

DOCTISSIMO VIRO IOACHIM
chimo Camerario amico chariſſo ſuo S.

Facile credo mi Ioachime non poſſe te irasce mihi, etiam ſi ceſſator ſim, hoc eſt, naturam ſequar meam. Gaudeo uero gratas tibi meas literas eſſe, idq; ſumma uoluptati eſt à te probari qualeſcunq; meas. Si uero nunc ego me excuſem de breuitate harum literarum, uix credas circumuentum me temporis anguſtia, non quia magnæ res fuerint quæ urgerent, ſed quia indignæ, de quibus ad te perſcriberem. De conditione tibi propoſita quod ſcribis optime Ioachime, iudico te ſapientiſſime ſtatuerre, ſi non accipias, nam quid te talem uirum, Et ut tu non diſſimulas, Muſis uere natum, in id piſtrinum conijcias, unde euadere, deinde non ita facile, niſi magno cum tuo malo poſſis? Ciuitatis nobiliſſimæ in te amorem iam dudum non ignoro, ſed tu uide ne iſti amori nimium obſequaris, potes alioqui bona et te digna condutione in ciuitate tui amantiſſima uiuere, etiam ſi nunc id ætatis, ſcriba nō fias. Conditio quidem inquis honeſta, fateor. Sed te indigna, Et tu illa indignus, quia maior es quàm ut eo te demittas. Quid plura? ex animo mi Ioachime optime conſultum tibi ueſtim,

EOBANI HESSI.

lim, qui ipse mihi consulere bene non possum. Rogo ut illas deas, de quibus tam amice scribis ne deseras, quod si facies, nō solum istam tibi oblatam conditionem, sed etiam omnem aliam quantumvis splendidam fortunam contemnes. Gratiſſimum fuit mihi, quod interrogatis quibusdam meis respondisti, gratius multo quod libellum tibi mitti iuſiſti, quem & mitto ut uides, quæ soq; ut quam primū possis huc remittas. Nam hæc prima fœtura est, & exemplum nullum aliud superest, et ego suspicabar mendosa esse exemplaria. Quare mi Ioachime hic quoq; fac quod fecisti sæpe, & de nostris nobiscum liberè disputa. Nunc sicut iubes pro Clypeo Coluthū mitto, quē bene colatum mihi, mi Ioachime, remittes quā primum poteris, ego dabo operam, ut & Clypeum mittam breui. Te saluo labores nostri non periclitabuntur. Saluta nostrum carissimum Micalum & Mylium, & Spenglerum, & nostros omnes. Vale.

Tuus Eobanus.

D. IOACHIMO CAMERARIO.

uiro doctissimo amico summo suo S.

HAbeo tibi gratias mi Ioachime de Colutho nobis diligēter explicato, quod etiā credo me antea tibi significasse. Vtinamq; corā tecum sæpe talia me ditari liceat, nunc quam uellem longius abes, & uia nos fortuna distrahit, ut tua dulcissima consuetudine priua

EPISTOLAE

tus semper doleam te mihi non adesse, semper optem te cum esse, Gratulor tibi, quod studijs tuis molestiss. cōditiōe te leuaueris, uel potius, quod molestissimā conditiōem quantumuis splendidam non acceperis. Videbam enim futurū, ut si acceperisses, prorsus & tibi tu & amicis omnibus nobis eriperere. Rogo te quonā non licuit nunc copiosē, nec etiā potui scribere, significes mihi cē quid amicorum adhuc istic nostrorū? Nondum enim satis scire possum, qui uel perierint nobis, uel seruati sint. Post Hœpelli enim mortem uix quicquam accepi de Miho, de Baumgartnero. Scripsit quidem ad me D. Sebastianus Magnus, sed de se tantū, scripsit itē Vincelaus, sed de nostris fabulis, D. Baumgartnerū cui omnia, D. Milium cui plurimū debeo, rogo diligenter saluta. Scribam breui utriq;. Valde enim metuo, ne tanti amici ingratum me esse suspicentur, quia nihil scribam. Item significā uelis ne nunc quoq; atq; an possis ciuitatē istā deserere, quanquā hoc postremum uelim clam habeas. Nolim enim Ciuitatē optime de me meritam ullo pacto offensam, saluta cariſs. nostrū Rotingū, saluta uxore et totā domū tuā, saluta Guielmū Ludimagistrū Aegidinum, saluta reuerenter D. Lazarum Spenglerum uirū optimum. Sed uide ne rideas, cū tot salutis chartam oppleri uideas, quid enim scriberem aliud? Tuas literas audiſs. expectabo. Vide ne aliquis tabellarius sine tuis huc ueniat. Vale mi Ioachime, Erphurdia 14. Maij
M. D. XXXIII. **T. Eob. Hessus.**

EOBANI HESSI.

Si quid istio noui habes rogo nobis ut communicates,
omnia apud nos incertissima & non minus uaria sunt,
quàm est ipse populus. De Hesso uelim scire quid istie
sentiantur.

IOACHIMO CAMERARIO

Quest. uiro doctissimo, amico
summo suo S.

Qua tu mihi somnia ueteris regni narras? Cum
ego aliud somniare non possim, nisi tenues &
inanes epistolas, quod si tibi sic libet appellare omnia
quæ scribimus, quid scribemus amplius nisi nunc etiam
litteras famelicæ & esurientes? excusauit me de capro et
erat uerum. Quod uero nunc excusent tempus? at hoc
nullum erat, & ego pridie huius diei in publica pro-
motione, sic uocant enim, bene biberam, & postridie
male scribebam. Ut igitur sint litteræ steriles & inanes,
tamen habebis regias, & hoc satis est. Haftenus de li-
teris. Tuus libellus unice me delectauit, quem in cons-
essu publico ostendi omnibus, etiam quibusdam doctis
uiris Lypsensibus. Quid uero tu ad ista? uis fieri Medi-
cus? Vide ne idem eueniat quod mihi, & ne nimium se-
ro Camelus saltet, sed mi Ioachime isto studio, studium
dico non χεῖρ' εἶς secundum Hippocratem, nullum ali-
ud est nec utilius nec amœnius, quo ego pro mea me-
diocritate delector arhementer. De nostro Colutho

L iij

quod

EPISTOLAE

quod nihil aliud scribis, nisi accepisse te, & factum iuris publici, atq; hoc ipsum te non expectasse, nescio quomodo intelligendum mihi sit, utcumq; uero tu sentias, hoc dicam, & fatebor semper quicquid est huiusmodi ineptiarum à me profectum, quicquid etiam deinceps proficiscetur te authore & profectum est, & proficiscetur. Nunc ego ad Psalmos relabor. De nostris rebus scholasticis nostro more omnia, id est, male. Hæc ciuitas est ipsa discordia, speramus tamen meliora. De te egotantopere uetante, tamē non desino, & efficiam haud dubie, nisi me fallunt omnia, reliqua tu intelligis, ut es ualde sagax. De Hesso quid argutaris? quid ego tuæ patriæ minatus sum? an quoniam unus Hesus putat esse ius in armis, ideo tibi omnes Hesi suspecti sunt? non credo, nam me nouisti satis regem quidem esse, sed nequaquam sanguinarium. Iste uero Alexander non uidetur quieturus. Et quid tam Ioachime etiamsi, sed non ego scribā nunc plura, scripturus breui steriles & inanes quidem epistolas, sed tamen copiosius quam uideo te tam fecundas & uberes scribere, sed quæ in ipso partu uelut deficient, & euanescant, hoc est, desināt, ubi erat incipiendum. Habes talionem. I nunc, & dic inanes esse literas regias. an nescis plenas regibus esse manus? Sed desino. De Colutho rogo te, ut diligentius mihi scribas. Saluta Micalum cui responsum debeo, saluta carissimum Mylium. Hopelli memoria mihi tenacissima est, saluta D. Lazarum Spenglerum uirum
optime

EOBANI HESSI.

optime de me meritum, saluta D. Sebastianum Mag-
num, Saluta Guiliclmum ludimagistrum, cum omnibus
suis mihi amicisimis, saluta uxorem & familiam tuā
totam, & uale in Christo. Erphurdiae. Iulij M. D.
XXXIII.

Tuus Hessus.

ERVDITISSIMO VIRO DOMI-
no Ioachimo Camerario Qu. amico ca-
rissimo suo S.

Quid ultimis tuis literis ad me scripseris cariss. Io-
achime planè oblitus sum, tamdiu enim nihil
scribis, ut mirum tibi uideri non debeat, si prio-
rum obliuiscar, & non uacabat nunc scrinia reuoluerē.
Hoc memini de Clypeo, non quiescere te, faciam igitur
quod uis, sed non sine Theseo te, scis enim aliter me nō
solere. Ego inscribendo poëmate de Hessi uictoria sum
occupatus, iubente atq; cogente Philippo, non Hesso,
sed illo nostro. Vbi erit absolutum ad te mittā. Scio sa-
tis iratum te mihi esse, quod rarius scribam, & breuius
etiā quā uelles. Nunc autem si unquam breuiter ma-
ximè breuiter scribēdum mihi fuit, quod in prandio ha-
biturus eram hospites, qui deuorarent mecū allium, an-
seres, & gallinas, & auiculas alias, & cogebam tabel-
larium asidere mihi dum scriberem, serè semper ita ac-
cidit, ut occupatum me hic tabellarius inueniat, et ego

L s semper

EPISTOLAE

semper scripturus, raro tamen ut uides scribo, quod tu pro tua in me benignitate boni consules, dum modo scias de amicitta atq; de amore nostro nihil imminui posse. Te enim quantopere amem habes infinita argumenta. De scolæ nostræ rebus in præsentia scribere nihil possum, quod omnia adhuc sint incertissima. Sturtias & ego facimus frequentem tui mentionem, sed ultra uota honestissima transcendere non possumus. Accepi nuper à Thoma literas, cui respondebo breui, minus occupatus. Ne uero metuat, ne Regem amittat, qui uos aliquando istuc iuuiset, et Regno suo providebit aliquo modo. Viue ac uale mi Ioachime, & ignosce huic festinationi ineptissimæ, emendabo banc negligentiam breui aliqua diligentia. Nā animus est cum omnibus semel istuc amicis, præcipue D. Hieronymo Baumgart. ac Mylio ubiq; mi Ioachime copiose scribere, quos omnes & nostrum cariss. Micalū, cum uxoribus salutabis diligenter. Iterū uale. Erphurdia 20. Sept. M. D. XXXIII. Tuus Eob. Hessus.

DOCTISSIMO VIRO IOACHIMO
Camerario Qu. amico immortalisuo S.

Ignosce mi Ioachime, & da ueniam non tam negligentiae meae, quæ in colenda nostra amicitia certe nulla potest esse, quam naturæ in hoc ualde uiciosæ, quod ad scribendas literas est multo quam debuit esse igna

or. Parabam statim superiori tuæ epistolæ elegantissimæ respondere, et aliquid, si possem, tuo iustissimo dolori cōsolationis adhibere scripto, quod postulare uidebarris epicedio. Sed abierat citius q̃ existimarā abiturū tabellarius, et interim huc reuersus me nō adiit, sed me abiit ignorāte, fortassis q̃a nihil erat illi apud me negotij, quod a te ut suspicor, mihi subirascēte literarū nihil attulisset. Ita factū est, ut scribendi Epicedij laborē semper, ut soleo, differrem in crastinum, et scribebā mandato Philippi de Philippo, quē ad te mitto quo in libello non credo inesse uersum aliquem ὕπερβουλον, cum tamē multos inesse sciam pessimos, & qui Onomasto, et multis alijs, addo etiam tuo Puniceo ualde sint displicitura, de quo uiro mi Ioachime cur quæris? an tanti facis, ut dignum ducas quo cum rixere? nunquid ego sæpe tibi dixi solere hoc siliceriniū pessime iudicare sæpe de optimis? Quid tuare fert si uetulum canē angit tua fama & inclita eruditio? an tibi æquo animo cedat qui nulli cecidit? ne expectes. Quanquā uerò et ego iniquissimo animo patiar istas de te improbißimas calumnias cōfingi, tamē sapientius nos facturos existimo, si feramus q̃ si ex postulemus cū ista larua quicquid hoc iniuriarum est, nec enim & mihi satis æquus est, ut scis & ipsius ὄντων satis prodūt, floret enim nūc, si dijs placet, qui quotidie moritur & contabescit. Ne cōmittas mi Ioachime ut a pulcherrimis tuis et utiliß. studijs te absterreat homo iñ nulli utilis. Ellum autē cui tuæ Lacune displiceāt, quid

EPISTOLAE.

tam? quid item mirum? at placent alijs, imò placent bonis & doctis omnibus, an nostra studia pendent ex isto Aristarcho? haud equidem existimo, nam & nos etiam sine hoc aliquod nomenq; decusq; gessimus, nec tu es adeò informis. nuper te in littore uidi. O formose puer, cur tantum credis Erythro? Quin hoc agimus, ridebimus etiam Clitellarium, quid enim fecerimus rectius? nisi enim rideamus, uereor ne irascamur fortè & scribamus Tragedias.

Dij prohibete minas, Dij talem auertite pestem,
Ne noceat nobis Deus ille inuictus Erythri.

Nobilis ille Deus, sed tamen ille lapis.

Saxeus iste Deus, Luridus iste senex.

Sic ego ridebam fatui ludibria fusi.

Cum mihi Spengleri fata dolenda forent.

Sed consolabor aliàs & commodius te in tanto luctu, qui communis nobis esse merito debet, fuit enim utriq; amicissimus, quanquam in talibus casibus quid noui patimur, cum idem simus passi in Hopello amisso? Super est ut Deum oremus, ut quàm diutissime nobis conseruet Hieronymum Baumgartnerum, ut nostræ literæ aliquem istic patronum habeant, quanquam habent & alios, sed hoc neminem, neq; doctiorem, neq; ueriores, non enim sum oblitus optimorum uirorum Coleri, Magni, Gauderi, quos omnes rogo meo nomine officiose salutes. Et D. Ioannem Mylium, & Vincelau Nicodemum meum. De meo libello rogo te, rescribe
quid

EOBANI HESSI.

Quid sentias. Rogo ut mihi mittas aliquid speculorum,
quibus nos, ut scis super naso collocatis, ut quæ absint
ongius cõspicere possimus, sæpe risum mouemus Lyn
ceis istis, hic reperiri nequeunt. Vale mi Ioachime Cas
riß. & ignosce hijs ineptijs, tecum enim libèter ineptio,
non enim possum aliter, & facile facio, quod semper
facio. Quid agit noster Micalus? admoneto optimũ uis
rum, ne suspicetur me Papistam fieri, etiam si Papistica
uina bibam. Iterum uale cum tuis omnibus. Erphurdie
postridie omnium sanctorum M. D. XXXIII.

Tuus Eob. Hessus.

D. IOACHIMO CAMERARIO

uiro doctissimo amico summo suo S.

Non potui heri ualde occupatus conuenire Sturti
aden nostrum sicut constitueram, nam ipse per li
teras significauerat mihi accepisse à te literas nescio
quas, aut per quem. Nam ad me non uenit siue ille Ver
densis, siue alius quispiam est tabellarius, & tamen cū
hic Typographi Haganoensis Stadius esset nobiscum,
& hodie mane abiturus, scribebam, quanquam heri be
ne potus, ante lucem ne nihil scriberem. Quid est uerò
aduersæ tibi ualitudinis mi Ioachime? ita enim heri scri
psit ad me Sturtiades. An adhuc isto cruris malo labo
res, an aliud quiddam acciderit ualde scire cupio, non
enim secus aduersis tuis doleo, quàm lætor secundis.
Redde igitur obsecro me de hijs rebus certior. Ha
bro

EPISTOLAE

Beo tibi magnam gratiam pro missis ad me speculis,
 quæ tu, ut uideo meo uocabulo apellas *νεωροίον*.
 Τὰ satis tamen pudice, Quia Græcè. Quid uero istic
 nunc de schola uestra? an adhuc est aliqua, mortuis tot
 iam bonis uiris eam olim fouētibus? Quid noster Mica
 lus? Valde gaudeo uxorem tuā filiolum tibi esse enixā.
 Si quid aduersæ est uoletudinis tibi ualde doleo. Nobis
 cum salua sunt omnia, nisi quod resp. malè, ut scis admi
 nistratur, & disceptatio ciuitati est cum Moguntino
 Episcopo, quam ob causam aliquot iam hebdomadas
 hic agunt duo commissarij Caesaris, quæ finem sit hæc
 res habitura non nideo, nisi quod aiunt maxima pars
 eo rem duci, ut omnia iura Episcopi quæ habet in hac
 ciuitate uendantur principibus Saxoniæ & Hessiæ:
 quod si fiet, habebimus amissa libertate multos domi
 nos, id quod nuper Molhusio quoq; accidit. Philippus
 nuper nobiscum erat ad Hessum proficiscens, & inde
 rediens comitatus optimis uiris qui Reginam meam ho
 norificè donarunt, sicut & ipse Philippus, tui ualde
 amanter meminit. Nihil habui quod noui ad te scribe
 rem. De rege Monasteriensium, & tota illa abomina
 bili secta credo uos scire omnia. Saluta amicos omnes.
 Scripsi festinanter, cum properarem etiam ad lectionem
 publicam. Scribam aliàs plura. Vale mi Ioachime &
 nos ama. Erphurdie 13. Ianuarij M. D. XXXV.

Tuus Eob. Hessus.

Doctiss.

EOBANI HESSI.

DOCTISSIMO VIRO D. IOA.

chimo Camerario amico longo cha-
rissimo suo S.

Nihil mirum, nihil etiam nouū facis mi Ioachime,
si nulla malignitate, sed tantum doloris sensu ad-
monente inuides nobis Philippi ad nos itiones & redi-
tiones. Sic enim scribis, quanquam non ita multum dole-
re te oportuit, qui nisi quod corpore non aderas nobis
totus nobiscum uersabaris, totas cœnas, tota conuiuia
nobiscum peragebas. Sed interim ille non redijt, sicut
promittebat breui se rediturum, conijcio uero Saturna-
lia ipsius reditum ad nos fuisse demorata, atq; etiam
nuptias Pontani nuper apud Genam celebratas cum
nescio qua uirgine, quibus et ipsum Philippam & Lu-
therum interfuisse dicunt. Gaudeo ualde meliore te ua-
letudine esse, quàm fueris hactenus, spero sicut scripse-
ram superioribus literis, illud malū in pede desitutum
esse, cum eo usq; descenderit, unde iam amplius descen-
dere, nisi prsum euanescat, nequeat, et mihi pergratū
est, quod nostra iudicia cōueniunt, de cura Xylina. De
caldaria sicut scribis, deliberabis amplius, nam & ipsa
haud dubie uehemense est. Sturtiades & ego hijs Satur-
nalitijs diebus unā fuimus, sed & tu nobiscum, quan-
do enim tui mentionem non fecimus? uel quando non
facere possumus, tuæ salutis magisq; nostræ solliciti?
Rescribe præterea nobis quibus nunc istic familiaris-
simis

EPISTOLAE

simis utare, & qui homines in loca amicissimorum nostrorum Spengleri, & Hopelli successerint, & quid de schola uestra fiat. Nostra mediocri in spe est, & haud dubie peruentura ad florem aliquem, si homines praessent sapientes & amantes patriae, qui nunc nulli omnino sunt, atq; adeò nulli, ut obsint potius quàm profint, qui prodesse rebus afflictis, et debuerant, & poterant plurimum. Tempus yevēreos nostrae, quòd habere omnino te uelle cum summa mea uoluptate scribis, tale certo certius est, quale his inclusum mitto per iuniorum Herosbachium explicatum, de quo tu iudicabis rectius cum nostro Schoenro si modo ille dignabitur nobis hac in re dare operam, id quod tua magis causa quàm mea ipsum facturum confido, ΔΕΜΟΤΙΩ hæc remitte precor cum tuo iudicio, saluta amicos omnes, Baugartnerum, Mylium, Micalum, Vincelaum. Erphurdiae postridie Saturnalium M. D. XXXV.
Tuus Eob. Hessus.

DOCTISSIMO VIRO IOACHIM
chimo Camerario amico summo
suo S.

AD decimum quintum diem Iunii, accepi tuas literas mi Ioachime, eo ipso momento penè quo Sturciades noster proficiscebatur ad montem Anan. Usq; statim communicavi cum eodem quæ scribebas
de

de oblatiſ tibi conditionibus ab Ducibus Vairtenberga
genſibus & Saxoniciſ, quæ res nobiſ & placuit &
diſplicuit, hoc placuit quod de Saxonib; ſcribiſ, de
Vairtenbergenſib; non placuit, neq; nobiſ faciendum
uidetur, ut illiſ te lociſ, reſq; tuas committas, recederes
enim à nobiſ, quod minime nolim, longi;ſ, nam alia
quæ noiſ mouent, quæ tibi in mentem uenire puto, non
ſcribam. Omnino Ioachime ſi animuſ tibi ſi conditione
nem mutare, conferre te multo recti;ſ & ſapientius noiſ
ſtro iudicio, in Saxonas q̃ in Sueuoſ. In illiſ enim &
eris nobiſ uicini;ſ, & cum noiſ meli;ſ uerſaberis, &
me fortaſſiſ habebis ſociu;ſ, nam & ego inuitor, ſicut
non ignoras, inuitatu;ſ etiam ante eſſe. Hæreo quidem
hic pertinaciter magiſ ac libenter quàm, ſicut audire
te ſcribiſ commode ſatiſ, quanquam etiam, ut uerum ſci
tear, nō incōmode, niſi quod nō ſtant promiſſiſ omneſ,
& bona ex parte uiuendum eſt mihi cum idiotiſ homi
nib;ſ, & noiſtri parum amantiſ. Sturtiadeſ & ego
ægerri;ſ ferim;ſ nulla ratione noiſ efficere potuiſſe,
ut huc te adducerem;ſ, & ob hoc ipſum libentius multa
to pateretur te redire in Saxonas, quàm abire in Sue
uoſ, in hoſ enim nullo pacto, in illoſ aliqua ratione te
ſequi poſſem. Spero ſore ut iterum aliqua noiſ fortuna
coniungat, modo Sueuiſ ne obſequariſ. De me diuini
pater atq; hominum rex uidcrit, dum modo te recipiam;ſ
muſ, ſaluam & incolumen ſiue in Saxoniam, ſiue in
Thyringiam, quæ ſub uno principe ſunt, & quam tu

EPISTOLAE

malles terram, & an tibi gratior ulla sit, quàm quæ magnanimum tibi continet ora Philippum? Habes sententiam tui amantissimorum hominum Sturtiadae & Eobani. Nam sic scribere me abiens Sturtiades iussit simul significare tibi ipsum abiisse in montana, cupes req; scire, num Mathematicus pecuniã nuper missam acceperit. Valde cupimus dare te operam ualitudini curandæ, & ut quàm rectissimè ualeas, affligimur enim & nos nõ minus quàm tu ipse, si quid aduersi eueniat tibi. Quas thermas spectas? Si Boëmicas illas, scito Sturtiaden uenturum ad te, & me quoq; fortassis, sed tude optimis cogitabis. Vale mi Ioachime, & rescribe quàm primum ecquid tibi nostra consilia placeant?
15. Iunij M. D. XXXV.

Tuus Eob. Hessus.

[OPTIMO VIRO IOACHIMO

Camerario, amico Cariss. suo S.

Cum iam esset abiturus tabellarius, multo tamen scrius quàm ego existimaueram, misit ad me Sturtiades tuam ad se scriptam epistolam, qua lecta intellexi mi Ioachime, laborare adhuc te malo ueteri, atq; id non modo non minui, sed augeri etiam atq; nunc in pedes, ac talos descendere, teq; cogitare de uiolento aliquo remedio, quod consilium tuum ut non improbo, sic de Guaiaco ualde suadeo ne experiaris, quanq̃ enim nondū
sum

sum collocutus cū Sturciade, tamē scio uiolentā ualde
 esse medicinā eius ligni, quam uix ferant etiam robusta
 corpora, cum tuū sit paulò tenuius. Thermas feras for
 tē facilius & leuius, Memini quosdam dicere Huttenū
 diutius potuisse uiuere, si ligno illi non credidisset nis
 mium. Vtere omnino consilijs doctiss. Medicorū, quicū
 quid statues mi Ioachime. Sturtiades & ego dabo o
 peram ut peruisligemns omnia, quæ putauerimus tibi
 posse conducere. Sed quoniam hoc malum in pedem
 tandem defluxit, quid si per pedem abeat, cum iam
 amplius quo defluat non habebit? Mihi bona spes fit,
 ita ut ego conijcio futurum. Da operam ut te nobis con
 serues optime Ioachime, & conseruabit te nobis Deus
 cui credimus. Tenuit me hic Tabellarius, ne Sturtiadē
 accedēre, aderant & alij aliquot boni uiri, & statuo
 etiam nunc prandere apud Sturtiaden, quicquid collo
 quemur ad te perscribam, prima quauis occasione.
 Hæc scribebam inter pocula antemeridiana, Sic enim
 me affecerant tuæ literæ, ut etiā semipotus semilatinas
 literas scriberem. Nisi nunc tot Sturtiadarum yewe
 oī esses occupatus, grauare, & ego te mca. Iam enim
 certus sum quo anno, quo die, qua hora natus sim, qua
 rum omnium cum tecum essem, eram incertus, & tamē
 tuis coniecturis multa etiam hic respondēt, Sed de hoc
 aliās. Saluta D Mylium, cuius frater Georgius nū
 per ad me scripsit, missurum se huc, si ego probem,

M ij ad

EPISTOLAE

ad me filios suos quatuor, quod ego illi rescripsi ut auctaster faciat, hoc dices nostro Mylio. Saluta optimum uirum Baumgartnerum, cui & uobis omnibus breui scribam. Quid accidit obsecro Mathematico, an idem quod mihi anno superiori? Vale.

Tuus Hefsus.

DOCTISSIMO VIRO DOMINO
no Ioachimo Camerario Qu. Bomberg.
gen. amico nostro chariss. ac
incomparabili S.

Possumus idem quod tu queri noster Ioachime, tabellarium illum, quem solū, ut scribis, tu ad nos, & nos ad te habere possumus, serius ad nos uenisse. Sed hoc tamen nos in te multò rectius & uerius reatorquemus, tibi scilicet occasionem scribendi nullo ferè momēto potuisse deesse ex tam celebri urbe, innumeris penè quotidie in uniuersum orbem discurrentibus, cū ex hac nostra Babylone perpauci & rarò ad uos commeant. Hæc igitur si rectè consideres, defines, opinor mirari, quī fiat, ut iam aliquot diebus nullas ad te dede rimus. Sed ista uana omittimus libenter. Nos ut uoluptate magna afficiunt tuæ literæ, sic etiam perturbat, si quid insit aduersi, quod te angat, quale nunc significas de tua ualitudine nondum satis, ut ualde inuiti intelligimus, curata. Quid uerò molestiæ in lectualum

lum reiectus pertulisti? Scribis enim subobscurè, quo
modo res ad solitum redijt? nihil ne melius? ad solitum
enim non libenter audimus. Istud uerò tuum ὁμοιωθε
τον edo, scribo, conuerto, insanio, affecit nos singulari
uoluptate & tamen non potuimus non ridere cum scri
beres insanire te, hoc enim quid esset, uix uidebamus
intelligere posse, nisi quod suspicabamur te poetari
nonnunquam, hoc enim certè insanire est, hoc maximè
tempore, quo totus mūdus uel insanit, uel malos uersus
facit. Sed tamen perge sic insanire noster Ioachime, pa
riet aliquam haud dubie utilitatem tua istac insania no
bis, libet enim nobis quoq; sed cum Virgilio nostro in
sanire, hoc modo quo tu, quanquam hoc modo non
possumus. Oro te, hoc enim peculiariter ad me pertine
re existimo, quid conuertis nunc, nam insanire tuum sa
tis arridet, quid conuertis? Utinam quæ ego maximè
uellem, & tuo isti non displicerent, ne semper ille ha
beret quod diceret, explere te lasunas in Theocrito,
nam de Hesiodo ualde gloriose mentitus est, sed desino
nugari. Μεα γενέσιος ἐναλλογλῶ utinam talem non
essem expertus anno superiore, qualem tu hoc futuram
significas. Arbitror enim scire te quali casu penè uitam
amiserim. Potes enim fieri, ut uno ego anno sim iuni
or, q̃ esse me existimaram, hoc per Dei gratiam adhuc
nihil mihi aduersi accidit, futura in manu Dei sunt. Ve
lim tamen diligentius ubi ociosior fueris, ut facturum
scribis, eam rem nobis consideres ac peruestiges. Hæc ad

EPISTOLAE

me D. Sturciades noster rogat ut γέρωνι υφ' fratris germani ipsius Michaëlis Sturtiadae maturet Schonerus, habiturus eius laboris & curæ & se & cura ista dignam mercedem. Vides certè ut ipsius & meo nomine hæc ad te scribam, tuum scilicet exemplum imitatus, et illo sic uolente, cui parere scis quàm suaue nobis sit, cum nihil molestum imperet. Nihil æque ac tuam dulcissimam præsentiam & conuictum optamus, sed uota tantum hæc sunt.

Quæ si contingant nobis, iam nostra uoluptas

Quæ sine te nulla est, plena futura fiet.

Atq; utinam posses Pegnesida deserere urbem,

Pulchraq; Thyringæ rura uidere plagæ.

Saltem ut te sineret, melior fortuna sodales,

Visere amicitia pignora chara tuæ.

Vides ut à natura non possim recedere cum tecum fabulor. Mitte obsecro aliquid tuarum ad nos eclogarum, nam id quod misisti perdididi, & hoc ipsum uehementer rursus uidere cupio. Guilielmus bene mecum est cum quatuor nobilibus discipulis, quorum unus est nostro Stibaro consanguineus, quem & ille huc misit, de alijs nihil attinet scribere. Te scio Huttenos et Truchsesios omnes ferè nosse. Quales accersat Musicos Vuirtebergensis, etiam si tales qualem illum esse aiunt, accersat, quid ad nos? τοῖς ὑαλινῶς ὀφθαλμοῖς libenter utimur, eodem scilicet morbo laborantes Vuilhelmus & ego. Sed iam tibi molesti non erimus aliquan-

EOBANI HESSI.

to tempore, nos uicissim aliquid aliquando mittemus,
cū diuitiores erimus. Saluta amicos omnes nostros meo no-
mine. D. Baumgartnerum imprimis, cui unimortalium
tantum debeo, quantum persolvere non opis est nostræ.

Dij illi si qua pios respectant numina, si quis
Vsq̃uam iustitiæ locus est, & præmia recti
Præmia digna ferant.

Sed cogitabo tamen ut intelligat uir optimus non
esse me ingratum, quod unum crimen semper odi-
cane peius & angue. Micalum charissimum amicum
nostrum, & Mylium saluta ualde reuerenter, cuius
fratris filios quotidie expecto, quos se ternis literis mis-
surū ad me scripsit. Saluta Dominum Sebastianū Mag-
num arcis uestre præfectum, amicum chariss. Thomam
Lapum Florentinum, & D. Georgium Geuderum uir-
ros de me optime meritos meo nomine, ubi per occasio-
nem licebit mi Ioachime, reuerenter saluta Vince-
laum item & Venatorium, nostros breuiter omnes
quos scis mihi carissimos esse. Saluta uxorem tuam
meo & Regine nomine. Petebam proximis literis, ut
quis in locum Spengleri & Hœpeli nostri successisset
mihi significares, sed aut oblitum te, aut non uacasse ti-
bi conicio, quare reddes me de his rebus alias certior
rem. Velim item scire quo in statu scola uestra sit, et an
omnino adhuc aliquam habeatis, quæ me abeunte pene
nulla fuit. Nouarum rerum nihil hic habemus, nisi ea
quæ tibi sunt notissima, nam in isto orbis theatro quid

EPISTOLAE

nesciri quæso potest? De meis studijs si quæris, scito me factum iam esse Psalmographum. Statui enim semel totum absoluerè Psalterium, qualicunq; modo possim, ut isti cariss. quidem, sed tamē molesti admonitores perpetuo mihi molesti esse desinant. Scripsi hæc cum essem iam cum Sturtiade pransus, paulò post etiam cum cenaturus, sed tamen non post fanum putre uacuna, ut ille ait, sed in regia ueteri & noua. Vale noster Ioachime, & cura ut ualeas, nihil enim tam optamus, quàm ut tu quàm rectiss. ualeas. Rescribe diligenter nobis de rebus omnibus tuis & alienis, quæ tamen existimes ad nos posse pertinere. Erphurdie postridie Martij M.D.XXV.

Georgius Sturtiades.

Vere tui

& Eobanus Hessus.

DOCTISSIMO VIRO IOACHIMO
Camererio Qu. amico longè caris-
simo suo S.

Accepi tuas literas in conuiuio celebri, quæ hoc ipsum reddiderunt multò celebrius, quoniam omnibus qui aderant legendas dedi, & tamen contristauerunt nonnihil me, quod uidebam te nobis inuitis ualde & uolentibus arripi Tubingam, amantiore enim tui Sturtiade & me non potes habere alios, probemus igitur,

gitur necesse est, ut tu quoque scribis, quod factum in
 felum fieri iam nequit. Verum breuitati tuæ subra-
 cor, quod non significaris omnia ut suspicor, nam hæc
 hora qua hæc scribo literas accepi. Vuiteberga, Tho-
 nam Venatorium tecum demigrare, adeo prius scitur
 Vuitebergæ quàm Erphurdia, quid instituas. Librum
 tuum nondum satis potui perlegere, aspexi tamen & ri-
 si, quod tanta tibi res cum aliorum erratis sit. Vide ne in
 Melampyrum incidas. Deinde quod uersus facis, uide
 ne aliquis clamitet, plus curæ te quàm naturæ habere.
 Rides aut indignaris? Mihi certe tua cura multipliciter
 multorum natura potior fuit, est & erit. Hæc igitur tu
 uihil prorsus cures censeo. Egomi Ioachime, ex animo
 primum tibi fortunam istam splendidam sanè his tem-
 poribus, sed nequaquam quantum tu mereris gratulor?
 imò gratulamur Sturtiades & ego numeris omnibus,
 precamurq; Deum, ut id consilium tuum tibi tuisq;
 omnibus quàm felicissime cedat, & pulcherrime uotis
 tuis omnibus respondeat, quanquam maluissemus Vui-
 tebergam potius quàm Tubingam, Saxonas quàm Sue-
 uos elegisses, potuisti nobis fieri uicinior, carior non
 potuisti. Sed quoniam iacta est hæc alea, quid optare
 possumus, nisi ut quàm felicissime cadat tibi nobisq;
 Ego nunc in transponendo Psalterio totus sum, & om-
 nia quæ possum ad eam rem perficiendam, (quæ quan-
 ta sit non ignoras) Undiq; conquirō auxilia. Vidi olim
 Norimbergæ libellum Psalmorum, à quodam, ut opia

EPISTOLAE

nor, Gallo, Carmine Elegiaco scriptum, quem hic reperire non possum, cum si tu Norinbergæ aut alibi reperitum mittere ad me posses, faceres mihi rem longe gratissimam. Vuitebergæ pestis incipit grassari, schola transfertur Ihenam. Princeps Elector, senex uita tandem defunctus est. Sturtiades cum suis omnibus rectè ualet, & quotidie coëmit noua prædia, & parat multa Latifundia, & tamen manet noster, te salutat et omnes tuos ualde amāter. Scripsissem plura, nisi languissem ab hesterina defatigatione meo more. Non enim tibi ignotus sum. Deinceps ad nos scribes, eequid tibi cum fortuna mutata, & cum tuis Sueuis conueniat. Vale. Erphurdia, postridia Alexij. M. D. XXXV.

Tuus Eob. Hessus.

DOCTISSIMO ATQVE OPTI-

mo uiro D. Ioachimo Camerario apud In-

clytam Tubingam amico carissimo

suo S.

Non possum non fateri negligentiam meam cariss. Ioachime, qui tot, tamq; elegantibus, addo etiam amicis Epistolis & carminibus tuis uel parum, uel rarius quàm debebam responderi, nam omnino nihil me scripsisse tibi manifestæ calūniæ est, nisi fortè meæ tibi nō sunt redditæ, et erat iamdudū animus hodieq; est elegantissimo tuo Carmini, si non pari, aliquo, tamen tali

tali offitiose respondere, idq; breui, nā nunc non licuit,
cum tabellarius festinaret, miror uerò qui factū sit, ut
Carmen hoc serius mihi q̄ oportuit redderetur, quanq̄
hoc si mirer fortasse sit improbum: tanta inter nos lo-
corū interueniente distantia, sed tamen cū à te mense de-
cembri fuisset scriptum ante Februarium, utiq; ad nos
peruenire potuisset. Quid tum mi Ioachime, ne quæso
p̄ humanitatem & eximiam eruditionem tuam, ne
quæso permittas tibi ullo pacto, de me quicquā suspica-
ri, quod amicitiae nostrae diu iam sanctissimeq; semper
cultae, ullā possit maculā aspergere. In proximo si quia
dē epistolio sic scribebas, Te siue nos ut quondā ames,
siue forte nobis irascere, ualere cupio. Deū immortalē
quid audio? ego te non amem Ioachime, quem etiam
grauissimē laesus odisse nequeam? Irascar uero? qua de
caussa praeor? quod unquam argumentum, quod factū
meum, quod scriptum intermissae amicitiae deprahendi
sti. Sic rarius ad te scribo, mea id nonnunquam culpa
fieri aliquando Tabellariorum, tu qui & uitia & uira-
tutes (si quæ sunt) meas penitus nosti existimare debes,
& dare ueniam uerè & candidè simplicitérque te
amanti. Vidisse te iam credo libros Sylvarum no-
strarum, quos Petrus Secerij gener Haganoæ excu-
debat, & proximis superioribus Nundinis per totam
euulgauit Germaniam. Illos libros dum aspicias, si for-
tè aspicias, rogo te per Musas, potes credere cum qui
sic

EPISTOLAE

sic, ut ego de te scribat, tui posse obliuisci? Tibi ò mi Ioachime quàm mihi istuc uerbū (quod plane abominor) odiosum facis, irasci? Ego si in iudiciū, ut interim meo more tecum iocer, me adduxeris, sic innumerabilibus te stibus conuincam, improbè te mecum agere, ut non solum causam me uicisse pronūciaturus ipse sis, sed etiam te ipsum graui poena dignū fateare. Vrbs ea in qua nūc uiuis non capiet eos testes quos ego mecum adducturus sum. Qua igitur fronte? qua impudentia, audes me reū facere uiolatae amicitiae, qui non solum nō accusandus sed etiā laudandus sim, quod omnibus gētibus fortè etiam saeculis clarū fecerim, summo amore, summa fide, summa te constantia semper à me cultū & obseruatū. Possim cuiusuis criminis citius fieri reus, quàm praecuricatae amicitiae, hanc culpam quantum quidē ad te attinet, nec ferre possum, nec agnoscere. Vides igitur quàm periculosum sit de Poëtis, praecipue, de Eobano sic sentire, quod caue deinceps facias, alioqui si pergis, mittā laqueum tibi ut suspendas te. Sed quia iam satis tibi me purgatum esse, & te poenitere falsae de me opinionis puto: uenio ad alia. Epigrammata tua, sicut iubes, rogari enim abs te non sustineo, latina faciam quàm primum fuerit ociū, quod erit iam quoq; & alias quando cunq; licebit, & fortasse etiam ea quae tu non signasti reddam ut potero, reposito interim Dauide meo, in cuius Lyricis uertendis in Latina carmina, tū Luthero & Philippo impulsoribus totus adeo sum, ut uix aliquid aliud

aliud scribere libeat, & iam centum & aliquot Psalmi absoluti sunt, sed in tuam gratiam quiescet aliquot diebus ille Lyricus, ut tibi delirem interim, transmittam quàm primum potero, nam & ego ut scis, eiusmodi argumentis ualde delector. Sed quod tu petis ad Calend. Aprilis tibi remitti, qui potest fieri, cum hodie mihi qui est dies post Calendas Aprilis quintus, primum reditus sit libellus, continens ea Epigrammata ab Curso re Norico, quem nosti Henricho? Haftenus de Epigrammatis. De me rebusq; meis si quæris mi Ioachime, & ego conditionem hanc Erphordensem mutaturus sum breui, et forte hoc anno: Vocatus ab Hesso nostro liberali, ut ipse princeps pollicetur stipendio, nondum tamen certus, quanto, sciturus breui à Paschalibus feriis. hoc meum consilium Philippus non improbat, nam huius scolæ restituendæ nulla spes est, ita per summam nostrorum ignauiam, ne dicam stultitiam atq; improbitatem res ista negligitur, quanquam sunt qui sperare audent posse me retineri, quod fieri nunc accepta penè conditione quanquam de salario, & alijs nondum conuenimus, nō potest. Ipsius principis inter alia fuerunt & hæc, omnino nos secum esse, neq; in eo ut nobis patiatur ullis sumptibus parcere uelle. Hæc tibi nō ingratum esse, certo scio. Propterea ut de amico gaudeas scribo ad te. Philippus nuper ad me scripsit longam & uerbosam epistolam, in qua fuerunt & hæc uerba. Hæc accepi ligeras à Ioachimo, satis hilariter scriptas,
ad

EPISTOLAE

ad quē, cum ut cōstitui proficiscar, te quoq; unā ducā,
 non enim puto te ualde repugnaturum esset et iam iter
 ingrederer, nisi me adhuc retinerent Anglicae disputa-
 tiones. Vides igitur Ioachime fieri posse ut Tubingae
 quoq; quod uix sperasses, me sis uisurus. Noui nihil
 nobiscum est, quod scriptione ualde dignū sit, nisi hoc
 dignum existimas, quod scire te referat. Vina apud nos
 esse uili precio, quorū optima tribus nummulis nostra
 tibus ueniant, pleraq; duobus, nosti autem mensuras
 nostras. mihi nihil iam dolet quā quod uina Thurina-
 gica relinquenda sunt, ea enim his annis aliquot Rhe-
 nensibus praefero. Scio hic ridebis, cum uidebis meam
 me caussam agere, mihi certē multum Psalmis meis,
 & reliquis lubricationibus detrahunt, sed meos iocos
 nosti. Tibi faxit Deus, omnia sicut scribis sperare te, ut
 uoles, eueniant. Breui plura scribam, saluta meo nomi-
 ne doctiss. Virum D. Bart. Amantium mihi non igno-
 tum, & tuum Appianum fama eruditionis eximia tan-
 tum cognitum, & quoscunq; habes istic amicos no-
 stra salutatione dignos. Saluta Vxorem & totam do-
 mum tuam meo & Reginae nomine, & Vale s. Apri-
 lis. M. D. XXXVI.

Tuus Eob. Hessus.

OPTIMO VIRO D. IOACHIMO

Camerario Amico incomparabili

suo S.

Tametsi

E O B A N I H E S S I.

TAmetsi dubitabam mi Ioachime an hic Bernar-
 dus noster ad te esset peruenturus, cum proficisce-
 retur à Philippo ad Philippum, quod quomodo tibi sit
 accipiendum, haud ambigue intelligis, tamen dabam
 illi has ad te sane perbreues, sic enim cogebat tempo-
 ris ratio. Scripsi nuper Cariss. Ioachime de mea ad Hes-
 sum uocatione, quæ iam res adeò certa est, ut sperare
 etiam audeant, ubi me attraxerint, te quoq; posse addu-
 ci, ut aucto salario deficias ad Hessos ab Sueuis tuis.
 Sed Hæc res θεῶν ἐν γούνοισι scilicet posita est, ego
 tibi optimam istam conditionem ualde gratulor mi Io-
 achime, tuos uersiculos nondum conuerti, uersurus bre-
 ui relicto interim Dauide meo. Nos nunc ego & Cas-
 pella Hessiam spectamus. Tibi optamus omnia ut ex
 animi tui sententia eueniant. Saluta omnes tuos & nos-
 tros, Bartolomeum Amantium, uxorem & totam do-
 mū tuam, etiā Reginæ meæ nomine. Vale mi Cariss. Io-
 achime & nos ama. Erphurdie 24. Aprilis M. D.
 XXXVI. Reliqua tibi coràm si fortè ad te peruene-
 rit Bernhardus, omnia narrabit. Iterum uale.

Philippus iam iterum ad me scripsit, breui fore, ut
 ad te ipse ueniat, & ut ego quoq; interim ad eam pro-
 fectionem me parem. Nam omnino me secum ducturum
 scribit. Iterum Vale.

Vere tuus

Eobanus Hessus.
 Doctissimo

EPISTOLAE.

DOCTISSIMO VIRO D. IOA.

chimo Camerario amico Incompa-
rabili suo S.

EGO uerò mi charissime Ioachime tam agnoscerem
libenter culpam, quam tu obijcis, si in hac optima
erga te uoluntate ullā inesse culpam intelligere possem.
Nam mihi ad te scribendi occasio uel nulla offertur,
uel tam angusta, ut scribere non liceat. Scripsi Erphura
die bis ad te, sicut tu ipse fateris in quadam ad me epis-
tola, cuius nunc uideris omnino oblitus, adeò aperte
accusas nihil me scribere, donec Tubingæ agas, quod
quam ob causam facias, suspicari non possum, nisi forte
ratione ista citius te literas à me extorturum existimas,
quod tamen q̄ non sit difficile à me impetrare te ipsum
testē appellare possum, quem etiam tunc cum unā uiue-
res tantum non occidi quotidianis ineptijs. Vidisse te
opinor libros Sylvarum. In quibus mi Ioachime nunc
quid uiuit uigetq; ac etiam spirat nescio quos præcia-
puos affectus amor in te noster? adeo ut in istis sex li-
bris nemo quicquam magis admiretur quàm fidem utri-
usq; toto quinto libro, qui etiam si non esset tibi nomi-
natim inscriptus, nemo tamē tantum esse dubitare po-
tuisset, expressus adeo ibi, non dico totus, sed solus est
Ioachimus. Quæ cum ita se habeant, quibus obsecro
alijs eges testimonijs meæ erga te perpetuæ ac constan-
tissimæ amicitie, & fidei summæ. Sed mitto hæc, ma-

lo enim uideri nocens esse tibi, quàm culpam ut tu uis
semel agnitam deprecari. Qui has tibi literas reddidit
ô Ioachime noster, homo est propter eruditionem exi-
miam & uirtutes alias quibus abunde præditus est,
amicitia tua dignissimus Casparus Rudolphus, in ea
terra in qua nunc uiuis natus, sicut ex ipso intelliges.
Huic Scolæ Martiburgensi nobiscum præfectus, hoc
ego uiro sic familiariter utor, ut me ipso altero, ut fra-
tre cariss. ususq; sum quàm diu Deus unâ nos esse
permiserit. Ab eo plurimum me amari non obscure in-
telliges, tam sum certus ipsius erga me fidei, hic tui ui-
dendi cum esset cupidissimus, & in patriam proficisce-
retur, has illi ad te dedi, ne eam bonâ occasionem præ-
termisisse me tu posses stomachari, sicut soles, tanquam
uera amicitia non alijs constet, quàm mutuis tantum
scribendarum literarum offitijs, cum ego iam dudum
quantum quidem in me fuit, effecerim, ut amicitia no-
stra non modo omnibus esset notissima, sed etiam im-
mortalis. Quare uide ne pudere te debeat obliuionis,
qui toties mihi neglectam amicitiam obijcias, tanquam
animum loco aut conditione mutarim, quod de me ne
susplicari quidem unquam debuisti, qui tam noris me
quàm te ipsum. Relabor imprudens ad ea quæ paulo
ante omittenda esse dixi. Tu noster Ioachime quoties
ad nos scribis, nullam mentionem de tua ualitudine fa-
cis, de qua tamē ego præcipuè sum sollicitus et anxius,
& audire nihil malim, quàm ualere te quàm rectissio-

N

me,

EPISTOLAE

me, & fortuna esse optima, & cum optima coniuge
 ac liberis cariss. Literæ quas ad Adamum nostrum des-
 disti, non placent, & spero interea te conualuisse, de
 quo diligenter ad me scribes, et significabis per Caspa-
 rum nostrum, nam is breui ad nos redibit. Spero om-
 nia leta de te allaturū. Quod ad me attinet, ex Caspa-
 ro melius audies, q̃ me scribente possis intelligere. Hijs
 sanè diebus iam aliquot sum occupatissimus in adora-
 nando Psalterio, ut iterum & emendatius excudatur
 cum deprauatiss. ut uides, sit editum. Argumenta adie-
 ci in singulos Psalmos singula tetraasticha, hoc est, uer-
 sus D C. Et Homeri libros quinq; priores Iliados,
 quos scis Norinbergæ me latinos fecisse, excudendos
 dabo, quos nunc describo, ut ad mündinas, ad quas pro-
 fekturus sum deferam. Bucolica item nostra, quæ No-
 rinbergæ, ut meministi, homini nescio an probanti stu-
 dium nostrum inscripsimus, hic opinor excudentur
 alij inscribenda. Miserunt nuper ad me amici nostri
 Vuitebergenses in Psalterium ò Ioachime si uideas
 clarissima testimonia, Lutherus, Philippus, Ionas,
 Spalatinus, addidit etiam suum hic noster Draconi-
 tes, quanquam non rogatus. Erat enim satis præfatio
 num, etiam sine illo. Sed ego amiciss. homini ac doctiss.
 non sustineo resistere, iussit idem plurimam tibi salu-
 tem me ascribere, nam tui amantiissimus est. Valde
 me diligit, & quibus etiam potest officijs, prosequi-
 tur.

EOBANI HESSI.

iur, gratum feceris, si illi uel breuissime scripseris, quo
 intelligere possit me diligenter, & ad te scripsisse, &
 se à te amari. Tu uero Ioachime quid noui? nihil
 ne nobis peperisti an adhuc parturis? non potes qui
 escere satis scio, & ingenium illud tuum diuinum si
 tu obduci non finis, sicut nec debes, mitte si quid ha
 bes noui. Vicissim & ego mittam ubi aliquid meo
 rum prodierit. Saluta Barptolemaeum Amantium no
 strum optimum, ac doctissimum, & reliquos si qui
 me norunt, nescio enim, & scire peruelim quibus
 istis amicis utare, saluta uxorem tuam meo & Regia
 nae nomine, sum enim & hic Rex, non enim possum
 tam speciosum regnum derelinquere. Nos hic per
 bellè ualeamus omnes. Utinam & in hoc nobis respon
 deas. Ego in omni fortuna idem sum, eundem animum
 gero, sed nosti me honesta & mediocri hic fortuna
 uti, quae tamen ut speramus adnitentibus amicis, &
 praecipue hoc nostro Casparo breui augebitur. Ita me
 omnes hic amant, ut cupiant honoratissimum uide
 re, quem tam pium Regem agnoscunt, & experia
 untur. Aiunt enim se Regem non laturos Irum, sed
 Vlysses potius, si utiq; sub Rege se esse oporteat.
 Sed haec ioco. Reliqua Casparus de me rebusque
 meis omnibus omnia copiose, ut est eloquens, ex
 ponet. Sturtiades noster diruit, aedificat, mutat qua
 drata rotundis. Is nunc penè solus apud miseram

EPISTOLAE

de infelicem Erphurdiam medicus relictus est. Cum Ambrosius noster, dolor est meminisse, & item Rembertus nuper uita functi sint, sicut & Melosingus. Langus decumbit, misereq; uexatur podagricis doloribus, qui nobis Ambrosium eripuerunt. Quid amicorum nobis ea in urbe superesse putas, nisi Sturciadem? Admodum metuo ut diu nobis supersit Langus. Henricus Averbacchius, quanquam de hoc, quid ad te? misere ualitudinarius est, & ipse nunquam non podagricus. Vt nam nobiscum uiuere posses in his saluberrimis montibus, equidem sperarem citius te quam uspiam alibi conualiturum, si modo adhuc quod nolim aeger es. Noua si qua istic habetis oro ad nos perscribe. Princeps noster quietus est, modo per uenationes liceat, & pacis etiam externorum regnorum ac principum studiosissimus, de quibus rebus melius omnia tibi noster Cariss. Casparus, quem ubi audies me ipsum te audire existimato, ita toti conformati, et quasi in eundem animum fusi & conglutinati sumus, in quem quicquid humanitatis contuleris in me collatum putato, nihil uero conferes nisi animi tantum, & bonae uoluntatis erga me & illam significationem. hortare, ut si quos istic habes amicos doctos, & qui me sua amicitia non indignum iudicent, ut ad me scribant atq; ea ratione amicitiae consuetudinem mecum auspiciuntur, ego dabo operam, ut si non eruditione, tamen in colenda bona fide amicitia hijs uel respondeam, uel si possim sim superior. Vale mi cariss.

Ioachime

EOBANI HESSI.

Ioachime, & me, quod facis, ama. Non sum oblitus tui ad nos elegantissimi Carminis, cui aliquando respondebimus. Nobis rescribe cum Casparo, & Draconite si potes. Datum Martiburgi in Hessia die decollati Baptistae. M.D.XXXVII.

Tuus Eob. Hessus.

OPTIMO AC DOCTISSIMO

uiro D. Ioachimo Camerario amico ac
fratri carissimo suo S.

Reddedit mihi literas suauissimas tuas Mycillus noster his nundinis Francofurti in suis aedibus, quibus cum uehementer cupere respondere, uix dabatur tantillum otij, ut ea quae cogitarem animo, re exequerer. Quod quereris mi cariss. Ioachime nihil te literarum iam annis aliquot a me accepisse, quomodo excussem, nec ipse inuenio, nec a negotijs nostris quibus alioqui multis, sed nunc plurimis, & quam maximis distineamur, mutuari possum. Supere si, ut te roge, mihi et isti meae naturali negligentiae propter amicitiam nostram sanctissimam ignoscas, futuro in posterum diligentiori. Quod de statu, conditione ac tota uita nostra quaeris, scito mi Ioachime bene ualere me, atque etiam meo more qui scis qualis sit, uiuere. Apud Principem huius terrae, gratiosum esse magis, quam pecuniosum, quamquam ne eo quidem nomine est, quod ualde querar. Sti

N iij pendum

pendium datur. quotannis tantum quantum Norin-
bergae olim, sed promissionibus quibus aulae abundant
quotidie ditescimus. Vtinam sicut scribis, una nobis es-
set tibi liberet, quod si tu uoles, et Sueuiam cum Hassia
commutare posses, ego facillime curarem ut fieret. Et
nisi me fallunt omnia, quanto tu uoles stipendio. De
hoc igitur si uidetur, mihi significabis. Habes breuiter
ad ea de quibus scribis tibi responsum, quanquam, quod
postremo de Homero scribis, scito Iliada totam, me uer-
tisse latino carmine, ac dedisse excudendam uostro Opo-
rino. Qua de re opinor Mycillū ad te scribere, tuos in
Iliados & commentarios uidi & legi, atq; etiam nunc
cum domi sum, summa cum uoluptate lego. In β nihil
uideo. Vtinam omnes libros sic absoluas, ut absoluis-
ti primum. Vtinamq; non solum tibi uidere, sed et mihi
colloqui tecum de audacia mea in uertendo Homero li-
ceat. Quod spero dabitur aliquando. Te rogo de his
rebus, de quibus ego nunc coactus ad te scripsi breui-
ter, copiosius ipse mihi per occasionem respondeas.
Saluto amicos, si qui istic norunt Eobanum, & uxorem
tuam nostri uxor & liberi. Item de tua ualitudine
ne cupio fieri certior. Francofurti ad Menum in Nuna-
dinis. M. D. XXXIX.

Tuus Eobanus

Hessus.

Brm

ERVEDITISSIMO VIRO IOACHIME

mo Camerario amico non secus ac fratri
cariss. suo S.

REddidit corā mihi literas tuas longe suauissimas
Myceillus noster, mi cariss. Ioachime cū ad nundi-
nas descēdissem, alitero pede ex podagra laborāti, adeo
ut exire in publicū nullo pacto possem, nā iste morbus
nos principes ita affligere solet, iocū agnoscis. Di de-
eque periant istā ueneficā & molestiss. bestiā, quae me
nunc torquere incipit quo tempore minime omnium de-
buisset. Itaque gratiam habeo tibi, quod bonā fortunam
nobis optas, qua, quod quidē ad ualitudinem attinet,
nunc egemus maxime. Et ego mi Ioachime ualde doleo
nos à fortuna sic distrahi ut inuicem scribere quoties
libet, non liceat, sed ut omnia desint, bis tamen annis
singulis litteras ultro citroque mittere possumus, hoc
est, nundinis, ad quas etiamsi non omnes forte uen-
turus deinceps sim, tamen hoc efficere facile possum,
ut literae e nundinis ad te deferantur. Explicatio-
nes tuas τῆς β' λ' nondum uidi, gratis. & haec
sicut omnia tua habiturus, nam ea quae scripsisti
eis τῶν δ' sancte custodio. Utinam pergas eodem
modo in reliquos quoque libros (id quod nemo te me-
lius facere poterit) quos mea opera conuersos iam,
sed nondum editos, non falso tibi dixerunt, quicumque di-
xerunt, isque liber non credis Ioachime quā ingens mihi

EPISTOLAE

factus esse uideatur. Edetur hoc semestri praterito nō editus, quod sine priuilegio, quo carebamus, emitti nō deberet. Quod scribis te huius anni non opt. fortuna usum esse, sic interpretor, ut de ualeitudinis tue ueteri malo, potius quā aliqua noua calamitate libeat intel ligere. Sed hęc ferenda nobis equo animo sunt. Vides enim & me eadem ferē ratione affligi, atq; utinam ha alienus. Ego iam ad scribendos Fastos non impellente solum, sed etiam urgente Philippo nostro accingar. Vi cissim salutabis à me uxorem, liberos, & omnes tuos, amantissime, et ualebis Ioachime, mihi mortaliū omniū carissime. Amicos quos iubes officiose salutabo tuo no mine, ubi Areopyrgum nostrum rediero. Iterum uale Francoforti ad Moenum. 19. Martij Anno M.D. XL.

EOBANVS HESSVS IOACHIM

mo Camerario charissimo amicorum om nium suorum S. D.

INcredibili desiderio afficior sepiissime consuetudinis nostrae, tantum ualet usus longus. Hic sunt Ioachime doctissimi uiri, sunt etiam humanissimi. Noster Crato, quid enim aliorum tibi texam catalogum? Sed tuam praesentiam quoties requiro? tam ad ioca, quā seria. Quin etiam latrunculi nostri in aula grassantur mo do, sed quanto maiore uoluptate mea te illi olim & u. T. & u. & u. habuerunt? Cetera quid referam? Stua diorum suauissimam communitatem, in consilijs dandis

eum prudentiam tum fidem. Non igitur solummodo longinquitas usus te mihi, mi Ioachime commendauit, sed etiam natura tua, sed etiam eximium studium erga me tuum. Me Podagricum factum iam dudum nosti scilicet, nō enim te celauimus. Cur autem ridet ad hūc quæso in alijs morbum, homines? Ego nihil quod ridiculum sit experior. Verum enim, ut scis, didici dicere. Sed nescio quæ iam tacite surrepit etiam alia ægritudo, magnam enim defectionem omnium uirium corporis sentio, ut uitæ metuere iam incipiam. Sed non metuo. Nam & apud æternum Deum saluam hanc perpetua fore confido, & inter homines diu superstitem. Iam igitur quod restat minus sollicito curo. Principis est uoluntas erga me egregia. Ab hoc etiam meis bene spero. Sed cur præter consuetudinem hæc ad te hoc modo? Tuas argumentationes in literis tuis semper lego libenter. Neq; me clam est, immo scio iam pridem, te esse rationum artificem, uel nostro Mylio optimo uiro hoc quondam narrante, & testificante. Inuictas igitur rationes tuas cupide semper cognosco. Quod autem ad affectionem amoris attinet, facile tibi indulgeo, tantum abest ut obsistendum esse putem. Sed quid audio? Etiam ne istinc? Rescisco aliunde multa, quæ æquius erat tuo indicio. Noui tamē quā tu sis cautus. Facies tamen credo me certiores, si non quid consulueris, at quid ægeris? Ut si non liceat defendere cōsiliū, factū tamen non ignorem, & si uidetur, probem, quam

N 1 quam

quàm mihi probare quicquid à te fiat, ut tibi quicquid à me, necesse est. De mea Iliade nihil ne obsecro ad me scribes? Sed scio iam quid scripturus sis laudabis, ut solitus semper fuisti mea, admirari te dices. Satis igitur horum. Ego uero requiram alia quoque à te. Sed tum de his scribam plura cum librum te accepisse & legisse cognouero. Thermae si profuerunt tibi optimum est. Sed si non profuerunt, saepe repetendas non esse iudico. Nam nostri Medici Thermarum curatio nem de centro procedere scribunt. Hoc igitur singularem industriam expetit. Scis enim tu qui cum Euclide aliquid negotij contraxisti, quid centrum in circulo, & quam non cuiusuis sit illud designare. Ignoscas mihi si tua causa nimis esse sollicitus uidear, qui mea & fuerim & sim parum. Vel enim mihi me ipso tu es charior, uel certe non multo minus. Sed haec omittamus. Debent enim alij loqui non nos, & loquuntur mi Ioa-chime, atque etiam ut spero, loquentur. Volmario etiam salutem à me dictam esse scribis, uiro optimo, eruditione literarum praestanti, *μουσῶν δεξιπῶτι*, & quae praeterea addis. Hunc igitur Volmarium cur ego nondum noui, nisi si forte poeta non est? Nam ut scis, Hesium nulla diu Musa latere potest. Iam igitur hunc nostro, nam meus est hic quoque, si tuus est, salutem dicas à me nominatim, & singulatim, non ut ante promiscue & communiter. Salutabis & ceteros amicos. Te etiam nostri hinc, salutabis totam domum tuam à

me & tota domo mea. Regina ualet. Cum Regijs libe-
ris non male agitur principis liberalitate. Vale, Abs-
donisena memoriae consecrato die. XL.

EPISTOLÆ EOBANICÆ AD ALIOS.

EOBANVS HESSVS IO
anni Groningo suo S.

A Deo uobis nihil reddo, ut ne pulueres quidem re-
mittam. Sed uos egregie qui & pecuniam, quā
tamen ea cōditione accipio, ut ipsi adsitis quamprimū,
eam consumpturi, alioqui & ipse pulueribus uos con-
spergā. Sed hactenus feliciter, dū quod Virgilius fecit,
aurū de stercore, nos argentū de puluere. Pluribus nūc
non ineptio: Vos adeste ad horā duntaxat unam. Nam
nos secunda garriemus quippiā, sed adeste, alioqui re-
mitto pecuniā, et uultis opinor remitti. Quod probabi-
mus. Ex Regia.

EOBAN. HESS. IOANNI GRO-
ningo uiro pulcherrimo & uocaliss. sed pul-
uerulento suo eleganti capitulo S.

Quas uero tu cantilenas somnias? an Musicos Re-
ges existimas? Mitto uersiculos quos heri inter
præ-

EPISTOLAE

prandendum effutiui quam scripsi uerius, iocatus in ue-
stros pulueres. Videbatur enim uehementer ridiculum,
pecuniam condire pulueribus, quo tamen obsonio non
erat opus, ut ingluuiē regiam expleres. Itaq; nec dum
deglutiuimus, in uestros oculos respersuri uestrū pul-
uerem, si uel ipsi ad me hodie uel ipse ad uos. Quorum
utrum consultius uideatur ipse consulto. Ego certo la-
uabo hac hora, sed hoc præmonco in Regia coena pa-
rum esse puluerum satis, si iubetis itaq; habetis paren-
tem Regem. Si huc uultis, facetum magis quàm libera-
lem hospitem. Liberalem tamen sed pulueribus, uestro
exemplo. Habes animum Regium. De Cantilenis nihil
quidem cōijcere possum? Vale & salue, aue & gaude,
ede & bibe, sta, curre, sede, surge, iace, tace, dic, due
fac, trahē me. Cætera coram.

EOBAN. HESS. IOANNI GRO-
ningo Theologo eruditissimo amico
summo suo S.

Inuito te Groninge cum nostro Eccilio ad balneas
Regias, & magnifice (si quid Ghæra magnificum
ineſt) instructas. Sed ita ut statim à secundā adsis inui-
to, simul & legem pono, ne quouis modo liceat tibi
cōtradicare aut contraire. Regio imperio quod firmum
& inuiolatum obseruari non à te solum, sed ab omni-
bus etiam alijs Regno nostro subiectis uolumus. Venies
igitur

EOBANI HESSI.

igitur cum nostro Iurifconsulto ò Theologe cœnam habiturus à balineis plane Theologicam, hoc est, tenuem & parcam. Sed tamen nequaquam sordidam. In summa, talem qualem & tua & nostra crumena ministraverit. Vides ut laute uos accepturus sim? Sed nihil me tue, bene spera. Regia tibi non deerit liberalitas. Eadem dum potes fruaris censeo. Adcrit & Hunus, & præterea nemo præter iocos, fabulas, risus, Musas, gratias, ac Veneres. Vale.

EOBANVS HESS. GRONINGO & Eccilio suo S.

Quid uetat quo minus ad nos ueniat? cum sitis domi & soli et ociosi. Cupio fabulari, & fabulatores desunt. Venite igitur ò Aesopi, immo ò fabulæ, & afferte uobiscum multas fabulosas fabulas. Sed cœnati uenite, edaces enim cum sitis, uereor ne ingluuiem uestram non expleam. Eccilij præcipue uentrem multorum suum capacem. Valete. Ex ædibus Humanis alieno calamo, aliena papyro, alieno animo, sed non aliena manu.

EOB. HESS. GRONINGO uel Eccilio. S.

Si, ut heri dicebatur, prandere apud Cononiam libet,

EPISTOLAE

libet significabit per hunc, & ego rursus illis significabo ut culinam instruant futuris tantis hospitibus sorte aderit & Dux, & erit nihil isto quaternione hilarius, quamuis Eccilius iratus sim, quod heri se alieno ludo in nostram ignominiam immiscuit. Sed ipse dicet *μὴ τῶν πρῶτων οὐκ ἔστιν ὀνείδιον*, & uere, nam ego uixdum etiam nunc memini quid heri dixerim. Itaque breuiter quid Reges uelint uidetis.

EOBANVS HESS. MAGNI

fico uiro D. Ioanni Groningo Academiae principis suo carissimo S.

Quare dicebas mi Rector & princeps optime, non esse id in Plutarcho, de quo querebamus morem, genus mortis, inferias, et impensa funebrium Hephestionis? Vide nunc tuum Plutarchum ad finem uitae Alexandri, & inuenies crudelitatem simul & prodigalitem furiosi Regis, qui in funus unius hominis impendere ausus sit talenta decem, hoc est secundum Budaei computationem sexagies centena milia Coronatorum. Ateo nunc ad Curiam patrum conscriptorum, acturus nequaquam meam, sed affinis mei causam, deinde cum optimo & nostri amantissimo Aperbaccho iturus in *ἀντιόχεια* nostram itidem ad uiros omnino optimos. In quam societatem & te uocamus, unde rogamus ut nobiscum uenias, nam nos te in tuis edibus

EOBANI HESSI.

adibus conueniemus. Ales noster heri ualde fuit hetero-
clitus, uellem finem tandem insaniendi faceret. Sed il-
lum nihil moror, mirarer tamen minus, si Poëta esset,
sic enim aut insaniret, aut uersus faceret. Vale breui te
cum erimus.

EOBANVS HESSVS IOAN- ni Groningo

An nisi nota tibi manus hæc Groninge fuisset,
Nescires Hessum forsân adesse tuum.
Venimus, censi ter milia dena uiarum.
Vel minus, ecquid adhuc quæritis Hessus ubi est?
Aliger hic ubi Stürciacas notat Angelus ades
Huc age, si quid adhuc nos ueneraris, ades.

EOB. HESSVS OPTIMO GRO- ningo amico Sinceriss. suo S.

VTinam uero ego nunc lupos habuissem, ita ægre
canem expuli. Sed nulli aderunt lupi, ne metuas,
ne etiam raucissa, etiamsi te lupi uiderint priores, ueni.
Hunus aderit, iam nunc abiit rediturus, Capellam amia-
simus. Credo lupos rapuisse, habeo hospitem Hessum
quendâ, qui hac hora ex itinere ad me diuertit, uirum
omnino simplicem, et tibi notum opinor. Is neq; iocis neq;
locis nostris quicquam oberit. Tu ueni, sed cæna nihil

EPISTOLAE.

Si, prater nescio quid. Igitur si potes esse nescio quid,
ueni, ut satieris nescio quid, nam nescio quid coenabi-
mus & ridebimus. Sic cum Cerbero nunc, luctatus
sum, ut manus scribenti tremant.

Ergo, tibi nostræ non uenit littera dextræ,
Et quod scribebam sola litura fuit.

EOBANVS HESSVS GRO-
ningo Algesino amico ac fratri
cariss. suo S.

Suades ut ueniam tibiq; obsequar. Cupio id quidem
& non cupio. Quid enim tuo nomine non cupiam?
quid meo non cupiam non? Cupio & tibi obsequi, &
cum illo familiariter esse, & mihi obsequi. Quid igitur
faciam? uolo & nolo. Vides ut unica litera uolunta-
tem meam distrahat, nam quantum differunt uolo &
nolo? Cōsule si quid habes quod è re esse nostra putes,
hora siquidem prope est, qua quod facis faciendum sit.
Vale scripsi cum aliquantum obdormissem. Viue.

Ex Regia.

[EOBANVS HESSVS IOANNI]
Groningo uiro humanissimo amico per-
petuo nostro S.

Rogat Vuolphius à Tenstadijs ut hodie secum
prans

EOBANI HESSI.

prandcas, & rogat impense ne neges, sed mecū statim
ab hora X. uenias ad Sacram anchoram, quod eius do-
mus insigne est. Conueniet tecum de filiolo in tuam dis-
ciplinam quasi emancipando. Itaq; mi Groninge uenies
ad nos sub X. ut simul ueniamus ad compatrem meum,
uirum tui & bonorum omnium amantiſſimum, nunc
etiam consularem. Bene uale, ex Regia, τοῦ ΧΙς α.

EOBANVS HESSVS GRO-
ningo Canonorum Marianorum
principi suo S.

Rogo te mi Groninge ut si à prandio, quemad-
modum heri constituiſti, ad nos in secessum nos-
trum uoles, ne Eccilium tecum adducas, sed potius tu-
um fratrem uirum uere bonum, uel D. Andream uel u-
trumq; uel Michaëlem Dulcem, uel aliquem eius gene-
ris, id est, bonorum uirorum. Si uero mecum uoles, id
esset gratiſſimum, uel à prandio. Urbanum credo me-
cum iturum, Vale.

EOBANVS HESSVS IO. GRO-
ningo uiro humaniſſimo Amico incom-
parabilis fidei cariſſ. suo S.

Alias epistola tuae proximæ ad nos & elegant
& suauissimi candoris plenissima respondebo.

EPISTOLÆ

Iamdudum enim id constituo. Nunc quod instat expleto numerum, ut integrum tibi uictorizatum florinum debeamus, si potes, potes uero, Mercurij et Diuæ Copiæ gratia. Nos tu rem, pluribus itaq; opus non est. Præfatis erario nescio quod tempus sibi obseruare in suis committarijs necesse esse aiunt. Ego uero quid possum contra? præsertim qui diem neglexerim. Rem intelligis, peream si non regia fide ago, hoc est, summa. Hæc satis. Vesperis si quomodo potes mi Groninge, micharum caput, mecum esto, aderit Valentinus Capella & Hunus, nec uereare quencquam, qui tibi ingratus sit adfuturus. Nam quos tu oderis amare ego uix possum, tametsi, quæ tua uirtus est, neminem oderis, sed à quorundam familiaritate caueris fortasse. Sed quid hæc? nihil ad Bacchum. Nunc apud D. Ambrosium epulas bimur. Vale, & antequam uenias sub uesperam, rescribe, capior enim & delector tuis tam literatis literis quasi maxime cupitis cupedijs.

Ex Regia.

IOBANVS HESSVS CANDO

re & eruditione spectabili Ioanni Gronin-
go suo carissimo S.

Tria scribam & petā à te una in epistola. Primum ut Regiæ acetum mittas, quo pisciculos à nobis in hodiernum prandium coemptos condiat. Deinde

EOBANI HESSI.

ut si queas, id quod egimus nunc præsles, si id tuo com-
modo queas, si non queas, tamen quod tertium erat,
in prandio nobis adsis cum Eccilio, si is queat suos Mo-
nachos relinquere, si non queat tu uenias, aderit enim
& Hunus, pisciculos habemus delicatissimos, quibus
soli uestri nec debemus nec possumus. Rem tenes, ace-
tum mitte, ipse ubi tempus erit ueni, hoc est sub XI.
Sunt & quæ tecum expostulare nos oportet. Vale ex
Regia.

EOBANVS HESSVS IOANNI

Groningo amico perpetuo suo S.

Non intellexi tuas heri literas mi carissime Gro-
ninge, iocum interpretatus quod tu scribes ex
animo. Deum immortalem cuiusmodi est ista amicorū
consuetudo? quæ conuersatio? uel quæ digladiatio po-
tius? O rem factu non improbam modo, sed & fœdam
dictu. Quis talibus utetur deinceps amicis? & ego non
absq; periculo sum ad tales mores factus cautiore, no-
ui enim centauros istos, sed imbelles, si in quem inci-
dant Herculem. De his aliàs, fortunæ meæ gratulor
quæ id temporis alio me (uelut mihi consulto parceret)
abstulit. Vestram utriusque uicem doleo, qui à quo
minime omnium timueratis iniuriam accepistis &
contumeliam. Non possum non indignari, quid
fiet enim si sis inter nos tam paucos digladiabimur?

EPISTOLAE

*Ludibrio erimus omnibus male nobis uolentibus. Plura
coram. Interim meum consilium est, ut quantum maxie
me queamus occultemus, ac inter nos deuoremus tam in
signe iniuriam, ne ridendi ansam inimicis præbeamus,
culpa enim caruisse pulcrum est, & nemo dolet nec ue
rius nec grauius, quàm qui conscientia teste dolet.*

MARTINO HVNIADAE
suo cariss. S.

Veni Martine. Talia audies noua, qualia nec tu
cogitas, nec somniare queas. Sed quæ prorsus im
mutare possint hæc tempora. Accerere oro per tuum Bal
thasarë Groningum. Eo enim conuento, mihi et Vrba
no opus est. Tu ueni. Ecce noua omnia, ò noua, ò cœ
lum & ò terra. Vale & curre.

Eobanus Hessus.

EOBANVS HESSVS OPTIMO
Viro Ioanni Groningo amico perpe
tuo suo S.

Pareo mandatis dulcis amice tuis. Conabar episto
lam scribere, sed quod conabar dicere uersus erat.
Itaq; quos ego sim adducturus umbras non uideo, nisi
forte unum aliquem Græculum uocarem in tuam cœ
nam nisi apud Longinum diuerteretur, unde euocare
homines

EOBANI HESSI.

homines idē eſt, quod ab orco mortuos. Igitur ſi quem,
mecum adducam Ariſtotelem. Ridebam ubi alienis
uerſibus te poetari uidi, uidebare enim cornicula mihi
quedam Aefopica. Sed hæc ad Petafonem noſtrum, ibi
enim ſi non Muſarum tamen opinor gratiarum numera
rum explebimus, uel etiā excedemus. Bene uale, &
ſub Quintam nos expecta. Ex Regia.

Groningo noſtro S.

AN oblitus es quid heri promiſeris? O lingua, qui
lingua multum potes, ubi tua lingua? nunquid
donum linguæ non habes? Cum ſis tam linguax, ut lin
gua alias linguas queas elingues facere, Lingua nobis
lis ore fulminator, an etiā nunc linguam habes? ego
quidem quia linguam non habeo, lingua nihil poſſum
niſi linguā miſeris. Vale.

Rex elinguis.

EOBANVS HESSVS GRO
ningo uiro modis omnibus ſummo S.

ADeſto cum tuis omnibus in Regia ò amice noſ
ſter optime maxime, ſed mature adeſto. Nam
famem ſtomachus noſter non fert, & ſemper latrat ad
meridiem. Quamuis nec epulas ſumptuoſas, nec pocula
lenta precioſa penuria noſtra depromant. Sed erunt

O iij pro

EPISTOLAE

pro epulis fabulae iociq; ac sales qualibus tu abundas.
 Igitur ne sit longior epistola, quam statui, abrumpan
 filum ut uenias quamprimum (ut dixi) cum tuis omni
 bus, praecipue Rotendorphio nostro, & umbris si quas
 habes. Caetera coram. Viue, uale, & si quid nouisti re
 citius istis, candidus imperti, si non, his utere mecum, &
 ueni.

NOSTRO VNICO IO
 anni Groningo.

Si bene potastis, bene curritis inter amicos,
 Nil mihi rescribas, tu tamen ipse ueni.
 Sed tamen haec alias cum uenerit ipse canemus,
 Nunc uel acetosas *ῥέμπετε πικρὰς*
 Te rogo per Venerem charissime frater & omnes,
 Musarum coetus, ut uenias propere.
 Nam propere scripsi, iam doctus stertit Homerus
 Et nisi tu uenias non erit anser olor.

Rex.

Cytra iocum ueni, sunt nobis pisciculi quidam. Si Iu
 risconsultum nostrum Eccilium tecum potes adducere,
 facies nobis rem gratissimam.

NOSTRO CARISSIMO
 Groningo S.

EN

EOBANI HESSI.

EN habes quantum properanter nunc adnotare
potui in Cydippen amici nostri, quod in Hodier-
num laborem sufficere existimo, sub uesperum remitte
libellum & adijciemus reliqua, uel ipse adfero potius.
Vale.

Eobanus tuus.

EOBANVS HESSVS SVO CA-
riß. Ioanni Groningo petasato petaso
num Domino S.

REgina paulo ante domo abierat, cum tuus à pe-
dibus me maximis rebus intentum, atq; in libros
fronte animoq; prouum magno post tergum petasone
adoritur. Heus inquit Eobane petasunculum tibi hunc
præceptor. Tum ego (ut qui his diebus minime cū petas-
onibus assueuerim.) Quid est inquā, nā homo ille ima-
pense delirat qui tot hanc domum beneficijs onerat, ut
ign uix ferat? Extra iocum ego Regine munus tuum
(quod dum animum tuum specio, maximum est, quan-
tumuis tu extenuas) offeram, & mea commendatione
aliquanto reddo preciosius. Sed quod iubes totum hoc
quatrimum ualere me, male accepissim, nisi inuitares
in crastinam coenam Petrinorum, quo & ueniemus &
tecum expositulabimus, & de Petasone consultabimus.
Vale T. xix. & ex Regia.

O. iiii

Ioanne

EPISTOLÆ

IOANNI GRONINGO.

optimo amicissimo suo S.

ET si (ut intellexisse te uideo) laboro ex cruribus, tamen non potui non ridere ad tuam tam ridiculam epistolam, cum te ipsum sexcentis pene morbis obrutum scribas, idque à me postules, ut medicus te curem, quod ea quidem lege facturum me pollicor, si probaris prius istis te captum imbecillitatibus. Nam ego tibi qui credam, cum iam iterum ad philosophos comessatum compotatumq; abisse sciam? Quare si uoles ueni & uide tumorem Regiorum crurum, ipsumq; Regem pene miserabiliter multa scabie exulceratum, non decumbentem quidem, sed tamen desidentem, & nihil agentem, præter quàm de cura instaurandæ ualitudinis cogitantem. Vale & si poteris adito nos cum Eccilio, quamuis, ut opinor, illi non uacet abesse ab istis suis censuris.

Tuus Rex ἀπας.

D. IOANNI GRONINGO VIRO

bono amico summo suo S.

Nullus argento color est avaris, abdito terris, nostique sequuntur. Quare neq; nos argentum terris abdere debemus, sed in usus potius necessarios promere. Quod quorsum nunc dictum accipiendum tibi sit

EOBANI HESSI.

fit, mi Groninge non ignoras; ego de reliqua sententia ut nunc quidē dicere superscedo, ita tecum ut spero his paschalibus ferijs liberius colloquar & confabulabor. Vale, cum tota domo tua. Ex insula ucteri, sed noua Regia.

Tuus ὁ βασιλεύς.

IOANNI GRONINGO ERV.
ditione & probitate florenti ceu in uere perpetuo.

TRes auiculas coepi, sed hamo Argenteo, qui si fuisset laxior, cepissem utiq; plures, nunc contrahendum aucupium pro ratione retium est. Speraram hodie abiturum me à quæstoribus publicis ditiozem, sed non respondit uoto expectatio. Itaq; eadem spe in crastinum rediturus domi nunc lateo, & te interim fallo sed inuitus, quamuis te fortasse non inuitum. Sed hoc me consolatur, quod cum litigioso exactore res nōdum est. Igitur ad aucupium te nostrum inuitamus, aderit enim et Huniades noster, tum adduces Iccilium una tecum. Ego spectator canulæ ero. Nam ita mihi impetrant labia, quæ conclusa sunt, ut præter iuscula & cremores ἢ βάρμυκτα haud quaquā alia admittāt. Ridere tamen possum, & ineptijs saturos facere, bibero quæque: sed potare non audeo, aiunt enim Aesculapij nostri nescio à quibus τῶν ἀπογοιῶν esse id malum.

EPISTOLAE

Quod si uerum est, ut suspicari libet, tum ego Iouem precabor, ut ne pluat amplius, ne tam garrulos poëtas tacere quoque cogat. Satis ineptiarum. Adesto uolueris ad uolucres, auis ad aues cum aue Iccilio. Sed quam primum, Vale. Ex Regia.

Tuus Hefsus.

GRONINGO ET ECCILIO VI-
ris summis S.

Hunus & ego sumus unà in Regia neq; coenantes neq; potantes quicquam, Sed dulcissimam uestrae praesentiam expectantes. Quid rogamus? nihil est aliud negotij aduolate.

Hunus & Hefsus.

GRONINGO ET ECCILIO
suis & nostris S.

Quamprimum adeste adiuro uos, non potamus, non pergræcamur. Sed sobrij sumus, & habemus caneros maximos instar asinorum & ouium, an similitudo hæc non placet? Quin igitur uenitis & hoc audetis dicere. Quod si non ueneritis, non ad dam cattra. Breuiter. Venite.

Hefsus & Hunus.

Eob 14

EOBANVS HESSVS GRONINGO & Eccilio uiris optimis S.

Nihil tam dolet quàm hoc quod uobiscum sum, temporis, non & habitare & uiuere uobiscum, quotidie. Itaq; nullum tempus est, quin de uobis cogitem. Quod si uos quoq; de uestro Eobano aliquid tale sentitis, uenite nunc ut hoc dici reliquum fabulis mutuis transigamus, quia paulo post absaturi sumus, ut scitis longius. Te uero Groninge conuenire quodam nomine habeo, quod ipsum, ut spero, & in rem tuam erit. Valet, & uiuite, & uenite. Ieiunium ut scitis sacrum est, tamen curabimus ut non desint belaria.

Ex Regia.

GRONINGO ET ECCILIO
uiris & clarissimis & optimis
nostris S.

Rogo uos & invito ad coenam uiri amabiles, ad quam ut ueniatís nunc statim dum lucem habetis rogo, ne dum ambuletis in tenebris, uexemini à negotio perambulante in tenebris. Venite.

Vester óBasiléus.

EOB. HESSVS GRONINGO
& Eccilio nostris chariss. S.

Venite

EPISTOLAE.

Venite si uiuitis, si ualetis, quid enim impedit,
quominus hoc quod cœpimus, semper faciamus?
Nobiscum sunt Hunus & Crucibergius, uos desidera-
mus ut quos maxime. Adducite Marcum, cui nos hodie
descripsimus bellissimum carmen.

Ex Regia.

IOANNIBVS D VOBVS GRO-
ningo & Octacilio nostris Chariss.
capitibus.

Urbis gericolæ reduci pede tecta subimus
Longas emensi difficilesq; uias
Vix etiam trahimus languentia crura grauati,
Quis credat molles Regibus esse pedes?

Reliqua non adfluebant, et nihil sperabant itine-
re defessæ Camenæ, ut quæ Pegasus nullum habue-
rint. Recte & officiose facietis si salutatum nos uenie-
tis, simul ut suauissimis confabulamentis uestris tedium
animi, corporis languorem sentientis leuetis. Diu enim
& nescio quot anni sunt, quod uos non uideo. Si nihil
impedimento est ueniatis oro. Narrabo uobis cursum
peregrinationis regiæ maioris & longioris aliquanto
Ulyssææ. Viuite & adeste, sed coenati. Nam Regina
non expectabat uos. Itaq; præter auiculas paucas nihil
parauit obsonij quod coenaremus. Ex Regiâ.

Hessus.

Groningo

EOBANI HESSI.

GRONINGO ET ECCILIO

uiris sanctis, & amabilibus nostris S.

Saluere uos iubemus, sed & uenire. Quod si imperium non accipitis, uenite ut excusetis uoluntatem tam improbam. Hunus mecum. Heri fuimus scilicet negligentiores Nunc ualde sumus famelici, & esurimus nescio quid humidi, nam sicca parum tam delicatis stomachis conueniunt. Venite in tempore, nam si extra tempus ueneritis, periculum est, ne mundo excidatis. Marcum uobiscū ducite, & quos uoletis præter hunc.

Aduolate amici & regio imperio parete, audituri noua multa & mirabilia

Hessus & Hunus.

GRONINGO ET ECCILIO

uiris & amicis opt. max. nostris S.

Ieiunant hodie Philosophi omnes, qui adeo seueris sunt moribus, ut ne Timoni quidē ulli cesserint. Vos autem natura letiores, uegetiores etiam ingenio, personam pro loco & tempore potestis sumere atq; horarum omnium homines pulchre agere. Itaq; uos rogo ad me consolatum hoc uesp̄i neniatis (nam potare mihi nunc religio est) Deinde itidem rogo aliquid uestrorum olusculorum, sed conditorum ad nos cum his duobus

EPISTOLAE

bus Regulo & puellula transmittatis, huiusmodi enim uoluptas est, hoc uestri deuorare, opinor propter adhaerentem aegritudinem. Valete.

Vester Hefsus.

DVOBVS IOANNIBVS ALGE

sino & Eccilio nostris cariss. S.

Si estis adhuc inter homines, putabitis & hoc humanum esse, ut rogari uos patiamini, quantumuis tandem sitis tetrici, quantumuis *μισοῦντες*, ita men hoc uestro Regi credo non negabitis, ut secum ad Meridiem prandeatis, quod ut faciatis, quid rogem? qui imperare possum? Venite igitur, sed statim X. Valete.

Hefsus.

GRONINGO ET OCTACILIO

uiris fortibus & bonis amicis ueris

& magnis suis S.

Quamdiu est, quod uos non uideo? & quamdiu hoc perferam? liberatus diurnis laboribus ad noctem solatiolum quero. Quod sine uobis uix potest integrum contingere. Laboribus & corporis et animi uere fessus sum, & datum est uix respirandi tempusculum, quod ut mecum esse uelit, oro amici cariss.

IOBANI HESSI.

rislimi, etsi non sunt nobis mitia poma, crunt fortasse
molles castaneæ & obsonij quiddam & pulmentarij
non infirmi pollinis. Adeste modo Groninge noster, &
Ostacili quamprimum adeste plumbei non plumbei per
Mercurium & Aesculapium. En uobis literas ab eo
quem dicere nolo, ut ait Iuuenalis. Scripsi manibus ad
huc udis ab argilla qua fenestras affluxi. Birum non ui
num bibemus. Nam mihi dolēt omnino dentes isti ὀνο
φύοι, et enim carne opus est, si satur esse uelis. Valca
te, & uenite aelutū, sic uolumus sic iubemus. Comite
tur uos, si uidetur Schryndisius noster, non ut umbra,
sed ut unus de columnis maioribus, quales & uos
estis.

Hessus.

HESSVS GRONINGO

suo S.

Heri nihil actum putabimus, nisi redeatis hodie,
quid in causa? satiari non possum præsentia ue
stra, hoc ne satis? sed reliquiarum parum est, quicquid
tamen hoc est, esse uolumus. Quod si languetis ex capi
tibus, consulite nostrum capitulū, & habebitis melius.
Inuitaui hodie Chumratum tuum Groninge, si potes
hunc tecum adducito, & si placet etiam Guilichmum,
nam omnes qui tibi etiam nobis cari sunt. Eccilius &
Marcus nos spero non deserent.

Hessus.

Job4

EPISTOLAE

EOBANVS HESSVS IOANNI

Groningo uiro & singularis humanita-
tis & singulariter cariss. suo S.

Scripseram heri literas ad te, quibus petebam uti
statim Eccilio comite uenires in Regiam, neq; so-
los nos & quasi desertos esse patereris, hae literae cum
hodie sint amissae, nec ullo pacto possint reperiri. Idē
nunc peto, ut quoniam heri non licuit, quia abiisse uos
dicebatur, hodie uenias ad X. nunc statim, tecumq; ad
ducas nostrum Iurisconsultissimum Eccilium, ut hunc
sacrum ternionem impleamus, nihil ad prandium prae-
ter coxam uitulinam assam habituri. Quod si uos pleni
ut soletis, portionum estis, iubete uobiscum ueniant.
Mirum est quam uos uidere cupiam, nuper non eratis
leti. Nunc uero Diuo populorum Victori sacra facie-
mus, ut & erga nos liberali habeamus, qui pauper-
culae nupturienti tantum auri dedisse narratur, quantum
ad reliquam degendam uitam abunde sufficiebat. Vale
mi Groninge, & uide ne excusationem aliquā prae-
tendas, quia nullam accipio. Idem dices Eccilio. Hora X
uos opperiemur. Ex Regia. Pridie Nicolai.

INDECLINABILI VIRO

Ioanni Groningo carissimo suo
pectori S.

EOBANI HESSI.

AD cœnam hesternam nec ueni nec potui, quoniã
Autrinq; nobis ἀδύνατον. Quid uero ò Poëta
Virgiliane, si nunc ad prandium ego, quia neglexi cœ
nam? times, nō uenio. Sed cras ero tecum, quia sine me
esse non potes. Tuum fōcum, tuos plurimos ignes, tuas
tædas, tuas pinus, tuos hortos, tuas syluas & reliquum
tuum gregem saluere plurimum iubco. Heri subduxe
rant montes me, & post caretta latebam. Sed desino,
quia plura non possum. Vale.

Saluta doctissimum Iurisconsultum Eccilium & do
na illi pro munere Regio Homerum à principe princi
pem. Cætera addes ut uoles. Tuus Hessianus.

IOANNI GRONINGO AMI
corum Gemmæ suo S.

ET Nicolaus noster nunc abest & tu ades, & ego
breui absfuturus sum, nunquam tamen minus fuisti
mecum quàm nunc es. Quare si quid adhuc ueterem et
fidum respicis amicū, ueni ad hodiernum prandium
unà cum cariss. Eccilio non ut laute prandeas, sed ut li
beraliter rideas. Scis enim simul cum sumus, quam pro
sus οὐ γέλασσι εἶναι non possumus. Vale è Regia.

Tuus Hessianus.

IOANNI GRONINGO
uiri optimo S.

P

Balia

EPISTOLAE

BAlineæ instituuntur in regia, si laudare nobiscum
 uultis adeste ab hora tertia, Coenæ uero præter
 holuscula & caseolos parum est, nisi quid prouideamus.
 Rem tenes. Quod tibi, idem Eccilio scriptum
 puta mi Groninge. Vale & ueni si potes. Festinanter.
 Ex Regia. Hessus.

GRONINGO ET ECCILIO VI
 ris & optimis & cariss. nostris S.

VT breuissime, & quod ex animo sentio uobiscum
 agam fratres carissimi, uos rogamus uti
 hoc uesteri nobiscum sitis, aderit & Dux, & erimus
 hilares. Hoc est quales uix ipsæ optarent gratiæ. Ro
 gamus uero, ut si quo modo queatis, ne alio concedatis
 quàm ad uestrum Regem. Hessus.

Nostro cariss. Groningo S.

AVdimus te optime Groninge literas habere Geo
 orgij ducis ad Lutherum. Quod si uerum est, ro
 gamus te per Musas ego & Megabachus cum quo
 iam dudum in gratiam uere te rediisse & ipse iurat &
 nos scimus, ad nos ut in Regiam hoc uesteri uenias, te
 cumq; eas literas si habeas feras, si non habeas ipse
 tamen uenias unà cum nostro Eccilio ex nobis noua au
 dituri. Optimam & frugiferam Cererem pro Venere
babea

EOBANI HESSI.

habebimus inter conuiuas. Vale, Versus quos uoluisti,
mitto. Iterum uale, & mox ueni.

Tuus Hessus.

Quicumq; prima liberatus coniuge
Sese alligauit ad secundas nuptias,
Miser laborat in charybdi pessima
Et errat naufragus in profundo maximo.

α' δ' ἡλ' ο'ρ.

OPTIMO IOANNI GRONIN-
go amico indeclinabili S.

HAstenus non fui soluendo, quamuis si animum
spectes, iamdudum exolui, uolui enim & cupiui
semper, sed nō potui. Nunc cum dederint isti, non quod
uolebam, sed quod uolebant ipsi, tibi mi cariss. Gronin-
ge, pro tua in me summa liberalitate gratiam primum
ago, deinde quod æquum est reddo, rogoq; ut ne feras
ægre, diutius fortasse me quàm oportuit rem distulisse.
Quandoquidem id nequaquam mea sponte factum est.
Fac oro si potes unà cum nostro iuriscōsulto Eccilio cō-
ueniamus uel hodie. Vale, ex Regia die Mathizæ.

.D. XXV.

Tuus Eob.

BANVS HESSVS IOANNI
vingo uiro humaniss. & uere liberali
amico immortalisuo S.

P. II

Quid

EPISTOLAE

Quid uero agamus mi cariss. Groninge, nisi plane impij & manifestissimæ ueritati uelimus esse contrarij, nihil deinceps lecto hoc libro dabitur uirium Libro arbitrio. Ego non credebam mihi persuasum iri nullum omnino esse liberum ad Deum arbitrium, sed forte sic Deo uisum est, ut inde unde minime speraram, uel illa non minima salutis pars efflueret. Constante credo, & Erasmus ipsum in eadem futurum opinione, si modo, ut illi rogant, respectum personarum ponet. Tibi gratias ago immortales, per quem & cuius beneficio, mihi contigit in causa capitali christianismi erudiri, & melius sapere. Hæc ingenue & ex animo tibi scribo, etsi credo iam idē sentire te. Nam iterum mi Groninge, quid agamus? quo confugiamus? quibus nos tutemur argumentis? cum illa in hunc librum congesta sint longe clariora, quàm quæ à quibusuis tenebris possint obscurari, fortiora quàm à quouis Achille destrui, si hoc modo res Theologicæ agantur, iam in portu pacis, & salutis erimus, nec bella, nec seditiones ullas, extimescemus. Vide oro te quam sua tribuant Erasmo omnia illi quicumque & qualescunque sunt, dum illum magnum dotibus omnibus à Deo ornatum usque ad miraculum faciunt, bene hoc quidem & nequaquam incommode, fateri quidem per quem profeceris, & cui multum cæterarum rerum debeas, causæ uero tam iustæ possessione non cedere ne unguem quidem latum. Ad ego laudo uehementer, modo stili acrimoniam, ple-
risq;

EOBANI HESSI.

visq; in locis temperassent. Possis itaq; apud istos modestiam citius quàm eruditionē desyderare. Sed nihil est ex omni parte beatum. Honestā commutatio est, si pauca uicia multis uirtutibus compensentur, feret hoc, quæ est modestia, ipse Erasmus, & parebit, spero, meliora docentibus, Vides ut in suam sententiam me rapuerit, non quidem Lutherus, sed ueritas qui est Christus. Sic tamen ut Erasmo me nequaquam abstulcrit, sed magis etiam adiunxerit, qui primus causam tam necessariā mouit & aggressus est. Agerem tibi pro tuo petasone gratias, si mihi dedisses quàm Reginæ potius, tamen quia coepulonem esse uoluisti agam aliquando, nunc non ago, quia insanire mihi uideris, qui hoc tempore istud edulium. Verum quia bene salitum est, asseruari aliquantisper poterit. Nos tamen de tota re tecum deliberabimus, ut constitutur, & quando & ubi & cum quibus ὁ γὰρ πάντα πάντα χεῖρ δὲ παρὰ πάντων.

Tuus Hessus.

IOANNI GRONINGO SVO.
multis nominibus cariss. S.

Quis sapiens fortunæ lusus & ludibria resq; humanas mille casibus obnoxias, magnopere admiraretur? qui uideat et consideret ea nos lege eaque conditione natos, ut inter utriusq; fortunæ tempestates, nunc lato, nunc aduerso cursu feramur, iactemurq;

P ij. non

EPISTOLAE

non secus ac in immenso quodam pelago, caelo terraq;
 destituti, naufragio semper proximi. Quorsum isthac?
 Renunciarunt, si forte nescis, Huno nostro collegium ui-
 ri in suam ipsorum perniciē, non dico improbi, sed sem-
 per uigiles & intenti. Quorum id culpa acciderit equi-
 dem ignoro, nec suspicari libet, tametsi coniecturae, &
 multae et magnae sint, à proximo quodam Ioue istud ful-
 men proficisci. Fert istū casum, eam fortunae iniuriolam
 uir utriusq; nostrum amantiſsimus, fractiore quā ue-
 lim animo, nempe talibus ludibrijs haud quaquā assue-
 tus. Quanquam uero ipse quae potui, praesens adhibui
 animo parū fori remedia, tamen existimo bonā istius
 doloris partē leuatum iri, si tua quoq; & Eccilij uox
 cōfirmatioq; accesserit. Quae ideo ad te scribo, quod ti-
 meā, ne homo imbecilli (ut scripsi) animo, plus equo
 dolori indulgens, parum sibi ipsi bene consulat, etsi sa-
 tis ipse nouit ab istiusmodi animi conflictationibus
 plus satis etiam suo ipsius corpusculo aegritudinis &
 accessisse, et accedere posse, cum quia, ut ipse testis es,
 uehementer & merito utrum istum amo, tum quia non
 tim ex istius consternatione, inimicis, si qui sunt, mate-
 riam dare, unde gaudeant, sibiq; (ut est malorum sem-
 per maximus numerus) adstructū putent, quicquid illi
 decesserit? Quāuis quid decedere amico nostro potuit?
 si illud exiguum est creptum, cuius nunquam satis cera-
 tus esse potuit, quod in aliena manu, ab alijs acceptum
 temperancum non perpetuum beneficiū erat, quamuis
 quid

EOBANI HESSI.

quid beneficium dico, qui seruitutem dicere ut potui ita debui? Non enim beneficium censendum est quicquid ex fortunæ pēdet arbitrio. Animi dotes qui habet, is de mum maxima & habet ipse, & in alios conferre potest beneficia. Quare nihil est, quod Hunus noster, magnopere perturbetur, ob illum leuissimum fortunæ nō nihil nouercantis reflatū. Reliquum est, ut tu quoq; cō firmes illum tibi non minus quā mihi charum & obnoxiiū animum. Ego quidem, quod unum & supremū mearum opum meæ facultatis est, auxilium Musarum implorabo, Orphei cytharam sumam. Syluas & saxa mouebo, animū natura forsā molliorem poëticis Syrenibus sic permulcebo, in dō confirmabo potius ut rideat se de leuissimis rebus fuisse perturbatum minimoq; in malo doluisse. Vale mi cariss. Groninge, meq; sic ut facis ama. Ex Roseto nostro Prid. Non. Octob. M. D. XXV. Tuus Eob. Hessus.

CARISS. NOSTRO IOAN.
ni Groningo S.

REmitto tibi mi Groninge, heri abs te commodatū mihi, gratiamq; ago longe maximā, cui plus etiam quā maximas debeo, relaturus olim certe aliquas. Heri te uocaram, idem coram redditurus. Sed tu nescio quid causatus, Regias literas cōtempnisti. Quod si uicium putabisses, dabis operam ut emendes.

P iiij Vale

EPISTOLAE

Vale. ex Regia, pridie Victicium palmarum triumphantis Christi. M. D. XXVI.

Tu es Hefsus.

IOANNI GRONINGO VIRO
optimo amico incomparabili suo S.

EGo à te digrediens heri mi chariss. Groninge, uix à lacrimis temperare potui, ea fuit caussa cur paucis tecum agerem, idem apud ducem chariss. contigit, ægre reliqui Erphurdiam, ægrius multo amicos, tacea de uxore & liberis, quos breui mecum futuros spero. Saluta Eccilium meum. Melosingum item & Familiū omnesq; quos mihi chariss. esse non ignoras. Scripsi ex Arnstadio cum pridie pessima tempestate conflictatus, matutinum iter iam meditarer. Scribā è Norimberga Deo uolente plura & breui ut spero. Commendo tibi uxorem chariss. & liberos dulciss. Expedite mihi apud Melchiorcm quod heri mandaram, & Vale mihi lies cariss. Groninge, Arnstadij postridie Diuorum Philippi & Iacobi. M. D. XXVI.

Tuus Eobanus.

ERVDITIONE ET HVMANITA
æ præclaro uiro D. Ioanni Groningo Amico
suo suauissimo S.

Perues

Perueni Norinbergam charissime Groninge sala-
 uus & incolumis, exceptus etiam honorifice, ex-
 cipiendus honorificentius breui ab ipso urbis huius se-
 natu, cum quo conuenturus sum, ita enim deliberatum
 esse ab isto ordine aiunt. Ego uero urbem hanc ingres-
 sus sum die Lunæ ante Ascensionis Christi, & ad huc fer-
 me lateo. Sed multi nos inuisunt, & inuitamur passim
 & uina optima propinantur. Sed heus mi Groninge,
 non credes mihi quam hic ad tantas uoluptates factus
 sim continens ac pene stupidus, quasiq; ab omnibus
 semper fuerim alienissimus. Noli existimare ioco hac
 me scribere. Vera sunt quæ scribo omnia, ab eo die quo
 à uobis digressus sum continenter uiuo & sobrie. Tui
 memoria & Eccilij nostri, ut est mihi omnium iucunda-
 tissima, ita extingui nullis unquam tempestatibus
 poterit. Scripsi Reginae & tabellarius mire festinat.
 Igitur ex Reginae literis reliqua intelliges, & breui
 scribam ego copiosius cum Philippo, qui isthac ibit, et
 ego Ludouicum mittā, pro adducendis reliquijs domus
 Regiæ. Ad ducem nostrum ὁδοπογοῖον scripsi, quod
 mittere duabus de causis, & non potui, & non uolui.
 Non potui, quia festinabat (ut dixi) tabellarius, non
 uolui quia sciebam Ducem abisse, & non iam esse uo-
 biscum, mittam ubi resciero ubi nam gentium agat, com-
 mendo tibi totam domū Regiam, hoc est, uxore et libe-
 ros. Saluta D. Henricum Aperbacchum cum uxore &
 liberis, Xenia mittam cum parum per hic inualuero.

EPISTOLAE

Saluta Eccilium, Famelium, Huxarium, Melosingum
nostros amicitissimos, dicitōq; rogare me impense, ut ne
de fide me aliteranda quicquam dubitent, D. Vuolphio
à Tēstadijs scripsi, ut uidebis, apud quem ego te in lo-
cum meum familiaritatis surrogo. Vale Nurimbergæ
postridie Ascensionis Christi. M.D. XXVI.

Tuus Eobanius Hessus.

M. IOANNI GRONINGO VIRO
eruditissimo amico perpetuo suo S.

Scripsi superioribus diebus uenisse me in Noricos,
nihil uero adhuc à senatu nobiscum actū est. Nunc
tertiā ē Bōpoxdā hic agens idem scribere non pos-
sum. Nam & humanissime acceptus, ultroq; citroq; co-
lor, inuitor à primoribus. Nec uidear unq̃ conditione
meliore fuisse, nisi quod uxor & liberi absunt, pro qui-
bus adducendis Ludouicū misi cum pauxillo pecuniæ,
quartum quidem nunc habere potui, constitutum enim
à senatu est stipendia nostra soluēda quadrantibus sum-
ma totius ad singulos anni quoq; quadrantes. Itaq; sin-
gulis anni partib. mea portio fit, xxxvij. semis. florini,
et hij quidē aurei, sic enim exoluunt isti quod antea nō
crediderā. Rogo igitur te, solutionē eius pecuniæ quā
opt. uiro Ioanni Conerro debeo, differas paulo diutius,
à festo Diui Iacobi statim transmittā, id enim est prē-
me solutionis constitutū tempus. Interim ego nihil egeo,
amico

E O B A N I H E S S I.

amicorū quos optimos hic & inueni, & cotidie nouos
 paro & inuenio, liberalitate, satis opulenter uiuo, &
 nō defunt qui parati sunt, uel centū aureos meo nomine
 pernumerare. Vides ut mutarim conditionem. Utinā ada
 esse mihi posses, quod futurū omnino non despero, etsi
 nondum sciam satis, nec dum enim audeo quicq̃ uelle cu
 pere in re adhuc quasi feruente. Itaq; dices & amicis
 nostris qui fidem interposuerunt nihil eos debere solli
 citos esse. Nam fidem meam ante id tempus quod status
 tum est, si uiuam, redimam. Feceris rem longe gratissia
 mam mihi, si Regina in conducenda uectura adfueris.
 Quid si auxilio nostri carissimi Eccilij à uicinis uestris
 uiris & optimis & mei amantiſſimis, currum impetra
 ris, quo huc deuehantur Vxor & liberi. Age si tibi
 uidetur, adito uiros optimos, roga meo nomine, si tamē
 opus erit. Si uero uector idoneus contigerit, currus opi
 nor non deerit. Breuius scripsi, quod obrutus erā scri
 bendis pluribus literis. Ex his quæ ad te mitto rationē
 & ordinē instituti nostri cognosces. Ego Virgilium do
 ceo & uersus facere. Cū Philippo qui breui isthac tran
 sibat, plura scribam, & scribā semper, semper enim ada
 sunt tabellarij. Tu uero nec dum scribis. Saluta Ecciliū
 dulciss. & cariss. caput, Melosingum, Huxarium, Fa
 melium, Philippum Seganum amicos carissimos. Pe
 trum nostrum Vorhemium, & Megabachum. O Gro
 ninge quanta ego hic continentia uiuo, quam sobrie, ſi
 nis agendi Erphurdia, finem potandi mihi fecit, &

uiuo

EPISTOLAE

uiu mensa liberaliss. & uere magnifica sumptibus
publicis, idq; quamdiu Regina aberit. Vale Nurnberga
e die Trinitatis. M. D. & XVI.

Tuus Eobanus Hessus.

IO ANNI GRONINGO LITE-
rarum Magistro omnium chariss. suo S.

Nunquam Erphurdiam scribo, quin tu primus occu-
rras ad quem scribendum putem, & tamen scri-
bo rarius, quod sciam amicitiam nostram firmiorem esse,
quam quae ullis literarum adminiculis fulciri, uel de-
beat uel possit, & cupio semper ad te mittere quidpiã,
sed ut sit, ea semper elabitur occasio, sed apprehende-
tur spero breui. Interim mi cariss. Groninge ut uales? du-
dum est quod nihil à te literarum accipio. Utinam sis to-
tus aureus. Si Erphurdia te nō fert, demigra ad nos, at-
que utinam adesses uel nunc, forsitan inuenerimus aliam
quam te non indignam fortunam, quamuis forsitan istius
quoq; te non debeat poenitere. Eobanus Proculus iamdu-
dum apud me est, expectans, si qua se ostendet mutan-
dae fortunae occasio. Sed haecenus frustratur, nullius-
tamen rei egens me hospite, praeterquam quod ab Er-
phurdiensibus mulierculis abest. Eccilio dic, ut Iuri-
bus suis fortiter studeat, & aliquando dicere quoq; inci-
piat, sed in foro, id est, ut fiat rabula, alioqui quantum-
cunq; Iuris erit prudens, nihil efficiet, rem non augebit
hœ

EOBANI HESSI.

hoc quidem tempore, nisi sperat uicturum sc' annos Nē
storis. Plura scripturum prohibebant hospites, eadem
hora imo momento eodem aduentantes cum hac scribe
rem. Mi Groninge bene uale, & ad me quamprimū po
tes scribe, ante biduum ad Vuolphium nostrum Tensta
dium scripsi, nunquam scribo sine mētionē tui, ut ut tu
existimes, ex animo hoc non potes elabi, tantum existi
ma fore te immortalē, ex eo die quo cœpisti amare
Eobanum. Ego multa nunc molior, de quibus iudica
bunt posteri. Bene ualeo, utinam tibi quā reſiſ. me cē
dant omnia. Mi Groninge iterū atq; iterū rogo te ut
scribas ad me, quam ſepiſſime & ne expectes, ſed quæ
ras & rapias occaſionē qualem cunq;. Saluta amab
lē Eccilium & Carionem cum uxore, breuiter noſtros
omnes. Nurmbergæ IIII. Noſ. Sept. M. D. XXVI.

Non potui relegere, ſi quid ommiſſum eſt tu ſupple
to. Tuus Heſſus.

CARISSIMO IOANNI

Groningo amico ſuo S.

PRO literis remitto tibi Vorchemium chariſſ. mi frā
ter, & libellum item mitto, quem his diebus emia
ſi. In quo uidebis me repuerāſcere. Sic enim nunc opus
eſt, ſic me fortuna uolutat. Vinſcire uero quid cauſſe
ſit, cur tibi ſcribam rariuſ? Semper cogito mittere lite
ras aureas, & ſemper incidit quod eam rem procrasti
net,

EPISTOLAE.

net, & ego tamen sum aureus, igitur et breui uos inam-
rabo. Bellissime ludis in imaginem nostram, amabo te
mi Groninge, quando desines tam facetus esse, an tu nō
agnoscēs nostrum supercilium? reliqua agnoscis? quid
igitur? tales eram cū ille Apelles me pingeret, tu adscri-
bito, sic oculos sic ille manus sic ora ferabat, ego dicam
talis eram cum primam aciem Præneste sub ipsa strauī.
Tu uero optime uir literas à me longis longiores expe-
ctas, & ego uix breuibus breuiores expedio, ita nec
mibi nec tibi fiet satis. Saluta cariss. Eccilium, & sic ut
facit iubeto cum musculis ludat, circum labia decurren-
tibus. Tu uero da operam mi Groninge, fac quod facis,
sustine & abstine. Scio tibi mores quorundam homi-
num molestos esse. Sed quid agas? utinam posses mecū
esse. Sed perfer & obdura, post modo melius erit, cui
pio plura tecum, sed nec possum nec licet, Salutat te Io-
achimus qui hæc scribenti adfedit. Vale mi cariss. Ex
Noriciis II II. Id. Septembr. M.D.XXVI.

Tuus Hefsus.

IOANNI GRONINGO ALGE

sino uiro eruditissimo amico ac fratri uni-
ce carissimo suo S.

Rarius ad te scribo fortasse quàm uel postulat uel
permittit amicitiae nostrae consuetudo mi cariss.
Groninge, chiui rei causam tu putabis nullam aliam,
quàm me

quàm raritatem tabellariorum, hinc ad uos commenda-
 tum maxime idoneorum. Sunt enim plerique tales,
 ut his ne dare quidem ullas uelim, uerum ut sit illa
 uulgaris excusatio, firmior est, et esse debet nostra
 amicitia, quam quæ ullis literarum fuleturis aut sus-
 fragijs egeat, sed est tamen nescio quomodo, inter ami-
 cos literarum quadam insanabilis cupiditas, quibus nō
 tam augetur, quā quasi quodam uitali succo alitur nec
 sine illarum uicissitudine crebraq; misitatione possit ul-
 lo modo recte in suo officio consistere, nō magis quàm
 corpus aliquod uiuum si sanguinem detrahas. Itaque
 cum Eobanus Proculus totam pene hanc æstatem mihi
 domesticus frustra hic aliquam conditionem uenatus,
 ad uos redire statuisset, dedi has illi iā abituro, scis enim
 omnia istiusmodi sic solere differre me, ut diutius non
 possim, itaq; nunq̃ fere quiete, et cogitare, semper tumultu
 tuo se scribere. Quorsum igitur hæc? ut uideas quā solli-
 cite tibi purgari cupiā de literarū infrequentia, et ne ex-
 istimes ab officio me discedere, dū rarius scribo. Quid
 uero agis? quo instatu res tuæ sunt, mi frater? Si posses
 aut uelles abesse Erphurdia, quā uellē te huc cōcedere,
 habiturum me qualem tu non dubitas hospitem, atq;
 his meis qualibuscunq; rebus, nō secus ac tuis usurum,
 Quod si uoles ad tempus certum, ut ad anni dimidium
 aut certe menses aliquot, solum inspiciendæ huius urbis
 gratia uertere, potes audacter ad me diuerſi. Utinamq;
 non ad hæc rideas, sed tam uelis, quàm ego toto animo
 cupio.

EPISTOLAE.

capio. Iam quod ad res nostras attinet, scriptum ad me
 est domum nostram esse diuenditam, debeo, ut scis, Mel
 chiori Lottero bibliopola Lipsensi, & id primum dis
 solui debitum uolo, de reliquo iussi, ut ex Proco intelli
 ges, cōmunitati de me optimæ meritæ publice, tibiq; ac
 ceteris quibusdam priuatim satisfieri, quod ita futurum
 spero, sin minus, tamen facultati fiet satis meo nomine,
 idq; ego curabo ut fiat per D. Georgium Tenstedt, cu
 ius, ut scis, filium mecum habeo, sed nondum tamen tan
 tundem debet, breui debiturus quantum satis est ad fi
 dem meam liberandam. Quod rogo ut D. Melosingo,
 item Huxariensi, & reliquis amicis, qui pro me spon
 ponderunt dicas, quibus tamē nactus occasionem aliam
 breui scribam, Eadem omnia quæ tibi scribo nostro Ec
 cilio scripta sunt, cum enim nihil sitis seiuncti animis,
 cur literis uos sciungā ego? Quod ad me mearumq; re
 rum statum attinet, rectissime ualeo, & amicis utor sa
 tis quidem commodis, & magnis, sed infrequentioribus.
 Itaq; ad uos, te dico & Ecciliam sæpe respicio,
 quos si mecum habecā, beatus fœlixq; sim. Stipendio se
 natus huius urbis liberali utor, ut scis, Quid igitur non
 mittis (inquis) inde unde nobis satisfacias? dicam uno
 uerbo, uerum est quod Melosingus mihi iam abituro
 dicebat, adeo multa sunt hoc primo anno mihi in usum
 domesticum coemenda partim earum rerum, quarum
 permultas Erphurdia demigrans uēdidi, partim earum
 quas & hæc requirit conditionis mutatio, & huius po
 puli

populi consuetudo, ut taceam sumptus quotidianae meae
 se, qua quali utar malo tibi Proculus exponat, quam
 me intelligas. Verum commodior multo erit haec fortuna,
 na, ubi hanc hyemem euicero. Magno stetit illa demia
 gratio mihi qua res meas uxoremq; & liberos huc con
 tuli, & eas pecuniae partem adhuc uobis debeo, haes
 tus etiam alijs debui, debeoq; etiam nunc. Quam pecu
 niam hic accipio, eam, ut nuper uidit Proculus, acceptam
 statim eicio, partim in macellum, partim in pistrinum,
 partim in tabernam uinariam, nam omnia mihi concre
 duntur liberalissime, quam fide, danda est omnino ope
 ra ne amittam. Ad futuram aetatem locum habitatio
 nis mutabo, et domum condueam cum tribus conclaui
 bus, multo studijs & rebus meis futuram commodio
 rem. Nam ea in qua nunc sum non nisi unum habet
 conclaue, & mihi futuri sunt domestici plures ingenui
 adolescentes. Nam haecenus ab illis, qui filios suos huc
 missuri erant cessatum est, propter multas causas, maxime
 meam, quia timebant homines huic urbi nescio quas
 ob res imminuere diras, bella, fulmina, cum tamen ipsa
 haud quaquam quenquam lacescat. O Groninge poten
 tem & abundantem populum. Sed nulla est hic sine di
 uitijs uita. Urbis situs, pulchritudo, amoenitas, splen
 dor, humanitas demum, omnia sic perplacuerunt, ut nuper
 Euxinopolim scripserim, quod uidebis aetate futura, si ui
 uam, una cum Idylijs nostris, quae hic exprimentur, uti
 nam uel paucos dies queas esse mecum, Nam admo

1273 EPISTOLAE

dum metuo ne non possis, ne item non uelis Erphurdiam, id est, confusionem istam relinquere. Mitto libellum tibi, nuper hic editum de ratione scholæ, ut uideas & hic obrectatorem me inuenisse, nec immerito fortasse, qui sic incautus fuerim, in re tam facili quam quæ mihi sit omnium longe facilima. Verum ut uides, satis ferociter, repressi calumniatorem. Sed hæc satis. Mihi uero, ut hoc quoque scribam, mi carissime frater, conuiendum hic ad multa est, ad quæ alias etsi liber sum, nolim. Opinor intelligere te quid dicam. Sed tamē si quicquid mihi credis, malis huius populi mores et studia quæ miserrimæ Erphurdie imitari. Hic enim summa concordia firmat, apud uos discordia destruit omnia. Sed & hæc hæc hactenus. Ego constitui sicut antea quoque tibi scripsi, uenire ad uos ad Cal. Aprilis proxime futuras. Saluta unice familiariter optimum Eccilium, illique dicto mures circum ora nostra repentes indies magis ac magis luxuriare, & quærere tam bellum collusorem ac conrectatorem. Saluta Nicolaum fratrem Germanum tuum et D. Andream meo nomine reuerenter, & admone simul, imò manda ne à Regno deficiant. Longius euexit me memoria dulcissimarum nostrarum consuetudinum. Ita que ne iocis quidem ut uides abstinere possum. Saluta D. Melosium, & Famelium, & Huxariensem, & uale feliciss. Ex urbe Norica Id. Nou. M. D. XXVI.

Commendo uobis Procum dignum nostra amicitia. & hoc ut facerem ipse rogabat, cupiens uti consuetudine

ding

EOBANI HESSI.

dine nostra, fieriq; familiarior, quos audiebat tollere
à me predicari. Rescribe diligenter ad me de rebus tuis
omnibus. Itē de statu scholæ uestræ, nunquid sit aliqua
spes instaurandi. Expectabo uerbosiores etiam hæc ep
pistola abs te. Iterum uale uiuēq; ac salue milies mi car
riß. Groninge, teq; scito sic amari à me ut neminem ma
gis. Iamq; circumspicere me quo argumento te immora
talitati tradam. Sed uale.

Non relegi, itaq; si qua desunt parum refert.

Tuius Eob. Hessus.

D. IOANNI ALGESHEMIO GRO
ningo uiro erudito amico cariß. suo S.

Ego uero tardius ad te scribo mi chariß. Grōninge
quàm uel tu uolebas, uel officium tam sanctæ nō
stræ amicitie postulabat, fateor, sed quæso te ut ne ex
officiorum tarditate amicitie nostræ modum metiaris,
quæ firmitior est, quàm quæ ullis negligētijs, infringi,
maior quàm quæ ullis officijs possit augeri. Sed
hæc iamdudum uulgata inter nos. Quid uero si ego
quoq; dicā te rarius quàm oportebat scribere. Non su
stinebis opinor in hoc ius uocari te, quo si me accuses,
non minus ipse reus sis, & pariter cum accusato periculi
teris. Sed iterum dico istorum satis, & non eget istius
modi lenocinijs in perpetuū confirmata amicitia. Quid
agis igitur mi frater? ut sese res tue habent? bona

Q u i fide

EPISTOLAE

fide, crede mihi nunquam non de te cogito, & anxius
 uotis opto dari aliquam occasionem mihi qua animum
 meum erga te non uerbis aut epistolis (quod antiquum
 iam & uetus est) Sed exemplo aliquo insigni queam
 ostendere. Es enim omnium mortalium mihi merito
 longe cariss. qua de re si dubitare te ullo pacto crede-
 rem, deplorarem infelicitatem meam, qui tam aperti pe-
 ctoris fidem tibi nullam facerem. Sed sic est qui amant
 ipsi sibi somnia fingunt, et si enim scio amari me quoq;
 abs te, non possum tamen non esse sollicitus, ne aliqua
 te ratio auertat. Mi Groninge, fac quod facis, & ferto
 patienter tumultus horum temporum, In quibus bono
 uiro multa dissimulare opus est, multa etiā ferre, quae
 si nulla cogat necessitas, quis ferat? Ergo te uelim quā
 maxime queas habere rationem & temporum & ho-
 minum, sicq; cogitare, dum ut uelis non possis uiuere,
 ut possis uelis. Quid de me existimas mi Groninge? ni-
 hil dico, Recordare sermonum & confabulationum
 strarum, & ex illis me depinge tibi magis uera ima-
 gine q̄ sit ea, quam & misi olim & nunc mitto. Sed co-
 piose ut in amicos distribuas. Spero autem breui me-
 liorem me ipsum tibi mittam, Urbis quoq; Norice
 ἐγκαίνιον, si dijs placet, hic edidi, quod & ipsum mi-
 si. Sed quid tu cogita, quanto me donarint prämio ob
 hoc scriptum, magno sane. Nam ego laudari magni
 muneris loco duco. Non erit tamen hoc exemplum, con-
 temptorum studiorum in ea urbe in qua potissimum

υκνε

EOBANI HESSI.

nunc & uere honorata sunt. Et si scripsit olim Eras-
mus noster, Laudare norunt nostri principes, numerare
noi norunt. Sed mihi nuper, uelut, ex postulanti Mara-
tialis dixit: Quæ nondum data sunt stulte negata pu-
tas? Verum de hoc satis. Ego Dei benignitate nuper
auctus sum filiolo, qui quod ipso Resurrectionis Domi-
nicæ die natus esset, nomen Anastasij inuenit. Cetera
hec ualeo & uiuo, non admodum ut fortasse uos crea-
dis luxuriose. Vix enim pro tanta familia alenda, &
hec statu apud hos homines conseruando satis est hoc
si amplum stipendium, nihil superfluit, nisi quod in-
estimenta, sed non nisi necessaria, & libros expendia-
ur. Utinam tuæ res patiantur te aliquando me inuisce-
re. Abiturus à uobis nuper Melchiori Saxæ dixi pecu-
niam tibi pro me expensam reddere meo nomine, quod
i nondū fecit, admone meo nomine. De accepta ex di-
scidita Regia pecunia, tibi & alijs (qua de re ualde sol-
licitus sum) satisfaciat quamprimum potest. Saluta cha-
rissimum Eccilium, Megabachum, Vorchemiū. Maxi-
neq; tuos collegas in senatu literario. D. Iacobum
Hornensem, D. Ludouicum Melosingum, M. Ioannem
Femulium aliosq; & uale foelicißime mi chariß. Cura-
sim. Hæc scribebam sub auroræ ortum, mane hora
quinta, cum sexta docendum in scola esset mihi. Idia-
bus Iunij. M. D. XXVII.

Tuus Eob. Hessus.

Q. iiij M. Io.

EPISTOLAE

M. IOANNI GRONINGO

uiro ornatissimo amico unice ca-
rissimo suo S.

FAcile credo, uel iniurato tibi mi cariss. Groninge quantum et me ames, & meis literis delecteris, & uicissim id paciscor, uti et tu mihi credas non iuanti amari te à nobis quantum alium neminem. Itaq; ubi ueniam temeritati an amoris meo dicam nescio, qui ex media negotiorum quibus distringeris turba te excem, sicut nuper feci, quibusdam in literis. Dabitur fortasse breui aliqua nobis occasio congregiendi tecum & suauiss. Eccilio, & nostra illa dulcissima consuetudine ad tempus perbreue fruendi. Quod scribis studia istae bona nō modo non renasci, sed mori etiā indies magis magisq; dolens gemensq; audio, quanquā nec illa elades uestra propria est, uel nobis habet quicquam auditu nouum. Itaq; ferendum æquo animo est, quod mutari non potest, donec ipsa quae nunc saeuunt fata fiant mitiora. Sape tibi dixi & credo meminisse te, periclitari posse bonas literas, perire omnino & intermori non posse. Taceāt quantumuis grauitè, facillime resurgent ubi desauerit parumper hæc maligna Nemesis, quae nullis magis est quam bonis iniqua, in nullos quam in malos pacatior placatiorq;. Eobano Proco negotium dedi, curaret, ut quod istic & publice & priuatim de heo exolueretur, posteaquam casula sit diuendi-

EOBANI HESSI.

ta, quod ipsum, id est, uenditionem, aiunt quidam Cononem consecisse, alij Melchiarum Saxam, utut se illa res habet, uelim & tu cures, uel apud Cononem, uel Melchiarum, uti satisfaciat uobis omnibus qui pro me fidem uestram interposuistis. Miror uero uehementer super ea re nihil mihi à quouis scribi. Ioachinus hinc nuper cum Comite Mansfeldino abiit profecturus in Hispanias, scholæ nostræ maxima pars in me incumbit, sed aucto etiam stipendio dum ille abest, dubitatur quando rediturus sit, equidem mihi abesse minime omnium licebit quamdiu ille aberit. Constituo quidem ego Erphurdiam, sed nisi ille redierit, uenire non licebit, id uero futurum speramus statim à Paschate. De Femelio miror quòd Hebraeus esse coeperit, & nuper aiunt sacris quoque iniciatum. Inquietum hominem, & nunquam cessantem, eum salutes officiose meo nomine & Melosingum, & rescribe, quid de pecunia uobis meo nomine restituenda, uel expeditum sit uel expediri posse credas. Item, si quid librorum (quorum hic magna copia est) tibi mitti uoles significato. Saluta omnes nostros Nicolaum fratrem & Andream. Item Megabacchum & Vorhemium, non possum simul omnibus, scribam tamen singulis alias. Vale Nuringe. XIII. Calend. Ianuarij M. D. XXVII.

Tuus Eob. Hessus.

Q. iij. Erud.

EPISTOLAE

ERVDITISSIMO AC HVMANIS-
simo uiro M. Ioanni Groningo amico prorsus incomparabili suo S.

Quid uero mi Groninge, quid rerum agis? uiuisne ut solebas uere hilariter & libere, an uiuendo nunc moreris? sic enim suspicari me cogit, illud tuum plusquam diuturnum silentium. An uero oblitus tui Eobani es, quē tantum nuper amabas, quemq; tanti faciebas, ut nullum amicorum praeferres, ut etiam cumulares magnis (ut tum res erant) beneficijs? an obliuisci me putas posse illius nostrae iucundissimae consuetudinis? amicitiae fidelissimae ab utroq; cultae? morum ac studiorum omni ratione consentientium ac similium? Non ita me Christus seruet mi cariss. Groninge tui obliuisci queam, si in ultimas terrarum parietes deferar, qui nunc ne extra Germaniā quidem sum, & in eadem ferē gente tecum habito. Itaq; quamuis omnino nihil amicitiae nostrae auspiciatissimis inijs ceptae decedere ex quantumuis longo silentio certo sciam, tamen existimo nequaquam committendum, ut uel suspensiones inter nos oboriantur ex odioso, & nos minime decenti silentio, quorum ut est, ex literarum commertio nata amicitia, sic etiam illis ipsis quibus prodijt exordijs est conseruenda. Vt enim cibo corpus, ita literis animi amicorum in his uersantium pascuntur. Viades itaq; leniter uellicari te ut ad officium redeas, quod

inter-

ROBANI HESSI.

intermissum abs te esse nemo mihi sane persuaserit, tantum interpolatum temporum, uel hominum incuria possum suspicari, ac etiam pro meo in te amore non ferre moleste. Superest nunc Groninge noster, Groninge mi, ut te mihi per literas expurges, hoc est, tuo regi satisfacias, quoquo modo queas, etsi possis etiam hanc intermissi officij culpam in me ipsum retorqueas, qui si tu accuses, non diffitebor et me in parte criminis huius esse, & iure à te reum agi, tantum abest ut causa uideri uelim superior. Futurum sperabam ut te aliquando huc elicere, & in hoc celeberrimum Germaniae theatrum uelut ad spectaculum pertraherem, quod quoniam fieri posse despero, constituo ego uos ad futuras uestras nudinas inuisere, tum enim commode uideor posse multis ex hoc Emporio in istam ciuitatem eo tempore mercimoniorum gratia commigrantibus. Itaque nisi intra illud tempus quam creberrimas à te accepero epistolas, ubi uenero prehendi te per uiatorem, & in uincula duci iubebo, non enim sum oblitus regem esse me, cui in omnes tam opulento regno subiectos seuire etiam cum libeat liceat. Quam tu seuitiam regiam pro tua singulari prudentia sapienter euitabis, & scribendis tantum literis clementiam potius natura huic regi insitam, quam crudelitatem non nisi magnis ob causis obortem experieris. Bene ac foeliciter uale mi cariss. Groninge, & saluta meis uerbis honorificentissime opt. ac eruditissimū uirum M. Ioannē Ecciliū ουμφρόδμου.

EPISTOLAE. OI

tuum & congerionem suauissimum. Deinde item Me-
gabacchum, & Vorhemium, quos eorum etiam qua-
ad te, nunc scripsi ad monebis, et ut meminerint longas
Regibus esse manus, ne absentiae nostrae fiducia tantum
nihil scribendo peccent. In tempore enim adero & poe-
nas exigam. Saluta item M. Nicolaum fratrem germa-
num tuum, & Andream Nutthenum viros ex ipsis gra-
tissimos. Item totam domum collegij Saxonum, nomi-
natim uero M. Piscatorem Decanum, M. Bertholdum,
M. Iacobum, M. Henricum συμπτώτας olim nostros iu-
cundissimos. Saluta etiam reuerenter meo nomine. D. Ludo-
uicum, Placentam Melosium Theologum uirum &
eruditione, & humanitate rarum, & iterum tu Vale,
meque quod facis ama. Nurembergae V l. Idus Februa-
rias. M. D. XXVIII.

Tuus Eob. Hessus.

Nihil ad te libellorum mittere potui, quod ad manus
nihil erat, omnia enim à Bibliopolis distracta
sunt, τὰ ἐξ ὧν nostra accipies à nundinis Franco-
phurdianis proximis. Ego Theocriti Graeca ad xx.
ferme uerti Latinis uersibus, tantum audacia accreuit,
Latinis Musis, ut in ista externa egredi nunc audeant. Id
autem quicquid profectum in Graecarum literarum à me
studio et si Ioachimo debemus, quem hoc fere biennio ur-
gere non cesso, & uideor sane nonnihil fructus repor-
tasse ex sero quidem, sed non desperato studio. Tum
exibunt

IOHANNI HESSI.

exhibunt breui nostræ in Virgilij Bucolica & Georgica adnotationes, quæ quoniã hic excudentur, ad te mittimus. Te rogo ut diligenter de rebus tuis, & scholæ nostræ statu ac spe. Item de fortuna urbis ad me perscribas. Vale fœlicissime, Salutat te Regina nostra reuerenter.

ERUDITISSIMO VIRO D. IO:
anni Groningo amico carissimo
suo S.

Salue mi carissime Groninge. Quamdiu uero nihil inter nos literarum? quam diuturnum erit hoc silentium amicitiae nostræ minime conueniens? Forte quia utrinque nobis desunt tabellarij, mallem equidem eam quam ullam aliam subesse causam, uerum cum sit istiusmodi amicitiae nostræ fides, ut nullis uel leuium officiorum intermissionibus uel temporum interuallis labefactari possit, missas faciemus mutuas istas expositas latuunculas, & quotiescunque alterutri erit commodum hanc salutando per epistolas consuetudinem non sinemus inter nos intermori aut aboleri. Nunc te rogo mi Groninge quam primum queas mihi significes quo in statu tuæ, deinde scholæ uestræ res sint. Tenestas dius Georgius ad me scribit cupere scire se ecquid si Schola ista restituatur, sim passurus agi mecum.

EPISTOLAE

ut retrahar Erphurdiam? Ad hanc uocem, si te recte
noui, gaudio totus exilies, uideor enim uidere iam mihi
quam hic gestias, quam cursites ad Eccilium nostrum
atq; illi hoc statim in sinu effundas, ac uelut ἐὸς δ' αὖ εἰς
καὶς ipsum quoq; exilares, scio enim quam sitis uter-
que mei cupidissimi. Cupis ne igitur scire quid respon-
derem. Respondi ambigue quidem, non tamen omnino
ἀμφίπολογικῶς, sic ut incertum esse non possit quid
facturus sim, si uobis fortuna non fuerit perpetuo ira-
ta. Reliqua potes commode si uoles ex ipso sciscitari.
Sed horum nunc satis. Credo adnotationes meas in Vir-
gilium ad uos peruenisse, nam hic à Bibliopolis omnia
bus uenduntur, paucissima Secerius ad me misit exem-
plaria, quæ hic amicis distribui, misissem tamen ad uos
quoq;, nisi & crederem iam habere et nuncium graua-
re non libuisset; alioqui grauatum satis. Itaq; mitto
(quod ipsum tamen antea quoq; misisse me existimo)
poema de moribus & tumultibus horum temporum.
Quod si per omnia non satisfacit uobis, & in quibus-
dam locis displicebit, crede mi Groninge cum ueritati
tum nonnihil etiam (quid enim apud te dissimulem) his-
ce cum quibus nunc uiuo hominibus me tribuisse. De
quo, quid sentias oro te ut rescribas quam primum
queas. Distribues autem secundum titulos quibus inscri-
psi. Nouarum rerum apud nos adeo plena sunt omnia,
ut satius sit ea tacere, quàm scribere. Bene uale mi carissi-
me frater Groninge, sabbato Cantate M.D. XXIX.
Salutat.

IOHANNI HESSI.

Salutate Regina cum suo nuper nato Heliodoro.
Tuus Hessus.

OPTIMO ET ERUDITISSIMO

uiro Ioanni Groningo amico ac fratri
carissimo suo S.

Nuncium nostri Eccilij mi cariss. Groninge, modis
omnibus, ut debui, & accepi & adiuui in ea cau-
sa quam tu mihi studiose commendaras. Nam & ego
ipse reddidi literas ad senatum nostrum scriptas à uo-
stris, & curauì diligentiss. me, ut si qua fieri potuisset,
non sine respõso nuncius ad uos reuerteretur. Sed cum
res ut egere uidebatur, procrastinaretur, ego ne per il-
los quidẽ qui maxime possent perficere, potui ut nego-
tium Eccilij conficeretur toto triduo, quo nihil aliud
quam hoc agebam, & uidetur adhuc uix octiduo inte-
gro posse absolui. Itaq; nuncium dimisi, arbitratus nõ
esse necesse, eum diutius detineri, maxime cum causa
non expediretur, de qua tamen nostrum Eccilium quã
optime sperare iubebis, non enim erit hoc negotium in-
fectum per hunc equissimum & prudentissimum sena-
tum. Verum ut uides quia dilationem patitur, ego pro-
ximo nuncio fideli & Idoneo curabo, ut quod cupitis
ad uos perueniat, nam tales nuncios hic quotidie fere ha-
bemus, qui sine uestris impẽsis isthac ad uos perferunt.
Nuncium apud me detinui quibus potui officijs prosc-
quutus,

EPISTOLAE

quutus, nam me sciente nihil prorsus Eccilio impensarum fecit, ad triduum mecum moratus est, quarto die dimissus, si quid insumpsisse se dicet non credetis. Sunt enim hoc genus hominum satis fallaces. Eccilij causam ualde diligenter curabo, imò iam sic curata est, ut credam perfectam, modo dilationem istam feramus aequo animo, cui mederi ego non potui. Intra octiduum uel decem dies spero me ad uos missurum quod uultis ab hoc Scuatu. Mi Groninge ualebis quam optime, & salutabis amicos communes meo nomine. In primis Eccilium & nostrum charissimum Petreum, de quo uelim scire quam maxime qui ualeat, nam hic nuncius dicebat nescire quidem se, sed tamen suspicari non omnia recte apud eum agi. Itaque rogo te, ut mihi significes quomodo ualeat amicus carissimus. Nobiscum omnia salua, tuta & firma sunt, atq; adeo ne Turcam quidem metuimus. Ad astatem ad uos ueniam, si uis uam. Vale in Christo. Prima Ianuarij. M.D XXXI.
Eobanus Hessus.

D. IOANNI GRONINGO

uiri optimo ac amico perpetuo

suo S.

Iamdudum tibi de Eccilij nostri negotio significasse me carissime Groninge, nisi tabellarij nulli fuissent. Ego quicquid potui diligentie in expedienda illa re feci

EOBANI HESSI.

fecit et adhibuit, & ipsos etiam primores Senatus adi-
petens enixe, ut negotiū hoc conficerent. Verum illi to-
to senatu super ea re deliberantes respōderunt tandem,
non posse se quod peteretur in præsentia facere. Non im-
pedire se uero quo minus huic uel illi concedatur quicquid
uisum sit alijs. Habes mi Groninge totam rem. Ves-
trum mi necrit Eccilio per uos consulere. Quid uero
tu tam anxie petis, ut si quid exponendum sit, ego exa-
ponam? mi Groninge, ac si de fide mea dubitare nunc
incipias. hoc habeto tanquam oraculum, si decem aurei
tuo & Eccilij nomine fuissent expendendi, eos ego
alicunde sumtos mutuo libentissime expendissem, nunc
hoc dolebat expendi pro uobis nihil posse. Eram cum
hæc scriberem grauiſſimo capitis fluxu adeo consterna-
tus, ut uix literas agnoscerem. Nam hic regnat ea pes-
stis nunc post uobis quæ mihi nunquam fuit infe-
stior. Hoc dolet Petreum laborare aduersa ualitudine
& tu non significasti qua, incommode sane, cum ego
scire cuperem quo nam afficeretur morbo. Miserum
me qui illi nec adesse nec mederi possum, cum in eo si
quid (quod Christus prohibeat) aduersi acciderit, dimi-
dium mei periclitetur, sicut & in te. Spero ad æstatem
proximam me uos uisurum. Vale & Eccilium bono
animo esse iubeto. Norimberge, Die Chrysostomi

M. D. XXXI.

Tuus Hessus

Optimo

EPISTOLAE

OPTIMO ET ERUDITISSIMO

uiro Ioanni Groningo fratri carissimo S.

TV uero mi cariss. Groninge etiam si dijs placet
 uereri audes ne tui obliuiscatur Eobanus? in qua
 tamen re, quoniam te ipsum uelut excusas, do ueniam ti
 bi, qui intelligas probe nostram amicitiam talibus iacta
 & constitutam fundamentis, ut nulla possit iniuria labe
 factari. Itaq; sic habeto mi Groninge Eobanum non
 tantum hoc seculo futurum tuum, quum te ex animo et
 uere diligam ut neminem alium. Othoni Begmanno res
 spondi libere, & ut sentio regie, quod tu quoq; ubi le
 ges, intelliges me scripsisse serio, nec posse sentire uel
 scribere aliter. Mi Groninge quam ubi libenter uocanti
 obsequerer, si ulla ratione possem, & si uos ullam ratio
 nem me dignam proponeretis. Sed uideo satis ex uestra
 pusilanimitate rem istam, quam fortasse uos priuatim
 meditamini perfici non posse, nam crede mihi maioria
 bus opus est, & animis & stipendijs, sexaginta florea
 ni istas ruinas non subleuabunt, date centum, ac tum cir
 cumspecte ubi sint qui uel accipiant, uel acceptis satis
 faciant. Sic ridicule senper egerunt nostri Ephurdiens
 ses. Cur non retinuerunt quod absq; negotio potuerunt
 retinere? Cur nunc quod temere est amissum sic ridicu
 le & quasi per iocum instaurare conantur? Vereor, ue
 reor mi Groninge atq; iterum, atq; iterum uereor, ne
 uobis in ista parte iam consuli non possit, qui quod ha
 buistis

habuistis uestra maxime culpa de manibus emisistis.
 Nō tam facile hijs temporibus scholæ eriguntur, quā
 paulo ante sc̄uientibus literarum hostibus sunt deie-
 ctæ. Deinde uide mi Groninge, quanta sit stultitia uel
 le nunc Eobanum emere LX. florenis quem retinere li-
 cuerat uel paucioribus, non quia tantum ego ualeam,
 sed quia nunc uideam ad eam uos dementiam peruenisse,
 ut putetis persuaderi mihi posse, ut relicta honestissi-
 ma conditione, rursus me istis angustijs inferam, è qui-
 bus Dei beneuolentia euasi semel. Cuperem tamen ut
 me seruet Christus optimo uiro Othoni ac tibi, si ut dē-
 xi, ulla ratione possem, obsequi, sed quid me impediat,
 uides. Multa sunt præterea in ista uestra uocatione sic
 frigida, ut etiam uolentem absterreere possent. Videli-
 cet, quis uocat me? Otho? Groningus? penes hos scilicet
 summum ius istius ciuitatis, atq; istius scholæ erigendæ
 est? hoc ut sit, quis Eobano sponsor erit meliorem fore
 istam conditionem quā sit hæc præsens? non muto cer-
 ta incertis, non bona deterioribus. Sic huic ciuitati nunc
 insertus sum, ut non facile queam dimitti, quanquam cō-
 gi & nolim & nequeam. Si saltem data fuisset uobis eā
 mens ut uocaretis conditione tolerabili, nam istā quam
 uos offertis, ne discipulus quidem aliquis meus hoc tem-
 pore acceperit. Scio uos facile inuenturos, qui uel minus
 accipiant, sed qui satisfacere isti uestro proposito pos-
 sint uel nullos uel paucos. Itaq; credo futurum tandem
 ut sentiat, quid in Eobano amiseritis. Huic ciuitati

EPISTOLÆ

iam prodesse incipio, ut modeste loquar, uestra profuit
 (ut arroganter hoc dicā) multis annis, & cū prodesse
 max. possem, tunc ferre me non potuistis. Itaq; meo ma-
 ximo commodo, & rerum & studiorum factum est,
 ut uos mei poenitere incœperit, tum cum uobis maxime
 usui esse debueram. Sic ad te scribo mi Groninge, mi
 frater carissime, tanquam cum ciuitate agam, & quasi
 te ciuitatis personam sustinentem fingo. Sed quid non li-
 ceat apud Groningum Eobano? nisi mihi carissimus es-
 ses, non sic omnia mea consilia tibi detegerem. Verum
 ut eo redeam unde sum paulo ante digressus, nulli hæc
 quæ nunc ad te scribo communicabis nisi amicis. no-
 stris. Non enim dubito quin (ut tu quoq; scribis) plus
 res sint in ista ciuitate mei amantiſſimi. istis omnibus di-
 ces posse quidem fieri ut redeat Erphurdiam Eoba-
 nus, uerum isto modo atq; ista conditione nec posse il-
 lum nec uelle nec etiam debere. Tu si quid aliud est
 quod significandum mihi putes, ea rescribes. Idem
 dices Othoni, & ijs in quorum gratiam nihil non
 sum factururus quod possum. Sed heus tu iam uenit
 in mentem mihi, si quoq; uobis possit in animum de-
 scendere, ut serio rem ageretur, non grauarer autumno
 proximo uenire ad uos, uestris tamen impensis, Si cer-
 to aliquo modo mecum agere fortasse uolueritis. En-
 latam uobis benignam satis meo iudicio conditionem.
 Sed hæc in aurem tibi communicabis tantum cum O-
 thone uiro optimo, & meo amantiſſimo. Saluta
 cariſſi

carissimum Ioannem Eccilium, cui beneficium gratulor
 ab alijs denegatum, ab alijs concessum. Credo te uidisse
 se Theocritum à me latinitate donatum. Iam Home-
 ri bonam partem conuerti Latinis uersibus, atque in eo
 nunc sum, ut praeclaro opere hanc ciuitatem illustrio-
 rem faciam. Vale mi carissime Groninge, & persuade
 tibi non esse alium te mihi cariozem. Salutat te Regina
 mea. Scripsi festinanter Nuringbergæ VII. Id. Au-
 gusti M. D. XXXI.

Tuus Eob. Hessus

PRAESTANTI ERVDITIONE

& humanitate præd. to M. Ioanni Gro-
 ningo fratri carissimo suo S.

EX tuis literis proxime ad me datis intellexi car-
 issime mi Groninge quotidie quæreere uestros si-
 cut tu uocas Philosophos de meo ad uos aduentu, at-
 que certos potius esse uelle quàm sic pendere animis.
 Ego mi Groninge sicut tibi Ratisspona abeūti receperā
 facturū, iam dudū uenissē, nisi fuissē occupatissimus
 in hoc etiā principū Noribergæ cōuentu propter meos
 Hessos potissimū, qui et ipsi mecum egerūt eadē de re,
 qua & tu mecum agis, proposita conditione honestis.
 hoc est, tanta quanta hic nunc mereo, sed ego nihil con-
 dixi, & malletm omnino si qua fieri queat Erphura-
 diam, quàm in meam redire patriā. Miror autem uehe-

R ij mem

EPISTOLAE

menter si senatus cupit instauratam scholam istam, ne
 illum quicquā scribere nec de eo uel à uobis ullū fieri
 uerbum. An scilicet existimatis me inuito Senatu redire
 re uel posse uel debere Erphurdiam? an uos soli hoc
 ageris quod ad clarissimum ordinem inprimis pertine-
 bat? Itaq; factu optimum censeo ut ab hijs qui nunc gu-
 bernandæ apud uos Reip. præfecti sunt, quorum uter-
 que mihi amicissimus est, alter inprimis, quoquo modo
 sciscitemini uelint iubeant me redire. De conditione con-
 stituendâ iam uiderimus, cum ipse uenero, mea enim pa-
 rum refert siue cōuenerit, siue parum conuenerit, quan-
 do mihi certa cum incertis, mutare non est animus.
 Quod si Senatus hac in re uoluntatem significaueris-
 tis, continuo uobis adero. Quod scribis alios quoq; do-
 ctos esse, qui istam prouinciâ ambient, cum uoluptate
 accipio etiam in hac deploratione temporum aliquid
 doctorum superesse, & nihil impedio quo minus non
 solum ambient, sed etiam assequantur. Utinamq; mea
 ad id quod agitis opera nō indigeretis. Habes quod cer-
 ti collegio Senatus Philosophici uiris mihi amicissimis
 ac carissimis renunciare possis. Verum ut hoc quoq;
 cuius me uelut mēdacij arguis tibi excusem? Scito à tuo
 habitu Ratisponæ quattuor me hebdomadis substituisse,
 retinente et neſtente semper morarum causas. D. Dan-
 tisco, scis qualī uiro, à quo cum tandem ui me auulsiſ-
 sem, excepit me Noribergæ, alter conuentus principū,
 quorum aulici, ac familiares adeo me distrahebant, ut
 usq;

usq; ad ipsorum abitum nunquā meus esse potuerim. Nunc mihi redditus, uere or, ne si uenero inuitis quibuf-
dam uenero, de uestro imò de nostro ordine nō loquor,
tu quos designē intelligere potes. In summa, si uno uer-
bulo aliquos ē senatu uelle mihi rescripseritis, continuo
sicut dixi adero. De Turca quod quæris, certa hæc ha-
bemus, quòd adhuc maneat ad traiectum Danubij h. e.
ad Albam Græcam plus centum millibus à Vienna dis-
tante neq; uidetur temere inde moturus. Caesar maxie-
mo exercitu contra illum profecturus eſt cum fratre
Ferdinando. Iam undiq; confluunt auxilia, omnia ara-
mis perſtrepunt. Noriberga nostra cotidie armatis ple-
na eſt, aiunt conuenturam exercitum centum milium.
Si Turca Viennam non uenerit oppugnatum, noſtri il-
lum oppugnaturi ſunt, & fortunam certaminis tentatu-
ri, ubicunq; ſors tulerit. Nunquam dicunt noſtros fuiſſe
in Turcā, uel paratiores, uel animoſiores. Hæc ita nunc
ſiunt poſtquam hic Noribergæ de pace inter Ceſarem
& ſtatus Imperij conuenit, ex eo enim tota res pende-
bat: quæ omnia, quia per Dei benignitatem optatum ſe-
nem ſortita ſunt, bona ſpes eſt in omnium animis fore,
ut tota Vngaria immaniſſimus hoſtis pellatur. Præter
hæc Transyluani auxiliantibus finitimis xxx. millia
Turcarum, qui cum comite Cepuſienſi quem Vidam
uocant militarunt, armis fortiter aggreſſi ſuderunt, dele-
uerunt, ac armis proruſus exuerunt. Hæc nobis certa
& per noſtros Veredarios comperta ſunt. Faxit Deus

E O B A N I H E S S I.

ut hoc tam felix tamq; faustum præludium lætior etiā
 victoria consequatur. Habes de Turæa. Reliqua item si
 quæ se offerrent habiturus uel ex literis uel ex meipso
 coram relaturo. Saluta totum collegium facultatis ue-
 stræ, cui tā absens quàm præsens perpetua fide obliga-
 tus et esse debeo, & esse uolo. Saluta Cariss. Eccilium.
 Saluta D. Andream huius Baiuli fratrem. Saluta M.
 Nicolaum fratrem tuum. Saluta bonos omnes meo no-
 mine, & uale feliciter mi suauiss. Groninge. Valde cele-
 riter scripsi Norimbergæ prima Augusti. M. D.
 XXXII. Tuus Eob. Hessus.

HUMANISSIMO VIRO D. IO-
 anni Groningo Magistro & Canonico
 Erphurdienſi &c. amico &
 fratri cariss. suo S.

Quid agis o carū caput anime mi, nūmne aliqua
 do conceptam de me suspicionem depones? nam
 ita suspicaris, satis nouite. Ecce poëta ille ual-
 de poëtice, h. e. mala ac mendaci fide nobiscū agit, deci-
 pit nos, fallit, mentitur, facile facit, quod semper facit.
 Quin tu desinis ista cogitare, dū uides & honestis me
 excusari rationibus, et constanter stare promissis, adeo
 etiam ut principes uestri respectu contemnam, sicut ad
 Eobanum Draconem scripsi, à quo tu requires eam fa-
 bulā, quam ob hoc nou est opus ut iterum hic recenseā.
 Vides

EPISTOLAE

Vides te inique de me suspicatum esse? an quid desideras amplius? Quin potius tu omisis tandem suspicionibus curabis una cum alijs dominis et amicis nostris, ut et hinc expediar et de domo habitanda mihi prouideatur. Si uos mihi non defueritis, imò si scolam uestram uere amabitis ante Pascha uobiscum ero. Nam hinc possum, Mutis debitis quodcumque uoluerim demigrare, hoc quando fieri uelitis in uestra potestate situm est. Qui sunt nunc istic in senatu principes, admodum uereor ne istius ordinis consilia nuper calida nunc frigere incipiant. Vos utemini uobis et nobis omnibus beneuoli. Rogo uero, ut quod facere destinatis quam primum faciatis, tempus enim appetit, quod fere nullam ferre possit dilationem. Si quem ad me missuri estis, mittite Stephanum Spalatinum quem uobis fidelem esse existimo. Vale mi Groninge, et me sicut facis ama. Saluta amicos communes omnes, D. Vdalrichum, et D. Leonhardum uicinos tuos. Iterum uale. Salutat te Regina ualde regie. Noribergae postridie Natalis Christi, hoc est, die Stephani M. D. XXXII. T. Eob. Hessus.

ERUDITISSIMO VIRO D. IOANNI Groningo Decano fac. art. Erphurd. amico non secus ac fratri carissimo suo S.

EGO uero ignorabam te Decanum esse mi Groninge. Ideoque scribebam ad Eobanum et Melosingum, et

R. liij

Sturtias

EPISTOLAE

Sturtiaden ueteres & constantissimos amicos, tui non
 immemor frater carissime. Sed parcebam interim &
 occupationibus tuis, & dignitati ne tibi dominanti in
 summa arce negotium facerem quod offenderet. Sed
 iterum Decurionatus oblitus in iocos, quod tu fieri ue-
 tas relabor. Nihil igitur nugabor amplius hijs quidem
 literis, nam in posterum, ut spero, & saepius, & libe-
 rius. Grauius mihi fuerunt literae tuae mi Groninge,
 quas quoniā (ut intelligebā) nomine facultatis nostrae
 scripseras familiarissime, nihil dubitabam unquam de
 fide aut pietate erga me uestra, quae uicissim erga uos
 mea tanta est, ut nullo pacto, nulla ui labefactari pos-
 sit. Quod iam exemplo clarum esse scitis, nam ego ad
 uos perscripsi diligenter tentatum fuisse me à Princi-
 pe Electore Saxoniae. Sed ad rem, non dubitavi, ut dis-
 cebam paulo ante, quin praestituri essetis quod ego ro-
 gabam, sed quod serius hoc quam ego existimaram
 quamq; ferebat mearum rerum necessitas, mirabar equi-
 dem, hodieq; miror quid in causa sit, quod cum semel
 pecuniam mittere statueritis, illud ipsum quod facturi
 alioqui estis, tam diu differatis, Etenim si misissetis in
 tempore, multo commodius omnibus rebus meis fuisset
 prospectum ac consultum oportunius, mihi enim in ani-
 mo erat nihil hinc rerum aut librorum ad uos mittere,
 nisi accepta prius pecuniola illa, unde creditoribus par-
 tim satisfacerem, partim spem facerem de reliquo quod
 non dissoluissim non desperandi. Sed haec spero pro sa-
 pientia

pientia & probitate uestra proque singulari uestra
 in me pietate, iam uos ita ut cupio diligenter curatus
 ros. Ad reliquas partes literarum tuarum mi Groninge
 uenio. Quod de domo & conducenda & emenda com-
 muni nomine facultatis uestræ scribis, gratissimum est,
 atq; ea res sicut alia de pecunia paulo ante deijciebat,
 animū mihi erigit, esse uos de me sollicitos utiq; et nō
 negligere, quem omnino rebus communibus collapsis
 profuturum confidatis, sicut & ego confido, uideor e-
 nim posse ἂν μὲν δὲ ἄνευ σωεργῶν. Sed de hoc in po-
 sterum, & cum ad uos uenero melius consultabimus,
 neq; enim fortasse ero uobis caput sine lingua, & adfe-
 ram etiam consilij aliquid in lingua. Interim tu mi fra-
 ter cariss. cura sicut scribis, ut adueniens Rex talibus
 accipiat muneribus qualibus tu scribis accipiendum,
 nam illa sunt regia, quæ tu minime regia esse existimas,
 Suilla, frumentacea, Bacchica enim non moror, qui ni-
 hil nisi aquam bibo, quia diithyrambus non sum. Quan-
 quam ille uetustissimus ὕδωρ δὲ πίνωμεν χερσὶν οὐτὲ
 ποτὶς ἐπὶ & feras enim nugas quoq; & iocos, etiamsi
 Decanus es, ne existimes plane potestatem te habere re-
 gibus pro tuo libitu imperandi. Reliquum est mi Gro-
 ninge, ut Danieli κισσὶ τοποῖω dicas ut paret nobis in-
 terim spondam lecti Regij. Item mensam & alia quæ
 uos iudicabitis esse aduenienti necessaria, nam istorum
 operum ego nihil mecum affero, & utiq; multorum ta-
 lium nobis erit opus. Libros & alia quæ misero intea-

EPISTOLAE.

rim obsecro cures, ut Eccilius noster ad se recipiat, nam id commodissimum iudico & ad meum aduentum diligenter seruet. De illo Sycophanta risi & dolui, risi quia res leuis est, dolui uicem optimi uiri Melosingi cui in hoc, ut in alijs fortassis Christiana pietas damno fuit, credidit nimis cito bonus uir, & deceptus est. Sed ego satis scio ipsum quoq; se ridere quod tam egregie passus sit sibi imponi à mendacissimo nebulone, dicito interim optimo uiro et præceptori carissimo meo, ut mihi ignoscat si rideā, quòd Noribergenses etiam ficti tam facile Erphurdienses ueros possint fallere. Vale mi frater in Christo longe cariss. & causam nostram cura quam primū potes, ut effectā habeamus, à Paschate statim ero uobiscū, & nisi uos in culpa fueritis etiā ante Calend. Maij. Tuas literas serius accepi, quæ scriptæ fuerant pri die. Non. Martij, hoc est, 6. die Martij, quas ego accepi eiusdē mensis die demū 23. Iterū uale. Cal. Apr. M. D. XXXII. Vere T. Eob. Hessus.

Salutat te Regina amantiſſ. sed & Eccilium, ipsa enim scribenti adsidebat. Saluta fratrem Germanum tuum M. Nicolaum & Andream Hutthenum uiros optimos, & amicos cariss. nostros.

VERA VIRTUTE INSIGNI VIRO
D. Ioanni Groningo Decano facultatis art. scho
le Erphur. amico incomparabili suo S.

Respons.

Respondi nuper ad tuas proximas literas Groninge mi carissime, quæ literæ si tibi reddite sunt, nihil dubito quin uoluntatem meam intellexcritis omnes quorum ut imprimis interest, & scripseram antea D. Melosingo & D. Eob. & Sturtiada de mittenda pecunia, quã nondũ tamen accepi, & (ut uideo) ne conuitijs quidem extorquere à uobis possum, tamen si missuros polliciamini, quid refert igitur cito an sero mittatis? Ego omnibus dixi, ita me ambiunt Erphurdenses, ut et pecuniam missuri sunt, quotidie interrogor, ecquid miserunt tui Erphurdenses, ego quod respondeam non habeo, nisi hoc polliciti sunt se missuros, & boni uiri sunt, mittent haud dubie. Quid igitur me tam diu frustramini, non cum pudore et ignominia solum mea, sed etiam iactura & detrimento non mediocri. An ignoratis bis dare qui cito dat? Hic multa sunt expedienda quæ uos ignoratis & in eam pecuniolæ spem, multa distuli, quæ nunc uel omittere uel cum iactura prosequi coactus sum. Quid multa? pene irascor simplicitati meæ, quæ me semper naribus circumducit, ut bubulũ. Cunctationi uestre obsecro ut tandẽ aliquẽ finem imponatis, mitto nũc uasa duo quorũ maius plenũ libris est minus parte suppellectilis domesticæ, eam mi Groninge uel ad te recipito, uel Eccilio nostro dato custodienda in aduentũ meum, & uectoribus exoluite pro singulis centenarijs singulos octonos Niueneses, reliqua mittã ubi uos pecuniã miseritis, quod ne facere diutius differatis p̄ fidẽ uestrã

uos obsecro & obtestor, egeo quidem multo maiore
 quàm uos mittitis pecunia, sed erit & illa quaedam istis
 us cumuli accessio. Hic ego iam periculū uestri faciam.
 Nam hoc me habuit in tuis literis nonnihil male, quod
 scribebas frigere solere quæ pluribus committantur.
 Quid si ego uni tibi committam omnia? quia Decanus
 es instar omnium, & quot demum uestrum sunt? quatuor
 tuor opinor aut quinque. Sed quid ago. Da operam ut
 uektoribus his statim precium uecturæ exoluatur, nam
 illi ad me redibunt, & plura uehent, modo uos non
 tardaueritis de pecunia mittenda, quam omnino confis-
 do nunc esse in itinere, quod si nondum est, Deum im-
 mortalem quomodo non accusabo fidem uestram. Sta-
 tim à Paschate adero, si mittetis. Oro ne differatis
 quod & faciendum est, & dilatum tam uobis quàm
 mihi est nociturum. Vale mi frater in domino carissime
 Norimbergæ.

Tuus Eobanus
 Hessus.

ORNATISTIMO VIRO DOMI-
 no Ioanni Groningo, Decano sac. art. Er-
 phurd. amico ac fratri caris-
 simo suo.

Salue mi Groninge. Mitto iterum partem suppelles-
 tilis regie, ut omnino cognoscatis regem certo fis-
 turum

rum uobiscum breui. Pecuniam accepi, de qua nihil que-
ror amplius, si potero curabo, ut omnium bona uolun-
tate discedam, quanquam adhuc metuo quorundam in-
solentiam, ut hic sunt ualde uehementes quidam in ijs
quæ ad pecuniariam rem attinent. Scribebam hæc Prid.
Paschatos inter turbulentissima negotia, ac multis ab
omni parte obstrepentibus. Itaq; mi carissime frater bo-
ni consules & curabis, ut & hijs uectoribus fiat satis
pro singulis cētenarijs pactus sum singulos nouem Ni-
uenses grossos. Est enim hoc tempore ualde preciosa ue-
ctura, & ego cogor utiq; reculas meas transmittere
quarum optimam partem libros iam habetis, reliquo-
rum parū superest, nisi quæ nos nobiscum afferemus.
Quicquid exponetis uectoribus de mea summa deccedet,
& defalcabitur, si alia uia non potuerimus exequi,
nam & de senatu quidam bonam spem fecerunt. Ego
uobis inseruire & prodesse, & etiam promissis meis
cupio satisfacere, sed interim conijciior in turbulentissi-
ma negotia è quibus utinā sim explicatus. nemo uestrū
credit quantum sit molestiæ & impendiorum ex una
regione demigrare in aliam cum uxore, liberis, ac dome-
sticis omnibus, & nisi sperarem rediturum me in por-
tum apud tam fidos amicos poteram in hac urbe diu-
tius consistere, & uiuere salario neutiquam pœniten-
do. In summa mi Groninge cura, ut res meæ recte cu-
rentur, sicut te confido facturum sedulo. Sed heus tu
qua nam in parte ciuitatis ea domus quam scribis mihi

EPISTOLAE.

uos conduxisse sita est? Scire peruelim ubi habitaturus
 sim. Sed nunc uale, ac uiue frater mi unice cariss. & salu
 ta D. Melosingum & Eccilium nostros amiciss. Ex
 Norico. M. D. XXXIII.

Tuus Eobanus Hessus.

SVO CARISSIMO D. IOANNI

Groningo amico immortalis &c.

Detrahit assuctis opulentia moribus omne
 Quod cultu dignum simpliciore fuit.
 Donec eras de plebe aliquis non magna ferentis
 Nomina, non ficto pectore noster eras.
 Sic ego ludebam lusurum plura, Camæna
 Sunt uisa celeri deseruisse fuga.
 Ipse manu calamos iratus fregit Apollo
 Iussit & insani carminis esse modum.

Quid faciam igitur? postquam omnis in te seuiendi
 materia ablata est, uides tantum queri forte de te pos
 sum, irasci tibi non possum, alioqui sicut cœperam mor
 daci te perluisssem aceto. Nunc quia fauentem habes
 Apollinem, etiam tutus es ab hac Poëtica iracundia,
 Quid queris amplius? Irascor hijs uindemiariû diebus
 totum te nobis subtrahentibus. Quoties enim domi tuæ
 nobis quæsitus hoc quatrinduo nunquam inuentus es?
 Sed uindemia cur irascor cum

Iudicet

EOBANI HESSI.

Iudicet ipse suo dignum me munere Bacchus

Quo mihi non alius carior esse potest.

Quo duce tot Cyathos labris sitientibus hausi

Quo domino toties pocula plena bibi.

*Verum tum tecum esse mihi non licebit semper,
ero tamen quo possum modo tecum uelis nolis, & tu
nunc quoq;*

Nam si non hoc est tecum Groninge fuisse

Qua tibi sim propior conditione doce.

Nam sic ineptas misitare literas

Quid esse te rogo potest uir optime

Nisi Poëtam tecum ineptum uiuere?

*Vides ut relabor in prohibitam, & interdictam pau-
lo ante mihi materiam, à quo genere adeo non desino,
ut ineptiam potius ineptissime, qui nisi ineptire nihil dis-
dici, et tam ineptus sum, ut nisi tecum ineptiam, credam
me adeo ineptum esse, ut ne dignus quidem habear qui
inter ineptos ab ineptioribus dicar ineptissimus. Sed in-
eptiarum nunc satis, ero aliàs ineptior. Nunc scribendæ
sunt Noribergam literæ quas tamen nunc etiam ante
prandium expediam. Vale ac uiue cum tuis omnibus et
da operam, ut etiam inter illam suspectam nobis opus-
lentiam fortiter ineptias, Ex regia ruinosa. Die Ursula
M. D. XXXIII.*

Tuus HESSIUS.

Ornatissio

EPISTOLÆ

ORNATISSIMO D. M. IO:
anni Groningo amico suauissimo suo
Eobanus Hessus.

Pura uides uerni splendescunt lumina solis;
Blanda serenatum temperat aura iubar.
Iamq; nouo reduces turgescunt germine sylue,
Et tener aestiuas parturit annus opes.
Quam labefecit hyems reparat natura uigorem,
Plena sinu uario germine turget humus.
Et nunc ipsa suas ut opes natura resumit,
Nostra etiam melior corpora sanguis habet.
Qui quia temperie motus reparatur, & exit
Durior, at requie desidiaq; perit.
Iam noua cum Musis incunda piacula, postquam
Ver aperit Musis gaudia, plectra, dicam.
Nunc age non frustra nostris Groninge Camænis
Cognite, promissis mitibus adde fidem.
Adde fidem dictis non unquam fallere doctis
Pulpitaq; è larga redde petita manu.
Cras si forte uoles, nec uerna sefellerit aurâ.
Vnâ ad apricantes expatiemur aquas.
Verna quidem, sed adhuc non torrida rura petemus
Sunt etiam seßis frigora grata, Vale.

Domia

E O B A N I H E S S I.

DOMINO IOANNI PRO

cancelario &c. amico suo S.

Non libenter occupatum te nunc rebus honestiss.
mi Groninge impedio, sed tamē existimo te liben
ter hanc quoq; curam pro tuo Eobano suscipere, ut re
uoces in memoriam ea de quibus proximis literis ad te
perscripseram. Ea uero cuiusmodi sint, & ipse scis, &
nunc ego peto ut praestes. Heri tecum esse, utinam po
tuisssem, sed tamen secundum tuum praescriptum do
mum satis bene, potus redij. Vale.

Tuus Eobanus.

MAGNIFICO VIRO DOMINO

Ioanni Groningo Academiae Rectori prin
cipi &c. suo amicissimo S.

DE tesseris panarijs quod nuper dixi, & petebā,
ut si commode, & aliqua occasione posses, mi
hi perficeres, optime Groninge, iterū peto, ut si queas
unicam tantum expedias. Non gratuitam peto, sed mea
pecunia pensandam. Nihil enim superest in regia farris
aut Siliginis, & apud publicos artocopos emere du
rum, & dispendiosum est, ego intra octiduum dissolu
uam accepta à conuiuiis meis pecunia, etiam si duo, etia
am si tres fuerint tesserae, si fidem tuam pro me inter
ponere non grauatus fueris, & meminisse debes hic et
S. finis

EPISTOLAE

similibus officijs amico te ut amicus inservire, nō ut Re-
ctor gymnasij subditum tibi despicere, & negligere.
Ego hodie à prandio extra urbem me proditurum esse
constitui, tametsi solus Georgius domi nunc est detens-
tus aduersa ualitudine, quam ex casu ridiculo & supra
modum mirabili contraxit, sed minime periculosam. Ri-
debis mirabiliter ubi audies, et ego hæc scribens præ ri-
su, uix potui tantum scribere, Si uoles ueniam ad te,
& exponam coram. Vale.

Tuus Hesses.

CANDIDISS. VIRO M. IOAN-
ni Groningo amico immortalisuo S.

CRedo iā aliquatenus explicitū te ab istis hilarita-
tibus, et cōotationibus nostris. Quare mi Gronin-
ge etiam atq; etiam rogo, ut hodie, si qua fieri queat,
mecum prandeas, adduces tecum Henricum nostrum,
bona fide, nihil præter unum anserculum habiturus,
atq; etiam bibiturus, quid quantumq; uoles, domumq;
tuam mature rediturus. Nam & ego constitui aliquan-
do esse sobrius, propter explicanda ea, quæ dixi nuper
tibi in manus, me sumpsisse. Et propter uos duos, ac eti-
am tertium Eccilium (si modo ille nos non contemnet)
nemo alius quisquam aderit. Differam prandium usq;
ad horam undecimam, si uoles forte tuos conuiuas an-
te quam huc descendas expedire. Si igitur nihil est,
quod

E O B A N I H E S S I.

quod te impediatur, rogo te nobis, hoc est, tuo regi exorabilem praebeas. Puero iube dari acetum quo de nuper dedisti, & ego oblitus eram, nisi tu heri admonuisses. Vale ex Regia. Die conceptionis Mariae. M.D. XXXIII.

Tuus Hesus.

OPTIMO VIRO D. M. IOANNI Groningo Vicecancellario &c. amico summo suo S.

Quam nulla fides sit in etiā magnis illis quibusdam & tu sentire potes Groninge, & ego sentio. Si aurū mihi essent polliciti illi, me miserū, qui me illis credidissē, qui ne ligna quidem praestant. Sed ego quidē hoc tempore facilius esurire, quā frige re possum. Itaq; rogo te, id et tu agas, & cum reliquis amicis nostris constituas, ut in proximam sextā feriam ligna nobis coemantur, uel pecuniam pares, ut ipse coemam, nam ubi ego nimium friguerō, frigebunt omnia quoq; circum me. Vale.

Tuus Hesus.

SVO IOANNI GRONINGO VERO cordatiss. Eobanus salutem D.

Si te non alio populo sa negotia raptant,
Et potes esse uacans, & potes esse domi,

S ij

Ipse

EPISTOLAE

Ipse tuas ueniam conuiuia iniussus ad aedes
 Cum decimam tanget splendida uirga notam.
 Cornigeros maesta propere Groninge iuuenos
 Pone Palatinas, fercula sancta, dapes.
 Quanquam si dederis uel holuscula sola, negari
 Conditum stomacho gratius esse meo.
 Nam nec Aristippi sequor anxia fercula Regum
 Diogenis doctus iuscula tuta sequi.
 Et sunt insinuanda tuas mandata per aures
 Publica, de nostra conditione domus.
 Nunc opus est Groninge tuum, nos redderere certos
 Siue manere domi, siue uentre uoles.
 Viue igitur, nostrum uocat hora propinqua Maronem
 Qui nunc Regicolas uix bene pascit aues.

Quinta Februarij
 M.D.XXXIII.

Vade salutifera post inclita testæ puellæ.
 Littera, Groningi limina quære mei.

SVO GRONINGO ACADEMIAE
 Principi uere magnifico Eobanus S. D.

Symbola (Pythagoræ sed non referentia Mensas
 In quibus est fragilis gloria nulla Fabæ.)

Scd

EOBANI HESSI.

Sed quæ οἷτα bonus Cerealia dixit Homerus,
ΣΙΤΟΦάγος Musas dixeris esse licet:

Si potes hæc igitur, uel ab agro mitte paterno,
Aut hoc si nequeas, consule πλῆτορ, emet.

Sic tibi sint saluæ, tua per sceptrâ inclytâ leges
Quas hesternâ dies te referente tulit.

Sic tibi sint faciles quæ præstant iura sorores,
Gratia ut alternis rebus inesse queat.

Sic tua lanificæ remorentur fata puellæ
Donec sponte uoles illa subire. Vale.

ἂ χάρεις ἂ βραδύπρος ἄχαρις χάρεις ergo benigne
Si facies aliquid fac cito, ἔγερτο χάρεις.

XXI. Iunij sub exortum Orionis.

Erphord. M. D. XXXV.

ERVDITIONE ET HVMANI

tate summis prædico D. Ioanni Groninga
go Erphurdiano amico caris-
simo suo S.

Semel ad te scripsi Groninge carissime ab eo tempo-
re, quo Erphurdia discedens, Martiburgum perue-
ni, tibiq; significavi quo in statu, quaq; in conditione
nunc essent res meæ, post hoc tempus fateor nec scripsi
quicquā, nec satis idoneus oblatuſ es si tabellarius quo
cum scriberem, aut si oblatuſ etiam semel fuit, non satis
commode tamen potui, ad te præsertim cui quam accu-

S iij ratiſſime

EPISTOLAE

ratiſſime ſcribendum, ſemper exiſtimaui, nunc uero cū
 Agnes noſtra Erphurdiam reuerti cōſtituiſſet, dedi has
 illi ad te, quibus rogo, ut illi, ſi officiū tuum requiſie
 rit, quantum poſſis proſis, ſi modo iſtic marſura ſit,
 quod ſe tamen nondum dicit conſtituiſſe, à me nulla al
 lia cauſa diſcedit, niſi quòd & mores Heſſorū fortaiſſ:
 non fert, et ad patriam reſpirat, nec immerito, iam enim
 quintum annum propter me uelut in exilio circumua
 gata eſt. Quod ad me attinet cariſſ. mi Groninge debes
 omnino exiſtimare dulciſſimā tuæ conſuetudinis men o
 riam, nullo ne momento quidem ex animo mihi poſſe
 excidere, adeo ut quotieſcunq; de Erphurdia aliquid lo
 qui contingat, tu in primis occurras, cuius quam poſ
 ſum honorificā mentionē faciam. Sed de hijs, & huius
 cemodi, te nihil dubitare certo ſcio. Tu quid agas, quo
 modoq; tibi cum tuis Synaulis conueniat, ſcire uelim,
 rogoq; ut id mihi quamprimum poſſis ſignifices. Nu
 per mecum fuit hic Barbaroſſa Spangebergius, qui di
 xit te habere mandatum, à noſtro Cariſſ. D. Iodoco
 Heſſo, de caſcolis neſcio quibus mihi transmittendis,
 quod ſi eſt uerum, uelim eam rem nobis conficias quā
 primum queas. Si quid eſt, quod ego uiciſſim tibi hic
 inferuire queam, iube, manda, impera, habes Regem
 non amantiſſimum ſolum tui, ſed etiam tibi obſequentiſ
 ſimum. Utinam uel una horula confabulari tecum li
 ceat. Quam ego mi Groninge bene uolui iſti ciuitati,
 quæ fuit erga me ingraſſimā, quā bene ſchola, quam
 dolco

dolco collapsam, & ut non audio solum, sed & uia
 deo funditus interiijſſe. O Erphurdia miseram, & in fe
 licem te, quæ tua bona non intelligis. Sed reprimo affe
 ctus, non enim hoc nunc erā acturus, nisi se sua sponte
 locus obtuliſſet, de Erphurdia nihil queror amplius,
 quādo quid istuc agatur, ad me deinceps nihil pertinet.
 Ego hic in mea patria, & dulciter uiuo, & ut ſpero
 conſeneſcā, quando iam ſeneſcere incipio, bene mi Gro
 ninge, & recte per Deū ualeo, ſplendiſſime habito,
 diuitijs non abundo ſicut noſti, tamciſi Decanatu nuper
 & mediocribus redditibus auctus liberalitate principis
 optime de me, & ſentientis & merentis, cuius etiam be
 nignitate breui me auctiorem fore ſpero. Alia omnia
 recte nobiſcum ſunt. De uobis uehementer maximeq;
 de te tuiſq; rebus omnibus ſcire cupio. Fac breui intelli
 gam quī ualeas, nam id mea ſcire intereſt, & reſert plu
 rimum, cum ſis amicorum nulli ſecundus. Scripſi nu
 per Epicedion in mortem Eraſmi, quod uidiſſe te exi
 ſtimo, mitto tamen, in eodem leniter perſtringo ciuita
 tis ueſtræ erga me ingrati tudinem, quod ſi tibi uidebi
 tur indicabis noſtro Lupo Tenſtadio, quem ſalutabis re
 uerenter cum uxore, & liberis meo nomine, ſaluta &
 cariſſimum amicum, & uirum plane optimum D. Hei
 ricum Naccum $\sigma\upsilon\mu\pi\acute{o}\tau\eta\rho\iota\mu\acute{o}\nu$, & cariſſi
 amicum fratremq;, non tam tuum quā meum.
 colaum Algehemium, & Andreā Nutte.
 uxorcula blandula & amicula. Sed & t.

EPISTOLAE

conterraneam ne obliuiscare meo nomine plurimum salutare. Saluta & D. Vuolphium Miluitium congerro-
nem olim nostrum suauissimum & Dominos utrunq;
Heresbachium Baltasarem, & Joannem cum filio. Ec-
cilio nostro dices, ut professoris uestri, & successoris
mei mores Olpij Dolpij bene & patienter ferat. Saluta
mibi portenses omnes praecipue D. Cornelium & Iaco-
bum. Scire peruelim ecquid agat noster Aperbacchus
Medicus Regius, ecquid illi cum filio & nuru conue-
niat. Salutat te Regina mea ualde amanter. Si potero
ad autumni uos inuisam, non enim ita discessi Er-
phurata, ut nunquam sim rediturus, tum fortassis octi-
dium uobiscum pergracabor. Reliqua tibi Agnes no-
stra quam tibi commendo, ut adiuues pauperculam.
Vale. D. Iodocum Hessum in primis & ante omnes al-
ios plurima salute meo nomine imperti, qui utinam
quam rectissime ualeat, & dii deaeque omnes illam
molestissimam podagram ad inferos detrudant, ipsum
nobis superstitem relinquant, & incolumen, quo uno
ut me Deus amet, uirum non uidi meliorem, nec inter
eius ordinis homines doctiorem. Salutabis & ipsum
Oeconomum D. Georgium carissimum mihi olim com-
bibonem, horum ego uirorum memoriam propter
summa, & plurima in me collata beneficia nunquam
pauar extingui. Iterum uale è purgo Martis, hoc est,
ἡμέρας πέντε. XVII. Iunij M.D. XXXVII.

Tuus Eobanus Hessus.

Optimo

EOBANI HESSI.

OPTIMO ET HVMANISSIMO

uiro D. Magistro Ioanni Gronin-

go amico uere carissimo

suo S. D.

Gratiam & pacem tibi per Christum opto carissima
me mi Groninge, qui siue scribes, siue non scri-
bas, at ipse fratris semper tamen, & perpetuo tui simi-
lis es, hoc est Eobanum tuum amare non desinis, nec
desiturus unquam es. Patrono & amico nostro D. Io-
doco simpliciter quid cogitem, scripsi sicut uidebis, non
enim celabit te talem ac tam fidum amicum, & profe-
cto hac occasione, quæ tamen ulinam data non esset,
cognoscet optimus uir, qualem amicum Eobanum ha-
beat, qui non ad quamuis auram, ut multi, sit mutabi-
lis, sed cuius & uerba & fides consentiant. Sed hoc
ut spero reipsa comprobabitur, nam de tota caussa
Ringlebiana, & ego optime spero, & uos sperare
uelim. Profecto mihi turpe fuerit eum pagum non
posse bonis uiris adserere, & restituere, quem ego
iam carminibus celebratum toti orbi commendarim,
quod ut uerum esse intelligatis, mitto cum hoc uobis
Domino Iodoco, & tibi farragines meas nuper excus-
sas, ut dum in possessione pagum illum non habetis,
saltem in libro habeatis, ego curabo quod reliquum
est, ut in possessionem quoque redeat. Quod omnia
magno pretio uenire Erphurdia scribis, etsi ualde mi-

EPISTOLAE.

ror, tamen magis doleo istam miseram ciuitatem sic sua
 ipsius culpa affligi, ut sua commoda non intelligat.
 Quae enim possit esse caussa alia tantae calamitas
 eis, quam perpetua ordinum discordia, & inter se dis-
 sentientes magistratus. Ego quod de nostrorum con-
 cordia scripsi, de quo gaudere te scribis, uerum est, ut
 breui ipso exitu omnibus declarabitur. Te rogo mi Gron-
 ninge, ut quam frequentissime amicum nostrum Iodo-
 cum adeas & consolers, ne de amisso nimium se af-
 flicet, restituetur iure haud dubie, quod iniuria est ab-
 latum. Ego ut spero breui uobiscum ero laetissima uo-
 bis nuncia allaturus. Saluta uicissim meo nomine opt.
 & amicum uirum D. Ioannem Eccilium, & Ni-
 colaum fratrem tuum, & lupos omnes, & in primis
 Heinricum Naccum. Item D. Andream Nutthenum, et
 alios amicos nostros omnes. Deus te seruet fortunatum
 & incolumem mi Groninge. Salutat te Regina amana-
 ter. Datum Marpurgi Postridie octidui Paschatos.
 M. D. XXXIX.

Tuus Eobanus Hessus.

OPTIMO ATQVE HVMANISSI-
 mo uiro Domino M. Ioanni Groningo Ca-
 nonico Erphurdiano &c. amico.
 non secus ac fratri carissimo
 suo. S.

Literas

Literas tuas mi Groninge Mense Septembri scri-
 tas nuper accepi principio Mensis Augusti, quas
 non potes, etiam si maxime uelles, succensere mihi,
 qui tibi petita Epitaphia non trasmiserim, libentissi-
 me transmissurus, si in tempore mihi tuæ literæ
 redditæ fuissent. Miror uehementer te istis asi-
 nis literas reddendas committere, qui ut nos oderunt
 semper, ita facile negligunt, deinceps cum ad me
 scribes, eris cautior, & certis tabellarijs literas das
 bis. Nunc uero quod petebas scriptum mittere tam
 sero non audebam, ueritus illos uersiculos quos mi-
 sisti uestri professoris iamdudum fuisse adscriptos,
 & tamen significabis cum hoc nostro Capella, quid
 uelis me facere, si adhuc sit locus mititentur quàm
 primum, meliore ut opinor forma, & indole
 quàm habeant Vlpianici, tamen si hominem nec uidi-
 unquam nec odi, scripserat enim nuper humaniter sa-
 tis ad me, sed demiroꝝ tantum sui, ut audio, admi-
 ratorem nihil habere naturæ melioris, quàm quòd
 sic ineptiat, neq; credo istos, te etiam scio, non esse
 tam stupidos, ut illos uersiculos publice probandos
 duxerint, quanquam sunt tui ordinis maxima pars,
 perquam stupidi, & mirabiliter indocti. Quid agit
 noster Eccilius? Iurisconsultum ne? qualem solet sub-
 tilem quidem, sed Pythagoricum, hoc est, perpetuo
 tacentem, uelut in Scripho ista sua ranam quod huic
 ordini atq; ei professioni minime omnium esse facienda
 dum

dum nemo non uidet nisi qui nihil uidet. Saluta carissimum Eccilium mihi milites, & præbibe meo nomine aliquid uilli optimi, & hortare, ut aliquid tandem ad nos scribat. Ego in uertendo Homero occupatissimus sum, & iam circa medium. Iliados uersor. Reliqua ex Capella nostro haud dubio audies omnia, utinam hic me splendidissime habitantem uideas, non poteris hæc uidens non irasci sordibus Erphurdienfibus. Breui habiturus ædes proprias sum, et ut spero elegantissimas liberalitate principis opt. Vos me ne in sordibus quidē habitantem pati potuistis. Ad mortem eorum omnium, de quibus scribis præcipue uero Aperbacchi nostri satis ingemuit. Utinam patronus, & amicus noster D. Iodocus Hessus omnium sui ordinis, quos unquam uiderim doctissimus, & non solum ingenio, sed etiam humanitate princeps, quam rectissime ualeat, & cum ista sua tyrannide pedum pulcherrimam pacem obtineat. Quem salutabis quam primum, & quam potes reuerenter meo & Reginae meae nomine, & dices podagram nostram ipso hortante sic à me acceptam uagari passim iam per Germaniam, & conqueri de me, qui eam accusarim nunquam. quicquam de me male meritam, itaque scribendum alium libellum esse, quo iram eius deprecet, uidetur enim & mihi minari se talionem ex me reposcituram. Videat igitur D. Iodocus in quæ pericula me sua temeritate coniecerit. Quanquam & ad eundem ipsum scribam, cum hoc etiam capella, tam

men

E O B A N I H E S S I.

men uolui & tibi accusationem illius adeundi præbere, ut ita rescriberes, si ille fortasse non posset. Credo enim tibi daturum hoc negotij, quæ ille responderit, uel si quid ad me demandet. Saluta D. Vlpium, cui non uacabat nunc scribere. M. Iacobum, & Cornelium Episcopos portenses amicos cariss. nostros. Saluta utē optimos uiros aulæ Moguntiacensi præfectos D. Michaellem præfectum culinæ, ut uocant, uirū optimum, et D. Doctorem Matthiam Sigilliferum. In primis dominum & compatrem meum cariss. M. Henricum Vrbanum, cui scribam si potero, & nunc felicissime fac ualeas mi carissime Groninge, & cum hoc amico nostro omnino rescribe, & de omnibus Martiburgi XI. Aug. M. D. XXXVIII. Salutat te regina ualde amanter.

Tuus Eobanus Hessus.

OPTIMO ACHVMANISSIMO VI
ro Domino Ioanni Groningo Canonico
&c. amico carissimo
suo S.

Mitto tandem tibi toties petita epigrammata, nullam aliam ob rem Groninge mi carissime, nisi ut tibi toties instanti tali amico morem utique gererem, et gratum facerem. Nam quanti me hoc munusculum facere existimas quod missuros istos scribis. Sed tamen
nosti

EPISTOLÆ

nosti mores, & consuetudinem meam. De caseolis ue-
 lum diligenter procures, & reuerentia summa salutes
 utrum opt. patrem suauissimum Iodocum Hessum, cui
 scribere non uacabat. Scribam autem breui, multa enim
 sunt, quæ illi uero, & tibi significanda ducerem tum
 de meis studijs, tum quibusdam alijs de rebus. Versus
 um credo, non penitebit nos, pauciores pro ea senten-
 tentia fieri non potuerunt. Tu inuenies aliquem, cui ca-
 seolos tuto committere queas. Non uacat pluribus. Sa-
 luta optimos uiros & carissimos amicos nostros, Nico-
 laum fratrem tuum, Eccilium, Andreæ Nuttenum,
 præcipue nostrum carissimum compatrem. D. Vuol-
 phium illura, ut aliarum rerum parcum & plane
 Euclionem, ta uini liberalissimum. Et uale quam felis-
 cis. frater carissime mi Groninge. Ex Martis pyr-
 go. Noui nihil est, quod breuiter tibi significari
 possit, nisi quod ex Anglia mihi scribitur, ibi quoq;
 me haberi Poëtam horum temporum summum. Sed
 plura breui, ut spero, reliqua ex Mathia. Hæc enim
 scribens adhuc ex dolore dentium laborabam. Iterum
 uale **XXIII. Nouembris M. D. XXXVIII.**

Vnice tuus Eob.

Hessus.

HVMANISSIMO VIRO DOMINO
M. Ioanni Groningo Erphordiano &c.
amico longe carissimo suo S.

Scripti

EOBANI HESSI.

Scripsi nuper cū Mathia, cursore publico ciuitatis
 Suestræ, & misi dudū à uobis desiderata Epigram
 mata Groninge mi carissime, pro quibus si munusculi
 aliquid missurus ad me fuisti, da id Hieronymo meo
 quem cum fratre Iulio ad uos remitto, nam metu pestis
 illius quæ prorsus hic nulla est, sed rumor uanissimus
 coortus scholam nonnihil perturbauit. Itaq; cum & alij
 quidam in Thuringiam hinc abirent, rogarunt, &
 hij mei, ut unà ipsis proficisci permitterem. Quod co
 feci libentius, quod alioqui Hieronymum, qui hic ante
 biennium Bachlarius effectus est, ad proximum uer
 num tempus missurus sum Vuittebergam ad Philipa
 pum, Iulium in Aulam ad Cancellarium Hessiæ. Hijs ro
 go benignum te præbeas, & existimes certissime te ipsi
 tuo Eobano facere quicquid hijs benefeceris, cui
 etiam beneficia in filios collata multo sunt gratio
 ra, quàm si in seipsum conferantur. Scripsi Magistro
 Henrico Urbano compatri meo carissimo cui Iuliam
 patrinum commendauit, & commendatum fore con
 fido, certa spe optimum uirum facturum quæ possit
 in communem filium Iulium Urbanum, nam ut ex me
 natus, ita per illum in Christo renatus est, Hierony
 mus opinor à Domino Sturtiade non repellatur. Virum
 que tamen tibi mi Groninge summo opere commendo.
 Rogoq; ut optimo uiro patri ac principi Carthusiano
 rum cos ita commendes, ut si unquam Eobanum sia
 out certe fecit facitque, uere amauit, in hijs ostendat
 fidem

EPISTOLAE.

fidem & amicitiam erga me suam. Utinam optimus uir optime, sicut dignus est, ualeat, nam de ualitudine ipsius ut incertus sum; ita per tuas literas cupio quamprimum fieri certior. Saluta Oeconomum, & dispensatorem ipsius D. Georgium, & dicito magnum me ipsi calicem propinare cui istic satisfaciat. Breui mittam Psalterium nouum & alia quædam. Reliqua ex filiis, saluta fratrem tuum uirum optimum M Nicolaum D. Andream Nuttenum & bonos omnes. De cascolis nihil remitto uobis. Si potero scribam, & domino Iodoco Hesso Carthusiano cognomini meo. Fac sentiam filios te habuisse commendatos, saluta Eccilium carissimum, et impelle, imò coge, ut scribat aliquando ad nos. Martiburgi Dominica post Lucie M. D. XXXVIII.

Tuus Eobanus Hessus.

HOMERUS meus strenue procedit, & iam finem spectat, proximis nundinis spero dabitur Typographis excudendus, ut & Eobanicum Homerum habeant, qui Smyrnæum non intelligunt. Noua ex filiis audies de Turca profligato & barbarossa maritimo prelio uicto, & nouo quodam Deo &c. De mea ualitudine iidem te certiores reddent. Ex crure ualde mirabili casu pene con fracto adhuc decumbo, alias bene ualeo. Stipendium habeo C L. aureorum annuum. Idque nuper liberalitate principis mei consecutus, quod tibi gratissimum esse scio. Iterum uale.

D. Henr

EOBANI HESSI.

D. Henningo &c.

Henningo Goedo grati posuere minores
Per sacra qui nostris Scauola iura fuit.
Ille scholæ sacrum templi tulit huius honorem
Albidos ad ripas ossa sepulta iacent.
Ter quinque exierant à nato secula Christo
Ter septem messes adijce, quando perit.

D. Mathiæ &c.

Utraque Maiero deberent iura Mathiæ
Nunc quoque ni magnis mors inimica foret.
Præfuit huic templo magna pietate Decanus
Mors Neopyrgiaco condidit ossa solo.
Mille anni, & quingenti ierant ter & ordine deni
Cum tanti pietas desijt esse uiri.

D. Ioanni Fabro.

Mille & quingentis ter denos tresque bis annos
Adijce, ut à Christo est nostra redempta salus.
Cassus Ioannes Faber est uitalibus auris
Maiero & famulus qui tibi Goede fuit.
Illius impensis præsens tibi picta tabella est
Qui spectare libens talia facta soles.

HUMANISS. VIRO D. M. IOAN.
ni Groningo amico ac fratri carissimo suo.

T

Salutē

EPISTOLAE

Salue per Christum Groninge mi carissime. Quod
 filijs nostris hac hyeme benefeceris, eosq; liberalis-
 ter habueris, loco erit mihi beneficij immortalis, quic-
 quid enim in eos contulisti, plane in me collatum esse de-
 bes iudicare, atq; etiam plus quam in me collatū. Ego
 non ero ingratus, pro isthoc tuo merito, ex quo facile
 agnosco, non fictum esse amorem quo tuum Eobanum
 prosequeris. Scripsi optimo patri & amico carissimo
 utriusq; nostrum D. Iodoco de prædio Ringlebiano
 nuper ui illis ablato, quid constituam, quid sperem im-
 petrare me, per meum principem posse, modo is conua-
 lescat, ut iam conualescit, de ea ægritudine qua iam inte-
 grum fere mensem in medijs comitijs Francoforti decui-
 buit. Te rogo, ut D. Iodocum patronū nostrum adeas,
 atq; ex eo perquiras, quid faciendū ipsi uideatur, & si
 opus sit, faciat me cum hoc Sebastiano, quem nosti uel
 suis uel tuis literis certiozem. De conuentu nihil noui ha-
 bemus, adeo ut ipse Melanchthon ad me scribens, dicat
 nihil damne se quidē scire, quid istuc parturiatur, adeo
 tacita & occulta esse omnia, bona tamen spes est pacē
 & tranquillitatem ubiuis gentium esse futuram, præci-
 pue uero concordiam inter partes, id quod summo cum
 gaudio nobis omnibus est accipiendum, et gratiæ agen-
 dæ Deo immortalī, qui tandem istas perniciosissimas dis-
 sensiones finire, et componere sit dignatus, nam ita cer-
 to institutum est, ut à tribus utrinq; tota res in unum
 consensum componatur, ad hoc dictus est locus Nori-

berga

EOBANI HESSI.

berga nostra. Tu mi Groninge uale & rescribe, cum hoc nostro. Salutat te Regina. Caseolos perpaucos accepi, ut ante scripsi. Iterum uale. Marpurgi festinanter. Prima Aprilis. M. D. XXXIX.

Tuus Eob. Hessus.

HUMANISSIMO VIRO DOMINO
Magistro Ioanni Algheshemio Groningo
amico ac fratri carissimo suo S.

Scripturo ad te carissime mi Groninge, uix dabatur tantillum spatij, ut literas, uel scriptas complicarem ne dum scriberem, quare dabis ueniam huic breuitati nostræ, uel eam ob causam, quod prolixitate nimia sæpe fuisti offensus. Ego nunc adorno me, & multa mecum ad proximas imò iam cœptas nundinas, ad quod iter cras accingar Deo uolente. Omnia precor mi Groninge tibi succedant ex animo, nec secus ac uis eueniant, de meis fortunis meoq; statu ac rebus omnibus ex hoc nostro Capella intelliges omnia melius, quam ego scribere queam. Breuis esse laboro, obscurus fio. Quid agit noster Eccilius? quam diu sic eleganter, ac munde Rhetoricabitur, ac iuriconsultum interim aget elinguem, hoc est, caput iuriconsulti sine lingua? cum maxime hoc tempore eius generis hominibus opus sit lingua, adeo uel etiam inutili sæpe utantur. Saluta nostrum optimum

T ij

(Eccia

(Eccilium dico) meo nomine suauiss. Vtinam mihi uersa
 ri uobiscum uel uno die liceat, sed hoc quia denegatum
 hoc tempore nobis est, consolemur nos, quod unum re
 stat, mutuis literarum uel ineptijs, si apte nihil possua
 mus, nam has ego ineptias mirum in modum amavi
 semper. Saluta fratrem Germanum tuum Nicolaum. D.
 Andream, & uirum uere bonum & mei amantiss
 mum D. Michaelem praefectum aulae Moguntiacensi.
 Item M. Bertholdum & c, & uale bellissime. Marpur
 gi X V. Marcij. M. D. XL.

Vere Tuus Eobanus
 Hefsus.

Commendo tibi Capellam quam possum diligenter.
 Quicquid huic praestiteris, mihi praestitum puta.

HUMANISSIMO VIRO MAGI
 stro Ioanni Groningo amico non secus ac
 fratri carissimo suo S.

TE mi Groninge frater carissime recte ualere ni
 hil dubito in ista tua beata (si recte utaris) & te
 digna tranquillitate, tamen si enim tibi uiuendum est,
 cum multis alijs tam uita quam moribus tibi dissimila
 bus, tamen si a consuetudine, hoc est, a natura tua non
 recedas, quod facere te non posse scio, fieri non potest,
 ut non quam suauissime ocio, & negotijs tuis utare,
 modo ueritatis conscientiam ne abieceris. De Capella
 nostro

nostro cui has ad te dedi, dubitabam, cum hæc scribe
rē, an ad uos ipse esset peruenturus, siue igitur ipse has
ce rediderit tibi, siue per alios reddi curauerit, rogo cau-
sam amici communis, & uiri optimi tibi commenda-
tam esse patiari. Nō credo esse opus multis hæc uerbis
differere, cum tu causæ seriem totam noris optime, præ-
sertim uero pctimus, ut apud uicinum tuum uirum huius-
manis. D. Ioannem Mengerhusium illi adsis in adse-
quenda parte debiti, quo ipse Hermanus uxoris frater
obligatus est, quo ipsi nunc uehementer opus est, tum
ad coemendos libros tum ad cætera, ad ipsius professio-
nem spectantia, ut latius ad D. Mengerhusium perscri-
bemus, quàm & obsecro quam officiosissime meo no-
mine possis, salutes. Ego sane mi frater, scis enim hoc
nomine ab opt. uiro donatos, iocari tecum perpetuo
malim, quam serijs agere. Quare scito nos hic perbelle
uiuere habitare amœnissime, esse in summa gratia apud
principem, ut etiam plerunq; me accersitum familiaris-
sime habeat. Stipendium dat quotannis centum quin-
quaginta florenates, & frumentum, & domum pro-
prium, & hæreditariam breui daturus est, & indices
plura & meliora spero, hæc sunt quæ me patria nunc
obligant, sic ut uix uidear, hinc alio discessurus. Quan-
quam Lipsiam quidem cogitaram, quod offenderer
mirum in modum moribus patriæ, si ea schola (ut bo-
na & quasi certa spes est refloresceret) nunc uero
& moribus horum hominum aliquatenus assueui, &

EPISTOLAE

longe alia est uoluntas principis, qui abire me hinc non
 finit, quantumuis magno retinendum, ego interm non
 desino meo more uiuere, qua ex consuetudine etiam si
 nunc senescens morbos contraham, ut nuper podagram
 infestissimam, & tußim, qua adhuc laboro, tamen
 non discedo. Sed ne charta nimium excrescat finem in-
 eptiendi faciam teq; rogabo si libeat modo, tu quoq;
 mihi perscribas de toto statu, ac omnibus rebus
 tuis, et salutes meo nomine Lupos nostros
 tres, scis quos dicam, & quam re-
 ctissime per Christum ualeas
 cum tuis omnibus. Mar

tuburgi. XXV.

Iunij.

M. D. XL.

Vere tuus Eob.

Hessus.

Epistola

EPISTOLÆ 148

IOACHIMICA=

MERARII.

EOBANO HESSO PRIN-
cipi Poëtarum S. D.

ECquam audiuiſti aut cognouiſti unquam ulli iniu-
riam factam indigniorem quàm eſt amico noſtro
Nigrino? Me autem ſi perſequor petitionem, ne conque-
ri quidem, de hac concedetur, neq; declarare dolorem
in amici aduerſis. Itaq; quidam, nequaquam infimæ
conditionis homines mihi autores ſunt palcherrimi faci-
noris faciendi, ſed audacis. Mihi uero cum multa ania
mo obuerſentur, pœne ſola Pati mei abſentis me conſi-
deratio retundit. Cupio tamen & tuam ſententiam cog-
noſcere, de qua fortaiſis, & conſilij aliquid excepero.
Vale. Noſtra $\text{I}\nu\chi\alpha\gamma\omega\gamma\iota\alpha$ procedit. Inſtruitur res qui-
bus copijs in hac noſtra inopia poteſt. Veſtes corrogan-
tur. Alia à nobis parantur. Eſtq; puerorum imprimis
ſtibari noſtri magna ſedulitas, & induſtria etiam non
nulla. Videbis igitur breui $\epsilon\pi\mu\lambda\omega\chi\delta\acute{o}\nu\iota\omicron\mu$, Tu
ſcilicet $\text{Ζ}\delta\acute{\upsilon}\varsigma\epsilon\sigma\sigma\omega\lambda\omega$, id eſt, Iuppiter meus,
& Poëtarum Rex. Vale è noſtro
Muſco Patiano.

Ioach.

T. iij

Eximio

EXIMIO VI-
RO AC POETAE PHI-
LIPPO ENGENTINO S.

Humanis. quod fuere, quot sunt,
Et quot secula proferent futura,
Inter Renigenas decus Philippe.
Magnas hac tibi gratias papiro
Reddit pro meritis tuis amicus,
Quo nemo leuiorq; uiliorq; est,
Vati quo grauior priorq; nemo est:
Quod uestras ubi nuper attigisset
Terras, tuq; tuusq; Bederotus,
O quam splendida corda, quamq; fida,
Mansuetudine, liberalitate,
Cunctis officijs benignitatis
Fouistis uarioq; recreastis
Sermone illius ex dici aquarum
Totum se bene copia madentem,
Hic uester mihi candor est fidesq;
Spectata, integritas, amor, uoluntas.
Gratus pro quibus hoc ego repono,
Quod possum mea quodq; dat facultas,
Ut non præteream silenter ista
Quæ nostri studiosi amici honoris
In nos meq; meosq; contulistis

Dilectos

IOACH. CAMERARII.

Dilectos Comites, quibus disertum
 Nobiscum placuit uidere Erasmum,
 Cuius gloria quantus orbis hic est
 Et forsā patet amplius, superq;
 Digna sidera laude subuolauit.
 Quo magno prius Herculi, Iouisq;
 Sesscentis alijs datum est uenire
 Natis atq; nepotibus, suarum
 Virtutum preciumq; præmiumq;.
 Quin uiuo quoq; filius Philippi
 Diuinos sibi postulare honores
 In terris fuit ausus, exhiberi.
 Te uirtus tua rectius beabit,
 Vel nunc, uel tua posteaquam in alta
 Cœlorum atria uita commigrarit,
 Obstat si quid adhuc, Erasme, uiuo
 Quod plane uetet esse te beatum,
 Vt multum solet inuidere præsens
 Aetas, atq; superstiti nocere,
 Semper posteritate iustiore.
 Sed quo iam feror? unde nunc aberro
 Extra septa uagus? redire præstat
 Rursum illuc prius unde sum digressus.
 Ergo quod licet id tibi rependo,
 Et grates ago non potis referre.
 Ac amicitiam manere coeptam
 Tam fausta atq; bona auspicatione

EPISTOLAE

Nos inter peto, semper indirentam,
 Et ni uos uerear nimis grauari,
 Iam nunc & tua postulem uicissim
 Et cari mihi scripta Bederoti.
 Qui tu pieridum ut tenes Philippe
 Primas uerticibusq; fontibusq;
 Campis, uallibus, amnibus Latinis,
 Sic Graio facile inter ore princeps
 Omnes eminet unus, inq; tanta
 Turba Cecropiae emicat Minervae.

Argentina Id. Iunij Anno 1524.

IOACHIMVS CAMERAR. SODA-
 libus suis Vuittenbergæ.

OMihi dum licuit gratis turba sodales,
 Atq; animo egregie nunc quoq; cara meo,
 Quam legitis uobis hinc scriptam mitto saluem,
 Quo Deus è socio iussit abire choro.
 Nam si me uestrum coetum liquisse putatis,
 Et patria arbitrio rura petisse meo:
 Me miserum cuius fortunæ iniuria tanta est,
 Ut uos quæ non sunt credere facta iuuet.
 Sic tamen & quod ago cedat feliciter, & me
 Vrgenti eripiant numina sancta malo,
 Sic mihi postremo non sit uisa Albidos unda,
 Dentq; Philippeos fata redire lares,

Si non ut maneam, nam tantum nolo precari,
 Ne non sint uoti uerba modesta mei:
 Dum modo praesentes praesens complectar amicos,
 Atq; iterum moestum demq; feramq; uale:
 Ut cessi inuitus sede urbe priore paterna,
 Deseruiq; dolens dulce sodalitium.
 Communes Musas studiorum Iuraq; testor,
 Fineq; sic careat tam bene coeptus amor:
 Ut postquam crebri uos unanimesq; secuti,
 Velletis uestras quisq; redire domos,
 Porrigeretq; mihi pro consuetudine dextram
 Quisq; suam, mea me mens prope destituit.
 Vos ipsi largis abeuntis deniq; nostras
 Vidistis lacrimis immaduisse genas.
 Albiaci uidere sinus, siluaeq; Diboæ,
 Inq; Erphurdiaco Gera lutosâ solo.
 Ipse pater Moenus gemitus miratus obortos,
 Credidit ob matris fata dolere meæ,
 Et luctum patria uisa tellure nouatum,
 Annos deducti funeris ante duos:
 Et quem qua Rheni uiridantes exit in undas
 Latum, atq; in Francis uiderat ante iugis,
 Nunc tristem esse dolet, secum causasq; requirit,
 At desiderium causa doloris erat.
 Me pater ac innupta soror cum coniuge fratris,
 Egredere, quod fugiam seq; suosq; ferunt.

Grandæuis,

EPISTOLAE

Grandæuus, mihi sæpe tuo senium, pater inquit,
Obsequio, ut graue sit, perfice nate, minus.

Da ueniam longæuæ pater, qui nescio fiat,
Ut restent animo gaudia nulla meo.

Ergo mihi iratus consortia uestra negauit,
Inq; relegauit rura paterna, Deus?

O me felicem, si uestra cupido, sodales,
Respondet curæ uestraq; cura meæ.

Si sum uobiscum ueteri numeroq; locoq;
Præsensq; absentis uultus, & ora manent.

Tunc me non frangent, quæ multa aduersa fatigant,
Quæ ne uos cogam flere, tacere libet.

Ah iuuat & dulce est absentum nomina mecum
Dicere, non nihil hac arte leuatur amor.

Ut Iuuenis caræ nomen secum ille puellæ
Reppetit, Idalio quem domat igne Venus.

Hic mihi, quem Iuuenem puero olim Lipsia iunxit,
Qui tenuit fidus semper amicitiam,

Cogito, dilectumq; animo compello Sebaldum,
Munsteria genitum Noride & urbe, domo.

At de te studijs mihi conuictissime Caspar,
Quanta animum lacerat sollicitudo meum?

Francisci & Iani comitum uisantis Erasmus,
Atq; simul potero non meminisse mei.

Ballorhode ô dilecte uale in quo libera uirtus
Cum generis certat nobilitate sui.

Cbilianum

IOACH CAMERARII.

Chilianum, Francumq; equitem, Musamq; discreti
 Pachnoluthi luctu sæpe requiro nouo.
 At tu ciuilis iuris studiose Capella,
 Qui quondam scriptis officiosus eras,
 Si cesset pro te nobis tua littera mitti,
 Quem non odisti, ne uideare, caue.
 Te Syre, te Maior, teq; ò Spicere rogamus,
 Me memore absentes pectore diligere.
 Ianc ministerio magni spectate Philippi,
 Care mihi, & ualeas care minister hero.
 Te ne ego præcream, Vada Francica, cui patria urbs
 Et de Iustino nomina ducta manent, (est,
 Quæ quondam Rex ille habuit qui nobile legum
 Collectum ueterum condidit autor opus.
 Heu mihi heu Nessene Iaces miserande, nec ad te
 Hinc iam missa potest nostra uenire salus.
 Te tamen & deflet lugubri uoce camena,
 Infixumq; sibi mens mea semper habet.
 Pindare quis saltus nobiscum sæpe dedisti,
 Quos exercitium posceret ingenuum:
 Vosq; alij quorum si nomina sola referrem,
 Multiplici carta scilicet esset opus:
 Vos mihi dilecti, saluete, ualete sodales
 Vitaq; uestra omni candida lite uacet.
 Et quoniam semper me tam constanter amastis,
 Deinde uoluntatem quisq; teneto bonam.

EPISTOLAE

Esse prius flammis aduersus desinet humor,
 Et guttas arens respuet imbris humus,
 Et stabunt liquidi splendentia sidera mundi,
 Terraq; crit giris mobilis alma nouus,
 Anteq; in Antiquam cunfundet cuncta ruinam
 Illa prius de quo nata fuere, chaos:
 Quàm uestri ferat ulla dies obliuia nobis,
 O animæ socij portio magna meæ.

Pabepergæ Anno 1514. Cal. Octob.

H. Eobano Hesso.

Quod quaecunq; hucusq; tibi à me littera uenit,
 Officij & sensus fida ministra mei,
 Non nisi lege carens & uerbis scripta solutis,
 Missa tibi uatum est Hesse Poëta, decus:
 Dicere si me uera iubes pudet, & tamen ille,
 Non malus ut sit, res non facit una pudor.
 Nam tanto qua fronte darem carmen rude uati?
 Cuius ad arbitrium Musa uocata uenit.
 Cumq; tot arua serant Heliconis piguia sacri,
 Vberior nulli quàm tibi cultus adest.
 Ista probant quæ scripta fluunt tam diuite uena,
 Luxuriansq; animus fertilitate sua,
 Quodq; liquet nomen quando tua stamina neuit,
 Fatali lachrysin prouoluisse colo.

Scu

EPISTOLAE

Seu te quod Regem facit ut placuisse uidemus,
 Qui uicto laudes Hostrato ab hoste tulit.
 Siue quod à Græca coelum dat origine, quanquam
 Hoc Hæssum certum est imposuisse patrem.
 Hoc igitur quid erat, quàm qui mare, flumina, fontes
 Procreat Oceano mittere munus aquas.
 Herciniæq; nouas frondes superaddere siluæ,
 Vernantiq; uirens subdere gramen humo,
 Bellatrici oleum quis donet habere Mineruæ,
 Aut Cereri fruges uinaue Bache tibi?
 Cui noua decutiunt enata ex arbore poma,
 Phæacum regi nemo dat Alcinoos.
 Me quoq;, si unquam habui præsentia numina uatum
 Omnia nunc celeri deseruere fuga.
 Scilicet hoc coelum non fert hæc terra disertos
 Quosq;, pireneos, aspicias, esse putes.
 Antiphatas sæuos interq; Cyclopia Saxa
 Quis sit honos studijs præmia quæue bonis?
 Plura etiam quàm quot diuino carmine Chius
 Monstra canit uates, tempora nostra uident.
 Hæc uitam ingenuas, si qui excoluere per artes,
 Perdere si possint quomodocunq; student.
 Ignoscas Eobane uelim mihi uera fatenti,
 Me nostri studij pœne mei q; pudet,
 Desertasq; domos Musarum & Apollinis arces,
 Incolere ah quales te quoq; credo piget.

EPISTOLAE

Ut taceam quanta immineant discrimina, habenti
 Quæ loca turba premit seuâ inimica manu.
 Ipse igitur dictum meditator uetus, & sapienter,
 Qui latuit, uitam hunc instituisse reor.
 Præsentîq; utor fortuna, & quo mea uertit
 Vela, sequor, uasto uentus & unda mari.
 Nec sector spretas doctorum numina Musas,
 Iam uersat nullos dextera ut ante libros,
 Quæq; solebamus ludendo scribere uersus,
 Ducitur ignaua littera nulla manu.
 Nam cur unde nihil redeat me littus arare
 Cur, steriliue iuuat condere farræ solo?
 Nemo hæc cui recitem tota reperitur in urbe
 Scilicet æternos scripta premenda dies.
 Ac uelut ægri oculi solis splendore grauantur,
 Sice ad studij mens mea lumen hebes.
 Et fugit infestas ueluti latronibus oras,
 Aonios campos Aoniumq; nemus.
 Et quia non studijs placet infelicia perdi
 Ocia uitæ olim mos erat ille meæ:
 Nunc ego seu posito uino, seu tempora ludo
 Surripio, & misera conditione tero.
 Hæc etiam, quæcunq; uides, tibi misimus Hesse,
 Plane desueta carmina facta manu.
 Sed tu, pieridum melius qui tendis in arua,
 Hunc cursum studij, quod bene cedat, ama-
Musarum

IOACH. CAMERAR.

Musarum cole sacra libens, nos quodq; legamus,

Ingenij pulcrum mitte uigentis opus.

Pabepergæ Id. Ianuarij Anno 1535.

Ioach. amicis S.

Quam legitis patria fugitiuam mitto salutem,
 Qua prope iam restat nō magis ulla domo.
 Non mihi quod morbo deiectum corpus acerbō
 Comminuat uires, ægraq; membra trahat,
 Seu flammaq; geluq; alternis fessus anhelem,
 Seu casu acta roiet triste graucedo caput,
 Ipsa sūum, si quis pertinet, uena tenorem
 Seruat & imposito rite sub ungue salit.
 Sed quas delicias uos appellare soletis,
 Heu mihi me quanto pene dolore necant.
 Sic pereō quoniam curis consumor amaris,
 Et uestram superant iam mala nostra fidem.
 Sæpe uocant magni nos ad conuiuia amici
 Et ponunt tellus quicquid & aura uehit.
 Et qui pegnesso, qui glauci flumine Mœni,
 Et riuīs Pisces qui lacubusq; natant,
 Sed stupidum, & torpens contemnit cuncta palatum,
 Nilq; ibi quod nobis esuriatur adest.
 Addunt quæ biberent Diui pro nectare uina,
 Seu puer hæc Phrygius siue luuenta daret:

V

Que

EPISTOLAE

Quæ faciunt gustu nobis fastidia primo,
 Nec uereor puri poscere fontis aquam.
 Opto, perpetuo non uos, sed talibus illum
 Delicijs, has si quis putat esse, frui.
 Iam corpus qui non minus ac alimenta putatur,
 Nutrire, est lecti pondus inane, sopor.
 Non quod ego uigilem, sed quod uigilante labore,
 Haud ulla somnus membra quiete leuet.
 Quodq; solent alij ceu portum optare malorum,
 Quorum corda graui fessa dolore labant,
 Nos quoniam crescunt illo fatalia damna,
 Tam celeri querimur tempus adesse pede.
 Omnia sic intus turbis saeuq; tumultu
 Collidit strepitu turba diurna nouo.
 Et mea fortunam miserandam experta diei.
 Mens, instaurato nocte dolore, pauet.
 Nunc cat & miserum me aliquis neget, & mihi poenas
 Infligi offensi numinis arbitrio.
 O ego si possim curarum auertere fluctus
 Ut sint placato corda quietâ Deo,
 Non ucrear latices dulces uitare lyæ,
 Scilicet & hausto pellere fonte sitim.
 Non epulas uentri subducere & ocia uitæ,
 Non mihi suspecta nolle quiete frui.
 Aut, quoniam non perdurat sine uita quiete,
 Sustineam dura ponere corpus humo.

Verum

IOACH. CAMERARIJ

Verum hic non reddit felicia numina cultus,
 Obsequia à nobis nec petit ista Deus,
 Erga alia est animi ultium, mentisq; fuganda
 Anxietas isto quàm diuturna, modo.
 Hanc nisi iam pro fratre mihi tu Mica leuares,
 Iam non tristitiæ mens mea ferret onus.
 Tu naui es seuis agitata fluctibus in quem
 Et qua se referat, portus & aura mea.
 Cognatusq; tuus fracto undis firma faselo
 Terra est auxilio consilijsq; suis.
 Ferte precor mihi semper opem quia semper egebo,
 Dum culpæ pœnas exiget ira Dei.
 Qui meritas nobis minuat nisi tollere malit,
 Quàm poterit uestra quisq; rogato prece.

Prid. Non. Martij Anno Christi 1575

IOACH. CAMER. EOBA
 no Hesso.

Hanc è Vindelicis socius tibi mitto salutem,
 Pierij felix agminis Hesse decus.
 Scilicet auctoris necdum scis nomine lecto,
 Vnde sit, & cuius carta notata manu.
 Vel quia consuetam puto te bene noscere dextram,
 Vel quia nulla Hessum Musa latere potest.
 Nostrum igitur miraris iter, caussamq; requiris,
 Otia caussa mihi sunt inamœna uia.

Vij

Quid

EPISTOLAE

Quid facerem dum me responsa manenda morantur,
 Consiliumq; mihi iudiciumq; filet.

Heu mihi nulla fides, quæ si foret ulla relicta,
 Iam staret portu nostra carina suo.

Nullus erat tota iucundus in urbe sodalis,
 Longi reddebant omnia longa dies.

Ipsc etiam spacioq;, & ui sudoris Apollo
 More suo fessis lentior ibat equis.

Ergo ego suscepi quod tædia fallere posset,
 Quæ sua Vinda Lyco flumina miscet, iter.

Vinda parum à propria deducto nomine uoce,
 Si proprium quod nunc Vincla uocatur habet.

At tua si scirem quo sit Montane colore,
 Quo sit dixissem uersibus unda, Lyce.

Nam neq; quod uiridis nimium est, bene glauca uides
 Nec uiridi satis est, nam nimis albet, aqua. (tur,

Quæ neglecta tamen uiridans situs occupat æra,
 Is facit hanc aliquo dicere posse modo.

Quoq; magis noscas de fontis origine disce,
 Per iuga de liquida nam uenit alta niue.

Hæc, quam præcludunt duo flumina, uenimus urbem,
 Iam medium phæbo perficiente dicm.

Quid quæris? non est opis, huius dicere, nostræ
 Diuitias, positas, mœnia, templa, domos.

Tu quoq; Pegnesi laudes qua littore muros,
 Huius ea debes concinuisse, Lyræ.

Romanum

IOACH. CAMERARIJ.

Romanum agnosco nomen uiresq; Latinas.

Hic igitur ciues Roma fuere tui.

Non tamen & casas Germano Marte cohortes,

Hoc Auguste tuas arbitror esse loco.

Quod quidam pictumq; dedit scriptumq; reliquit,

Serius huc uenit copia, Roma, tua.

Verum propositi non sunt hæc seria nostri,

Inceptum teneat nostra Thalia suum.

Hesse mihi studij communibus addite sacris,

Quam miseri indigna conditione sumus?

In tanta tam culta opibus rebusq; potente

Quis tamen & nostris artibus urbe fauet?

Attamen eductas cælo prosternere moles

Sæpe solet, nullo concutiente, dies.

Vrit uastatrix auratum flamma Lacunar,

Callidus effossa fur rapit æra domo:

Robore fulta suo csi sola immortalis honestas,

Sola hæc diuini seminis instar habet.

Quæ, quia nostræ artes huius cultura perilis,

Heu mihi quo nostro corruet illa malo.

Quæ sero, & plagis docti credemus, at illa

Cognitio diri caussa doloris erit.

Quo rapior quasi equo indomito cū frena momordit,

Curriculum teneat nostra camena suum.

At tamen Hesse dolet, propior sed me dolor urget,

Quem lenit studio Calliopea suo.

EPISTOLAE

Hos etiam scripsi nostri solatia questus,
 Quæ ueluti debes consule scripta boni.
 Quod superest, hæc est uotorum summa meorum,
 Vosq; statim ut liceat uosq; uidere diu.
 Augusta Vindel CL. Iunij. Anno Christi.
 1527.

IOACH. CAMER. H. EO
 bano Hesso.

MAgne uir & nostro uatum clarissime sæclo,
 Præcipua & nobis Hesse colende, fide.
 Queris quid tibi uenturo mandemus in illud,
 Quo data prima mihi sunt alimenta, solo.
 Dulce alijs hoc dulce mihi est, si uera fatendum,
 Hoc mihi caussa tamen tempore, moesticia.
 Tempus erit melius fortasse & nubibus actis,
 Adueniet grata luce serena dies.
 Nam neq; perpetua nigrum est caligine coelum,
 Nec semper longo Iuppiter imbri pluit.
 Sæpe etiam æthereum lumen solesq; reducit,
 Et Zephyros leni murmure flare iubet.
 Quam spem multa mihi faciunt, & maxima quedam,
 Sed quæ nunc tacito sint retinenda sinu.
 Sed tu si patriæ continges oppida nostræ,
 Infesta, at nullo crimine lesa meo.

Tector

IOACH. CAMERARII.

Testor & ipsius contraria numina nobis,
 Cum non esse etiam nulla benigna putem:
 Quicquid, id est sortis, quæ nos inimica fatigat,
 Immeritum nullo perdere iure caput.
 Ergo ubi non altis munitam moenibus urbem,
 Videris & nostræ lecta paterna domus,
 Indignante uicem nostram me mente requirens,
 Dicitur cur mihi non es Ioachime Comes?
 Adijce eris sed forte breui, si uota benignum,
 Spes bona quod spondet, sunt habitura Deum.
 Ac iam magnifici superaris limina Pauli,
 Qui decus est generis qui patriæq; suæ,
 Qui quoniam colit hoc despectas tempore Musas,
 Se modice cultam Pieris esse negat.
 Nunc etiam steriles nos exercere camœnas,
 Aruâq; spe nulla conseruisse iuuat.
 Exemploq; labos pulcerrimus esse probatur,
 Quis fugienda sibi quæ facit ille putet?
 Illius intra igitur postquam penetraueris ædes,
 Aoniam præscns contigerisq; manum,
 Dixeris & gratæ, ut consuevit, uerba salutis,
 De quoq; sit nobis dicere cura tibi,
 Quid queris dicenda tibi? notissima quæ sunt,
 Et me scis semper de quibus Hesse queri.
 Summa tamen quædam tibi commendabitur, illum
 Propugnare uelut meq; meosq; roga.

EPISTOLAE

Sed de me quamuis studium curamq; remittat,
 Ne modo subuersos deserat ille meos,
 Indigna in luctu atq; situ ratione iacentes,
 Non ulla culpa commérito suo.
 Hoc sat erit. Verum quam possit ferre petenti
 Me melius præsens ipse uidebit, opem.
 Ut se cuncta dabunt, occasio ut accidet ulla
 Sic nostri rogites ut meminisse uelit.
 Hæc tu si Musas spirante peregeris ore,
 Ipse uia tulero pramia magna tuæ.
 Quodq; mihi possis facere istic hoc erit omne,
 Utq; uelis, nostri mutua cura iubet.
 Quod nisi quam cælo deiecit Iuppiter olim,
 Nunc premeret nostram pestis acerbæ domum,
 Me quoq; non præsente tibi nonnullus haberi
 Gentis honor poterat sedulitate meæ,
 Nunc cura officij mærore repellitur omnis,
 Ipsa sua & tractat uulnera sola manus.
 Restat ut à magno mox Hesse reuersus amico
 Hic cuncta à nobis experire, Vale.

Norimbergæ æquinoctio autumnali

Anno 1527.

IOACH. CAMERA. GEOR-
 gio Sabino S.

Cum tua pieridum contingant nomina laudem
 Quæq; facis celebris carmina fama uebat,
 Et

IOACH. CAMERARII.

Et studij quantum huc operæ puer usq; dedisti,
 Præmia, doctorum, digna sequantur, amor:
 Quam mihi misisti cur non sit littera, miror,
 Scripta per alternos officiosa modos.
 Venerit ac potius numeris & lege soluta,
 Grata quidem, & tamen hoc nomine grata minus.
 Me memini ingenium quamuis rude sæpe probare,
 Et tua non notis pectora plena Deis,
 Cumq; quod indicium successus esse putabam,
 Tam puer excellens aggredieris opus.
 Risimus ad quædam studij primordia grandis,
 Conatum vires exuperante tuas.
 Et fuerat noster risus tibi caussa pudoris,
 Fallor an & lacrimis immauerere genæ.
 Quid mirum si quæ caruit structura Magistro,
 Principio multis est vitiosa locis?
 Omnibus accessit decor arte & tempore rebus,
 Humanus potuit quas dare cunq; labor.
 Quæ madidas emersa comas ex æquore siccant,
 Haud temere ex petra scilicet exiit.
 Quæ nitet in rutilo facies expressa metallo,
 Seu tua rex Macedum siue Dariæ tua.
 Hæc altis fuit ante metallica massa cavernis,
 Aut in arenosæ littore segmen aquæ.
 Perfecit simul atq; simul natura creauit,
 Terrarum cernis quicquid in orbe, nihil.

EPISTOLAE

Tu quoq; cuius erant operum primordia nuper
Talia, Pegasidum gloria fontis eris.

Hanc faciunt mihi scripta fidem tua carmina certam,
Illa tuis annis grandius instar habent.

Argumenta tenet sed quod non una, decebat
Hortatorem etiam carmem adire suum,

Inter ego te sum multos hortatus ut esse
Quantus es inciperes, post modo quantus eris.

Si mihi quos legerem inuidisti mittere uersus,
Inuidia hæc sceleris non leue crimen habet.

Quid dicam esse aliud causæ? tua quando feruntur
Vndiq; doctorum scripta per ora uirum.

Nunc tamen hæc fuerit sorte inquisisse malignum,
Hac igitur ueniam nos tibi lege damus,

Si mihi post quoties poteris quotiesq; licebit,
Imparibus mittes scripta notata modis.

Ipsæ etiam quoties potero quotiesq; licebit,
In respondendo non taciturnus ero.

Cetera quæ missa legi mandata papiro,
Nostra esse et a tibi sedulitate dabo.

Quod superest dilectæ mihi, stirps inclita phæbi,
Hoc agito ut fructus, quos pollicere, feras.

Et mea scripta animo non indignante Sabine
Accipe scripta tui plena fauore, Vale.

Norimbergæ Non. Decembr. Anno 1523.

H. Eobach

Qvis tibi uisus heri qui nobiscum fuit hospes
 Hesse, uetustorum qui fert monumenta librorū,
 Quos sese Italicis nactum memorabat in oris?
 Nostrum an ad exemplum tibi moribus esse uidetur?
 An magis è Latio se fingere? qua studiorum
 Fama tu censeres? ane egregia ueluti nos?
 Nam bene de nostris sermonem rebus habere
 Nouit, si quid ego scio uera notare, disertus.
 Nobiscum te igitur confido fuisse libenter.
 Non quod amatoris tibi frustrata usq; adco spes
 Et noua fiebat quæ fabula prisca, placeret:
 Sed quod quem audieras laudari, noscere uelles.
 Scilicet est alpes aliquid transisse niuosas,
 Perq; Apennini quondam penetrasse cauernas,
 Aut mare per salsum perreptasse extera regna.
 Hoc uenit & uirtus & gloria nomine. Quam nos
 Infausti Dij producti in luminis auras
 Hesse sumus fatis? quibus unica flumina Mani
 Atq; Geræ, & Pegnesi, Norica qui rigat arua
 Degustare dedit, Magnis fortuna negatis.
 Nam quod Sarmatici regni per stagna natasti
 Te quoq; credo piget madidum, sine re sine fama.
 Me tamen haud nimium uita huius poenitet Hesse,
 Forte quia alterius potior non contigit usus.

EPISTOLAE

Ut uulpes, cuius caudam præciderat arcus
 Falx herba latitans, narratur callida quondam
 Integris truncare suas suasisse, quod essent
 Pondus iners et inutile. Nos quoq; quando maligna
 Sic uoluit fortuna genus leue degere uita,
 Grandia dicendo non esse sequenda probamus.
 Et tamen hac uere nisi fallor parte beati
 Hesse sumus, quod nec quod habemus habere dolemus
 Nec quod abest auidi petimus sine fine modoq;
 Norimbergæ Cal. Febr. Anno 1529.

IOANNI SEILERO VIRO
 opti. Ioachim.

Si potes in paruis cum multis adibus esse,
 Optime, req; ipsa nobis bene cognite, cuiq;
 Nos sumus in dubijs perspecti rebus, amico
 Scilicet, hoc ad nos uenias fac luce suprema,
 Cum sol occiduas fuerit prope lapsus in undas,
 Nec multum ad noctem super umbra plus erit una.
 Ille etiam astrorum promisit in arte peritus,
 Qui docet Phœbi cursus lunæq; meatus,
 Et quo sint positi per uastum sidera cœlum,
 Exortu quorum pluuiæ uentiq; cientur,
 Aera purgatum quæ reddant nube serenum.
 Ille docet fati hominum consistere uitam.
 Quæne sit egresso in lucem bona stella nocens:

Quæ

IOACH. CAMERARII.

Quæ ridet noster stridenti Mica cachinno.
 Præterea ueniet scribarum gloria Hopellus,
 Doctus auelanas nucibus deducere braccas.
 Et ueniet Cynici laudator Mica pudoris.
 Qui non ut librum Rossensis pellegat unum,
 Adduci poterit tunicaq; togaq; nouella.
 Sed iam conuiuas qua inuitem lege requiris?
 Acria Renano de littore uina bibetis.
 Ni melius tecum attuleris. Namq; haud mea condit
 Multorum generum laudatos cella liquores.
 Fercula carnis erunt donatæ prima serinæ.
 Proxima, perdices simili mercede paratas
 Obijcientq; gulæ, uentrem angustinaq; replebunt.
 Atq; aliqua hæc inter risus fabella mouebit,
 Tristitiaq; hilari cunctam de corde fugabit.
 Nam sicyæ hesternæ nobis suxere cruorem
 Mæstificum, qui me prope tum demiserat orco,
 Afflictum capitis morbo atq; graui pituita.
 Cœnatis ueniet nobis etiam super Hæssus,
 Ille nouenarum, laus, gloria, fama sororum.
 A nostra abducunt quem certa negotia cœna.
 Impertire uolo tamen & tibi seria, nanq;
 Accersitus eo iam rus, ubi Nucelius nunc
 Se reficit, curasq; urbanas decoquit omnes,
 Ac urbis reparat se ad publica munera nostræ.
 Hæc siccis tamen ante dapes & pocula agentur.
 Nam placet hanc totam securum degere noctem,

Non

EPISTOLAE

Non latium miserantes, non Hierona timentes.

Quare age mensa uocat nisi te magis uncta uenito.

Norunbergæ Id. Martij 1519.

Eidem Ioach.

Iam sol oclipedis peragrato fidere Cancri,
Pergit ad Herculei feruentia terga Leonis
 Falcigeraq; manu spoliatus floribus aret
 Campus, & acria pallescunt arbore frondes,
 Nec uelut ante suum deflet Philomela pudorem;
 Et uolucres etiam fugientia lumina Phœbi
 Perceflunt, totis se uiribus exerit æstus,
 Corpora deficcans, aciem ingenijq; retundens.
 Scilicet hæc inter nos tristi pectore nulla
 Leticia cūras animi sedante fruemur?
 Est mihi sæpe tuæ sapientia cognita mentis,
 Rem iuuat ergo istam Scilicet exquirere tecum.
 Et uersare stilo ueterum monumenta Sophorum
 Gaudia qui fugienda bonis dicuntūe negantūe.
 Et iam porticibus procedit plurima turba,
 Virtutemq; suam memorat durosq; labores,
 Et planum in summo uictis iter esse salubris.
 Laudat & Alcidae clauam, & patientis Vlyssis.
 Errores. Quæ mi Deus oro auertere felix
 Dignetur. Quis enim demens sibi damna malumq;
 Sponte sua accersat, Velut excusa ipse sibi crux

Compede

Compede si religet. nisi erant non damna malumq;
Ditis obire domos uiuos, iugulareq; natos
Illam, hunc insidias soboli uxoriq; struentes,
Et nusquam tutos consistere, cuncta timere.
Non igitur uirtus nisi carnificina putanda est?
Quanto Epicure tuis (neq; si quod numina ledit
Dogma probo diuina tuum, neq; cetera laudo
Quæ ueram perhibent rationem euertere) sed tu
Quanto Epicure tuis melius requiescis in hortis,
Et merori fugam monstras excellere uitam.
Quæ mala nulla sequi, sed nec trepidare futuris,
Nec præsentia ferre, uelit, firmo male corde.
Inclamas uitia, & celebras uirtutis honorem.
Suauia commendas, non ut meliora professus
Sardanapalei laudes epigramma sepulcri,
Es, bibe, sectator Venereni, nam cetera bustum
Includit. Miser est qui sic rem sentit habere.
Atte delectat moderata & sana uoluptas,
Quæ neq; delicijs animum eneruet, neq; prauis
Instituatur pectus documentis, quæq; ab obeso
Ventre uetet sensus subtiles gignier. Ergo
Hac mihi plus Zenone places parte. Haud ego honesti
Fines excessisse probo, est & honesta uoluptas.
Ne longum faciam, cuius tibi talia causa
Scribere sim aggressus nunc accipe. Candida turba
Concordes animæ, delecta cæterua, sodales
Constituere animos fessos reparare labori.

EPISTOLAE

Dulci colloquio, & conuiuia laeta agitare.
 Cum pare quisq; sua. Si quæris nomina, dicam.
 Primus es Anonidum qui sceptrum tenes Eobane,
 Gloria Apollinei gregis & tutela Eobane.
 Hunc consule Myli comitabere iuris & equi.
 Et tuus hos ueniens Mica inter utrosq; latebit,
 Vxores uxore sed exuperante utriusq;.
 Ecce suas noster iam cartas ponit Hopellus,
 Festinatq; prius quam fumet adesse culina.
 His ego te studeo Seilere adiungere. Solum
 Mene uocas, inquis? Sane decimus, licet absis,
 Dum modo nos facias certos amplius locus est in
 Hortis Pegnessi ad uicinas mœnibus undas.
 Symbola quemq; manent sua. Sed tu quem tamen esse
 Nobiscum optabis nostris sit moribus aptus,
 Vobis me socium adiungam, quondamq; sororis
 Defunctæ inuitabo uirum nostræ. atq; utinam ne
 Coniuge in hac turba parili spectare carentem
 Cogerer, & te utinam. Sed adhuc mihi uota supersunt
 Nescio quæ, sed sunt quædam tamen, hunc quib. & te
 Destino connubijs. Illum non absq; dolore
 Germanæ amissæ, te lætius. Hæc ego magno
 Nunc committo Deo. Tu prima, si uacat, hora
 Nos hodie expectato domi, ut tecum omnia præsens
 Constituam tempusq; diemq;. Hæc grata uoluptas
 Demum est, unanimes inter quæ constat amicos.

Norimbergæ XI. CL. VII.

Eidem

IOACH. CAMERARII.

EIDEM IOACH.

AD rem seruandam iubeo saluere paratum,
 Ad rem perdendam non aequo numine natus.
 Hoc modo non similes, fratres ad cetera mente
 Ingenioq; pari. quibus unà, si qua probantur,
 Unà, si qua minus, trutina expendantur utrisq;
 Tu laudas si quis Catus auxit fœnore nummos,
 Extruxitq; suis cistis solidi aris accruos,
 Aurum & ferratis cui fuluum splendet in arcis.
 Ac te compactum, sic, ut si copia detur
 Tollendi, nequeas, nisi fixum cuspide carpas,
 Vnum de tanta summa tibi præhendere nummum.
 Me iuuat in tenuis pascere uolumine libri,
 Atq; oculos prisceis obtusos perdere cartis.
 Seu lego Mœonide Laertia carmina uatis,
 Aut diuum Iliacis rixas & prælia campis,
 Seu per Socraticos lentus circumuagor agros
 Et præcepta bonæ studeo cognoscere uite.
 Iamq; ubi Sol rutilos subduxit gentibus ignes,
 Membra leuem capiant quàm delassata quietem,
 Fabula nos mores hominum docet ante latina.
 Mane quoq; exortam ante sopor non uertere lucem
 Consuevit. ualeat pallentis cura metalli.
 Quis uideor? nonne optata mage sorte beatus
 Quàm qui mercatus omnes percurrit, & audet
 Propter diuitias animam exposuisse periclis,
 Damq; iter Hercinie facit ardua per iuga sylue

X

Arboreas

EPISTOLAE

Arboreos stupet ad truncos, & murmura frondis,
 Et tremit ad fissi conspecta cacumina ligni.
 Aut qui despoliat Germanas mercibus oras
 Improbus externis, frumenta q; subuehit hosti
 Cesareo. ò peream, quàm talia crimina nostram
 Contemnerent famam, satis est ueterum ante malorum
 Sed mihi dum pistor male credit, dum male caupo,
 Illis praesentes dispensant omnia nummi.
 At mihi nec fraudis nec mens sibi conscia lasce
 In somnis fidei mittit phantasmata, nec mi
 Sollicitudinibus languescit uita diurnis.
 Assa mihi in parua patina sine ponit oliua
 Coniunx, & carnes ouium seu forte bouillas
 Non condit calamo, neq; limphata usq; petitis
 Miscet ab extremis mihi iura saporibus Indis,
 Sed nos hac inter non ringit cura peculij,
 Artibus infandis meditantes publica damna.
 Quid faciam? maior capit haud fortuna minorem.
 At poteras, inquis, ciuiles discere caussas,
 Et calcare forum transuersis gressibus, inter
 Iudicia, & pullae caueata sedilia turbae.
 Carmine, tu cæci, uatis nunquam facies rem.
 Consilium agnosco, uerum mala nomina Iuris
 Formido procerum, penitus metuenda sonantum.
 Ut taceam laceras leges & dimidiata
 Scripta insinceri uario cum codice Iuris.
 Et quod, ut antiquus queritur grandi Ennius ore,
 Non

IOACH. CAMERARIJ.

Non ex iure manu confertum, sed magis ferro
 Rem repetunt, regnumq; petunt, uadunt solida ui:
 Quid quod ad audaces citius uictoria migrat
 Quàm doctos? Nullus nunc est cum fronte disertus.
 Testis Falcidius, testis Gela, testis Alauda,
 Ac acies rubeo semper Mucronia uultu.
 Sed, nam correctos ultra alpes nactus adesse
 Narratur libros, & linquere Caesar Iberos
 Dicitur, ut terras componat iure paternas,
 Forte tuis monitis accedet nostra uoluntas.
 Interea neq; qui recte in lare paupere degam
 Negligo, libra tuis cui nummis bina redempta
 Nuper ab affine est. bonus esse uolo atq; fidelis,
 Et tibi qua posces omni ratione caucri,
 Quandoquidem noster tandem est iam scriba reuersus.
 Crede mihi uideo quantum sit habere necesse
 In sumtus, olerum, panis, salis. Ecce farinana
 Vxor nascenti puero cum lacte requirit,
 Et coctus bibitur plus uno gutture Bachus,
 Iamq; domus cura nobis est aucta leuata,
 Venit enim germana soror pedibus prope claudis
 Dum fugit irati sine caussa, iussa Hieronis.
 Omnia sed sorti facilis permitto secunda,
 Quod fieri amissa tantum non Cancer ait Re.
 Præterea dedimus quedam mandata ministro,
 Quod petet hic, facies, ut cætera, corde lubente.

Norimbergæ, Annô 1529.

X ij

Ioanni

EPISTOLAE

IO ANNI MYLIO IVRIS
consulto. Ioach.

Sectator laeta Iurisconsulte culinae,
Nulla Myli si te conditior esca moratur,
Saltem hodie paruo lare mecum & paupere mensa
Vtere contentus, nam nummo ditior uno
Caussa nemo tua fiet piscator & auceps.
Mappae uile tegent acer albæ, pocula limphis
Munda feret, calices uitreos phialamq; paternam,
Tum patinas orbesq; dabit de iure relotos
Hesternò, leue & ponet cum pane salillum
Candidulo, uitæ coniunx aptissima nostræ.
Ipsa penus solitisq; cibis nos pascet, & undæ
Funderis Bache impatiens. Sed libera fandi
Copia de nostris, & erit locus, omnia rebus
Dicere, quæ dicenda aliquis sibi cumq; putarit.
Nec quisquam quæ forte uolet, tunc ore loquetur
Astricto, neq; erit magnos sermone necesse
Ad struices linguam tibi composuisse proteruam.
Hoc etiam inde boni capies, onerabere nulla
Immodica uariaq; dape. Et si nausea crudum
Forte tenet, medica te nostra ope mensa iuuabit.
Sed fac mox uenias, quartam æs nam nunciat horam
Publicum, & indicit ciuilibus ocia rixis.
Nec mihi, quòd me ad cœnam posse uenire negaui,
(Nam famulus tuus hæc scribentem inuitat, & addit
Ipse

IOACH. CAMERARIJ.

Ipse sui, ut credo, studij quiddam) esse uelim te
 Iratum nobis, neq; enim temere esse putabis
 Quod tibi, difficilisq; negem quod tale petenti.
 Sed mihi, si uenies, ignosces ipse, nec ultra
 Ad tua de nostris duces conuiuia rebus.
 Utq; adeo coram possis rem noscere totam,
 Iudicioq; tuo præsens decidere litem,
 Optime uir simul & Iurisconsulte uenito.

Norimbergæ Anno, 1599.

IOANNI MYLIO IOACH.

VT ueniam ad tua care Myli uis prandia, utriq;
 Hoc facile est. Etenim satur & distentus hebesq;
 Hesternis ueniam dapibus coenaq; Rubellij,
 Collucebat ubi structo angulus omnis ab auro,
 Et patina ex albo splendebat ducta metallo,
 Ordinibusq; epulas famulus bis quinq; ferebat.
 Non ibi iure aberat perfusa ferina nigello,
 Non aberant Istri pisces fugientis alumni.
 Sanguineos caneros argentea uasa tegebant.
 Gnauorum memorem quid condimenta cocorum?
 Quid? quot non generum scio, delectissima uina,
 Quod rapidū ad Renum liquidū quod Neccara creuit,
 Rupibus Heluctijsq; & duri Franconis aruis.
 Verum hæc conuiuæ superabant omnia læti,
 Felcidiusq; Midasq; & Publius, atq; Sacranus,

X ij Caluusq;

Caluus q̃; Albinus q̃; & Symphorianus & Aulus.
 Attila, uulturius, Catulus, Mucronius, Vrsus.
 Innumeri q̃; alij, quos uix potuere tabellæ
 Tres iunctæ accipere, & non possent, ni Catulus se
 Transuersum inferret, gremio q̃; sedere Sacranum
 Poëne suo impositum, carum pateretur amicum.
 Et iam cum scurris fidicen ueniebat, at illos
 Non admiserunt clamores, quos puto unum
 Largiter epotum crebros exciuerat udis.
 Nunc age Musa tuo mea pectora numine comple,
 Plane ut ibi auditos sermones promere possim.
 Principio laudes equitum Sacranus & Aulus
 Et Caluus cum Vulturio pleno ore canebant.
 Publius hos socius q̃; Midas culpabat, & esse
 Prædonum turmas dicebat, quis neq; iustam
 Militiam neq; bella sequi mos segnibus esset,
 Sed mercatorum tantum decerpere saccos.
 Flagitijs clarum maculent qui nomen auorum.
 At sunt præsidium, nam quis negat? omnibus isti
 Principibus, quibus absq; foret iam nemo teneret
 Pacatum regnum: Sed quod castigat equestris
 Ordo suis homines fraudantem mercibus orbem,
 Haud reprehendo, Albinus ait, quis quæso superbos
 Elatos q̃; animis ferat? Institor ille igitur hic
 Vanus despicit? quia Publius inquit in eodem
 Antro habitas, & grata quoq; est tibi portio prædæ.
 Cui Caluus, nimirum hoc est nos dicere uulpes.

Publius

IOACH. CAMERARII.

Publius arridens, nisi mauis esse Lupum te,
 Esto inquit uulpes. Sed uena in flata Sacrano
 Cerula per rubrum ducebat retia uultum.
 Forsan & in rixas studio certaminis iſſent,
 Falcidius, litera nisi decidisset, & inter
 Se medium ponens legem sanxisset, ut omne
 Diluere iratum dictum calices duo possent.
 Ianne tuas leges ait, auscultabimus, Aulus.
 Falcidius spectans sulcato hunc ore, quid inquit,
 Quæſo affers sacro Musarum ex agmine nobis?
 Nunc adeo Aonij ueniens de uertice montis.
 Quid? nisi quod monuit me scilicet una sororum,
 Falcidia ut nunquam paterer me lege teneri,
 Et fugerem inflatas fauces oculosq; suillos.
 Hunc insultantem cunctis uic feremus inertem?
 Falcidius clamabat. at Aulus pax ait esto.
 Cœnæ sacra inter, quem laudans protinus Vrsus.
 Insignem pateram gemmis auroq; propinat.
 Iamq; epulæ & tenues sublata marmora mappæ
 Nudabant, quæ Vindelicis mittuntur ab oris
 In tabulas quadris incidunturq; figuris:
 Cum fersuccinctus leuia ilia, uina minister,
 Stantibus èq; manu protendit pocula utraq;
 Laua gerebat enim rubrum, album dextra liquorem.
 Dumq; bibunt Albinus & Attila, Symphorianum
 Nescio qui, præse latum Mucronius egre
 Dum patitur fieriq; dolet sua stemmata parui,

EPISTOLAE

Non ualedicto abiit festinans hospite primus.
Iamq; nigrescebant submerso Sole plateae,
Omnis quisq; suas ades cum turba secuta est.

Norimbergæ Anno Christi 1530.

IOANNI MYLIO IURIS
consulto. Ioach.

IRasci nolim tibi nec possim. male sed me
Iuris habet consulte Myli, quod cætera doctus
Virq; bonus, ueras artes contemnere, quàm sit
Infandum scelus ignoras, nisi forte uideri
Contemptor cupis, & nobis imponere quæris.
Sed mihi iam dices, ueras contemnere ne artes
Sustineam illarum professor? tu mihi nugas
Artis componis uestitu & nomine uera.
Non mihi, crede Myli imponis, sed falleris ipse.
Nam non diuinis maior sapientia Musis
Vlla fuit, non ulla prior sapientia fiet.
Te tamen & sacros ego quondam hausisse liquores
Accipio, & iuga Parnassi tentasse. Quid ergo
Esse mali dicam? Quod enim superare potestas
Non data sit fatis succenses? Esse uirum te
Non tali leuitate Myli cognouimus. Ergo
Erras. Nec tu errare Myli cum sis homo supra
Turpe modum natus ducas, erratur ubiq;
Sed tolerabiliter ratione ubi uincitur error.

IOACH. CAMERARII.

Tu ne putas, vulgi fert sicut opinio, uana
 Sacra uoluptatis diuorum carmina uatum
 Materiam esse, nihilq; nisi quod uoce titillet
 Blanda animos hominū faciles comprehendere Musas?
 Haud ut credo putas uir talis. siue tamen tu
 Sic statuis, seu commemoras quid turba loquatur
 Expers doctrinae & studiorum inimica bonorum.
 Quid ratio tamen euincat uideamus uterq;
 Toto & perspectum teneamus pectore, nobis
 Haud populo hæc, quoniam non uult audire, canentes.
 Ergo quid est? nunquid nihili & res parua Poeta,
 Aut nihil utilitatis habet memorabile carmen?
 Esse aliter uix eximio persuasero Cræso,
 Cui prior est Phœbo Musis prior alea uictrix,
 Sed ratio diuersa mea est, credo & tua, sed sic
 Nunc ago tanquam habeat te scilicet ille patronum.
 Si non est igitur studium componere uersus
 Præclarum, quid ego hos paruos memorare Poetas
 Sustineam? nihil est diuini carmen Homeri,
 Atq; opere in tanto ille operam uir perdidit omnem.
 At uetus hunc habuit Sparta qui legibus urbem
 Et uirtutifero fundauit iure, magistrum.
 Quid spectamus adhuc facilis temeraria uulgi
 Iudicia, arbitrioq; animos componimus huius?
 Nam quando doctrinae aut artibus illud amicum
 Quando fuit cordi huic uitæ cultura seueræ?
 Et tamen est, inquis, prudentia, seq; suosq;.

EPISTOLAE

Respicere, etatisq; suae communibus uti
 Moribus ac studijs, & inutile linquere nomen,
 Ingenij, Musisq; operatas spernere cartas,
 Atq; ea quae uel nemo colit uel percipit alter,
 Non aliquem exercere sine fructu & sine laude.
 Immo aliquis restat Musis non prorsus iniquus
 Quiq; amet ingenuas simul ac intelligat artes,
 Et non Aonio consedit cespite nemo,
 Gorgonco aut fusos gustauit fonte liquores:
 Hos igitur par est motam decidere litem.
 Horribilis quondam fertur sibi cauda Draconis
 Primis, & ius ducendi petiisse uicissim,
 Tempore nam longo se se caput esse secutam.
 Quod postquam obtinuit, sic tum praecessit, ut omne
 Corpus per uepres, dumos, spineta, salebras
 Afflictum raperetur, & ipsa offenderet una
 Pars caeca & uecors. Sic si uulgare iubet me
 Iudicium ante sequi cedens, male praecipis, & me
 Seducis, consulte Myli carissime Iuris,
 Non modo ciuile quo controuersia saepe
 Finitur ciues inter, sed copula uera
 Per quod amicitiae iucundi iungitur usus.
 Sed neq; tu praecpta Myli das talia, nec me
 Decipis, ac potius quæris cognoscere nostram
 Hac de re rationem, atq; hanc augere benigne
 Suffragante tuo studio mihi. Sed licet ut mox
 Hac de re coram, de alijs uelut ante, loquamur.

Petro

IOACH. CAMERARIJ.
PETRO PABEPERGENSI,
amico S.

Cum tua de nobis Petre tam præclara uoluntas
Iudicij, celebret nostrum per carmina nomen.
Meq; Melanchthoniæ dignetur iungere laudi:
Sim prauus, si non, ut non agnoscere possim,
Pro meritis studeam gratus q; bonus q; uideri.
Non sapiens ego sum, neq; de Zenonis alumnus,
Ut non uel falsis delecter laudibus, idem
Terrear infamante, nihil mihi conscius, ore.
Nunc ad te redeo, cuius me scripta Poetam
Pœne iterum fecerunt post longa ocia. Meq;
Sopitas excire nouem iussere sorores,
Quæ mihi deserta iamdudum in parte iacebant
Nam mihi nec studiosos postremo inter, opinor,
Nec contemnendo penitus, tamen experienti
Vires, displicui ipse, quia ut ne nomina dicam
Virgilijq; Albijq; Lyramq; tenentis Horatij,
Non facerem uersus nostri similes Eobani
Versibus. Utq; magis uerum tamen hic tibi dicam,
Quod sprete obscura Musæ sub nocte iacerent,
Scribere tædebat sine laude & carmina fructu,
Spernere quæ possent mediocres, carpere docti.
Inter cum tamen ista uagabundus ferè & errans
Aufidia incerto pede littora lentus obijsssem,
Minitadosq; usurpasssem mihi arundinis usum,

Tentasssem

EPISTOLAE

Tentassem & Nasonis opus priscaq; Catulli,
 Omnia non cum re magna peragens sed amore,
 Antiquae uirtutis & istorum studiorum.
 Ne faciens nihil hoc aliquid facerem. Hoc aliquid si est
 Sed recte ostendis non nos debere moueri
 Iniusta uulgi censura, ipsamq; tuentes
 Virtutis speciem stultam contemnere plebem.
 Deq; bonis bene sperare, atq; ita pectore firmo
 Vrgere Aonidum studia, optatissima rerum.
 Saepe ego, crede mihi, cepi, sum saepe repulsus
 Diuerso mentis motu, ceu fluctibus. Illuc
 Huc agitur uento saepe aduersante carina.
 Sed, puto, constituis iam cum sine nomine uelle
 Viuere decreui, uanis nec honoribus auctus
 Re sine, contentus modico, non notus, egenus.
 Ut neq; me multi esse sciant natum, ut quoq; fato
 Defunctus fallam reliquos, me desleat una
 Sicut nunc uno me turba domestica gaudet.
 Longum erat huc contendentem mihi crede uenire,
 Magnus & ut sit ibi sedes quoq; firma labos est.
 Nunc igitur, quod me soletur, cuncta uidentem
 Vexari rabie, misceri sacra profanis
 Iura nihil legesq; ualere, fidem esse sepultam,
 Vi peragi res iniusta omnes, bella uigere,
 Aut in Aristocleas me totum implico cartas,
 Aut quo perpetuam meruisti carmine famam,
 Quae lego erroresq; tuos & praelia uates.

Hae

IOACH. CAMERARIJ.

Hæc longa irati stomachus quæ fecit Achillis,
 Illos bis decimo anno quos finiuit Vlyſſes.
 Deinde horum admiratores adiungo Latinos,
 Arpini decus & famam, Musamq; Maronis.
 Quos ego ſuſpiciens merito uirtutis utroſq;,
 Tanquam ad luſcinia concentus rana coaxans,
 Te quoq; nunc, ut nemo legat reprobetur, monente
 Germanos latio pennas agitauero ductu,
 Atq; modis aliquod ſcriptum perarauero Graijs.
 Namq; tuum mihi pro monitis ſtudium eſſe putabo.
 Atq; ita qui humanis iactant in rebus, opesue
 Viresue aut titulos, regno imperijsq; potentes,
 Acqui, quod mihi ſors dederit nil tale, boniq;
 Deſpiciam faciens. Me iudice Petre beatus.
 Norimbergæ Idus Aprilis, Anno 1550.

IOACHIM. CAMER. DANIE-
 lo Subaro S.

Hanc è Vindelico mitto tibi rure ſalutem,
 O animæ maior pars Daniele meæ.
 Quid dubitans cartam uertis nomenq; requiris.
 Debuit autorem ſignificare manus.
 Miraris tamen hæc, quod de tot milibus à me.
 Littera pierijs uenerit unà modis,
 Deſine mirari, requies mihi ſola petita eſt,
 Quid facerem melius pulcherrimus eques?

Sepe

EPISTOLÆ

Sæpe etiam raucus religatus compede fossor,
Cantat arnosæ per loca Sarmatiæ.

Nec quia lusciniæ nihil est uocalius ore,
Non gemit aërijs turtur ab arboribus.

Ipsæ ego quantumuis agresti carmine sensi
Tædia longa meæ facta minora uia.

Hæc Heliconiades præbent solatia diuæ,
Suntq; domi fidæ sunt sociæq; foris.

Nostra igitur languorifero dum membra calore
Desuper igne micans urit Apollo suo,

Calce excitus equi puluis simul obruit infra,
Pistrini tenui polline sparsa putes:

Ipsæ neq; ignotum penitus, penitus neq; uolum,
Exequor huc illuc incommutatus iter:

Consolorq; uia errores æstumq; dici,
Qua ratione mihi fit, uia longa, breuis.

Consolor studiij repetens consortia nostri,
Quiq; est, quiq; fuit, semper et usus erit.

Nam prius à uestra spaciofo flumine Menus
Montis in Abiegni refluat urbe, caput,

Illeq; iam uertex unde Egra, Nabis, Sala, Menus,
Manat Iache tuis frondibus auctus erit:

Mutua quam nobis ueniant obliuia nostri,
Aut aliquid sanctam lædat amicitiam.

Hæc meditans numerisq; includens carmina pango,
Carmina disparibus qualicumq; modis.

Sæpeq;

IOACH. CAMERARII.

Sapeq; quam sensi studia inter talia nobis.

Paris prius est longa magna peracta uia.

Atq; ego nunc residens Augusta lentius in urbe,

Imperij dubias res ubi Cæsar agit,

Sicut eram commentatus descripta repente,

Marcello tibi qui mitteret ista dedi.

Marcello quo non uno studiosior alter,

Totamente mei est, est Daniele tui.

Ille etiam te mox nobiscum hic affore narrat,

Hunc ferat optatum Memnonis orta diem.

Interea fueris Daniele ubicunq; ualeto,

Vtq; tui est mihi, sit sic tibi cura mei.

Augustæ Vindel. Idus VII. Anno, 1510.

THOMAE VENATORIO

IOACH.

SAcpe mihi multis iucundus cognite Thoma

Rebus, amicitie perspectus Iure fidelis:

Si quid agam quæris, sicut puto quærere, scito

Esse loco nostras in eo res, ut tolerari

Posse putem, indignas lacrimis durisq; querelis.

Interdum (nam quæ caret omni uita labore

Diuinam mereat famam) neq; tristitia desunt

Siue recens tanquam hospitij nos cura fatigat,

Seu multa accisam sumtu quibus indiget usus

Rem minuunt, seu nota diu & consueta retardant

Incurata pedis mala, sollicitiq; labores.

EPISTOLAE

In summa tum est nil cur me conditionis,
 Consilij pigeat certi capta ratione,
 Quàmuis nec res ut uellemus publica prorsus
 Proceat, quadamq; bonum fortuna retardet
 Successum nostri studij fructumq; laboris.
 At spes non fragili fuleit tibicine mentem
 Et meliora iubet nos expectare futura.
 Quàm non mox iacto surgant de semine fruges,
 Herbaq; à cuminibus quòd pinguibus emicet agris
 Ante uides Cereris quàm donis area pregnet.
 Illa etiam quæ sunt præcocia germina, quadam
 Sese arte in lucem subito proferre coacta,
 Ut quondam memorat quos Græcus, Adonidos horti,
 Tam facile intereunt quàm sunt producta repente.
 Illi etiam foetus subitus quos edidit ortus,
 Aut nullam aut ducunt infirmo corpore uitam.
 At contra illa seges octauo prodita mense
 Matura uotis respondet fruge coloni:
 Atq; Elephas decimo tantus uix gignitur anno.
 His ego, si qua, uelut fit, non satis expediuntur,
 Consolorq; moram, ac animum confirmo labantem.
 Sed mihi cur, qui uos certe non sponte reliqui,
 Et non sum temere Sucuos delatus in agros
 Diuinum inprimis nutum arbitriumq; secutus:
 Cur mihi præcipue sit curæ res in utrunq;
 Euentam? quin quod tulerit diuina uoluntas
 Nos animo, quod & ille dabit, præsentè seramus,
Nostra

IOACH. CAMERARIJ.

Nostra opera est nosterq; labor, fortuna utriusq;
Hinc ueniet totis ueniunt unde omnia terris.
Sed teneat nostra hunc tandem sapientia finem.
Ne uidear Thoma mihi te discenda docere,
Atq; tuas tibi uelle scolas exponere. quanquam
Quid scribam? nisi quod res subiicit. At tua scilicet
Perpetua urbs rerum quales nouitate uolenti
Scribere materias tibi dictatura uidetur?
Vel nunc quos ludos dederit magna, Italia pubes
Conducta, ut fertur, mercede. quid illius ergo
Vicini instructum pompæ sit, quando remota
Africa, Cæsarei; silet modo fama triumphi.
Hæc tamen aut alij scribent, aut te mihi Thoma
Scribere nil refert, consuetas postulo cartas,
De nostris studijs, consensu, rebus, amicis.
De quibus ire frequens huc debet Epistola. Tuq;
Quo pluris facis, hoc cupide magis illa capefferes.
Tubinge, Anno 1535.

GILIELMO BIGOTIO

Gallo Ioach.

Cum tibi desertas placeat, doctissime, quondam
Maioris cura studij potiore camenas
Bigoti ablato, poscente, reuifere, sic re,
Me quoq; amor numeris habet ad te scribere iunctis.
His leuibus numeris, quorum est sermonis imago.

Y Nam

Nam neq; mens alijs subtilibus est satis, & nunc
 De uitio extremo quæ sunt etiam intima languent.
 Si tibi tantisper cultor uetus ille Lycei
 Indulget, neq; te sensus auertere paulum
 A se, nec certo prohibet decedere tractu,
 Accipe quæ in mentem ueniunt hoc tempore nobis.
 Non Neoclideo ratio sermone probatur
 Declarata mihi, qua uirtutem ille in amœnos
 Hortos, & præcepta bonæ omnia contulit artis
 In dubium & sensus quos sæpe leuissima fallunt,
 Sustulit & directam animo rationis amussim.
 Sed mihi & aduersis in rebus uita beata
 Inq; dolorifico tactu remanere uidetur,
 Et præcepta bonas concludere sentio certo
 Iudicij tanquam præscripto limitis, artes.
 Regula nec mihi naturæ fit opinio rerum.
 Idem ego credo tamen iucundum suauiter usum
 Carpendum uitæ, & breuis huius temporis æui
 Quàm minime spaciū, quasi rugis esse seuerum
 Cogendum ad rugidum ductis tristemq; tenorem.
 Et similem intento naturæ cognitioni
 Concedo, ac ueri uestigia rara sequenti
 Libertatem animo, nec se ut non explicet unquam
 Quærendi curis, sed plurima præter inertem
 Ire probo, patiorq; uagum per aperta priorum
 Atq; notata pedum signis incedere crebris
 Prata, sub Aonidum liquido uiridantia fonte.

Nec

Nec quasi semotos calles indago uiarum
Per quas ingressisq; fatigatisq; labore
Ardua uix conspecta acri est sapientia paucis
Lumine, quàm me hebetem tam crassa posse minerva.
Assequi ego quia desperaui, Sic facio nunc
Vt fecisse olim quædam uulpecula fertur,
Quæ quàm non posset saltu contingere uitem,
Illius esse uuas gustu clamaret acerbæ.
Non tamen hæc animo est innata superbia nostro,
Vt quæ forte mihi bona, fors aduersa negauit
Vt sibus inconcessa meis, contemnere tanquam
Ponderis haud soleam magni, neq; deesse laborem.
Sed magis inq; alijs admiror & illa potitos
Suspicio magniq; puto dolcoq; carere,
Damna ferendo tamen fati consolor iniqui.
Rebus in humanis stabilis perspectio ueri
Primas iure tenet. Cui totam intendere cordis
Vim cupide uestigando curamq; sagacis,
Diuinum est opus & uulgi de fece remotum.
Sed paucis, quorum uigor & celestibus alæ
Spiritus motæ mentem euexere sub ipsas
Aetheris in puro radiantes lumine sedes,
Hæc data fortunæ foelicis copia, sese
Tollere humo atq; poli petere ardua templa uolatu,
Multæ animæ ui pennigero latæ impete sursum,
Nec magis incluse quasi carcere corporis. At me
Lux offusa micans oculis tam clara fatigat.

Y ij

Ergo

EPISTOLAE

Ergo peto gelidos lucos, & anhelæ sub umbra
 Antra sequor, frondes subterq; supinus opacas,
 Nil sublime animo spectans requiesco, nec ipsas
 Nunquam uoce cio genitas loue patre sorores,
 Dicite quæ iuga Parnassi uicina tenetis
 Rupis Apollineæ, quæ laute Agamppidos unda
 Ducitis Aoniæ per florida prata choreas,
 Quo maneat cultu in terris me uita beata?
 Sic ego, de numero sic reddidit una noueno.
 Viue tua, ò bone, contentus re. Nec tibi ladat
 Alterius fortuna oculos. Nec si tibi præstat
 Robore carniuorum immanis natura ferarum,
 Nec si quo uolucres poteris pertingere nunquam,
 Accirco te hominem natum patiare moleste.
 Inuidia careat, proprijs mens, qualiacumq;
 Sint ea, lata bonis. fac & illustrem magis ut te
 Reddat quàm premat alterius spectabilis usu
 Splendor amicitie, quam suscitet illius à te
 Assiduo simplex grata observatio cului.
 Hæc Erato siue Vranie. Quæ, quippe probantur
 Bigoti mihi, si possim præstare laboro.
 Atq; ita te similesq; tui mihi iungere conor
 Officio quocumq; licet, quòd pro tenui re
 Tale quidem ut pudeat nos illius, esse fatemur.
 Sed tibi si nostra est, ut spero, nota uoluntas,
 Aut reuerentis erit te pectoris, aut ego fallor,
 A nobis acceptus honor tibi. Sed neq; fallor,

Nec

IOACH. CAMERARIU.

Nec meriti studium tibi non aridet amoris
 Doctrina eximia meriti. Sed si placet hæc ut
 Pluribus inter nos agitetur mentio uerbis,
 Crastina quo iuga demere equis properabit Apollo,
 Ad nostram uentis Bigoti tempore cœnam.
 Siue alijs tibi sermonem de rebus habere
 Gratius est de istis placitumq; tacere futurum,
 Seu quodcumq; loqui libet ac facere, ut tamen assis,
 Nostro à te dabitur studioq; pedisq; dolori.
 Ne tamen hoc tibi non prædictum forte queraris,
 Ad mensam tu me iuxta accumbente sedebis,
 Iamq; uale, & te siste nobis qua diximus hora.
 Tubingæ bruma, Anni 1538.

IOACHIM. CAMER. BARTO.

Iomæo Amantio Iurisconsulto.

V Enimus, id uotis quod Amanti sæpe petisti,
 Pectoris hæc cupidi mentio semper erat.
 Venimus huc uestram quo tendebamus ad urbem,
 Vector & emeritis iam iuga demit equis,
 Hoc ut rescires è nostris primus amicis,
 Certior Aonio redderis indicio.
 Nam neq; te studio monstrandi, si qua requirant,
 Nec quisquam officium uincet amore tuum.
 Queris uti ualeam? nam non minus, ac pariter, uel
 Nostra tibi magis est quam mihi cara salus.

EPISTOLAE

Omnia ab unius iam nunc quoq; membra dolore
 Et uitio languent debilitata, pedis.
 Nec tibi si cupiam plane perscribere possim,
 Quam bene sim firmo corpore, quàm uic male.
 Me desiderium tamen excellentis amici,
 Cuius Appollincum nomina nomen habent,
 Cuius & indocto posuit sapientia sedem,
 Inq; artes habitat corde iuuante bonas,
 Cuius honestatis succensa cupidine flagrant,
 Candida sincera pectora plena fide:
 Illius ergo facit amor me posse ualere,
 Ne uic esset fuerat qui dolor ante dolor.
 An nos Gryneum pateremur, abire parantem,
 A nobis nostra languiditate, rapi?
 Non ita quantumuis natura factus iniqua,
 Pectus in afflicto corpore molle gero.
 Hunc ego cum tantum conuenero latus amicum,
 Quod tulit, hinc rursus digrediemur iter.
 Vel si, quo nil sit mihi tristius, ille recessit,
 Id quoq; sed moesti, regrediemur iter.
 Ad nos interea properes accedere Amanti,
 Consequar ut studio quæ uolo cumq; tuo.
 Paulis perq; tuæ posito uirtutis honore,
 Officij socia fungere parte tui.
 Cumq; fori & rixis suspenderis apta creandis,
 Legis amicitiae dulcia Iura coles.

Quod

IOACH. CAMERARII.

Quod superest cū nos iam pransum conuocet hospes
 Ne sit opus uerbis pluribus, ipse ueni.
 Ipse ueni, ut dape nobiscum uescare parata,
 Colloquio fessos exhilaresh; tuo.
 Gratius hoc fuerit, quā si quæ Neccar & ista
 Munera dant uestri ditia rura soli,
 Apponat mensis ad quem diuertimus hospes,
 Sed tu, namq; ambos his moror, ipse ueni,
 Tubingæ IIII. Cal. VLis. Anno 1533.

IOACH. CAMER. BARTO-
 lomæo Amantio S.

Docte fori & legum sanciti Iuris Amanti,
 Docte magis sanctæ Iuris amicitie.
 Si te, quod cupio, morbi mala deseruerunt,
 Maxima sunt animo gaudia parta meo.
 Sed si nunc etiam morbus, quod abominor, urget,
 Hoc uno possit tristius esse nihil.
 Cum tamen inter heri te nos uidisse recordor,
 Concio qui fuimus docte Sicharde tua,
 Esse tibi melius spero quā nuper habebas,
 Cum labor è lecto surgere tantus erat.
 Qua propter nisi me spes hæc gratissima fallit,
 Omnia letitia tristia pulsa cadunt.
 Nec tibi iam rerum nostrarum imponere curam,
 Nec dubito studium sollicitare tuum.

EPISTOLÆ

Quid uerbis opus est? non magna negotia quæ me
Ad miserum exercent, sunt tibi nota, modum,
Consilij horum utinam tandem decisio uestri,
Partem in nostræ aliquam commoditatis eat.
Hoc ut agas non te rogo, Sed tamen hoc age Amanti,
Utq; tui ratio sit tibi sitq; mei.
Nil peto quod possit mihi post concessa negari,
Quo minus est aliquem par superesse metum.
Si tamen obstitit quicquam, Tu scilicet illud
Reijcies operæ sedulitate tuæ.
Omnibus ut semel expositis planeq; peractis,
Nulla sit addendæ causâ deinde mora.
Præterea Tulli nobis fac scripta disert
Mittere, causarum prodita scripta uelis.
Quæq; in ea Asconi uelut enarrata feruntur,
Tempore in hoc quæ sunt inspicienda mihi.
Inter tot tamq; innumeros tua nam quoq; certe
Continet hos ingens Bibliotheca libros.
At nostros uel adhuc paucos uectura moratur,
Vel nondum certis sarcina rebus habet.

Tubingæ IX. Septembris, Anno 1535.

CASPARI VOLANDO VIRO

doctissimo Scribæ Senatorio,

Tubingæ.

Te

IOACH. CAMERARIJ.

TE studiorum artisq; bonæ doctissime, quantum
 Vtriq;, ignotum, est dedecus, esse mihi?
 Culpa quidem nostra est, neq; enim licet esse negare,
 Sed tamen ex quadam est hæc quoq; parte tua.
 Nam me contemtas colere isto tempore diuas,
 Et sub Apollinea fronde quiete frui,
 Ante & uilia ferre opibus leuis ocia uitæ,
 Ignotum possit scilicet esse tibi?
 At tu qui fora quiq; negotia publica curas,
 Iudicij & fida colligis acta manu,
 Te ne ego si scirem studia hæc quondam coluisse,
 Illis nunc etiam posse uacare putem?
 An piget, & quibus omnis abest honor, illa uideri
 Cordi nuda tibi credo fuisse pudet.
 Nam cur dissimules te numen habere benignum?
 Cui iuga Cirreo sunt sacra iuncta solo.
 Cur ue nouenarum turbæ placuisse sororum?
 Edita de summo quæ patre turba Ioue est.
 Non hominum, rerum naturas inquinat error,
 Quodq; bonum est reddit nemo putando malum.
 Nec quia non retur studium esse hoc utile uulgus,
 Nos sacra pieridum non coluisse iuuat.
 Sic loquor Aonij quasi sit mihi semita collis,
 Et sit Castaliæ fons mihi notus aquæ.
 Si tamen interdum pro re laudata uoluntas
 Et solum in magnis est uoluisse satis:

EPISTOLAE

Diuarum dicar quæ circum Aganippidas undas
 Inq; petra ludunt Delphide, cultor ego.
 Nunc uenio ad missos à te doctissime uersus,
 Adq; mihi mirificum qui placuere modum.
 Qui numero pauci, multi bonitate probarunt,
 In genere hoc uires ingeniumq; tuum.
 Nunc mihi amore tuæ mens consuetudinis ardet.
 Nunc uideor primum te mihi nosse parum.
 Atq; ita me cupio tecum coniungere totum,
 Ut possit iunctis arctius esse nihil.
 Hæc studia à teneris semper dileximus annis,
 Sunt mihi qui fatis conciliata putent.
 Inq; meo inueniunt signa horum tempore cultus,
 Quod mea natalis luminis hora notat.
 Siue quidem hoc uerum, seu falsum est, sicut opinor,
 Hæc tamen est animo fabulæ grata meo.
 Nil moror aut magno prodire insignis honore
 Inuigilet miseræ diues auaritiæ.
 Non opibus non & caussis delector agendis,
 Sitq; frequens alijs, cura lucrosa, cliens.
 Seu natura quidem sic est, seu nostra uoluntas,
 Sunt studia hæc animo mollia grata meo.
 Sentio & esse mihi Musarum inuenta necesse,
 Musarum cupidos & coluisse uiros.
 Quem mihi si tecum bonitas tua iunxerit usum,
 Omnis erit uoti summa peracta mei.

Quod

IOACH. CAMERARIJ.

Quod tibi iura petis transmitti Noridos urbis,
 Iudicio nuper Iura probata meo,
 Hanc modo fer, dum sit quem mox confido futurum,
 Tradita ibi, nobis qui ferat illa, moram.
 Nos curæ & fidei nihil obmitteremus, ut omni
 Nos studio fiat te coluisse, palam.
 Carmina nunc tibi quæ possent nouitate placere
 Cæsareæ nisi carmina laudis opus.
 Quæ legisse uoles nisi fallor, sed tamen illa
 Atq; hæc scripta precor consule nostra boni:
 Nostra quidem studio & calami properante labore,
 Pleno scripta animo sollicitudinibus.
 Quæ, nisi turbarent optatam multa quietem,
 Et sero acciperes & mala forte minus.

Anno Christi Iesu, 1536.

GILIELMO PHYLLOBRYO.

Hanc tibi Iochimus mitto Gilielme salutem
 Hinc ubi uitifero Suenia monte patet,
 Vicinisq; tribus trino de uallibus anne,
 Auctior ad Reni flumina Neccar abit.
 Arx ubi stat priscae complectens nomina famæ,
 Nobilis in patrio structa Tubinga solo.
 Quæ tibi nam uox ignotæ peregrina Camœnæ
 Obstrepat insueto carmine forte roges?

Versibus

EPISTOLÆ

Versibus & nostro cum primis nomine lecto
 Miratus dicar, iste poeta fuit?
 Vidi ego qui penna temere ducente minutas
 Pingeret in libri margine sæpe manus,
 Inq; lito interdum uariaret multa colore,
 Nec tamen hic posses dicere pictor erat.
 Et nos in cartas nonnunquam carmina uiles
 Pierio uacua mente furore damus.
 Siue ita fert quedam nulla ratione uoluptas,
 Siue quis indoctum poscit amicus opus.
 Non nunc cassa quidem nostros ratione uoluptas,
 Curarum tenuit mole graues animos,
 Sed quod ego nollem facere, & nescire faterer,
 Ut facerem noster fecit amicus, opus.
 Inter præcipuos qui nobis primus amicos,
 Consonum habet sanctæ nomen amicitiae,
 Quo tua magnifica uirtutis gloria teste,
 Tempia per ætheriæ iam uolat alta domus,
 Ille fori & iuris consultus Amantius, Idem
 Ornatus doctum Delphicæ fronde caput.
 Nos igitur summis impulsos uiribus ille
 Aggit ad Aoniæ plectra mouenda Lyrae.
 Nil ego cui possum quicquam Gilielme negare
 Impetrare illum passus & ista fui
 Legibus & uersus ad te componere iussus,
 Dexterâ amicitiae morigerante, dedi.

Non

IOACH. CAMERARII.

Non quibus aut celebrare tuum genus aut tua *facta*,
 Aut uellem ingenij candida dona boni,
 Stemmata decantent alij uirtutis auitæ,
 Decantentq; tuæ fortia *facta* manus:
Atq; ornent dotes uerborum mentis honore,
 Aeternæ dignas laudis honore uehi,
Ut te Castalidum cultorem postera, & artis
 Ingenuæ primum secla fuisse sciant.
Non nostrum illud opus spaciū decurrere, frenis
 Arctior adductis contineatur equus
Hæc, ut dixi, alijsq; canent, & Amantius inter
 Arguto primos barbiton ungue ciens
 Cum positis curis consopitoq; dolore,
 Lata tegent pexas sarta recepta comas,
Qui nunc ah moerens & flens iacet infinitis
 Ah miser oppressus sollicitudinibus.
Te Raimonda uocans lacrimis gemituq; frequente
 Non responsurum te Raimonda uocans.
Qui nuper multis heu flebilis occubuisti,
 Dextera sepe quibus larga tulisset opem.
Sed quanquam innumeris hic flebilis occidit, *Vni*
 Præcipue est flendus Bartolomæ tibi.
Et fletur nimis ah fletur, teneat tamen iste
 Fletus in hac ingens anxietate modum.
Non certe ille tuis lacrimis gemituq; resurget,
 Te facere hoc etiam mortuus ipse uetat.

Nunc

EPISTOLAE

Nunc tibi finito resonet Lyra carmina luctu
 Viuorum ad pulcrum carmina facta decus.
 In primis Gilielmeas deducere laudes,
 Materia numeris conueniente, uelis.
 Ad quem dum nostros extorques tu prece uersus,
 Quanto iam dederis rectius ipse tuos?
 Sed nostra ad te nunc redeat Gilielme camœna,
 In certo ac tandem desinat ire pede.
 Scilicet an cum nil esset quod scribere possem,
 Atq; aliquid cuperem scribere, scribo nihil.
 Viderit hoc noster, cui nunc operamur, amicus
 Imperij casum præstet & ille sui.
 Ipse quidem quod agam tecum Gilielme quaternis,
 Per scriptum inferius uersibus omne leges.
 Quo tibi mos cunctis dare te cultoribus artis
 Ingenuæ, hoc mihi da te Gilielme modo.
 Nos ne non isto digni inueniamur amore,
 Efficiam studij sedulitate mei.
 Quod superest, quasi pieridum parnaside frondes
 Quod decerpæ augent nomina rupe tibi,
 Non ideo mea despicias Gilielme, sed ista
 Qualiacunq; boni consule scripta. Vale.
 Tubingæ CL. Ianu. Anno 1536.

IOACH. CAMER. BAR
 tolmæo Amantio. S.

NON

IOACH. CAMERARII.

Non tantas tibi ago uestro pro munere grates,
 Quas tamen ingentes, sicut oportet ago,
 Quanta promissos expecto cupidine uersus,
 Pieridos donum Bartolomæ tuæ.

Non ita totius sudore æstuq; diei
 Dum calidas lauguens gurgitor inter aquas,
 Aridulæ gelido fauces de fonte requirunt,
 Larga uel ampulla flumina fusa graui,
 Nec cum qui medicis densus uapor exit ab undis,
 Feruentem nudo torret in ore cutem,

Grata ita frigida uis inspirans molliter auræ,
 Arctooûe cadens flamen ab axe uenit:
 Quàm tua Bartolomæ mibi doctissime cordi
 Carmina sunt, claræ carmina mentis opus.

Hæc, nos quo desiderium tibi notius esset,
 Et studium Musæ Bartolomæ tuæ,
 Fumantes mersi latices dictauimus intra
 Pectore debilibus deficiente sonis,
 Ergo mala hæc & nō multa, ut prius, accipe scripta,
 Quæ proferre mihi difficile ipsa fuit.

At tu redde mihi multa & bona carmina, quorum
 Suauibus exultet mens recreata modis.
 Sed ne maxima sit tamen hæc ita magna uoluptas,
 Aut sequere, aut uersus tu comitare tuos.

In thermis Blasianis Mense Iunio, Anno 1536.

Georgio

EPISTOLAE

GEORGIO SABINO POLL

tissimo adolescenti S.

Sic ubi mater abest solus uiridi agnus in herba
 Ora requirenti pectore nota gemit,
 Sic quondam amissam Minois Thesca siccis
 Nondum etiam penitus sentit abesse, genis.
 Ipsa Phrygum attonito prospectat lumine classem,
 Sidonis Iliada uela parante uiro.
 Nec quia conficior frustra absumorq; dolendo,
 Fit desiderij mollior ille dolor.
 Atq; ita Neccaridas residens heu tristis ad undas,
 Te cupida auctum mente Philippe sequor.
 Nec uacat in lacrimas animus, nec lumina fletus
 De perturbato fundere corde ualent.
 Qui mox quam largis manabit fluctibus annis?
 Aemulus ille tuis limpide Neccar aquis,
 Tum dolor in stabili postquam quasi sede quierit,
 Certior & sensus ceperit esse mali.
 Interea mea damna leui, quo possumus uno
 Consolor uersu, care Sabine, modo.
 Te generum nostra compellans uoce Philippi,
 O Socero tanto digne reperte gener.
 Quem modo (quod mirum, cum non sit amantior alter,
 Teq; magis cupidus nemo Sabine mei.)
 Tristitia delectant aduerso tempore nostra,
 Que neq; tu dici uera Sabine neges.

Certe

IOACH. CAMERARII.

Certe magna tibi est nos deservisse voluptas

Seq; suis socerum restituisse tuum.

Non facis hoc quod tu nos oderis, Est tibi facti

Iusta Sabine tui notaq; caussa mihi.

Nos te, si placide ferres, pateremur inique

Longam hac ferre minus posse Sabine moram.

Quodq; oculo tibi desponsam cupiente puellam

Aspiciens, uelles non meminisse patris.

Cuius in aduentum cum gaudia uestra referri

Constet amoriferum laticiaeq; diem,

Si cito me, socerum cupias rediisse, relicto,

Debita nulla tuis ira cupidinibus.

Forte tibi cum mox tradetur Epistola nostra,

In thalamos fuerit ducta puella tuos,

Illa mea persape manu gestata puella,

Paruulaq; in nostrum saepe recepta sinum.

O quoties dapibus posito mihi ab orbe petitis

Visa sibi pasci suavius illa fuit?

O quoties blasa cum mecum luderet infans

Leticiae nobis Annula uoce fuit.

Que nunc aequales inter pulcerrima cunctas,

Alte formosum fert tua sponsa caput.

Vel noua, quod faustum ac foelix sit, nupta Sabini,

Optima nupta haud cum deteriore uiro.

Ad quodecunq; igitur ueniet mea littera tempus,

Hec ueniat uoti nuntia fida mei.

Z Multos

EPISTOLAE

Multos nos tibi foelices optare Sabine
 Illustris relictus ad sua signa Dei,
 Inq; omnes illo iucundas tempore luces,
 Quas tribuas cultis Pieridum studijs.
 Inq; omnes illo mellitas tempore noctes,
 Curarum in uacuo tristitiæq; toro.
 Quæ tibi cum precor atq; uolo contingere, Nuptæ
 Hæc eadem cupio cuncta uenire tuæ.
 An ubi dulce sine hac, uel si huius gaudia cessent
 Esse quid aut fieri posse Sabine putem?
 Aut illam credam tecum mutare quod usquam est,
 Esseq; si detur, te sine uelle Deam?
 Non uellet. neq; penelopes castissimus ignis
 Gaudia Telemachi prætulit ulla patri.
 Nec, memor uxoris dux diua ab Atlantide latus
 Nericius lata conditione fuit.
 Nunc animis igitur pueri concordibus ambo
 Ite agite æterna sub iuga blanda fide.
 Pulcra quidem in tota res est concordia uita,
 Semper et humanas seruat et auget opes,
 Sed generi in primis huic nexus debita sancti,
 Quo fit quæ fuerant iam duo, corpus idem.
 Nec melius quicquam esse potest optabilius uic,
 Nec fieri in terris uita beata magis,
 Vnanimis quàm si teneant bene mentibus apti
 Fœdera legitimi foemina uirq; tori.

Non

IOACH. CAMERARIJ.

Non ratione aliquis magis hostes laeserit ulla,
Gaudia non possit conciliare suis.

At fama interea præclaro nomine crescit,
Prætipuaq; horum laude celebris honor.

Viuite deuincto cum corpore mente beati,
Mutuus æterna quod face tangat amor.

Viuite o dilectæ animæ, uestrumq; parentem,
Quo toto hoc nemo est carior orbe mihi,

Quamprimum pulcro genito exhilarate nepote,
Et facite hunc soboles uestra salutet auum.

Quem uobis sit cura uirum colere atq; uereri,
Vestra sit huic pietas officiosa uiro.

Recreet à uobis ut consuetudinis usus,
Illius in magnis anxia corda malis.

Cuius præsentem cultum fortuna negauit,
In primis ista parte maligna, mihi.

Hunc tamen absentem semper uenerabor amicum,
Illabefactatam persoluamq; fidem.

Quod superest, tu nunc castis complexibus Annam
Nomine nostro etiam iunge Sabine tibi.

Tu quoq; nunc nostra, blandis comprehende lacertis
Pulcra tuum, caussa, suauius Anna uirum,

Et bene cumq; patre & uestra cum matre ualete,
O mihi non leuius quàm mea, cara domus.

Tubingæ Mense Nouembris. Anno 1539.

EPISTOLAE

IOACH. H. EOBANO

Hesso.

Haec Eobane nouem decus immortale sororum,
 De tibi Sueuorum littera rure uenit.
 Qua tibi quondam inter Ioachimus mitto salutem,
 Praecipua primos iunctus amicitia.
 Hinc ubi diuersas ternis de uallibus, uno
 Pœne loco cunctas Neccar inundat aquas.
 Quarum quæ media trepidantes urbe feruntur.
 Nomen habent quod habet Doride uoce dies.
 Delabi has saxis concluso ubi cernimus alueo,
 Aonium Solem tam procul esse, queror.
 Quid queror? esse procul minus intolerabile certe est,
 Quam credi officij non meminisse sui.
 Heu mihi si spaciū facit hæc obliuia tantum,
 Quodq; decem creuit milibus atq; decem.
 Et potuit noster quo Noride cessimus urbe,
 Cedere tantillo tempore pulsus amor.
 Namq; ego qua de alia tam longa silentia caussa,
 Velle tuas Musas Hesse tenere putem?
 Non nimum taciti Musas quas nouimus oris,
 Quasq; irritauit littera saepe mea.
 Postquam etenim audacis iuga uidimus alta Sueui,
 Hestiacæ uisa est littera nulla manus.
 At nos per francos per Norica mittimus arua
 Nostra parum cordi scripta futura tibi.

Omnia

IOACH. CAMERARIJ.

Omnia sint igitur nobis aduersa, premamur
 Vndiq; congesti mole grauant mali:
 Si subit & nostri neglectio nominis Hesso,
 Cura nec absentis iam super ullu mei.
 Quem facere ante, quid ab facere hunc uoluisse putans
 Me tamen ante alijs pluribus ille tulit. (dum,
 Scilicet hæc dico quasi quodam tempore notus,
 Esseq; quem, qui sum, mentio nostra monet.
 Et nisi carta uetus memoraret nomen, ad illud
 Parte sui nulla mens tua respiceret.
 Ergo ubi diuini laudatio carminis illa?
 Per mea quam mortem fama subire nequit.
 Illa manent ubi magnifici præconia uersus?
 Facta quibus magnis par mea uita Deis.
 Hæc & in æternum, nostrum decus, Hesse legentur.
 Et sunt uersi animi probra futura tui.
 Probra animi nullo nostro de crimine uersi,
 Namq; omni culpæ mens mea labe caret.
 Non ego forte tuo, fateor, sum dignus amore,
 Dignus eram uisus quo tamen ante tibi.
 Ergo mea ut leuitas fuerit spernenda, subesse
 Iudicio pondus debuit Hesse tuo.
 Forte mihi nocitura etiam est confessio ueri,
 Noster critq; tibi gaudia magna, dolor.
 Dissimulare tamen nequeo, quam pectora grandi
 Pieridos flagrent Hæsidios igne, mea.

EPISTOLAE

Quæ quoniam mihi iam loquitur nihil, omnia circum
 Cunctis quaq; locis muta iacere puto.
 Omnia iam feci iam per sum cuncta secutus,
 Scripta tibi hinc iterû nisi iterumq; mea,
 Nunc etiam quodam quasi tactus corda furore
 Hæc insueta malis uersibus apta dedi.
 Aut operatæ alia nos Musis nobile nulla,
 Aut hac arte manus eliciemus opus.
 Quæ siquidem nil proficient, quod abominor, ad te
 Hamera erit luctus nostra querela noui.
 Tunc ego consistens lapidosæ ad flumina ripæ
 Non radios nostri Solis abesse querar,
 Sed se illum à nobis totum auertisse dolebo,
 Vos nitidæ lacrimas inuoluetis aquæ.
 Atq; has uobiscum Neccar mox hauriet una,
 Rene tibiq; suo æfluus amne feret.
 Ante tamen præter cum labens uiderit urbem,
 Cuius de montis nomina uoce cadunt,
 Mœsticiam prodet nostram maiore Micyllo
 Murmure quàm fluitans currere sorte solet.
 Hic quæcumq; suam tractabit ut assolet artem,
 Increpita planget tum mala nostra, Lyra.
 Ipse quidem dubiam spem sollicitante timore,
 Perpetiar firmo pectore quicquid erit.
 Tu ne sit falso mihi spes concepta uideto,
 Quodq; mihi incertum nunc facis Hesse, Vale.

Tubingæ Anno Christi Iesu, 1536.

180

IOACH. CAMERARIIL
IOACH. CAMERARIVS
Iacobo Micillo S.

Quam legis è medica tibi mitto Micille salutem,
Qua seaturit tepidis ualle Bacenis, aquis.
Hanc mihi, forte tibi noti persuasit adire
Dira senescentis carnificina mali.
In qua tanta iterum nuper tormenta doloris
Vix fonti infligat qualia lictor, erant.
Quæ perferre diu cum me nō posse putarem,
Sum pridem ostensam deinde secutus opem.
Quid faciam si quæris? adhuc me scito ualere,
Speq; pati finis tædia multa boni.
Dum totos prope perspicuis demergor in undis,
Et laticosa, sedens altero saxa, dies.
Nec quisquam est qui cum grato sermone loquelas
Consummatrices temporis huius, agam.
Ergo premo tacitus lapidosa sedilia & horas,
Deputo quàm multas præterijisse putem.
Vt quot de præfinito mihi tempore restent,
Quanq; sciam longæ sit medicina moræ.
O placeat modo sancte tibi pater ò uaga giros
Cuius in æternos sidera dextra rotat.
Qui mare terrarum circumdas sedibus imis,
Et medio mundi figis in orbe solum.

Z iij Qui

EPISTOLAE

Qui misisti hominum generi, miseratus ab alto
 Depromptam è proprio corde salutis opem.
 Vnigena portante tuo, sanctissime, nato,
 Qui statuit uicta morte Trophæa Deus.
 O placeat sit ut hæc nostri medicina laboris,
 Aut placeat nobis quod tibi cunq; placet.
 Non tamen omnino est mihi nulla relicta uoluptas
 Hisq; locis aliquid quo recreamur, inest.
 Dum tremulæ spectans argentea flumina limphæ,
 Cognita in illustri dignaq; multa lacu.
 Quoq; modo fontes medijs oriantur arenis,
 Quoq; loco insurgens murmuret unda, noto.
 Deinde metallifera uenarum rupe lapillos
 Exiliens si quos deterit unda, lego.
 Tum uarias animo caussas dubitante uoluto,
 Naturæq; uagum quæro latentis iter.
 Quæ uis possit aquæ duras pertundere petras,
 Ipse mouens ortum spiritus unde trahat.
 Enascens tepidum qua flumen origine manet,
 Quæ ratio subter temperet illud humum.
 Iam quoq;, dum calidam quid pandat cogito uenam
 Iuxta alius gelidæ riuulus exit, aquæ.
 Quæ nos siue quid efficiat reperisse uidemur,
 Non sunt parua animo gaudia parta meo.
 Seu minus inuenio, tamen admiratio tempus
 Ut breue sit quod sit non breue sæpe facit.

IOACH. CAMERARIJ.

Nec magis obseruata frequens elabitur hora,
Signaq; iam modici temporis æra canunt.
Quin etiam studium memori tum mente retracto
Pieridum, & tenerum molior artis opus.
Atq; hæc de uitreo, commentans carmina, fontis
Extabam nitidi gurgite fauce tenus.
Gratia calliopea tibi, tu nos eomitata
In Solis solos non sinis esse locis.
Nec tantum auxilio depulsa molestia cessat,
Sed labor aut non est, aut leuis ipse, tuo.
Quod superest scripta hæc placeat tibi nostra Miculla
Atq; boni uersus consule queso malos
Et tua quæ quondam nos est complexa uoluntas,
Perfice ut aeterno duret amore, Vale.
In thermis Hercinijs mense Aprili, Anno 1536.

OPTIMO ADOLESCENTI

Chiliano Sinapio S.

Talia sæcla igitur quæ tu Chiliane facundo
Anni commemoras ore futura noui,
Talia sæcla suos iubeat decurrere suos,
Fatifera torquet quæ Dea fila colu.
Antiquo tua iam recrudescente dolore,
Reddita non firmo scripta fuere mihi.

Z

Q54

EPISTOLAE

Quæ simul ut legi, simul ut plenissima uidi,
 Omne felici saluificaq; prece,
 Nescio qua subito sensi mea corda moueri
 Et sibi spe faustos conciliare dies.
 Gaudia fecerunt certe ne dira uelusti
 Sic foret ut fuerat carnificina mali.
 Maeste animo & uirtute mihi patriæq; tibiq;
 Atq; tuæ gentis forte tuere decus.
 Perfacile est rebus non desperare secundis,
 Fortiter & placida stante quiete loqui.
 Undiq; sed circum turba instaurante malorum
 Sanguine polluta prælia seuæ, manu:
 Dum trepidant castris, Tuba dū canit horrida signū,
 Vere, quisquis eris, tum mihi fortis eris.
 Ergo ita fortuna bene te considerare tristi,
 Et posito claram spem retinere metu,
 Præsentis Chiliane animi est. Nam flebilis omni
 Nostrum à parte lues impetit ecce caput.
 Hinc rabies toto Martis furit impia mundo,
 Armaq; per terras undiq; mota sonant.
 Illinc tellurem pelagusq; fatigat avarus,
 Et petit ignotas quas habet orbis opes.
 Interea misera extorres spretæq; camcenæ
 Flebilibus celebrant tristia fata modis. :
 Respondent querulam uocem syluæq; lacusq;
 Et gelida è dura quæ scatet undæ petra.

Pennigere

IOACH. CAMERARII.

Pennigeræ applaudunt uiridi de fronde uolucres,

Exultant cantu lætificante feræ.

Ipsæ urbes, dictu indignum, fugitant hominesq;

Insueti ætherios participare sonos.

Nec satis, exagitant spoliatas laude, forasq;

Nudatas omni proijciunt decore.

Non sua tam ualde tamen has iniuria tangit

Nec proprio mœrent tantopere exilio:

Terrarum misera quam conditione mouentur

Infinita hominum stultitiaq; dolent.

O miserum mortale genus, canit una sororum

Quæ pulcrum à cœli nomine nomen habet.

Vestra igitur nullo stabit uestania fine?

Scilicet improbitas & caritura modo est?

Quam finitis præter fœlicia tempora labi,

Quàm plenos quanta prosperitate dies.

Quid uia uirtutis, studij quid semita recti,

Quid iuuat ingenuæ quod patet artis iter?

Cum uix inuenias qui nunc in tramite laudis,

Heu mihi de multis milibus unus eat.

Interea huc abit ille, alius diuertitur istuc.

Quo furor hunc, alium fœda libido trahit.

Deniq; ad interitum qui deferat omnis apertus,

Quæ se tota terant agmina, callis habet.

Sic hominum stultos miseranti uoce labores,

Strata super uiuo cespite, Musa canit.

EPISTOLAE

Ipse chorus modico reliquus circum ordine fusus
 Tristia prosequitur tristibus orsa modis.
 Pierio densum resonat nemus undiq; luctu,
 Concutit arboreas tanta querela comas.
 De uulgo has hominum quisquam si forte querelas,
 Nescio quis, quisquam si tamen audierit,
 Coelestes surda præter monitus abit aure
 Eq; his quod moueat se nihil esse finit.
 Sed paucosq; bonosq; Deas audire uidemus.
 Pieriamq; sequi non dubitare uiam.
 Inter quos Chiliane patent uestigia paucos
 Crebra tua Aonio conspicienda solo.
 Qui nihil à stulta uulgi improbitate moueris
 Quin studium addicas artibus omne bonis.
 Teq; sinis potius fraternæ tangere laudis
 Quæsitâ ingenio nomina clara suo.
 Nam celebris tibi sunt exempla domestica uite,
 Et consanguineos quos imiteris habes.
 Atq; utinam illa dies, fratrem nobisq; tibiq;
 Incolumen Sueuæ quæ bona reddat humo
 Linquentem Ausoniæ gratam prædiuitis oram,
 Aurea mox roseis orta uehatur equis.
 Atq; hæc tam longo tibi debita tempore tandem,
 Dissimili ueniunt carmina facta stilo.
 Quæ partim in calidis dudum exudauius undis,
 Peruigili partim mens uaga nocte dedit.

IOACH. CAMERARIJ.

Quæ tibi amici scripta boni non esse Poetæ
Grata uelim, & te æquo pectore ferre moram.
Quod superest sicut facis, ò Iuuenis mihi bino,
Et proprio & fratris nomine care tui,
Ne breue rectorum studiorum neglige tempus,
Et tua sit uirtus maxima cura, Vale.

Anno Christi Iesu, 1537.

GVIELMO BIGOTIO

Ioach.

Cum mihi te æternum quodam policerer amicum
Tempore, Bigoti, non me spes illa fefellit,
Sed tamen auspiciis est eadem progressa sinistro.
Namq; quod in te esset, tua nobis summa uoluntas
Et præsto studium fuit & condignus utriq;
Cultus amicitie. Sed uipera seua uenenum
Assuit in cœptis fœlicibus, ore nefando,
Quo te noster amor quoq; nunc absente laborat.
Sanguineo truculenta tibi quid uipera rictu,
Quid tibi pro tanto scelere & furialibus ausis
Imprecet? huc ades ò quodcunq; est carminis usquam,
Ut crepēt incantata sacre sub murmure uocis,
Et medio iaceat tabo spoliata uiarum
Tramite cum uila, pueris mox arida pellis,
Ludibrium, atq; inter clamores syrma futurum.
Eueniet dextro ex oculi magis orbe refulgens

Quod

Quàm solet emicuit iubar. ergo ego nocte silente
 Te iugulatuſ paragam mala uipera cantus,
 Teq; peremturas uoces tacito eloquar ore. Et
 Verba, ueneni uomas quæ fauces interstringant.
 Sed quid te ſapientem hominem Gilielme putabo
 Mouiſſe, ut potius cuiquam ac tibi credere uelles
 De nobis? Cum præſertim me noſcere totum
 Et poſſes & deberes. Illis neq; ut eſſem
 Notus ego, res aut tempus tulerat, neq; ut eſſem.
 Quippe fatebor, erat quæſita occaſio Certe
 Ille fuit noſter tecum ſic uſus apertus,
 Omnia ut in clara ſunt Phœbi luce ſereni.
 Nulla uoluntatis caligo, nulla latebra
 Sermonum. Ac nocuit forte hæc mihi tanta meorum
 Simplicitas morum, nocuit mihi ruſtica gentis
 Natura & manifeſta meæ, ob quam ſcilicet eſſe
 Ponendi in nullo numeroq; locoq; uidemur.
 Non ego, quòd clamat me res ſanè ipſa tacente,
 Sum Laertiades qui calliditate dolofa,
 Omnibus antecam mortalibus, ut mea fama
 Sparsa per immenſi uolet ætheris ardua templa,
 Vt canit ipſe ſuas laudes ſalebrosæ Ithacæ Rex.
 Verum idem didici doctos colere atq; uereri,
 Obſeruare bonos, uti conſtanter amicis.
 Vera loqui, ad nullas linguam conuertere fraudes.
 Cuſtodire fidem, pietatem, religionem.

IOACH. CAMERARII.

Quæ tibi nobiscum non sunt obscura, frequenter
 Versato. Ergo aliquid potuit me lædere apud te?
 Quid mihi confidam posthac quid credere cuiquam
 Non dubitem? mutata tuo si corde uoluntas
 Nunc aliena ab eo est quem pridem ornare solebat.
 Sed neq; mutata esse mihi tua pectora constat,
 Nec puto dilectum à præsentè quod oderis absens.
 Hoc est. lingua profecto bonam tentat mala mentem.
 Quam contra ut nautæ quondam ne dulce noceret
 Sirenum carmem Cephalenes, obline ceram,
 Non hanc flammivomo quæ Solis ab igne lique scat,
 Sed ratio & doctrina tibi quam subiiciat, ne
 Aduersus temere insontem mendacia amicum
 Credulus admittas. Hoc si Gilielme petenti
 Concedes mihi, quod dignum sit præstiteris te,
 Ac fuerit res hæc animo gratissima nostro.

Tubingæ, Anno Christi Iesu, 1538.

CLARISSIMO VIRO CA
 rolo Adamo. Ioach. Camer.
 Pab.

Non tua, nam liceat quæ sentio uera fateri,
 Magna quidem, tanti sunt benefacta mihi,
 Me Carole adiutum & quibus ornatum uoluisti,
 Deberem ut meritis omnia summa tuis.

Quanti

EPISTOLAE

Quanti est ille tuus, quo nos complexus amore,
 Poene loco ut me sit nemo priore facis.
 Et quod me in primis iuuat, huius opinio, caussa est
 Pieridum ac artis nomina pulchra bonae.
 Nunc libet abiectam fidente requirere corde
 Nec spem prorsum animo deseruisse meo,
 Huius uicturas in tanta peste camoenas
 Temporis, inuenta, quae me deatur, ope.
 Nunc licet, ingenuis studiis spondere salutem,
 Credere & haec fatum uincere posse suum.
 Sed ueniet fortasse alio mea tempore grati
 Pectoris interpres littera missa tibi.
 Nunc memorem subito quaedam testantia mentem
 Paruula dona meo parta labore damus.
 Quae Carole accipies, ut primo forte repertae
 Vere datum florem purpureum uiola,
 Festinante aliquis quem letum carpserit ungue,
 Non re sed studio gratificante suo.
 Haec admitte lubens. Sic aram laurea quondam
 Auget Apollo tuam grataque uirga tibi est.
 Post modo successum fors si aspirauerit, & si
 Copia prouentus uberioris erit,
 Munera plena tibi congesta fruge feremus,
 Paupere nec dabimus pauca carpta manu.
 Esi non foecundus ager nostrique benignum
 Ingenij non est fertilitate solum:

Nostre

IOACH. ICAMERARII.

Nostra malam tamen impigras, attentio, cura.
 Conferet ad fructus spem melioris humum,
 Vnde metam mox quæ confidam posse probari,
 Aequa mente quidem suscipienda tibi.
 Viderit hoc fortuna. At tu Carole hæc mea queso,
 Scripta placere tibi qualidcunq; sinas.
 Atq; tuum erga me conserva firmus amorem,
 O decus o priscae nobilitatis honos.
 Compositas longo qui maiorum ordine, doctæ
 Virtutis ceras uincis imaginibus:
 Quamque potes studijs communibus addito laudem,
 Et clarij antistes sacra tuere Dei.
 Gorgoneiq; à fonte feri & parnaßide lauro,
 Pulsa metu fugiat turba profana tui.
 Quod facis, ut facias monco, laudoq; monendo,
 Officiumq; mea comprobo uoce tuum.
 Hoc olim acclamare modo consueuimus acri,
 Sapeq; currenti subdere calcar equo.
 Viue ualeq; nouem decus immortale sororū,
 Sint Carole & fati candida fila tui.
 Tubingæ, Anno Christi Iesu, 1539.

MAGNIFICO VIRO GEOR.

gio Loxano, Ioach.

Camer. Pab.

Hæc

Hanc etiam primis Musarum cultor ab annis,
 Castalij & liquidæ fontis amator aque.
 Inclusam numeris mittit Loxane salutem,
 Commendatq; simul se studiumq; tibi.
 Idem à quo sermone data est uerbisq; solutis
 Littera dudum, alijs quàm tibi lecta prius.
 Te tamen ut uidisse etiam sperare liceret,
 Scripta sua hinc à se fecit ut acciperes.
 Addidit & uersus his carmina pauca Latini,
 Grata futura tibi sic ratus illa magis.
 Cui tua Pieridum nota esset gloria, fama
 Inclita, & hoc misero tempore certa fides.
 Qui, cum ferme alij studiorum proderè caussam,
 Et soleant nudas deseruisse Deas,
 Ipse Heliconiadum nomenq; deusq; tueris,
 Seculi & has pressas improbitate leuas.
 Hæc tua, crede mihi, uel enim tu crede tibi, istum
 Quippe tui sensum pectoris esse liquet:
 Hæc iua laus igitur maior, Loxane, futura est
 Maior & ingenuæ posteritatis honor,
 Afferet hoc meliora bonæ præconia famæ,
 Altius & uestram tollet in astra domum,
 Quàm uel uirtutis memorabile nomen auitæ,
 Et celebri antiquum nobilitate genus.
 Vel regum fauor, & splendoris culmina summi,
 Vel dubia incertæ muncra sortis, opes.

IOACH. CAMERARIJ.

An quia non sunt hæc quæ dixi maxima? certe pot
 Maxima, nec nisi qui desipit esse negat.
 Parua tamen grandi ceu gemma recondet in auro;
 Nescio quo illa magis sunt preciosa modo.
 Hoc fortasse putant multi secus esse, sed illi
 Non etiam dubitant turpe putare, bonum:
 Ac ferri poterant spernentia sacula Musas,
 His nisi & interitum perniciemq; parent.
 Heu mihi quæ nostram labefactant tempora uitam,
 Quamq; retro celeri spes bona calce fugit.
 Gramina sic segetis passim exorientia late,
 Quæq; racemifera uite propago uiret;
 Aut nitidos tenera nascentes arbore ramos,
 Impete uentorum concita grando necat.
 Non male prodierant pululantes germine pulcro,
 Quæ studia humanum initia nomen habent.
 Iamq; uidebantur radice uirescere firma,
 Crescere & in robur caperat herba suum;
 Cum subito horribilis furor & uis barbara cultum
 Ut ferus Aonidum rus populatur aper.
 Diffugiunt mox agricola, & sibi quisq; salutem
 Querit, habent nullam quæ colat arua manum.
 Arua biceps quæ parnassus subiecta tuetur,
 Præter & inde fluens pegasis unda rigat.
 Hos tu disiectos Loxane recolligis, & spem
 Euentas prohibes deposuisse boni.

Teq; ipsis socium in studijs communibus addis,
 Nec sinis exemplo descrere illa tuo.
 Maeste uoluntatis, uir praestantissime, talis
 Et decus hoc laudi iungere perge tuae.
 Nec tibi quas neclunt hederas contemne camœna,
 Cingant ut doctum Musica sarta caput.
 Actas aspiciat quæ nulla arescere, quæ nec
 Conficiat structi flamma suprema rogi.
 Nosq; ser, in multis, augere hæc floribus illis
 Quos cupida inuentos dextera forte tulit.
 Namq; alij castam & te suaue rubentem Hiacynthe,
 Albaq; purpureis lilia mista rosis
 Decerpent, Violas nos & crispantis anethi,
 Aut etiam ad tritam gramina nata uiam.
 Qualia nunc auidis manibus congestimus, inq;
 Misimus angusto fasce ligata tibi.
 Condita quæ rerum studiosa mente tuarum
 Seu bona seu mala sint consule quæso boni.
 De tamen est scripto si dicendum amplius isto,
 Materia est meritis non aliena tuis.
 Qua studium de re nostrum dissertat equestri,
 Atq; aliquam eximia curam animantis agit:
 Qui uetus à longa serie procedis auorum,
 Silesiæ celebri nomine gentis eques.
 Cuius imaginibus penetralia picta refulgent,
 Stantq; insignifera scuta super galea.

Quod

IOACH. CAMERARIJ.

Quod si tam bona sint quàm conuenientia scripta,
 Iam mea non etiam gloria nulla foret.
 Nec tibi doctrinam præceptaq; tradere rerum
 Notarum ante tibi nos uoluiffc, putes.
 Sed tibi cum primis cupiiffc placere perito,
 Stareq; iudicio nostra reperta tuo.
 Sic & Achæmenidis, quorum cura efferet in uno,
 Nati rite fuis ut ueherentur equis,
 Talia miferit, aut aliquis fortaffe Pericli,
 Hæc docuit sob olem qui prope fola fuam.
 Ergo etiam pedibus rectis infiftere dorfo,
 Ferreq; curfuram fic potuere, feri.
 Vtq; alia adducam, quo fint pomaria cultu
 Augenda antiquo fcripferit Alcinoos.
 Aut opus extructum prifco monftrarit Epeo;
 Murigradum crebra qui trabe fecit equum.
 Non quoniam illorum perhiberi, credo, Magifter
 Vellet & ingenij uincere laude fui,
 Sed potius cenfuram operæ fibi quæreret, ut te
 Cenforem noftri quærimus effer libri.
 Quod fupereff placida hæc admittas mente precamur,
 Vtq; iuues artes & tueare bonas,
 Vtq; nouem timidæ recrees Loxane fiores,
 Inq; tuis ciues me numerare, Vale.

Tubingæ Anno Chrifti Iefu, 140.

AD nos uisere quod Iacobe raro
 Et tecum esse soles domi libenter,
 Ut uerum fatear, sapis profecto,
 Si nec scua bonæ reperta mentis
 Vis dimittere, nec uenire in illa
 Festinas loca ubi molestiarum
 Plus quàm laticiae scias futurum
 Sed sanè sapere ut tibi sit ipsi
 In primis licitum, Iacobe, debes
 Nonnunq̃ tamen & uacare amicis,
 Atq; officiolo benignus esse.
 Nunc te, sponte tua quia usq; cessas,
 Si possim prece commouere blanda,
 Ad coenam uenias Iacobe nostram
 Per Musas rogo gratiasq; & ullum
 Si numeu facile atq; liberale est,
 De toto numero omnium Deorum
 Quem tot uersibus & libro frequente
 Cæci utrumq; opus explicat Poeta.
 Nos una dabimus tibi uetustam
 Re coenam, appositam ad tabellam ut ipsi.
 Porrecti in latus accumbemus unum.
 Quod si non fieri oportere dicis,

Tecum

IOACH. CAMERARIL

Tecum senio, sed necessitate
 Quod nollem facere atq; ferre cogor.
 Verum quicquid id est eritq; mecum
 Hoc tempus breue ne Iacobe coene
 In partem accipias malam rogamus.
 Quod si uersibus arbitraris esse
 Ad nos te, uelut es, malis uocatum
 Quam nunc sit male cogitato nobis,
 Atq; hanc da ueniam, & ueni libenter.

EXIMIE ERVDITO VIRO

Doctori Meliori Volmaro S.

Musica me quædam hoc exercet tempore cura.
 Musica cura mea est, ars est tua Volmare, qd ni
 Musica cura tuam sibi nunc nostra aduocet artem.
 Non pudet, ut quosdam, quædam nescire fateri
 Discere nec tædet, neq; ego persolvere nolo,
 Vel pretio ut par est uel grata mente Minerua.
 Reddere quid possim quæris? si quid dederis tu.
 Non quæ forte probes uestris collata, sed illa
 Per se non despero tamen tibi posse placere,
 Qui quid per se sit laudabile, quid minus, ut de
 Aequa perspectum suspendis lance. Sed ad rem
 Nunc uenio præ qua nimium sum multa locutus.
 Essent conniua cum quodam tempore mecum

Atq; unus citharam in potu sibi posceret, alter
 Nescio quis, cantans uocali alluderet ore.
 Noster forte, quid esse, iocans ibi Amantius inquit,
 Dicam? quod tu (me signans) bonus esse Poeta
 Dicere, nec possis tamen hac testudine carmen
 Pangere, nec socius nostris in cantibus esse,
 Et, si quis rogitet, nequeas exponere, quid sit
 In cantu prauum aut rectum. Sic dixerat ille
 Cumq; alij dictum hoc importunum esse putarent,
 Non mouit stomachum mihi, namq; id dixerat ille
 Res quod erat, soleat quàmuis offendere uerum.
 Sed posthac studui cognoscere certius illa,
 Quæ mihi propter ego reprehensus iure uidebar,
 Cum tandè in nostras quidā haud malus incidit autor
 Forte manus, psellum qui se perscriberet, atq; is
 Balbutire tamen mihi non cōst, Volmare, uisus.
 Explicat ille ctenim, nisi fallor, gnauiter artem
 Doctrinæ & causas declarat Volmare, uestræ.
 Sed tanq̃ salebras mea mens quasdam inter adhæret,
 Nonnullis ignara locis rationis & usus,
 In quibus ut præclara scientia nos tua captos
 Expediat, da quæso mihi tempusq; locumq;
 Quo te non tibi sit me conuenisse molestum,
 Obstent & nostris tua nulla negocia rebus.
 Nec turpem nobis hanc duxeris esse Palæstram.
 In similem uenit ludum quoq; Socrates olim,
Musicum

IOACH. CAMERARII.

Musicum ut audiret grauiore etate magistrum.

Ioach.

THOMAE VENATORIO S.

Optime nostrorum tibi quod conspectus amice
 Tam gratus fuit agnosco mentemq; animūq;
 Exploratum in amicitia firmum atq; fidelem.
 Cum tamen & numeris ueterem testaris amorem,
 Hac fit forma etiam multo speciosior ille,
 Fulgida ceu rutilo quæ gemma includitur auro.
 Quid dicam data sunt nostra quæ munera nate?
 Pro quibus omnibus ipse tibi quid reddere possim
 Vt non inuenio, cupio sic reddere, Thoma,
 Multa tibi, & memori conseruo debita mente.
 Interea quamuis disiungant nos iuga & annes,
 Alliget irruptis concordia pectora nodis
 Musarum cultura tamen, pietasq; fidesq;,
 Barbariæq; odium, uitij fuga, cura bonorum.
 Idq; futurum à me tibi ego promittere possum,
 A te nec minus expecto speroq; uicissim.
 Quod tamen haud uerbis sed factis præstet utraq;,
 Quæ res à ueris falsos distinguit amicos.
 Viue uale, pueriq; tui simul, & bona coniunx.
 Et si nota tibi magis ac mihi publica res est,
 Vt puto, Vangionum de cœtu quid sit, utrum sit

De hoc aliquid, quos ille dies hinc congreget atq; hinc,
 Imperij num sit conuentus deinde futurus
 Regini ut memorant antiqua ad mœnia Pyrgi.
 Copia nam celebris nobis nisi uestra quod affert,
 Nocte fugit multa nos & caligine tectum.

Ioach.

AMICO ἀγαθὸν ἰοαχ.

Camerarius S.

Quam mea amicitiae capiant obliuia nostrae
 Pectora, & officium fallat omissa fides,
 O longo eximio iuncte usu tempore, Cuius
 Nomen in hoc uersu ponere nolo, mihi,
 Purpureae citius duris insentibus uuae,
 Nascenturq; hirtis mellea poma rubis.
 Ante hiemes placido gelidae stringentur ab austro
 Nec Boreas rigido fundet ab axe niues.
 Quaq; uenit caeli Sol per conuexa supremi,
 Ibunt correpta tempora rara die.
 Quod si quae obstiterint conatibus undiq; nostris,
 Non dubitem & causas exposuisse morae,
 Quidq; opus inceptum iam perturbauerit olim,
 Prolixi haec fiat temporis historia.
 Sed quamuis sero, studiūq; operaeq; fidelis,
 Acqui nunc faciens haec tamen atq; boni

Accipe

Accipe de ueterum praeceptis signa notata,
 Quae sit in hac nati uita futura die,
 Quam tuo ab indicio perscripsimus, & rationis
 Principium nostrae fecimus atq; uiae.
 Quae tu, ut spero leges, studiose facta libenter,
 Cumq; aliqua forte hac utilitate leges.
 Nil moror ut praedicta probet res omnia, cum sit
 Haec uia nullius sub pede trita prius.
 Et nos in tenebris tanquam palpare profundis,
 Querere & ignotum nocte solemus iter.
 Quod cum cura magis doctorum pandet, & ipse
 Cognitione mea forte secutus ero,
 Vaticinae tum obscura minus praedictio cartae
 Et fors iudicij est certa futura magis.
 Nam quod ad hanc quam nunc facimus nos attinet artem,
 Haec animo constant indubitata meo:
 Stellifero fati quas fixit in aethere leges,
 Dicit & in terris quae sua Iura, Deus,
 Nosse quod & iubeat. Nam cur quae prodidit ipse,
 Incomprehensa hominum cognitione uelit.
 Sunt tamen ipsius super omnia sidera uires,
 Naturamq; sua continet ipse manu,
 Quem sibi deuinxit si quis pietate fideq;
 Astra super Domini sit comes ille sui.

IOACHIM. CAMERARIVS,

Iohanni Hospiniano S.

Cui

EPISTOLAE

Cui deriuatum formam dedit hospes ad illam
 Qua sibi quondam alius fecit de cuspide nomen,
 Quiq; fores primum si nunc mihi forte uocandus,
 Hospitianus eras: scriptam tibi mitto salutem.
 Hinc Ioachimus, ubi calidis medicamen ab undis
 Vndiq; terrarum petitur mortalibus, omnis
 Ordinis, ætatis, sexus. Pueri atq; puellæ,
 Quoq; senes & anus ueniunt, ubi rusticus atq;
 Nobilis immergit sua membra salutis egena,
 Et mento tenuis illustris de gurgite lymphæ
 Extat, arenosis incumbens sedibus, inter
 Multiplices uenas rimosa in rupe patentes,
 De quibus erumpens tepidæ restagnat aquæ uis.
 In quas forte malum notum tibi, me quoq; misit
 Intolerabilibus nuper cruciatibus actum
 Sperantem auxilium inter sperantes tot & ipsum.
 Hic ego dum prima solus de luce madesco,
 Multa animo uersans, sicut fit, quæq; peregi
 Non facienda domi aut facienda infecta reliqui,
 Hæc inter neglecta subit responsio mentem
 Ad mihi transmissos quodam à te tempore uersus.
 Debita iam nono nec adhuc, puto, mense soluta.
 Quod si tam facile es alienum soluere possem,
 Quam facile est tales nobis componere uersus,
 Quales nunc factos sine numine mitto Thaliæ,
 Salicet expensi iampridem haud debitor ullus

In tabulis nostrum perscriptum nomen haberet.
 At tamen officium facere csi pro parte uirili
 Rectum quemq; suum. Dis ipsis sacra docebat
 Sic etiam facienda Heliconidos incola uallis,
 Ille quidem pastor quondam sed munere factus
 Formosæ uates mox munere Mnemosynines.
 Nec mihi, cum multi faciant operæ atq; laborum
 Versibus edendis precium memorabile, duco
 Turpe, leui uiles scripturæ impendere cartas.
 Seu cupio hanc alijs animi perferre fideli
 Sensa ministerio nostri, seu fallere tempus
 Grata quæro mora, quod nunc conamur utramq;.
 Quod si nemo nisi pecudum qui sanguine centum
 Humectare Deum casarum altaria possit,
 Audeat esse sacris augusta operatus in æde,
 Coelicolum raro nasi tangantur odore
 Exticremis ueniat qui de carbonibus. At iam
 Agno uno aut capra, quin & iam ture litatur.
 Sed redeo ad tua missa mihi gratissima quondam
 Carmina, quæ studiumq; tuum ingeniumq; probarunt.
 Ergo ego currentem quanquam incito te tamē hortor,
 Quodq; licet spretas misero hoc ut tempore diuas
 Sectere & tutare rogo, nec sic tibi quicquam
 Præclarum uita ac magnum uideatur in ista,
 Qua uariis furor & regnat uesania, Nec te
 Aut lucri aut falsi species peruertat honoris,

Vt tibi Parnassi colles & castalis unda
 Sordeat. hæc, falcor, non ornant commoda uulgi
 Vana nec attollit populari gloria uento,
 Sed cœlestis in his uera oblectatio mentis,
 Sed uirtutis inest decus, & constantia sanctæ.
 Dentq; quicquid in humanis laudabile rebus
 (Vnde suo humani studium hoc quoq; nomine fertur,
 Hoc urgebis & hæc uenerabere numina semper,
 Quod facis. Hic quid agam, quæ lux opis eriteat. Si
 Forte rogas. Nunc sanctæ etiam me scito ualere,
 Hasq; salutiferas undas sperare futuras.
 Spes formosa Dea est, eadem est lentissima. Quam ne
 Per terras uaga ferretur, sed semper adesset
 Humanis infixâ animis, oppressit in imo
 Vasis morbiferi fundo uicors Epimetheus.
 Spes alit extorres. Pendentem etiam in cruce uix spes
 Deserit. Hæc eadem solatur nos quoq;, sed sic
 Nostra Deo in solo ut spes hæreat, utq; mihi omnem
 Ex ipso euentum prorsus credam esse, nihilq;
 Vtilius melius nunc ac quod uelit ipse futurum.
 Quod superest nostris dices uerbis Iacobo,
 Si tamen est etiam nunc uobiscum ille, salutem.
 Concordiq; animo studijs communibus ambo
 Et uirtuti operam nostram nauabitis omnem.
 Hæc tibi per uitrei meditati flumina fontis
 Postmodo non accurato calamo perarata.
 Misimus. In meliorem hæc partem pone. Valeq;.

IOACH. CAMERARII.

CASPARI VOLANDO IVRISC.

compatri S. Ioach.

DUm mecum instabilis reputo discrimina uite,
 Et uarios hominum casus, incertaq; fati
 Tempora, dum dubios euentus consiliorum,
 Quæ bene capta diuq; animo uersata fueræ,
 Tunc ego, compater, interdum sic cogito, uero
 Antiquum, quicumq; est autor, uincere uerbum,
 Non nasci bonitate homini primum esse, secundum,
 Quod perhibet, celeri, si lucem morte relinquat.
 Cum uero & quondam nobis iuuenilibus annis
 Qui sæpe obiectus fuerit dementibus error,
 Quiq; agitet non sana etiam num corda frequenter,
 Intra se reminiscendo mens conscia uersat,
 Tum uiuisse dolet, tum me piget & pudet aui.
 Ergo precor mortem. Nunc ergo occumbere uellem?
 Non puto. namq; uelut mea coti illisa resultat
 Oblata facie exitij interitusq; uoluntas.
 Ut quem prisca refert pressum sub fasce maligno,
 Fabula uoce senem lacrimante orasse supremam
 Mortis opem. uenit illa ecquidq; uelit rogat, iste
 Territus ut sibi onus petit attollendo leuaret.
 Ergo ut ab Astræis mare fratribus exagitatum,
 Sic animi uite nostri iactantur in undis.
 Quis portus tamen, an portus proponitur ullus?

EPISTOLAE

In dominum curas coeli terraeq; reponi
 Iesaidæ suadent coelestia carmina uatis.
 Cuius natus & ipse, eadem clarissima proles.
 Nos monet, ut partis dapibus, uescamur, & intra
 Legitimos hilares carpamus gaudia lectos,
 Quippe placere Deo studiumq; operamq; fidelem.
 Quorsum hæc tandem, inquis, quid uē ista petita sibi
 Mentio tam longe? Volui carissime tecum, (uult
 Compater, intima sensa mea communia mentis,
 (Quæ te sperarem facturum æquiq; boniq;))
 Nunc facere, & releuare simul mea pectora curis
 In cartameieclis ad fidum prorsus amicum.
 Sed quia iam meliore refulgens lumine phæbus,
 Festiferum retulit tempus letabilis ocij,
 Hæc melius coram mox disscriuisse licebit.
 Et tu care, mihi, si uis, pater addite, mecum
 Non canare male, hunc uenies quàm quinq; repulsa
 Acra sonent prius, atq; feres satiabile tecum
 Pectus, & appositas epulas potumq; uelit quod
 Consuluisse boni. Medicus Leonartus ibidem
 Alter & ille aderit quem uos dimittere dicunt
 Cum retinere foret melius fortasse. Sed aio
 Fortasse, hæc falli quia possum compater in re.
 Optime nil rerum, scio compater utile quid sit
 Quid uē secus. Quin nota etiam iam nescio, id unum
 Scimus adhuc tamen, & posthac quoq; scire uolemus
Fidum

IOACH. CAMERARIJ.

Fidum animum præstare quibusq; in rebus, amicis.

Ioach.

CASPARI VOLANDO COME

patri S. Ioach.

NOte mihi longo cariss. compater usu
 Dulcis amicitiae, & fidei spectamine rara,
 Istic rixarum dum tu fora plena frequentas,
 Legitimæ exæquans lites examine normæ,
 Nos hic Herciniæ laticosa ualle sedemus
 Et morbi in tepidis medicamina querimus undis.
 Scire cupis quid opis sit adhuc mihi forte repertum?
 Re modicum sed me spes consolatur, & audet.
 Tristibus euentum multis promittere latum.
 Quid faciam? inuisas fugerent cum numina terras
 Et mala cum totum uolitarent sparsa per orbem
 Vna doloriferi labris hæc uasis inhæsit.
 Hanc sequor, hanc tenco, hanc elabi nõ sino, nec quod
 Me sæpe est frustrata, ideo illam auersor & odi
 Et tamen euentus me iam minus ac minus angit,
 Decurso ætatis spatio maiore, uidentem
 Quæ sit uita hominum, subeant quæ tempora, quæ res,
 Quod uulgi studium, quæ regum pectora curæ
 Sollicitent. Laudi ac uirtuti quis locus? aut quis
 Iam lucro decus, utilibus præponit honestæ
 Ipsos in mores uitia inuascere nefanda.
 Turpe putat nemo fraudare ac fallere fretum.

EPISTOLAE

Pollicitis, uerum simulare. Deum q̃; homines q̃;
 Spernere, quid gestus dicam ornatus q̃; pudendos?
 Quid rabiem uetitam ludorum legibus olim,
 Deformes memorem quid ab ebrietate furores?
 His rebus grandes passim magniq̃; tenentur,
 Has teneri discunt paruiq̃; imitantur. Ego ne
 Quod faciunt reges populum uitare iubebo?
 Non exempla sequi debere domestica natos?
 Nil disciplinae est reliquum, confusa profanis
 Suut sacra, barbaries & uis dominatur iniqua
 Interijt cultus uitae, temere omnia fiunt
 Ut quondam unocula cyclopum in gente. Sed huius
 Vnus tam miserae cladis, si querimus est fons,
 Vna & origo mali reperitur prisca recentis,
 De qua flumina non cessant manare laborum,
 Religio peruersa nocente superstitione,
 Diuiniq̃; alijs adiuncti rebus honores,
 Ambitioq̃; leuis regnandi & dira libido
 In cætu tibi Christe sacro. heu mihi qualia monstra
 Quanta aluit portenta tuo quasita cruore
 Pars hominum, quod seruitium quæ uincula sensit
 Sancta Dei natio, gens hæres regia cœli,
 Quæ nuper patefacta graues peperere tumultus,
 Et lacris falsæ iam libera religionis
 Corda exultarunt nimium gauisa, bonamq̃;
 Corruerunt nonnullo peccamine caussam.
 Quis tamen hæc inter, posito certamine, uel Rex

Vel

IOACH. CAMERARII.

Vel Præsul, Princeps uic pericula maxima cernens
 Impendere tuo de nomine Christe uocato
 Communi populo, studuit depellere pestem?
 Nunc foeda est laceris miseranda Ecclesia membris
 De q; sua cernas pugnare cupidine, de q;
 Viribus augendis quacunq; tyrannidos arte,
 Atq; suis huius factis prætexere curam
 Omnes quiq; sacri perhibentur quiq; profani.
 Nos consolari tamen hoc debetq; potestq;
 Quod nube errorum pulsa falsisq; retectis
 In ueri claro uersantur lumine mentes,
 Nam doctrina quidem nobis integra sacrorum
 Contigit, & ueterum peccata grauissima damnat.
 Quiq; Deo placeant cultus ostendit & omnes
 Conatus se fretorum conuellit inanes.
 Quid sit non dubium est uerum. Quid iam petat ille
 Quid fugiat, quid agat rerum hic, quid non agat iste
 Cur ego in hac recti & ueri iam luce laborem?
 Sed miserum est nostrum plenisq; laboribus æuum
 Nec quod te iuuat inuenias. nam ferrea certe hæc
 Tempora sunt ferro uel si qua nocentior est res.
 Non ego communis tolerando incommoda sortis
 Aequa mente feram compensans tristitia latis?
 An malim in placida quondam uixisse quiete?
 Socraticoq; uelut prisco iacuisse sub antro,
 Pro rebus quedam rerum simulacra secutus?
 Non ita. nam uero nihil est optabilius, nil.

EPISTOLAE

Quod præferre uelit non sana mentis egensus
 Tu quoq; Christe tuos uoluisti degere talem
 In terris uitam cupidos excedere, ne quid
 Quod remoraretur tendentes afforet ad te.
 Nunc igitur fidens animis fultusq; bona spe
 Nil infelicem metuo hanc amittere lucem
 Nec me terribilis nigris & dura tenebris
 Mors terret, pallens seui formidine ditis.
 Et tamen est multis factis polluta nefandis
 Multis flagitijs temerata est uita, recordor
 Heu quot præsentis, quot & heu delicta prioris
 Temporis. O maculas fadas iuuenilibus annis
 Aspersas. O matura peccata peracta
 Atq; ætate graui, pariunt sane illa dolorem
 Non tamen & captam me spem deponere cogunt.
 Gratia Christe tibi, tu nostro robora cordi
 Attribuis, tantumq; iubes tibi fidere. Tu me
 Non ideo quia criminibus uitijsq; tenemur
 Innumeris, pateris cor despondere, docesq;
 A patre sperandam per te solum esse salutem,
 Cuius late obeat totas miseratione terras
 Et Pelagus transcendat & æthera compleat altum.
 Hac & ego pressis animis super ipse quiesco.
 Semper enim fuit incertis diuersa uoluntas
 Consilij, uarioq; uagans sententia scrpsit
 Proposito humanis in mentibus, hic modo pulcra
 Visa sibi, culpauit, hic ante reprehensa probauit.

Hec

IOACH. CAMERARII.

Hæc alij placuit uia, at hæc alij omnia deorsum
Quippe hoc mortali ac sursum iactantur in orbe,
Et rapido cursu ceu qui præterfluit amnis
Instabili in mundo subito reuoluta feruntur,
Nil firmum ac fixum est rerum. Tua sola Deus uox
Cuncta regens cunctis tribuens uitam atq; salutem
Immutabilibus conseruatur rata uerbis.
Hæc freti sumus hæc confidimus, hæc tibi mecum
Conueniunt si dilectissime compater, aude
Vti iisdem. Si dissentis meliora doceto
Atq; boni fac quæso malos per balneaueris.
Compositos medicis madidi dum namus in undis
Nec præsumtum animo tempus discedimus ante.

Tubingæ Anno 1539.

D. MELIORI VOLMARIO

S. D. Ioach.

Volmare pieridum et claria pars magna cæterua,
Ad te, quæ mandata habeã quæso accipe, sed me
Prænarrare etiam quiddam patiare libenter.
A nostræ nuper dum consuetudine uitæ
Torpentem studeo paulum deducere mentem,
Languida & assumpto membra exercere labore:
Harderum inuiso, quo non uir fortior alter
Nec melior, fidei nec conseruantior, & quod
Nunc rarum est, animi niueo candore renidens,

b iij Dicere

EPISTOLAE

Dicere quiq; ausit uerbis, quod pectore sentit,
 Quodq; minus sentit simulatum dicere nolit.
 Sed tibi quid memorem? quæ sunt notissima. ad illum
 Perfectum nobis animi constantis amicum,
 Compatri excuro sociusq; comesq; Volandi,
 Stiggelus accedit nactus sudore caballum
 Vix multo tandem, magna expectatio læti
 Quo recreemur habet nos inter temporis illam
 Quam sermone uiam terimus cursuq; uagante,
 Sicut fit curis dum libera corda remissis,
 Nil quod agant meditantur, eunt huc rursus & illuc
 Allucinabundi portantes tarda caballi
 Corpora, & impressi subsultans pondus ephippij
 Ambulat & uaria in uarijs oratio rebus.
 Iamq; tuas Hereburga procul uix contuor arces,
 Deq; sinu promptis oculis contemplor, ibiq;
 Quam sit adhuc lento uia facta intelligo gressu.
 Ergo hortor comites properent, properantibus illis
 Cantharius sonipes offendit compatri, ut per
 Crebra uiam salcra extabat. ridemus, & horam
 Oppida uix umbra decimam signante, subimus.
 Hic caupo triplici uino nos excipit, utq;
 Gustabamus & hoc atq; illud rursus, & istud,
 Extremus sapor aut erat, aut referebat acetum.
 Hinc cito fert animus discedere. uenimus ergo
 Hortorum quo uilla loco tua nomine dicta
 Visitar antiquæ specimen uirtutis, & huius

Hardere

IOACH. CAMERARII.

Hardere etatis decus. O quàm suscipit ille
 Nos cupide hospitio? quanto coniungere dextram
 Festinat studio? ad prima ostia profilit ipse
 Et famulos curare iubet iumenta. Venite
 Vos, ait, o carissima turba. It præ, sequimur nos.
 Quàm bene tractarit nos si fortasse requiris,
 Singula posse modis, me scito exponere nullis,
 Non mihi si linguæ centum sint oraq; centum,
 Omnia sed dicam simul. Haud melius fuit usquam.
 Hic ille, heus ubi uos, inquit, liquisse uoracem
 Doctoremq; meum dicam mensæq; magistrum
 Volmarium, med cumq; Lupum? Tibi nunc Ioachime
 Ille igitur labor esto, ambos adducere tecum,
 Tuq; Volande & tu facito istum Stiggle coetum
 Concelebreitis. Io iuuat omnes ponere curas,
 Cumq; bonis bene, dum Deus hoc permittit, amicis
 Viuere. Quid nam aliud sit uiuere? Sic erit, inquam,
 Atq; operam dabimus curentur ut omnia recte.
 Sed quàm mox præsto esse iubes? post quattuor, inquit
 Ille, dies. nequit hoc fieri, inquam. ergo adijcit octo.
 Iamq; dies cœlo decesserat, almaq; curru
 Noctiuago phœbe medium pulsabat Olympum.
 Harderus, neq; enim uina inter dulcia & inter
 Iucundus sopor est garritus cordi, age prome
 Si quid adest potus quo fiat gravior, inquit.
 Inferriq; iubet raphanos. ego primus in illos
 Inijcioq; manus & crebros deuoro, nec quàm

EPISTOLAE

Sedula tunc auide multos demiserit aluo
 Dextra nimis, facile est numerabile, dumq; iocantes
 Potantesq; simul, plaudentes & tibi Clausse
 Arcu uictori, paruae tuae praemia uestis
 Efferrimus uerbis, tandem nox humida caelo
 Precipitans suadent & plurima pocula somnum.
 Heu mihi quam totis nihil est durabile terris
 Quod iuuet, heu quam non est unquam longa uoluptas.
 Ecce sopor placidus iam sole abscesserat orto,
 Erigo me sperans stulta noua gaudia mente,
 Cum stringi pectus, corq; inturgescere, & ipsa
 Linquere me magno coepit mens agra dolore.
 In lectum uix me refero. Tunc omnia luctu
 Omnia tristitia plena & taciturna uideres.
 Hic ego, quanta illis nostrae esset cura salutis,
 Perspexi. Deus, ut grates gaudentibus opto,
 Successum aspireset dignas dependere possim,
 Non opis est etenim nostrae, & praecleara uoluntas,
 Viribus inferior. Sed quid te demoror? aut cur
 Sollicitis onero te mecum Volmare uerbis?
 Quin data nunc potius perago mandata, paroq;
 Me ipse ad iter? Quare dictam, quae tertia mensis
 Sextilis nonas anteit cognoscito, nobis
 Volmare docte diem, quem tu medicusq; uoletis.
 Sic studiose ut nos cupide ille expectat obire.
 Non dubito facietis, & hoc quod tantopere illum,
 Et nostros uersus uelle atq; rogare uidetis.

IOACH. CAMERARIJ.

*Sin detreſtaritis, at acri carmen iambo,
Non magis Aufidio deductum à flumine curret,
Plura his adijcerem, niſi carta hic deficeret me.*

Tubingæ V. Cal. VII. Anno 1545.

IOANNES STIGELIVS IOACHIL
mo Camerario Neapoli ocium cum Muſis
agenti, amico cariſſ. S. D.

Domo abſui hoc oſtiduum. Reuerſo uero reddi-
tum mihi fuit ſcriptum de Eobano tuum, quod
perlegi auidiſſime. Ac mirum eſt quantopere me dele-
ſtarit, non modo hiſtoria illorum temporum, ſed etiam
genus dicendi tuum, purum ac elegans, & ad res quas
exprimit, accommodatiſſimum. Sed quia idem mihi ac-
cidit, quod ſitientibus ſolet, qui feſtinabundi primo im-
petu, oblata frigida ingurgitantes ſeſe, uelut abutuna-
tur, mox cum paulatim deguſtant, maiorem uolupta-
tem ex ſenſu ſaporis capiunt. Sic ego non remittam
hoc ſcriptum priuſquam eius iucundiſſimæ lectione ſim
cum intimæ delectationis ſenſu ita exatiatus, ut alijs
quoq; inde commemorare, quæ meminerim, poſſim.
Quod cupis à me adijci, ſi quid mihi de illis temporis
bus cognitum ſit, plane tu quidem ex lapide argentum.
Quid enim ſciam ego? qui admodum adoleſcens in noti-
tiam Eobani iam ſenſis perueni. Mutiani nomen celebre
iam puer ſum admiratus unice, de quo quidem audiui

b v per

EPISTOLAE

permulta, cognitu atq; imitatione digna, quæ successu
 temporis publica perturbatio mihi exemit e memoria,
 aut ita peruerit, ut res quidem aliquas commemorare
 possim, ordinem tamen & modum amiserim. Memini
 me puerum Epitaphio complexum fuisse eius laudem,
 id subscripsi, ut legeres, meum q; desiderium, quale
 iam tum fuerit, istorum hominum, quos audiebam
 Poetas salutare, agnosceres.

HAc tumulatus humo, Rufus post fata quiesco,
 Ardua qui clarum nomen ad astra tuli
 Prima mihi teneræ dedit incunabula uitæ
 Hæstia, fertilibus terra recincta iugis
 Cum mihi adhuc uiridi uernaret flore iuuentus,
 Nec tegetet flauas hispida barba genas,
 Ingenuas colui Musis ducentibus artes,
 Deditus & studiis nocte deq; fui.
 Hinc didici rerum uarias cognoscere causas,
 Quasq; parit miras terra fretumq; uices.
 Interdum uersus, & blanda poemata finxi,
 Qualia Virgilium nemo probasse neget.
 Cumq; mihi uires prouectior adderet ætas,
 Cura mihi leges noscere Iuris erat.
 Sed mihi cum Musis & caris uiuere amicis,
 Plus placuit trepida quàm fora lite sequi.
 Omnia nam quoniam stulte transire uidebam,
 Non sitij tituli nomina magna mei.

Aula

IOACH. CAMERARIL

Aulas præcipue fugi, quia fulmen ab Aulis,
Et fortuna pijs sæpe sinistra, uenit.
Aurea me blandi fœuit clementia cœli,
Qua iacet uberibus Gotha beata iugis.
Hic ego traduxi tranquilla tempora pacis,
Hic mihi pax uere uita beata fuit,
Inuida me donec caro mors abstulit æuo
Et mea sub uiridi condidit ossa solo.
Quàm bene nunc recubo florentibus oblitus herbis.
Hoc mihi perpetui nominis omen erit.

ET quoniam hæc scribo stans in pro cinctu ad si-
gnum horæ datum recta iturus ad auditorium
meum, finem Epistolæ faciam. Scribam uero proxime
copiosius, & mittam carmen de Spiritu sancto.
Optime uale in æternum. Ienæ 19. Septem-
Anno LI.

Es fromum saluto amanter
& officiose.

IOACH. CAMER. PHILIPPO

Bechio opt.artium Magistro, amico S.

EN tibi tandem operas scripturæ tuæ expressione
perfectas, id quod & tu quidem sæpe fieri opta-
uisti, & ego non nolui, fortuna autem hæc lenus multipli-
ce & uaria aduersatione quasi ex composito editionem
hanc impediuit. Et nisi nuper ego, & Ioachimus meus
discedentes

EPISTOLAE

discedentes Lipsia (facta, ut scis, potestate Magistris
 scholasticis, ut abesse istinc aliquantisper liceret) forte
 simul has cartas abstulissimus, quis scit quando, uel an
 unquam euenisset, ut hic libellus in publicum prodiret.
 Nunc enim mihi hic residenti, et ocij tantū, & ea occa-
 sio fuit, ut studium editioni huic, id quod admodum
 cupiebā, impendere tandē concederetur. Etsi enim tua
 descriptione plerāq; omnia satis luculente erant exara-
 ta, tamen & nostrorum quædam scriptorum, & Eo-
 banicarum epistolarum ad alios, quas postea nacti sum-
 mus, explicatio atq; distinctio, nostram recognitionem
 desiderabat. Quæ nisi opportunitas tanta & temporis
 & elaborationis fuisset oblata, haud scio an nunquam
 huic editioni opera à me fuisset impensa. De qua etsi
 me non fugit, quin alij aliorum sermones sint futuri,
 Non dubito tamen bonos & bonarum artium amana-
 tes ex lectione huius libelli uoluptatē esse percepturos
 singularem, & aliquos fructum quoq; ut ne eos qui-
 dem defuturos esse confidam, à quibus gratiæ agantur
 nobis, quorum diligentia ac assiduitate effectum fue-
 rit, ut in publicum ista prodirent. Mihi certe iucundiss.
 est memoria temporum illorum, quorum in his scriptis
 mentio fit, quam hoc pacto renouari sentio, cum sua-
 uiss. rerum memorabilium, & uirorum uirtute & pie-
 tate atq; doctrina præstantium, & in literis actæ uitæ
 & dulciss. societatis quasi negotiorum Musicorum.
 Itaq; letor istas cartas, inter tot raras migrationes, &

harum

IOACH. CAMERARII.

harum tam uariam & interdum dubiam fortunam, esse
se conseruatas, alijs amissis, quæ forte à plerisq; multo
fierent atq; æstimarentur carius. Quamquam autē nunc
quoq; inter cartas nostras iacere non pauca crederem,
quibus hæc editio cum augeri tum ornari posset, nō du-
xi tamen negligendam hanc commoduatē, diuulgando
ea quæ penes me modo essent, & quorum ego elabo-
rationem mea præsentia adiuuare possem. Mitto autem
tibi hunc libellum, mi Philippe, non tam ut legendis his
te oblectes, quàm ut scias defendendi huius facti tibi etiā
onus esse impositum, qui ad hoc mihi hortator & insti-
gator fueris, ut, quicquid à me sit actum, id tibi quoq;
præstādum esse nō ignores. Sed facilis, ut opinor, causa
erit ad bonos. Malos neq; ego moror, neq; tu cures cen-
seo. Quid tamē deinceps ad augendū huiusmodi mercib.
tabernulas librarias, animi nobis esse debeat, de euentu
huius editionis poterimus decernere. Si enim hæc nō ma-
lā in partē accipi intellēxerimus, erimus ad alia promen-
da alacriores, adq; illa etiam cum componenda tum dis-
ponenda, tua, ut spero, opera utemur. Vbi esses hoc
tempore nesciebamus. Quod Lipsiam tamen te
rediisse arbitraremur, mandata dare co-
gitabamus illic ut libellus iste tibi
traderetur. Vale. Norim-
bergæ Calend. Fe-
bruarij.

FINIS.



ERRATA EXPRESSIONIS, SIC
 emendabuntur. A iiij. dorso, uersu 15. lege exprobrat,
 A 5. u. 4. l. autogra. A 6. u. 14. l. fastis. D. u. 11. l.
 temporis hac instit. B 6. d. u. à fine 4. l. elegantissimis
 ep. B. 7. d. u. 3. l. consens. B ultimo d. l. singularis
 Eob. C. 6. d. u. 2. l. autem ob. C. ultimo d. u. 12. l.
 sa. ros. D. u. 1. l. amans Eob. & mox, posset fac. Et
 u. 5. produceret D ij. d. u. ultimo l. incommodo. D
 iiij. u. 3. l. quiesce. E. 7. u. 5. à fine l. sacrar. Do. in
 ducantur. u. 1. repetita uerba. F iiij. d. u. à fine 1. l.
 prem. F 7. u. à fine 9. l. Lucife. F ultimo d. u. 1. l. uix
 unq. G. u. 3. l. misc. G. iiij. d. u. à fine 5. l. flabel.
 G. 7. u. 1. l. pergracando. u. à f. 3. nolu. Do. u. à f. 2.
 l. familiari H. ij. u. à f. 3. εἶναι, & ultimo τερεατ.
 Do. u. 15. l. pacif. H. iiij. u. 9. & 10. l. ἀνιγμυατοα
 & gene. H. 5. d. u. 14. l. proficisci. H. 6. u. à f. 10.
 l. erudito Do. u. 6. l. τῶ. H. 7. u. 10. l. Siculas
 I 7. u. 5. l. lutul. K. d. u. 10. l. iuue. & u. 15. l. Vale,
 K. ij. d. u. à f. 5. l. partem K. iiij. u. 14. l. legalis,
 d. u. 9. l. ut ex animo me L. ij. u. 3. l. doctis, L. iiij.
 d. u. 6. l. quoniam L. 5. d. u. 14. l. est mihi om. L. 6
 u. 16. l. silicern. L. 7. u. 3. l. longius, d. u. 11. l. uid.
 L. ultimo u. à f. 1. l. possumus M. u. 6. l. minime ues
 lim, M. iiij. u. 3. l. ἀσυνόδε. M. 6. u. à f. 11. l. prec.
 & u. 9. l. Si rar. N. ij. d. u. à f. 7. l. illum N. iiij.
 u. à f. 7. l. β. i' λ. N. 6. d. u. 8. l. coenæ pa. N. 7. d.
 u. 14. l. mortem, O. u. 1. l. prandeas, O ij. d. u. à f.
 1. inducatur, nisi. O. iiij. u. à f. 5. l. reddidero. O. 6.
 d. u.

d. u. à f. ij. l. spira O 7. u. à f. 3. l. ueni O ultimo
 u. 7. l. affixi. do. u. à f. 9. l. liberalem hab. P. 1. d.
 u. à f. 11. l. uidebor, O 7. l. summæ toti. P. 7. d. u. 5. l.
 talis er. O u. 6. l. ferebat, Q ij. l. uestra, Q iij. u.
 à f. 11. l. redderet Q iij. d. l. fidelissime. Q. 5. d.
 u. 10. l. olim no. O u. à f. 6. l. audaciæ ac. Q 6. d.
 u. 5. l. γενναῖος. R. d. u. ultimo l. mei am. R. ij. d.
 11. 1. l. quæse of. R. iij. u. 6. l. solutis, O 11. l. bea
 uenolis. R. 5. u. à f. 8. l. feres en. R. 6. u. 4. l. O
 inpr. O 8. policeam. R. ultimo u. 5. l. cum tec. S. ij.
 d. u. 3. l. negarim O u. à f. 6. l. tecta pu. S. 5. u. à f.
 3. l. excusas, T. d. u. à f. 9. l. quid illic par. T. iij. u.
 13. l. quem O ob. T. iij. d. u. 4. l. quot sue. T. 6. d.
 u. à f. 6. l. coniunct. V. 5. d. u. à f. 4. l. police. X. u.
 10. l. Arcte com. X. iij. u. 15. l. cunctisne fe. X. 6. d.
 u. 11. fluctibus il. O 13. constitimus X. 7. d. u. 13. l.
 neq; notum, X. ultimo u. 11. l. Idib. Do. u. 1. l. In
 summa tamen O u. 2. l. captæ rat. O u. 9. l. acumin.
 X. d. u. 8. à f. l. rigid. Y. 7. u. 11. l. alijsq. Y. ultimo
 u. 14. l. clariæ. Z. iij. u. 4. l. ulla mei. 4. iij. d. u. 2.
 à f. l. accube, 45. u. 10. l. nostræ. 4 7. u. à f. 4. l.
 uestram.

Handwritten text in a cursive script, likely from a 17th or 18th-century manuscript. The text is arranged in approximately 20 lines, though many are illegible due to fading and a large dark stain in the center. The script appears to be a form of early modern English or French cursive.

Additional handwritten text at the bottom of the page, continuing the cursive script. This section is also largely illegible due to fading and the overall condition of the document.











